

MICHAELIS ARCHANGELI

L V P O L I

ARCHIEPISCOPI COMPSANI

O P V S C V L A

PRIMAE AETATIS QVAE EXSTANT

Accedunt paucula post inde vulgata.



*In anteq. gemma ap. Aquilarem*



NEAPOLI

TITIS SOCIORUM MORELLI ET DE BONIS

MDCCCXXXIII,



## DONATO THOMASIO

A SANCTIORIBVS SECRETIORIBVSQVE REGIS CONSILIIS

Franciscus Xaverius Lupoli.

*J*amdiu est, quod me litterati homines obtundunt, ut Fratris lucubrationculas errantes, quae prima aetate pro re nata conscripsit, ac identidem protulit, in unum collectas publici iuris facerem. Quod ego quum saepius, atque ad ravim usque ab eo expostulaverim, neque enim nisi ipso volente me facile votis amicorum hoc efflagitantium vinci passus essem, numquam non multa ac varia caussatus est, cui adquiescere oportuit.

\*

*Nimirum ex commentationibus, quibus plerique antiqui lapides illustrantur, alias informes, et adhuc adfectas in forulis se habere aiebat, quas eo modo nullatenus in lucem edendas ducebat; alias vero vel adumbratas, vel summis digitis tractatas, ut farragines potius, quam dissertationes dici mererentur, quibus ut formam qualemcumque tribueret, omnino per curas Episcopales, quibus unde unde obruebatur, non licebat. Atque etsi ad haec aliquid hiscere non ausus fuerim, ut tamen inter remorantem Fratrem, et amicos impellentes rem pactione aliqua veluti transigendo finirem, evincere id saltem enisus sum, ut speciminis ergo ex latinis rebus eas tantum exhibendi copia mihi fieret, quae obstetricante manu haud indigebant, siquidem prodierant iam antehac: ex dissertationibus vero illam dumtaxat, quam de die veterum natali ex antiquis lapidibus in suo in mutilam Corfiniensem inscriptionem Commentario iam pridem spoponderat. Atque haec sunt quae in praesenti proferenda in me recepi, daturus Deo propitio volumine altero epistolas, lapidum illustrationes, et quidquid huiusmodi curpediarum reliquum est.*



*Quum autem tam curta sit supellex, consilio mihi sat exquisito opus esse sensi, ne cui prima facie despiciatui fortasse haberetur. Scilicet architectos, aediumque structores imitari e recensui, qui magnificis ac pulcherrimis vel Jonici, vel Corinthii operis columnis exornant fores, ut non introgredientium tantum, sed praetereuntium etiam oculos in se convertant. Atque ex hoc nostiam, quare potius nomen tuum in ipsa operis fronte nitere gestierim; scilicet ut quando non suo merito, a tui nominis inscriptione pretium operis staret. Porro percommode etiam mecum actum video, quod tibi praesertim nuncupanda huiusmodi opuscula proposuerim. Siquidem quum id in more positum sit, ut eius, cui quid inscribitur, laudes adtingantur, tu tale negotium omnino refugis, cui laudationum hoc genus maxime est invisum. Quod si in eo diffundi oportuisset, uti ceteri patiuntur, in arduam sane, periculosamque aleam me coniectum vidērem. Quo enim pacto, quibusque verbis patefacere tantum quivissem ea omnia, quae te circumstant ornamenta: illam nempe egregiam animi tui indolem, tuum ad omnia promptissimum ingenium, tuam in impeditissimis*

*quibusque rebus expediundis celeritatem, sagacitatemque, tuam dexteritatem prudentiamque, nativa comitate et suavitate conditam? Sed etiam si mihi in dicendo facultatis multum datum esset, quantam dicerem tuam esse in laboribus perferendis constantiam, quam inter gravissimarum rerum molimina, ac tot numero et magnitudine maxima negotia tibi non tantum nec horam indulges, sed et fragmenta etiam temporis perexigui, quae deperirent, tibi non sine foenore transire pateris? Quibus et verbis, ut ad rem proximis accedam, aequare unquam possem tuum in demerendis exornandisque litteris studium, tuamque perexquisitam in litteratos homines benevolentiam adfectionemque? Sed quando in hac alea nihil committi mihi tributum, profecto et hoc ipsum silentium meum, ne tibi tuaeque modestiae grave sit, volo. Unumque rogo tantum, ut quantum est hoc munus pro tua humanitate aequi bonique ducas, ac foveas, tenue, ut iterum dicam, sed meae in te observantiae in omne tempus testem.*

Dabam Neapoli xvi. Kal. Novembr. An. MDCCCxxiii.

---

*Copia ec.*

A S. E. Reverendiss. Monsignor Rosini, Presidente della Giunta di Pubblica Istruzione -- Eccellenza Reverendiss. -- Giovanni de Bonis, stampatore, dovendo pubblicar con le sue stampe un libro contenente varj *Opuscoli di Monsignor Lupoli Arcivescovo di Conza*, prega V. E. Reverendiss. assegnarli un Revisore -- Giovanni de Bonis.

Presidenza della Giunta per la Pubblica Istruzione -- A dì 2 Luglio 1823 -- Il Regio Revisore Signor D. Luigi Caterino avrà la compiacenza di rivedere gli *Opuscoli* sopraseritti, e di osservare se vi sia cosa contro la Religione, ed i dritti della Sovranità -- Il Deputato per la revisione de' libri -- Canonico Francesco Rossi.

Eccellenza Reverendissima -- Ho letto con indicibil piacere gli *Opuscoli* di Monsignor Lupoli Arcivescovo di Conza, della revisione de' quali l'E. V. Reverendiss. si è compiaciuta incaricarmi; ed ho trovato che, lungi dall'esservi cose contrarie alla Religione, ed ai dritti della Sovranità, ridondano anzi di que' sentimenti di pietà, e di attaccamento al Trono, che i Vescovi debbono inculcare al Clero, ed al Popolo. Oltre a ciò, vi ho ammirato quella vasta erudizione, onde il detto Autore è già noto nella Letteraria Repubblica. Sono perciò di avviso che debba permettersene la stampa, quando diversamente non piaccia all'E. V. Reverendissima; e vi bacio rispettosamente le Sacre Mani -- Il Direttore della Reale Stamperia, e Regio Revisore -- Luigi Caterino.

Napoli 7 febbrajo 1824 -- Presidenza della Giunta per la Pubblica Istruzione -- Vista la dimanda dello stampatore Giovanni de Bonis, con la quale chiede il permesso di dare alle stampe alcuni *Opuscoli* di Monsignor Lupoli Arcivescovo di Conza -- Visto il favorevole rapporto del Regio Revisore Signor Abate D. Luigi Caterino -- Si permette che gli *Opuscoli* indicati si stampino; però non si pubblicchino senza un secondo permesso, che non si darà, se prima lo stesso Regio Revisore non avrà attestato di aver riconosciuta nel confronto uniforme la impressione all'originale approvato -- Il Consultore di Stato, Presidente -- Monsignor Rosini -- Il Consultore di Stato, Segretario generale, e Membro della Giunta -- Loreto Apruzzese.



1

## SCHEDIASMA

### DE DIE NATALI VETERUM(\*)

---

#### CAPVT PRIMVM.

*Natalis notio una eademque apud omnes. Mazochius primus hac de re litem instituit. Quae doctissimi hominis mens fuerit, et opinio. Omnino antiquitati aduersa.*

**E**ST multa passim de Natali veterum clarissimi scriptores edixerint, nulla tamen ad nostram ferme aetatem de vera vocis notione in antiquis inscriptionibus agitata est quaestio: adeo nihil aequivocum Natalis voce contineri apud omnes constitit. Unus omnium autem, qui novam hac in re procuderit opinionem clarissimus Mazochius extitit in *Dissertatione de die Natali Spicil. Bibl. t. II.* Nimirum tantillo Fleetwodiani lapidis, quem postremo explicabimus, argumento adductus, in eam omnino venit sententiam, Natalem in antiquis li-

(\*) Promiserat Auctor hoc de die Natali Schediasma in Commentario in mutilum veterem Corfiniensem Inscriptionem. Neapoli typis Raimundianis 1786. pag. 153. *Diei Natalis notio apud veteres latissime patuit, quandoquidem pro genuina nativitate, pro emortuali die, nedum pro quacumque anniversaria celebratae usurpata invenitur. Certe lon-*

*giorem tractionem locus hic expostularet, sed nunc de singulis, ne ab ordinis proposita ratione discedam, breviter agam: plura quippe in hanc rem edisserui in singulari schediasmate, quod adhuc adfectum in forulis habeo, quodque, si Deus adridet, niidiore ornatum facie brevi in lucem emit-  
tam.*

teratis marmoribus, maxime vero sub Caesaribus pro emortuali die accipiendum. Sic enim expressis verbis *loc. cit. pag. 225. Testes inscripti lapides erunt, in quibus aut legata in id quaedam heredibus relinquuntur, aut aliqui iisdem negotiis dantur, ut NATALI suo, diem emortua-lem non diem nativitatis intelligens, caena aut ludii celebrentur, aut aliqua summa virum distribuatur. Ut apud Fleetwood p. 109. 3. VT QVODANN . IN . PERPET . DIE . NATAL . QVADRATI . V . ID . APR . QVA . RELIQUIAE . EIVS . CONDITAE . SVNT . SACRIFICIVM . FACERENT* cet. Et mox subdit. *Sub Caesaribus ita vox Natalis constanter pro anniversario die obitus accipi vulgo coepit, maxime in inscriptis marmoribus, ut ea rarissime pro nativitate sumeretur. Ac nisi equidem fallor, vix quarto quintoque saeculo Natalis pro natali genuino, sive nativitate interdum usurpabatur. Sic certe Aelius Lampridius, qui sub Constantino Magno vitas aliquot Caesarum scripsit, Natalis vocem usurpavit in Alexandro Severo Cap. V. his verbis: Eadem die natalem habet hic Mammaeae Alexander, qua ille Magnus excessit e vita* cet. Huc usque Mazochius. At quantum hac in re vir totius antiquitatis promus condus aberraverit, vix est ut credi possit. Ipsi enim inscripti lapides, qui aequissimi sunt huiusce controversiae iudices, certe obstrepunt, atque alia omnia inclamitant.

*Vox NATALIS perpetuo pro die nativitatis, numquam pro emortuali die in antiquis inscriptionibus, maxime sub Caesaribus, posita demonstratur adversus Mazochium. Monumenta producuntur, et illustrantur.*

ATQUE ut a postremo ordiar, tantum abest ut sub Caesaribus NATALIS vox in antiquis titulis pro emortuali die ponatur, ut non alia prorsus notio, quam genuinae nativitatis sit ei tribuenda. Quid porro magis absonum, quam ad quartum quintumque saeculum recurrere, ut primaria ac propria NATALIS excavetur notio, quam a primis usque Caesaribus innumera prorsus monumenta absque ulla ambiguitate, ac veluti digito demonstrant? Adducenda huc in primis tabula ap. Grut. pag. CCXXVIII. 8.

#### DECRETUM.

AEDICVLAM ET STATVAS HAS HOSTIAM DEDICATIONI VICTIMAE NATALI AVG. VIII. KAL. OCTOB. DVAEQUAE PP. IMMOLARI ADSVETAE SVNT AD ARAM QVAE NVMINI AVG. DEDICATA EST VIII. CAL. OCT. IMMOLETVR ITEM NATALI TIBERI CAES. PERPET. ACTVRI DECVRIONES POLLICENTI GRATIAE AGANTVR MVNIFICENTIAE EIVS. EOQVE NATALI VT QVODANNIS VITVLVS IMMOLETVR ET NATALIB. AVGVSTI ET TIBERI CAESS. PRIVSQVAM AD VESCENDVM DECVRIONES EANT THVRE ET VINO GENI EORVM INVITENTVR ARAM NVMINI AVG. PEC. NOSTRA PONENDAM ET LVDOS

EX IDIB. AVG. DIEB. SEX FACIENDOS CVRAVIMVS. NATALI  
AVGVSTAE MVLSVM ET CRVSTULA MULIERIB. VICANIS AD  
BONAM DEAM PEC. N. DEDIMVS. ITEM DEDICATIONE STA-  
TVARVM CAESARVM ET AVGVSTARVM MVLSVM ET CRVSTVLA  
PECVNIA NOSTRA DEVOTIS OMNIB. ET POPVLO DEDIMVS  
PERPETVOQVE EIVS DIE DEDICATIONIS DATVROS NOS TE-  
STATI SVMVS. QVEM DIEM QVO FREQVENTIOR QVOTANNIS  
SIT SERVABIMVS VI. IDYS MARTIAS QVIA HAC TI. CAES.  
PONT. MAX. FELICISSIME CREATVS EST.

Quo lapide Natalem Augusti, viii. Kal. Oc-  
tobres signatum, omnino pro genuina Augusti na-  
tuitate intelligas oportet. Nam ita Suetonius in  
*Vit. Aug. Natus est Augustus M. Tullio Cicerone  
et Antonio Coss. IX. kal. Octobres paullo ante  
solis exortum regione palatii ad capita bubula,  
ubi nunc sacrarium habet. Accedit Dio Lib. LIV.  
Natalem Augusti diem Iulius Antonii filius prae-  
tor, equestri certamine, et venatione celebravit:  
et ex senatusconsulto epulum Augusto, et Sena-  
toribus in Capitolio dedit. Quod vero in producto  
lapide biduum signatur VIII. nempe et IX. Kal.  
Octobres id nihil facessit negotii. Immo hinc iu-  
bemur non alio sensu quam nativitatē accipere  
quod Suetonius mox narrat *Cap. XXVII. Equites  
Romani Natalem eius sponte atque consensu bi-  
duo semper celebrarunt. Quid quod huiusce rei  
locupletissimum testem habemus lapidem alterum  
ex Donio Cl. IX. n. 28. in quo sacrificium pro  
Natali Augusti biduo consignatur: ADFVIT M. SILA-**



NVS IX. K. OCT. NATALE DIVI AVG. IN CAPITOLIO IMMO-  
LAVIT L. VITELLIVS MAGISTER et infra : ADFVERVNT C.  
CAECINA LARGVS SILANVS STATILIVS . . . VIII. K. OCT. IN  
PALATIO L. VITELLIVS MAGISTER . . . IMMOLAVIT DIVO  
AVGVSTO BOVEM MAREM cet. Nec vero equestrem or-  
dinem tantum, sed et Collegia quoque Augusti Na-  
talem celebrare consuevisse aperte docet basis lit-  
terata Romae ex Grut. p. CLXXV. 4. COLLEGIO  
CENTENARIORVM cet. L. *Sextillus Seleucus Decurio*  
*D. D. Hoc amplius ark. rei. p. colleg. SS. do-*  
*num dedit XV. ut ex usuris centesimis eius quan-*  
*titatis quae efficit annuos x. DC. DIE VIIII KAL.*  
*OCTOB. NATALI DIVI AVGVSTI erogentur ex ark.* Nec  
praeterea Romae tantum, sed in municipiis et  
coloniis Augusti Natalem celebratum passim ab an-  
tiquis ediscimus inscriptionibus. Lapis extat Tele-  
siae in Campania.

L. VILLIVS L. F. RVFVS  
Q. AGRIVS C. F. CELER. PR.  
III VIR  
LANARIAS. ET QVAE IN IEIS  
SVNT SVA PEQ. FECER  
VT EX EO VECTIGALE QVOTANNIS  
COLONIS MVLSVM ET CRVSTVM  
NATALI CAESARIS AVGVSTI  
DARETUR

Accedit arae Narbonensis tabula ex Grut. p. cccxix.  
quae eidem Augusto est dedicata T. Statilio Tau-  
ro, L. Cassio Longino Consulibus An. nempe  
V. C. DCCLXIV. *Votum susceptum a plebe Narbo-*  
*nensium in perpetuum cet. Plebs Narbonensium*

*aram Narbone in foro posuit AD QVAM QVOTANNIS VIII. K. OCTOBR. QVA DIE EVM SAECVLI FELICITAS ORBI TERRARVM RECTOREM EDIDIT tres libertini hostias singulas immolent, et colonis et incolis ad supplicandum numini eius thus et vinum de suo ea die praestent.*

Venio nunc ad Tiberium, cuius Natalem ex Romano lapide supra produximus: ITEM NATALI TIBERI CAES. PERP. ACTVRI DECVRIONES cet. At vero de genuino illius Natali, non de emortuali die ibi agi Suetonii locus adprime monet in *Tib. Cap. xxvi. Natalem eius plebeis incurrentem Circensibus vix unius bigae adiectione honorari passus*. Qui enim mortuum reberis Tiberium, qui vix unius bigae adiectione passus est suum celebrari natalem?

Non minus insignis, ac peremptorius est eiusdem Suetonii locus alter de Caligulae Natali *C. xxvi. Consulibus obliis de Natali suo edicere, abrogavit magistratum, fuitque per triduum sine summa potestate Respublica*. Quo loco id advertas in primis, quam solliciti Caesares fuerint, ut natiuitatis festum quotannis celebraretur (1). Quam in rem et Dionis testimonium habes *Lib. LIX. Abro-*

(1) Atque eo Natali officia destinare Principes in more habebant, ut ex eo officia sumerent auspiciam, ex quo lucis exordium ipsi cepere. Hinc Honorius genninum Natalem suum Proximatui inchoando adsignavit *L. XI. de Proxim. Tit. 26*. Pari modo

Theodosius iunior suum adfectavit Natalem. *L. XVII. eod. Tit. et L. XXI. de Palatinis*. Constantius item praetorum designationibus Natalem suum praestituit *L. X. de Praet. et Quaest.* Nec non et Theodosius M. *L. VI. de Curiosis*.

*gato Consulibus magistratu, quod serias in suum Natalem non indixissent, quum praetores eo decursionem equestrem exhibuissent, et venationem, quod quotannis fiebat.*

Neque vero nisi de genuina nativitate prorsus id accipiendum quod Iosephus narrat. *Antiq. Judaic. Lib. VII. Cap. XX.* Titum nempe in fratris sui Natali duorum milliun quingentorum spectaculum dedisse: *Ibi moratus* (nempe in Caesarea maritima) *fratris sui natalem diem clarissime celebrat, multam partem damnatorum, quique ignibus cremati sunt, et inter se digladiantes periere, duo millia quingentos excessit.* Ac non multo post de Natali Patris subdit. *Postea Caesar Berytum venit, et in hac quoque diutius demoratus est, maiori usus claritudine circa Natalem Patris diem, tam magnificentia spectaculorum, quam sumptibus aliis excogitatis.* Quid quod hac ipsa acceptione positus Natalis apud Sueton. *in Tito Cap. V.* *Cepitque Hierosolymam NATALI filiae suae, tanto militum gaudio ac favore, ut in gratulatione imperatorem eum consulaverint cet.*

De genuino item Traiani Natali Plinii locum intelliges *Lib. X. Ep. 89.* *Opto, Domine, et hunc Natalem, et plurimos alios annos quam felicissime agas, et fortis aliis super alia operibus augeas.* Quo autem adparatu Natalem suum Hadrianus celebraverit ex Spartiano accipimus in *Hadr. Cap. VII.* *Gladiatorium munus per sex dies con-*

*tinuos exhibuit, et mille feras natali suo edidit. Ludos circenses praeter natalicios decretos sibi respuit. Vides nec ullam heic tergiversandi ansam patere (1). Quemadmodum nec dubitandum, ad nativitatem Antonini Pii pertinere quod Capitolinus inquit in Pio Cap. V. Circenses Natali suo dicatos non respuit (2). De eiusdem Natali lapis apud Fabretum p. 724. Vti XIII. k. OCT. DIE FELICISSIMO N. ANTONINI cet.*

Pari modo de Comodi genuina nativitate Xiphilinus: *Natali suo die nobis, uxorisque nostris liberisque singulis binos aureos, tamquam aliquas primitias imperavit: idque tributum pendere coegit; itemque ex Senatoribus, qui in reliquis civitatibus erant, quinque denarios exegit. Et Dio Cassius in Antonin. Caracal. Antoninus antequam excederet ex Macedonia, ludos gladiatorios fecit suo Natali die: nam ne illo quidem abstinuit a caedibus (3). Et Capitolinus de Natali Ge-*

(1) Hadriani schedium de Natali suo ad Matrem quo ipsam, et sorores ad cenam invitat Vid. Casaubon. in not. ad Spart. vit. Hadr.

(2) De Natali Honorii Imp. Symmachus. Lib. IV. Ep. VIII. *De equis ob Natalem Domini nostri Honorii, et invictissimi Principis largiendis, licet hoc anno obsequii istius tempus effluerit, opinor votum meum non potuisse reprehendi.*

(3) Natales sanguine polluere

antiquitus nefas. Eius rei hanc Varro addert rationem. *Lib. de Numer. Id inoris institutique maiores nostri tenuerunt: ut cum die natali munus annale Genio solverent, manum a caede, ac sanguine abstinerent, ne die, qua ipsi lucem accepissent, aliis demerent. Hinc Ovidius III. Fast.*

*Sanguine prima vacat: nec fas concurrere ferro.*

*Causa, quod est illa nata Minerva die.*

tae in Maximin. Natali Getae filii minoris Severus militares dabat ludos, propositis praemiis argenteis, id est armillis, torquibus, et balteolis.

Sed quis finis tetae huic erit? Satius unum prae omnibus praestat in medium ponere auro non contra pretiosius monumentum, quod primus edidit clarissimus Bucherius de Doctr. Tempor. p. 276.

## NATALES

MENS. IANVARI  
LUCI AELI CAESARIS IDIB. IAN.  
DIVI GORDIANI XIII. K. FEB.  
DIVI ADRIANI IV. KAL. FEB.  
MENS. FEBRUAR.  
DIVI CONSTANTINI III. K. MART.  
MENS. MARTIO  
DIVI CONSTANTII PR. KAL. APR.  
MENS. APRIL.  
DIVI SEVERI III. IDV. APR.  
M. ANTONINI VI. KAL. MAII  
MENS. MAIO  
DIVI CLAUDI VI. IDVS MAII.  
MENS. IUNIO  
MENS. IULIO

## CAESARVM

MENS. AVGVSTO  
DIVI PERTINACIS KAL. AVG.  
DN CONSTANTII VII. IDV. AVG.  
DIVI PROBI XIV. KAL. SEP.  
MENS. SEPTEMB.  
DIVI AVRELII V. IDV. SEP.  
DIVI TRAIANI XIII. KAL. OCT.  
PH. ANTONINI XIII. KAL. OCT.  
DIVI AVGVSTI IX. KAL. OCT.  
MENS. OCTOB.  
DIVI ALEXANDRI KAL. OCT.  
MENS. NOVEMB.  
DIVI NERVAE VI. IDV. NOV.  
DIVI VESPASIANI V. KAL. DEC.  
MENS. DECEMB.  
DIVI VERI XVIII. KAL. IAN.  
DIVI TITI III. KAL. IAN.

Palilibus quoque, qui dies Romae Natalis erat, nullam hostiam caesam Plutarchus testatur ipse Romul. *Ab initio autem existimabant diem, patriae origine consecratum, putum, et sine sanguine servari oportere.* At quum Principum vesania eo deum processisset, ut gladiatorum

etiam coedibus natalicia celebrarent, vel ut verius dicam, fustarent, Claudius Imperator piaculum prope id arbitratus, ut qua die sibi a diis vita data erat, eadem mortalibus aliis adimeretur, edixit (teste Dione) praetoribus gladiatorios ludos ne praebent.

Sed manum de tabula. Dicet at quis, cui bono tam multa? nimirum tam multis necesse erat summi Viri auctoritatem submovere, atque id refingere, quod edixit: *vix quarto quintoque saeculo Natalis pro natali genuino sive nativitalis interdum usurpabatur.*

## C A P U T II.

*Legata, vel donationes in antiquis lapidibus ad id conceptis verbis signatae, ut Natalis celebretur, diem nativitalis, non mortis designare evincuntur adversus Mazochii opinionem.*

**I**LLUD e vestigio scrutandum, an in inscriptis lapidibus, quibus aut legata heredibus relinquuntur, aut alioqui eisdem negotium datur, ut Natalis suo cena, aut ludi celebrentur, aut aliqua summa viritum distribuatur, Natalis ibi pro emortuali die ponatur, uti Mazochio summo viro placuit. Sed unum certe, idemque apud omnes universim percubuerat celebrandi Natalis studium, ac ut ita dicam religio. Quam ob rem uti in Caesarum Natalibus is proprie dies, etiam quum vita cesserint, agebatur, quo quis in lucem editus erat, ut ex adlato paullo ante Kalendario luculentissime constat, ita privati etiam quo studio Natalis suos vivi curabant, eodem prorsus, ac fortasse acriori cavebant, ut etiam ubi fato cesserint, quotannis instaurarentur.

Utinam vero praeclarissimo Mazochio non exiderit hac de re insigne prorsus Tullii testimo-

nium! Profecto vel eo uno ab sua recessisset opinione, nec legata heredibus ad Natalem celebrandum relicta, adverso adeo sensu ad emortualem diem spectare contendisset. Tullii at locus is est ex *Lib. II. de Finibus Cap. XXXI.* ubi Epicurum male philosophantem exagitat: *Quaero autem quid sit, quod tam accurate tamque diligenter caveat et sanciat: Amynomachus, et Timocrates, heredes sui de Hermachi sententia dent, quod satis sit ad diem agendum Natalem suum quotannis mense Gamelione.* En purum putum Epicuri legatum ad agendum Natalem post mortem. Quid vero? An Natalis hic pro emortuali intelligendus? Vetat notionem istam ipse Tullii scopus dicendi: ac tota eius cum Epicuro frustraretur concertatio. Sed vero nativitatis, non mortis diem ab Epicuro commonstratum, ipse e vestigio docet Tullius: *Quid? verene potest esse dies saepius, qui semel fuit? certe non potest. An eiusdem modi? Ne id quidem. At habetur. Et ego id scilicet nesciebam. Sed ut sit, etiamne post mortem coletur, idque testamento cavebit is, qui vobis quasi oraculum ediderit, nihil post mortem ad nos pertinere?* Sodes, haec nonne ad Nativitatis diem pertinent? Sed apertius adhuc, paucis interpositis, Philosophum compellat: *Quod si dies notandus fuit, ERGONE POTIUS QVO NATVS, an eum quo sapiens factus est. Non potuit, inquires, fieri sapiens, NISI NATVS ESSET. Et isto modo ne si avia*

*quidem eius nata non esset. Demum ita concludit : Nihil opus est litibus. Tantum dico , magis fuisse vestrum agere Epicuri diem Natalem, quam illius testamento cavere , ut ageretur (1).*

Sane quisquis haec paullisper attendat, nonne litem omnem a Tullio iam iudicatam videt? Ergo caussa cecidisse Mazochium dicemus? Sed is ad inscriptos lapides adpellavit, quibus huiusmodi legata continentur. Discutiamus itaque et hos testes, videamusque an illius opinioni fulcimenti aliquid tribuant. Quid? Profecto haud aliunde manifestus, quam ex litteratis istis marmoribus patebit, Natalem pro die nativitatis constanti usu positum. Huiusmodi est lapis ap. Gruterum p. cccxxii. 4.

CAPVT. EX. TESTAMENTO  
CETRAEIAE SEVERINAE  
COLLEGIS. DENDROPHO  
RORVM. FABRV. CETO  
NARIORVM. MVNIC. SASSI  
HS. SEN. MILIA. N. DARI  
VOLO. FIDEIQUE VESTRAE COL  
LEGIALI. COMMITTO. VTI  
EX. REDITV HS. QVATERN. M.  
N. OMNIBVS ANNIS PRIOR  
IDVS. IVN. DIE NATALIS  
MEI OLEV. SINGVLIS  
VOBIS DIVIDATVR ET  
EX REDITV HS. BINVM  
MILIV. N. MANES  
NEOS. COLATIS. HOC. VT  
ITA FACIATIS. FIDEI  
VESTRAE. COMMITTO

(1) Natales genuinos, dies nempe quo quis natus est, etiam post mortem celebrare veteres consuevisse, non est cur amplius moneam. Mentii subit quod de Silio Italico refert Plinius *Epist.* III. *Cap. VII.* *Virgilii ante omnes Natalem religiosius quam*

*suum celebrabat, Neapoli maxime, ubi monumentum eius, ut templum adire solebat.* Silii adhuc inter vivos Natalis, is est quo natus erat, ergo idem et Virgilii. Quo et fecit Seneca *Ep. LXIV.* *Quidni ego magnum virum imagines habeam, et Natalitia celebrem?*



Vides profecto lapidi inscripta ipsissima Cetranae Severinae verba postremis tabulis consignata. Sed qui illa Natalem suum pridie idus Junias viva designasset, nisi diem, qua nata est intellexisset? Accedit quod duas summas collegio Dendrophororum legaverit Cetrana, alteram ut Natalis suis pridie Idus Junias celebraretur, alteram qua Manibus suis inferiae darentur. Simile legatum habes in lapide ibid. *p. cccxii. 1. Demetrio L. F. Cam. Luxtro. Qui testamento suo ex HS . . . in templum Suasae felici fieri iussit. Et in tutelam eius HS. XX. N. Reipublicae Suasaeor. Reliquit. Et* AMPLIVS LEGAVIT EIDEM. R. P. HS. CXXX. N. EX CIVIS REDDITV OMNIB. ANNIS DIE NATALIS SVI IIII. ID. cet. Et in Spoletino *p. dlxxi. 1. Hic LEGAVIT TESTAMENTO MVNIC. HS. LXV . . . VT EX REDITV EIVS SYMMAE QVO DANNIS VIII. IDVS NOVEMB. NATALE SVO MVNICIP. EPVLVM ET CRVST. ET MVLSVM DARETVR. Quo facit pulcherrimum marmor Allifis in nostra Campania (1) :*

## DEO. AETERNO

PRO RESTITVTA VALETVDINE EX VOTO  
AEDICVLAM. T. ANTONIVS. FELICIANVS. D  
ADDICIT. ET CONIVNCTVM FVNDVM TRI  
NUM ET TRICENVM IVGERVM CVM OLE  
TO PATET QVOQVO VERSVS. P. DLXXX. EX  
ANNO VECTIGALI HAERES DIE NATALI  
EIVS III. KAL. SEPT. PERACTIS SACRIS DA  
TO EPVLVM CAPVLATIS SACERDOTIB  
AVG. CVM IIIIS ET SANNIS CAETERO PO  
PVLO NOSTRO ALLIF. CRVSTA ET MVL  
SYM EX. XXV. SI NEGLEGERIT. DOLORE  
MALO SYMPTVI PEPPERERIT FRVCTVS  
ET MVNICIPIVM CAPVLATI SACERDOTES  
FVNDI ADEVNTO

(1) Vid. Grut. *p. m. 6. Reines. Vita Antiq. Benev. p. 111. Francis.*  
*p. cclxxix. Gudium p. xi. 7. De Trutta Antichità Allifane p. 117.*

Titulum habes, et votum, quod statim a recuperata salute Deo aeterno Felicianus iste posuit; et tamen Natalis designatur III. Kal. Septembres. Qui vero vivens is, immo de morbo emersus diem mortis suae in III. Kal. Sept. poterat edicere? Ergo de genuino natali res clamat omnino, quem Antonius iubet etiam post mortem heredem curare ex annuo vectigali fundi, atque oleti.

Sed non in postremis tabulis tantum, verum in donationibus etiam, quod magis est, designatum Natalis diem vides, quae quum stipulatae vivis ipsis fuerint, a quibus factae, nullatenus emortualem praeferre poterant diem. Et re vera inscriptionem, cuius gratia haec scribimus, quis non intelligit, vivo adhuc Mammio positam? Confinienses illi tabulas patrocinales alienas liberisque eius offerri censuerunt. Is at honore accepto statim splendidissimum Ordinem liberosque, et coniuges eorum, et populum publico epulo exhilaravit. Tam exquisitam patroni affectionem ut ordo populusque remuneraret, monumentum ex pecunia publica posuerunt. CIVIS OB DEDICATIONEM OBTULIT DECVRIONIBVS ET VNIVERSO POPVLO † S. L. M. NVMMVM . QVAE MAMMIANA VOCENTVR EX CIVIS SVMMAE VSVRIS DIE NATALIS EIVS VII. IDVS FEBRAR. DIVISIONES PERCIPERE POSSINT (1). Quod si titulus vivo Mammio est po-

(1) DIVISIONES PERCIPERE POSSINT. *Dividere*, et *divisiones*, verba utatissima sunt, ubi de pecunia pluribus tributa, qui vel ad epulum publicum, vel ad fe-

stum, aut sacrificium convenirent. Atque ita simpliciter Sportulae dictae, ac bellaria, quae dispensabantur. Hinc, L. 23, D. de auz. legat. *Cum quidem*, ait

situs, de quo nullatenus dubitandum, qui tu dicces, vivo co., ac praesente, mortis suae diem designatum VII. Idus Februarias? Apage. Lapidem habes Reate apud Grut. p. ccciv. quem heic exhibeam:

T. FUNDILIO. GEMINO VI. VIR. AVG. MAG.  
IVV. AVGVSTALES. PATRONO. ET QVINQ. PER  
PETVO. OPTIME. MERITO. HIC. ARCAE. AVGV  
STALIVM. SE. VIVO. H—S. XX. DEDIT. VT. EX  
REDITV. EIVS. SVMMAE. DIE: NATALI. SVO  
III. K. FEBR. PRAESENTES. VESCERENTVR  
ET. OB. DEDICATIONEM. STATVAE. DECVRIONI  
BVS. ET. POPVLO. EPVLVM. ET. OLEVVM EADEM  
DIE. DEDIT.

Peremptorium prorsus quis non videt titulum? Donat Fundilius iste arcae Augustalium se vivo sestertium viginti nummum, ut ex rediv eius summae die NATALI suo III. K. FEBR. praesentes vescerentur. Quid? tunc istum se vivo mortis diem in quarto Kalendas Februarias cognitum habuisse reberis? Sed est quod amplius dicam. Ipsemet enim EADEM DIE e III. Kalendas Februarias pro dedicatione statuæ et sportulas iuvenibus Augustalibus et epulum populo dedit. Sed marmora hoc genus innumera prorsus ex antiqui-

Marcellus I. C. decurionibus divisiones dari voluisset die Natalis sui, Divi Severus, et Antoninus RESCRIPSERUNT cel. Et L. 122. D. de legat. 1. Ad honorem, inquit Paullus I. C. Civitatis pertinet puta quod ad munus edendum, venationemve, ludos scenicos, ludos circenses, aut quod

ad DIVISIONEM singulorum civium vel epulum relictum fuerit. Id quod in litteratis lapidibus millies occurrit. Ita in marmore Petelino ( bodie Strongoli ) OB CIVIS STATVAE DEDICATIONEM DECVRIONIBVS AVGVSTALIBVS EPVLANTIBVS ET POPVLO VIRITIM DIVISIONEM DEDIT.

tate supersunt. Huiusmodi est lapis capite truncatus, qui ante hos paucos annos Romae est effusus (1):

EXCEPTA STIPVLATIONE. VT  
EX. VSVRIS. HS . . . QVODANNIS  
IDIBVS. IVNIVS. NATALI. SVO. IN  
CONVENTV. INTER PRAESENTES  
HORA. II. VSQVE. AD. AS. DIVIDATVR  
DEDVCTA. ORNATIONE. STATVAE  
HS. C. N. QVOD. SI. ITA. FACTVM  
NON. ERIT. TVNC. EA. S. L. N. N.  
DARI. REIP. OSTIENS. SVB. EADEM  
CONDICIQNEM (sic) STIPVLATVS EST

Et Romae ap. Grut. *p. cccliv. Fl. Annaeo Lemonia. Fortunato. Piscat. Urinatori* cct. qvob ob. honorem. PATROCINI. SIBI OBLATVM EIDEM CORPORI SS XII. N. DONAVERIT. VT EX. VSVRIS. EIVS DIE NATALIS SVI III. KAL. MAIAS SPORTVLAE VIRITIM DIVIDANTVR. Cct. ET OB DEDICATIONEM EIVSDEM STATVAE PATRONIS ET QQ. R. P. SOLID. DIVISIT. Cct. CORPORIS CVRAT. EX AERE COLLATO DIGNISSIMO POSVERVNT. Statuam cum inscripta basi heic habes Annaeo Fortunato positam adhuc vivo. Habes id insuper, quod is ob acceptum patrocinii honorem statim donaverit corpori piscatorum urinatorum sestertiorum XII. nummos. Habes demum et diem natalem suum eidem inscriptum basi in III. Kal. Maias. Quidni igitur natalis heic pro genuina positus nativitate? *Ibid.* lapis aevi Antoniniani *p. cccxci. Ti. Clau-*

(1) Adeas Ephemer. litter. Florent. ann. 1790. p. 599, in quibus primo edilus est.

*dio. Exquil. Severo. decurioni. lictori. patrono  
corporis. piscatorum. et urinator. cet.* HOC AMPLIVS  
EIDEM CORPORI DONAVERIT HS. X. MILLIA. N. VT EX  
VSVRIS EORVM QVODANNIS NATALI SVO XVII. KAL. FFER.  
SPORTVLAE VIRITIM DIVIDANTVR PRAESERTIM CVM NA-  
VIGATIO SCAPHARVM DILIGENTIA EIVS ADQVISITA ET CON-  
FIRMATA SIT. Et Tolentini ap. Murator. p. DLX. 6.

## EX. S. C

SCHOLA. AVG. COLLEGI. FABROR  
TIGNVAR. IMPENDIIS. IPSORVM. AB  
INCHOATO. EXSTRVCTA. SOLO. DATO. AB. T. FV  
RIO. PRIMOGENIO. QVI. ET. DEDIC. EIVS. HS. X. N. DED  
EX. CVIVS. SVMM. REDIT. OMNIB. ANNIS. XII. K. AVGVST  
DIE. NATALIS. SVI. EPVLENTVR

Pari modo Ameriac ad frontem turris marmor ex  
Grut. p. MLXXVIII. 4.

## IVLIAE M. FELICITATI

## VXORI

C. CVRIATI. EVTYCHETIS  
III. VIR. MAGISTRAE. FORTVN (sic)  
NAE. MEL. COL. CENTONARIOR  
OB MERITA EIVS QVO HONORE  
CONTENTA SVMPVTVM OMNEM  
REMISIT. ET OB DEDIC. DED. SIN  
GVLS II -- S. XX. N. ET HOC AMPLIVS  
ARCAE EORVM INTVL. II -- S. V. M. N  
VT DIE NATALIS SVI V. ID. MAI  
EX VSVRIS. EIVS SVMMAE. EPVLAM (sic)  
TES IMPERPETVVM DIVIDER  
QVOD. SI. DIVISIO. DIE. S. S  
CELEBRATA NON  
FVERIT. TVNC. PERTINEBIT  
OMNIS. SVMMA. AD  
FAMILIAM. PVBLICAM

Quod si diem natalem hic pro emortuali accipias, qui stabit *ro* statuae *honore contenta sumptum remisit*? Qui stabit, quod ob acceptum statuae honorem ea facta elargitio pro die natali in V. Id. Maii in perpetuum colendo? Qui demum stabit et dies mortis cognitus, et basis quae ab imo ad summum omnino feminam acceptantem, elargientem, caventem (vivam ideo) insinuat? Et Ariunini ibid. p. *MYCIII. 2. C. Faesellio Rufioni* cet. QVOD SINGVLIS VICIS MVNIFICENTIA SVA S. S. XX. N. AD EMPTIONEM POSSESSIONIS CVIVS DE REDITV DIE NATALIS SVI SPORTVLAR. DIVISIO SEMPER CELEBRARETVR LARGITVS SIT. Et Ferentini ex cod. p. *cccclxi. 1. A. Quinctilio. A. F. Pal. Prisco* cet. *cuius ob eximiam munificent. quam in munic. suos contulit statuam publice ponend. in foro* VBI IPSE VELLE *censuere* cet. HIC. EX. S. C. FVNDOS CEPONIAN. ET. ROIANVM. ET. MAMIAN. ET. PRATVM. EX OSCO. AB. R. P. REDEM. HS. LXX. M. N. ET. . . R. P. REDDID. EX. QVORVM. REDITV. DE. HS. IV. M.CC. QVODANNIS. VI. ID. MAI. DIE. NATALI. SVO. PERPET. DARETVR. PRAESENT. MVNICIPIB. ET. INCOL. ET. MVLIERIB. NVPTIS CRVSTVL. P. I. MVLSI HEMIN. ET CIRCA TRICLIN. DECVRIONIB. MVLSVM. ET CRVST. ET SPORTVL. cet. quo loco Quinctilii Natalem vi. idus Maias vel coecus videt ad genuinum Natalem pertinere. Cui enim VBI IPSE VELLE nisi vivo statuam senatus posuit? Et Beneventi *M. Nascellius Sabinus. et Nascel-*

*lus Vitalis* IN PERPETVVM. VI. ID. IVN. NATALI SABINI. EPVLANTIBVS. PAGANIS. ANNVS. X. CCXXV. DARI. IASSERVNT. EA. CONDITIONE. VT. NON. IVN. PAGVM. LVSTRENT. ET. SEQVENTIBVS. DIEBVS. EX. CONSVETVDINE SVA. CENENT. ITEM. VI. ID. IVN. DIE. NATALI. SABINI. EPVLENTVR. Item ap. Mur. p. dxxvii. 6. VALERIAE VRSAE QVAE VIXIT MECVM ANNOS XXX. MENS III. D. VIII. QVAE COLLIG. FAER. AGELLVM AESIANVM SVVM MANCIPIAVIT SE VIVA EX DIMID PORTVS VASISTA VT EX REDITV EIVSDEM AGELLI Q. ASILIO CONIVGI SVO IDEST IX. . . . DIE NATALIS SUI SING. ANNIS PER MAGISTR. CEFEBRENTVR. Quod ipsum adhuc manifestissimum fit ex Trebulano lapide apud Fabrettium cap. x. n. 210.

AVRELIAE CRE  
SCENTIAE . HONESTISSIME (sic)  
ET . PVDICISSIMAE . FOEMINAE . PATRO  
CONIVGI . AVRELI . FELICISSIMI . PROC  
E . V . PATRONI . MVNICIPII . TREBVLANI  
MVT . OB . MERITA . ET . BENEFICIA . SAEPE  
IN . SE . CONLATA . STATVAM PONENDAM  
EIDEM TRICLINARES DECREVE  
RVNT  
DEDICATA . NATALI . DIE . XVI . KAL . FEB.  
ARRIANO . ET PAPO COS  
L . D . D . D

Ubi ~~to~~ dedicata Natali die nullum prorsus relinquit effugium quominus non de nativitatis die accipiat lap. Sed quid amplius ego corrogandis immoror monumentis. Alteram non amplius ad-

\*

dam donationem sepulchrali titulo inscriptam, qui  
nuper Romae effossus prostat in aedibus Ducis  
Braschii :

D . M . S  
M . VIPIVS . AVGG . LIB . GRANIA  
NVS ET CASPERIA RVFINA FECE  
RVNT SIBI LIBERTIS LIBERTABVS  
QVE QVI VIXER . INTER SE ANN  
XX. SINE VILLA (sic) VILE HOC AMPLIV NV  
MERAVERVNT ARKAE SEVIR AVCVSTALIV  
SS. (X) (X) M . N . VT DIEBVS NATALIS IDIB  
IVNIS RVFINES VIRI V . ET MVLIERES EORVM

ET GRANIANI KAL . IVL . EADEM . NATALI AD  
EXEMPLVM SEMNE

Atque ex his omnibus titulis, quos plena  
manu effludimus, primum est cuius intelligere,  
tum omnem emortualis diei suspicionem excludi,  
tum constans in primis veterum studium in eum  
diem, quo quis est in lucem editus, cuius me-  
moriam ut etiam post mortem coleretur, vel ex  
testamento, vel donationibus inter vivos cavebant.  
Nec profecto sensu alio, quam quem ipsi sibi ad-  
ducti lapides tribuunt, legata ad filiorum celebra-  
dos natales relicta accipies. Talis est inscriptio in  
ruinis Rudiarum reperta, quam integre dabo (1):

(1) Inscriptionis exemplar ac- nielio. Lapis, dum haec scribo,  
cepi ab amicissimo Francisco Da- extat in Pago Monteronis.



TVCCIO . M . F . FAB . CER . . .  
 ORNATO . EQ . PVB . A . SACRATISSIMO  
 PRINCIPE . HADRIANO . AVG  
 PATRONO MVNICIPI . IIII . VIR  
 AED . ITEM . AEDILI . BRVNDISI  
 M . TVCCIVS . AVCAZO  
 OPTIMO . AC . PISSIMO . FILIO . OB . CIVIS  
 MEMORIAM . PROMISIT . MVNICIPIBVS . RVDIN  
 (sic)  
 HS . LXXX . N . VT . EX . REDDITV . EORVM . DIE . NATALIS  
 FILI . SVI . OMNIBVS . ANNIS . VISCERATIONIS  
 NOMINE . DIVIDATVR . DECVR . SING . HS . XX . N  
 AVGVSTALIBVS . HS . XII . N . MERCVRIALIB . HS . X . N  
 ITEM POPVLO VIRITIM HS . VII . N  
 L . D . D . D (1)

(1) *In superiorem Inscriptionem pauca adsparguntur.*

MVNICIPIBVS RVDIN . i . e . municipibus Rudinensibus] Rudiae urbs Lupis finitima inter Tarentum , et Brundisium , quam Ptolemaeus , Hermolaus vero Byzantius *Pedas* , Strabo , *Pedias* adpellat , Enniique patriam fuisse tradit . De Ennio Silius Lib. XII . v . 397 .

*Miserunt Calabri , Rudiae genere vetustae ,  
 Nunc Rudiae solo memorabile nomen alumno .*

Cives passim Rudini audiunt . Hinc Ennius ipse Romana donatus civitate inquit :

*Nos sumus Romanei , qui fuimus ante Rudin .*

Et Ausonius :

*Vnde Rudinus ait , Divom domus altisonum cael .*

VISCERATIONIS NOMINE] Nonnulla de viscuratione superius ad-

tigi Cap. XIV . quae videas . Addam hic quae ibi exciderunt . Haud ego adduci umquam in id possum ut cl. Gherardo Vossio adsentiar ; arbitranti viscurationis nomine nonnisi epulum designari . Coniecerat id vir summus ex Virgilii loco *Aeneid* . VIII .

*Tum lecti iuvenes certatim ,  
 atque Sacerdos*

*Viscera tosta ferunt taurorum ,  
 cnerantque canistris*

*Dona laboratae Cereris , Bacchumque iniuistat .*

*Vescitur Aeneas , simul et Troiaeva inventus*

*Perpetui tergo bovis , et lustralibus extis .*

Sed fortasse exciderat litterato homini Tullii locus Lib. II . *Of. sic . Prodigia sunt homines , qui epulis , et viscurationibus , et gladiatorum muneribus , ludorum , venationumque adparatu pecunias profundunt , in eas*

Pari modo Romae ap. Grut. p. *CLXXIX*. 3. *C. Torasius C. F. Hor. Severus III. Vir. I. D.* cct.

IDEM AD CELEBRANDVM NATALEM FILII SUI IN PVBL. DEDIT HS. CCL. EX QVORVM REDITV III. K. SEPT. OMNIBVS AN-

res, quarum memoriam, aut nullam relicturi sunt omnino: quo loco epulas expresse habes ab visceratione separatas. Quid quod et Suetonii accedit auctoritas in *Iul. Cap. XXXVIII. Populo praeter frumenti denos modios, ac totidem olei libras, trecentos quoque numos, quos pollicitus olim erat, viritum divisit. Adiecit EPVLAM ET VISCERATIONEM*; et post *Hispanicem* victoriam prandia duo; quo adversus Vossium solide nostrum firmatur iudicium. Adlam hoc amplius quod adversa omnia habet vetus lapis Vrbinus C. Mesii Zosimi apud Muratorium p. cccv. 5. *DECVRTIONISVS HS XII. PLEBIS EPVLAS DEDIT ET VISCERATIONEM*; cui consonus est titulus alter ex Gorio Tom. 1. p. xxxiv. ubi: *C. Volcias Quietus ob arue dedicationem VISCERATIONEM ET EPVLAS* dedit. Porro *viscerationes* in feriis Latinis primum institutas, adparet ex tabula marmorea, Coss. L. Aemilio Paulo II. C. Licinio Crasso, i. e. au. Vrb C. *DLXXXV*. apud Reinesium Clas. iv. n. 5. *PRID. KAL. APRILEIS. FASCES. TENES. LIGINIVM.* (LATINAE. CELEBRATAE. ET. SACRIFICATVM.) IN MONTE. ALBANO. ET. DATA. VISCERATIO. MOX etiam ad honorem

mortuorum translata exemplo est illud Livii *lib. vii. 22. Populo visceratio data a M. Flavio in funere matris*. Et iterum *Lib. xxxix. 46. P. Licinii funeris caussa visceratio data*.

MERCVRIALIB. ] ita Mercatores a Mercurio, quem colebant, Horum Collegium Tullius memorat *Lib. ii. ad Q. Fratr. Ep. v. Non praetermittam, ne illud quidem, M. Furium Flaccum equitem Romanum, hominem nequam, Capitolini, et MERCVRIALES de Collegio eiecerunt, praesentem, ad pedes uniuscuiusque iacentem*. Porro Mercurialium Collegium ut Romae, ita et in Provinciis Romanis obtinebat, quemadmodum ex antiquis saxis edocemur, in quibus passim Collegia negotiatorum, vel mercatorum occurrunt, et expressa Mercurialium in nostro. Porro Mercuriales et Sacerdotes erant Mercurii, Sic vetus marmor apud Murator. p. cxc. 3. *L. AVIDIVS. L. PHILOGENES MEAC. ET AVG.* idest Sacerdos Mercurialis et Augustalis. Hoc et Magister Mercurialium in veteri Calatino lapide apud Capuam in Museo Veronensi p. cccclv. 5. *M. OFELIVS. M. C. L. TERTIVS. MAG. MERC. VIVS. SIBI. SVEIS. ET. QVARTAR. L.*

NIS DECVRIONES IN PVBLICO CENARENT ET MVNICIPES  
 PRAESENTES ACCIPERENT AERIS OCTONOS. Et in Pisau-  
 rensi ap. Murat. p. MCXI. C. Titio C. F. Cam.  
*Valentino* cct. QVI TESTAMENTO COLONIS COLONIAE IVL.  
 FELIC. PISAVR. DECIES CENTENA MILLIA NVM. DEDIT ITA  
 VT PER SING. ANNOS EX SESTERT. MCGCC. VSVRIS POPVLO  
 EPVLVM DIE NATALI TITI MAXIMI FILII EIVS DIVIDEREN-  
 TVR cct. Atque his bina addam praeclarissima mo-  
 numenta Gabiis nuper reperta (1), quae doctissi-  
 mus, atque amicissimus Ennius Quirinus Visconte  
 edidit (2). A. *Plutius Epaphroditus* cct. HS. X. M.  
 N. REIPVB. GABINOR. INTVLIT. ITA VT EX VSVRIS EIVS-  
 DEM SVMMAE QVODANNIS IIII. K. OCTOBR. DIE NATALIS  
 PLVTIAE VERAЕ FILIAE SVAE DECVR. ET VI. VIR. AVG.  
 PVBLICE IN TRICLINIS SVIS EPVLENTVR. Pertinet alterum  
 ad Domitiae Corbulonis filiae honorem, quo Cn.  
 Domitius Polycarpus petit, ut STIPVLATIONE INTER-  
 POSITA DESIDERIO SVO TALIS CONDICIO DECERNERETVR  
 VT EX REDITV EIVS PECVNIAE III. IDVS FEBR. NATALE  
 DOMITIAE PRAESENTIBVS DECVRION. ET SEVIR. DISCVN-  
 BENTIBVS IN PVBLICO AEQVIS PORTIONIBVS FIERET DIVI-  
 SIO. Acceditque de ea re placitum: *Placere uni-*  
*versis secundum relationem supra scriptam pecu-*  
*niam accipi, praestarique in* (sic) *pertuum* VT  
 CELEBRETVR NATALIS DIES, AC MEMORIA *Domitiae*  
*Corbulonis fil.*

(1) Vid. Antholog. an. 1792.

(2) Monum. Gabin. tom. III. Rom. an. 1797.

*NATALIS ab emortuali die expresse distinctus in veterum titulis. Legata pro parentalibus omnino diversa. Nativitatis dies post mortem impensissime celebratus. Caligulae decretum producit, quo lis omnis peremptorie terminatur.*

**H**AEC ad fastidium usque adnotasse haud piget, ut longe quantum a vero distet Mazochii hac de re opinio quisquis animadvertat. Adhuc vero, ut res extra omnem prorsus dubitationis aleam ponatur, non praeteream veteres ipsos Natalitiam festivitatem ab emortuali expresse secrevisse in titulis. Lapis Romae ex Grutero p. DCCLIII. 4. *Albiniae Vetti fil. Valerianae P. Appius P. F. Eutyches. Ad cuius memoriam colendam huic Colleg. Dendroph. leg. HS. C. N: cuius summae redditu. QUODANNIS. DIE. NATAL. EIVSDEM. III. ID. APRIL. DECVR. SPORTVL. EX. X. CCC. INTER. PRAESENT. ARBITR. SVO. DIVID. OLEV. ET. PROPINATION. EX. X. DCCL. PRAEBEANT. ITEM. LECTISTERNIVM. TEMPORE. PARENTALIOR.* Diversa igitur sunt parentalia anniversaria ab anniversaria Natalis celebratione. Nec vero id quaeram, an die Natalis (i. e. quo quis natus est) ubi de eo agitur, qui iam vita sit functus, ad sepulcrum vel cenatum, vel sacrificatum. Neminem enim ignorare arbitror, vivorum domi celebratos

Natales, mortuorum vero ad sepulcra ut plurimum, quae *domus* item, et *Domus aeterna* passim audiunt in antiquis cippis. Nam eo vertitur quaestio, utrum, NATALIS designatione, diem nativitatis, an mortis diem celebratum voluerint veteres post suam mortem. Atque quaestionem istam etiam ex hoc capite marmora mihi resecare videntur; siquidem ubi de mortuali die, vel de inferiis res est, ipsa per se rem, locutionibus constanter ac omnino diversis, ostendunt. Ita lapis ap. Gruter. p. *DXLVII*. 8. *L. Iulio secundo Friclario Cor. C. I. P. A. qui LEGAVIT HIS TESTAMENTO SVO X CC. VT VSVR. EOR. OMNIBVS ANNIS SACRIFICIO EI PARENTETVR. Et Mevaniae item ex Murator. p. DXII. 3. C. Attius. C. L. Ianuarius. Hic Collegio suo centonariorum legavit HS. ∞. EX CVIVS REDITV QVOTANNIS DIE PARENTALIV∞ ne minus homines XII. ad rogam suam vescerentur. Et Romae ap. eund. p. *DXV*. 5. *Tutichylas hic positus cet. qui reliquit Collegio s. s. HS. decem Mil. N. VT EX VSVRIS EIVS OMNIBVS ANNIS PARENT. EI HOC LOCO. Item in agro Brixiano ap. Fabrettum Cap. III. n. 182. Clodiae Achillae cet. L. Vettius Frsiniianus maritus uxori incomparabili qui dedit Coll. VI. Vir. socior. HS. N. ∞ VT EX VSVRIS EORVM PROFVS. . . . PARENTALES QVOTANNIS FIANI. Et Veronae ap. Maffium *Mus. Ver. p. CXLVII*. 1. *Dedit Coll. Naut. Arilic. HS. XII. N. VT. EX. EIVS. SYM. REDITV. ROSAL. ET. PARENT. . . Iusto F. Iustae uxori. et sibi omni an. in perpetuum procur.***

Quid quod uti epula, cenae, sportulae, crustum, mulsum ad Natalem quotannis celebrandum legata in lapidibus ut plurimum offendimus; ita ex adverso ubi de re emortuali res est, constanti ferme usu ad id pecuniae summa legatur, ut rosas ad monumentum deferant, vel rosis arcam exornent, et si sportulas, cenas, vel quid aliud dividendum voluerint, nunquam non cum rosis et floribus iunctum vides, quemadmodum et aliquando factitatum in nativitatis etiam diei recursum post mortem (1). Lapis ap. Grut. p. CCCCLX. 3. *Hic Coll. Fabr. M. R. HS. XXX. N. dedit ex quorum reditu QVOTANNIS ARCAM ROSIS EXORNENT.* Et p. CCXXVII. 5. *Colleg. Fabr. M. R. H. S. 3. N. donavit sub hac conditione, ut QVOTANNIS ROSAS AD MONUMENTVM EIVS DEFERANT.* Et p. DCCLIII. 4. *Cuius summae reditu QVODANNIS OLEV<sup>m</sup> ET PROPIN. PLR ROSAM PRAEBEANT.* Et p. DCCXLIV. 1. *Dedit HS. CCCC. AD ROSAS ET ESCAS DVCLENDAS EI OMNIBVS ANNIS.* Et ap. Mas. Mus. Ver. p. XLVII. 1. *VT EX REDITU EIVS QVOTANNIS ROSAE EIS DEDVCANTVR.* Et ap. Mural. p. DCCCLXVII. 8. *HS. N. DCCC. dedit cuius summae Reditu ROSAM ET MINVS EX HS. N. XVI. POSVISSE VELINT.* Sed quis huic telae finis? Unum addam, quod colephonem omnibus ponit, Romanum marmor in Villa Pelluchiana, hisce verbis: VT EX RE-

(1) Ita lapis ap. Grut. p. DCXXIV. Curatores substitutam qui vescantur ex horum hortorum reditu

Natali meo et praebeant rosam in perpetuum. Vid. Fabr. Cup. II. p. 87.

DITV EIVS INSVLAE QVODANNIS DIE NATALIS SVI ET ROSATIONIS ET VIOLAE ET PARENTALIB. MEMORIAM SVI SACRIFICIIS QVATER IN ANNUM FACTIS CELEBRENT. Quo uno vindice marmore vides Natalem omnino pro natiuitatis die positum. Praecipitur enim, ut quater singulis annis sacrificia agantur ad sui memoriam colendam; primum nempe vertente die natiuitatis suae; alterum vero die rosationis, qui xi. Maii dies est, priscis propterea dictus *dies rosae*; tertium die violae (1), qui est xxii. Martii (VIOLARIS ideo dictus in marmore ap. Fabretum *Cap. x. n. 443*); postremum vero die parentalium.

Vides igitur ex his omnibus luce clarius patere, legata a legatis discrepare, diem natalem ab emortuali, parentalia a nataliciis, ac nonnisi verum natiuitatis diem consuevisse veteres etiam post mortem curare, pecuniamque ad id relinquere. Coronidis ergo, ut controversiae finis imponatur duo adponere praestat, alterum quo quidam in mutilo titulo ap. Murat. *p. mcmxiii. 1.* natalem suum, se vivo tantum celebrari iubet: alterum, quo non in vita tantum, sed etiam post mortem prosequi is dies iubetur. Primum huiusmodi est:  
 . . . . . CELEBRENTIS. PROPTER. QVOD OMNIBVS. ANNIS.  
 QVODAD. VINERO. DIVIDAM. MVNICIPIO. N. SIARIENSI. DVM-  
 TAXAT. PRAESENTIBVS. DECVRIONIBVS. SINGVLIS. X. TER-

(1) Utrumque legatum habes GIO FARR. LAVD. IN VTRVMQVE  
 in marm. ap. Mur. p. dxx. 2. quo FLOREN PERFETVO SIBI DEDVCEND,  
 relicta SUMMA MILLE HS. COLLE-

NOS. SEVIRALIBVS. X. BINOS. PLEVI. VIRIVSQVE. SEXVS.  
ET. INCOLIS. X. SINGVLOS QVOT. PRAESTABO. DVNTANAT  
QVOAT. VINERO. Alterum est Caligulae decretum ex  
Dione Cassio: *Caligula Drusillae natalicia ce-*  
*lebrat: effigiem eius elephantis in theatrum in-*  
*vexit: equestria certamina, feras, epulum po-*  
*pulo, Senatoribus, et eorum uxoribus donum*  
*dedit: atque ut haec post mortem eius quotan-*  
*nis fierent decrevit.* DECRETVM POST MORTEM VT NA-  
TALI EIVS ludi Megalensium similes fierent, epu-  
lumque et senatui et equitibus daretur. Quo do-  
mum expressissimo testimonio iam extra omnem  
dubitationis aleam positum habes, diem Natalem  
post mortem non pro mortis die, sed pro die na-  
tivitatis accipiendum.

#### C A P V T IV.

*P. Petreii Quadrati inscriptio producitur, et explica-*  
*tur. Veterum sedulitas in quibusdam singularibus*  
*exprimendis. Plures veterum ex inscriptionibus recen-*  
*sentur, qui die Natali mortem obierint.*

**D**enum vero ad ipsum convellendum fundamen-  
tum accedo, cui vir clarissimus totam pacis ra-  
tionum molem superstruxit. Nimirum Fleetwodia-  
nus lapis est interpretandus, qui offendiculo fuit  
homini summo, ut Natalis vocem pro die emor-  
tuali constanter in litteratis antiquorum cippis usur-



patam sibi, et aliis suaderet. Inscriptio haec est, quam primus edidit Sponius *Misc. Er. Ant. Sect. II. art. XI. p. 62.* hinc vero Heetwodus Syll. *Inscr. p. 189. 3.* postremus omnium Muratorius p. MCXCIX. 6.

P. PETREIO . P . F . Q. QVADRATO . ET . P . EVA  
RISTO . LAIS . MATER STATVAM POSVIT OB  
CVIVS DEDICAT . COLLIGENT . EPVLVM . EX MORE  
EX IP . . . HS XII . . . VT QVODANN . IN PER  
PET . DIE . NATAL . QVADR . V . ID . APR . QVA  
RELIQVIAE EIVS CONDITAE SVNT SACRI  
FICIVM FACERENT AN FARE ET LIBO ET IN  
TEMPLO EX MORE EPVLARENTVR ET RO  
SAS SVO TEMPORE DEDVCERENT ET STA

TVAM DECERNIT . ET CORONAR. QVOD SE  
FACTVROS RECEPERVNT (1)

Profecto laud dubius sum, quin prima marmoris frons Mazochio imposuerit. Nam si tanti acuminis vir paullo intimius rem penetrasset, sensisset utique, Natalem hinc omnino pro die, quo Quadratus natus est, non pro mortuali positum. Sane enim neminem ignorare arbitror, veteres, ubi quid rariusculum, vel singulare alicui contigerit, numquam non in titulis, veluti memoria dignum, signare consuevisse (2). Atque millena prorsus

(1) Terl. vers. pro COLLIGENT  
fuisse positum COLLEG. DEND.  
i. e. Collegio Dendrophororum.

(2) Ap. Mur p. MMXCIX. MA-  
XIMILLA VIXIT ANN. XL. MENS. III.  
DIEB. XI. HORIS. VII. HAEC IN PARTV  
PERIIT. Adhuc nec meminit indi-  
gnum consuevit matrem esse na-

tali filiae suae petisse. Inscrip-  
tionem dedit Mallius *Mus. Ver.*  
p. CCLIX. 4. DOMATIA L.L. ROSIMA  
VIXIT ANNOS XII DOMATIA L.L. LESY-  
CADIA MATER MORTVA EST POST  
BIENNIVM DIE NATALI FILIAE SVAT  
VTRAQUE HINC SEPVLTA SVNT.

possem heic ex inscriptionibus corrogare exempla, ut veterum sedulitatem in huiusmodi rebus commemorandis patefacere. Huiusmodi est quod in lapide apud Fabrettum *Cap. 11. n. 448.* de Recania quadam dicitur, quae quo die maritata, eodem prorsus, vertentibus annis fato cessit. Inscriptio haec est:

D . M  
RECANIAE . C . F  
MECIONAE . CON  
IVGI . INCOMPARABILI  
VNIVIRIAE . ET . . . CASTISSIM  
QVAE . SIBI . NVBSIT . III . K . FEB  
MORTEM . OBIT III . K . FEB  
VIXIT . SECVM AN . XVII  
T . FL . LIBERALIS . FEC  
HEDONICVS MARITVS

Atque dum haec scribo, Romana epigraphes menti occurrit, extra portam S. Sebastiani, in qua sic fatur Christiana quaedam puellula: ΗΑΙΟΤ ΗΜΕΡΑ ΓΕΓΕΝΗΘΗ (corrigere *εγενηθη*) ΚΑΙ ΗΑΙΟΤ ΗΜΕΡΑ ΚΡΙCΙC. ΜΟΤ. ΓΕΓΟΝΕΝ, quae licet omnium planissima, litem excitavit inter clarissimos Viros Martorellium, et Ignarram. Adsentiatur, non enim invideo, qui volet, Martorellio plaudenti, se eo titulo invictam Martyrem detexisse in *De Thec. Calamar. p. 301. et seqq.*, siquidem το ΚΡΙCΙC tantundem ac *Martyrium* valere omnino sibi suasit, ac multis evincere est cnisus. Ego enim haud tam longe petita interpretatione opus esse video, ubi perspicua sunt verba, et sensus adprime obvi-  
us.

Proxime mentio praecessit Natalis diei, ΗΑ'ΟΥ ΗΜΕΡΑ ΕΓΕΝΗΘΗΝ, die Solis nata sum; ergo verba quae sequuntur ΗΑΙΟΥ ΗΜΕΡΑ ΚΡΙΘΙΟ ΜΕΤ ΓΕΓΟΝΕΝ tamquam prioribus adversantia, procul dubio verenda sunt *Die solis mea crisis fuit*, id est mortua sum. Atque *diem criticum* pro die mortis memini alicubi legisse, qui *dies fatalis* tum alibi (1), tum in lapide audit hisce probe diebus eruto Romae extra portam Capenam in Sepulcro gentis Memmiae, qui prostat apud Praelatum de Balneo: *A. Memmio Claro A. Memmii Urbani* cet. *Inter me, et te, nullum unquam dis-iurgium fuisse conscius sum mihi* cet. *neque ul-lus unquam nos disiunxisset* NISI HIC ΤΥΤΣ FATALIS DIES. Attamen est cur et ab Ignarra magno viro, et praeceptore olim meo discedam, quod puellulam hanc uno eodemque die et in lucem prodiiisse, et fato simul concessisse putaverit. Non enim mihi totus inscriptionis adparatus cum infantula convenire videtur, quae lucem ut adspexit, amisit. Nec praeterea quadrare id video cum ceteris huiusmodi locutionibus, quae non raro in veterum memoriis occurrunt. Talis est lapis ap. Murat. p. MDCCCXXV. 3. AVRELIA IVSTOCHIA VINIT ANN. H. MENS. X. LIES XVIII. NATA EST DIE VENERIS EO DIE DEFUNCTA EST LIE VENERIS. Et Salerni ap. eumd. p. MMXCV.

(1) Ita ap. Fabrettum *Cap. II.* LEVITER PERIGISTI. Et ap. Grut. n. 153. NULLUM DOLORUM ACCEPI p. CMXXI. n. 10.  
 XVI NISI QVOD FATALIEM DIEM LE-

6. D. M. SATVRNINAE DIE SATVRNI NATA DIE SATVRNI  
 DEFVNCTA VIX. ANNIS III. M. V. D. XX. Ergo, per  
 me licet, non id vult Romanus lapis, eodemque  
 prorsus dominico die (1) vix natam peris-  
 istam, cuius nomen temporis iniuria nobis invi-  
 dit (fractum nempe, ac superne mutilum prostat  
 marmor), sed uti dominico die esse coepisse, ita  
 et dominico die post annos recurrente esse desiisse.

Sane vero ut ad rem propositam propius, ac  
 veluti per gradus accedam, si singulare vistum  
 antiquis, nec titulo praetereundum quod quis pri-  
 die Natalem suum annorum processu vita cesserit;  
 nonne et singularius id, quod eodem die quo quis  
 natus est, decursu temporis conditus fuerit? La-  
 pis Parmae exstat, quem nisi fallor, Hieronymus  
 Mercurialis primus omnium produxit in *de Arte  
 Gymnastica Lib. III. Cap. XII.* in hunc modum:

D. M.

L. AEMILI. VICTORIS. QVI. PRIDIE. NATALEM. SVVM  
 VICESIMVM. ET. SECVNDVM. PRVNA. IN. PENSILI  
 POSITA. VRGENTE. FATO. SANVM. IPSE. NECA  
 VIT. SE. L. AEMILIVS. VICTOR. PRINCIPALIS. ET  
 AELIA. VENERIA. FILIO. PIENTISSIMO  
 ET. SIBI

Quod si dignum memoria existimaverint, L. Ae-  
 milium Victorem pridie natalem suum vicesimum

(1) Solis diem pro Dominico  
 die etiam Christiani dixere; nec  
 Principes tantum Constantius, Va-  
 lentianus, uterque Theodosius in

suis legibus, sed et Patres In-  
 stitutus *Apol. II.* Tertullianus *Apo-  
 loget. Cap. XXI. et lib. I. ad  
 Nation. Cap. XIII.*

secundum urgente fato necatum, ut quid praetermittere P. Petreium Quadratum ipso recurrente nativitatis suae die conditum esse? Sed dicam amplius, si NATALIS in isto Quadrati titulo pro emortuali die sit intelligendus, uti vult Mazochius, quid necesse edicere id erat, quo nihil proclivius, quod nimirum Quadratus eodem die et mortuus, et conditus sit? Fortasse non ita factum oportuit? Sed porro exempla huiusmodi non desunt in inscriptionibus, quod quis vertente post annos nativitatis suae die sit sepulcro consignatus. En in promptu Christianus lapis apud Gruterum *p. MLVII. 9.*

PRINCIPALIS

QVI . BIXIT . ANNIS

XLV . MENS . II . DEPO

SITVS . NATALE . SVO

IVSTINA . BENEMERENTI

CESQVET (*sic*) IN . PACE

Quid attamen si cavillosus quis et hunc Principalem contendat ipso mortis suae die (quod prorsus supervacaneum) conditum fuisse? Profecto nulla hinc Quadrati lapidi lux adfulget. Quid tu? Resiste parumper, nec tergiversandi locus patet. Quae enim veterum mens fuerit in ea expressione enucleatissime habes ex pulcherrimo ac quantivis pretii marmore apud Fabretum Cap. IV. n. 485.

POSTVMIVS . EVTHERION FIDELIS . QVI . GRATIA . SANCTA  
 CONSECVTVS  
 PRIDIE . NATALI . SVO . SEROTINA . HORA . REDDIT . DEBITVM  
 VITAE . SVAE . QVI . VIXIT  
 ANNIS . SEX . ET . DEPOSITVS . V . IDVS . IVLIAS . DIE . IOVIS . QVO  
 ET . NATVS . EST . CVIVS  
 ANIMA . CVM . SANCTOS (sic) IN . PACE . FILIO . BENEMERENTI  
 POSTVMII . FELICISSIMVS  
 ET . EVTHERIA . FESTA . AVIA . IPSIVS (sic)

Ergo Postumium Eutherionem pridie Natalem suum (1) vides hic vita functum (et Natalis certe, nisi prorsus coeuitas, dies hic nativitatis est). Vides et eundem ipso Natali suo sepulcro traditum, eo prorsus pacto, quo Quadrati ossa Natali suo condita dicuntur. Nec porro mussites, quod testem advocaverim lapidem Christianum. Mitto quod Quadrati titulus, licet profanus, non nisi eandem prope sapit aetatem; nam ex Christiano Postumii lapide tantum annio ponderis nostro accedit argumento, quo facilius est apud Christianos, quam apud ethnicos ut Natalis pro mortis die usurpari possit. Addam hic mantissae veluti loco, singulare adeo antiquis id in primis habitum, quod quis multis vertentibus annis in eo ipso die vita cesserit, quo in vitam intraverit, ut numquam non, si quando acciderit, memoriae consignare praetermiserint cum scriptores, tum

(1) Eodem modo lapis alter ap. eumd. Cop. VIII, n. 93. *Varefaiue (sic) que (sic) vixit ann. v.*

*et zes (i. e. dies) v. dicesse PRIDIAE (sic) NATALE Benemerenti (sic) parentes in pace.*

lapides. Plutarchus testatur *in Camil. Probl.* 1. Attalum Regem, tum et Pompeum Magnum eundem sortitos esse et natalem, et fatalem diem. Plinius item *Hist. lib. VII. Cap. LIII.* tradit M. Ofilium Hilarum Comoediarum Histriionem eodem die vita functum, quo natus erat. De Caracalla inquit Spartianus *Cap. VI. Mortuus est die Natalis sui VIII. Idus Apriles* (1). Ad lapides quod attinet, talis est apud Fabretum *Cap. IV. n. 482. D. M. T. Flavio Paridioni vixit ann. XVIII. DECESSIT NATALI SVO T. Flavius Paris et Flavia Pilusa Parentes filio suo.* Et ibidem p. 481. *Iulius Balerianus qui vixit annis N. XX. NATALI SVO D. sodaliciarius bonus amatus filetius usque at fotsa.* Item p. 252. *Karis Sanctissimo Kaletico compari dulcissimo qui in coniugio mecum vixit annos XXXII. Et omnem vitam complevit annos XLV. concessit GENESI DIE X. KAL. SEPTEMBRIVM in pace.* Et ap. Murat. p. MCMXI. 1. *Septimia Romana que (sic) vixit annis XIII. vita functa est XIII. Kalendas Octob. die natali suo.* Et ibid. p. MCMXI. 2. *VICTORE FITT'S IN PACE QVI BIXIT ANN. XXXII. VSQVE NATALE SVO QVINTV IDVS MARTIAS* (2). Quid cetera moror? Ergo si

(1) Falsum id tamen ex Dione lib. LXXVIII. Cap. VI. qui auctor est, Caracallum vita functum pridie nonas Apriles, quarto scilicet die ante Natalem suum.

(2) Atque id sibi vult *Integer integros* in inscriptione ap. Donarium *Cl. X. n. 30. POMVS ARSTR-*

*NA 3 ALMBIAE Q.V.A. XV. INTEGROS INTEGRA MISERAE MATRIS DOLOR AETERNSVS, et ap. Grut. p. CMXXXV. 4. in qua Q. Balonius Thelesphorus vixisse dicitur annis LXXXI. INTEGER INTEGROS, quod nempe eodem mense ac die e vita cessavit, quo vivere coepit. Quod*  
★

omnis quanta est controversia, ex uno Quadrati marmore, cui unice innititur Mazochius, pendet, profecto vel universa antiquitate iudice actum est de quaestione.

## CAPUT V.

*Natalis propria notio exhibetur. Γενέθλια, et Γενεσία an differant inter se. Ammonii, et Mazochii opinio refellitur. Natalis celebrandi cura apud gentes omnes. Qui ritus apud Romanos.*

ATQUE ex his omnibus, quae huc usque disputavimus, patet NATALIS voce cum diem designasse veteres, quo quis in lucem editus est, unde et procedentes numerabantur anni. Hinc Flaccus *Od. iv.*

*Iure solemnis mihi sanctiorque  
Paene natali proprio, quod ex hac  
Luce Moeccenas meus affluenter  
Ordinet annos.*

In cuius celebritate gentes omnes convenisse (1),

et diversimode dictum offendimus in Christiano lapide ex Coemeterio Pontiani, in quo Victor quidam Praesbyter sic loquitur: ANNORUM QUINQUAGINTA HODIE AETATEM PEREGI D. III. IO. A. . . .

(1) Facit hanc in rens Censorini locus ad Caerellinum de die Natal. Cap. iii. Quum singuli homines suos tantummodo proprios colant Natales; ego tamen duplici quotannis officio huiusce

religionis adstringor. Nam quum ex te, tuaque amicitia honorem, dignitatem, decus, atque praesidium, cunctis denique vitae praemia recipiam: nefas arbitror, si diem tuum, qui te mihi in hanc lucem edidit, meo illo proprio negligentius celebravero; ille enim mihi vitam, hic fructum vitae, atque ornamentum peperit.



nemo ignorat; Iudaeos in primis (1), Aegyptios (2), Persas (3), Graecos (4). Hinc ΓΕΝΘΙΑ, et ΓΕΝΕΣΙΑ dicebantur ἐπιφοίτῳα του τεχθέντος εορτή dies festus, qui propter aliquem natum quotannis recurrit; celebritas, quae quotannis agitur illo ipso die, quo quis est natus. Et iterum Γενεσία, ἡ δὲ ἐνιαυτὸν ἐπιφοίτῳα του τεχθέντος μνημὼν. Natalia quae quotannis in nati alicujus memoriam celebrantur. Ex quo vides inepte quantum Am-

(1) De Natali Herodis Matth. xiv. 6. Die autem NATALIS Herodis saluavit filia Herodiadis in medio. Et Marc. vi. 21. Et cum dies opportunus accidisset, Herodes NATALIS sui coenam fecit principibus, et tribunis, et primis Galilaeae. De Agrippae item Iudaeorum regis natali testatur Iosephus Antiq. Iudaic. lib. x. c. vii. qui quum Sylam teneret in vinculis, Natali suo solvi iussit: Die festivo NATALIS sui, dum cuncti, quibus imperabat, in magna laetitia versarentur, Sylam revocari iussit, secum videlicet comesturum.

(2) Vide Athenaeum Lib. xv. Cap. x. Coronam pulcherrimis floribus composuit (Anasia), formaeque praestantissimis, quam dono misit ad Partamidem Regem Aegypti quum NATALEM suum celebraret: Sed et Iosephus Antiq. Iud. lib. xii. Cap. iv. de Ptolomaeo Aegypti Rege: Interrogavit quare dona daturus sunt Regi rix NATALI filii eius? Illis vero dicentibus, quosdam da-

tuos decem talenta, alios autem nobiles secundum magnitudinem substantiae suae, contristari se simulavit cel.

(3) De Natali Regis Persarum ita Herodotus lib. ix. et ab eo Athenaeus Lib. iv. Cap. vi. Regiam coenam Rex ipse proponit, quae semel tantum singulis annis paratur, eo die, quo Rex NATVS EST: quae coena Persarum quidem sermone Tycta, ac graece ἀναις adpellatur. Tunc caput solum purgat, Persisque mitti munera. Et Plato in Alcibiad. i. Postquam nutus est primogenitus, qui in regno succedit, primo quidem eum diem omnes, qui sub regno sunt, celebrant; atque ita in posterum quotannis NATALEM Regis diem sacris ac festis omnis Asia colit.

(4) Scriptum est II. Mach. vi. 7. de Natali Regis Antiochi: ἡγνετο δὲ μετὰ τιμῆς ἀναγκῆς εἰς τὴν κατὰ μὲν τοῦ Βασιλέως γένεθλιν ἑταίρων ἐπισταχθέντων; dicebantur enim amari necessitate in die Natalis Regis ad sacrificia.

monius vocem a voce distinxerit: Inquit enim Γενέθλια και Γενεσία διαφέρει. Οτι μὲν γὰρ γενέθλια τασσεται ἐπὶ τῶν ζώντων, και ἐν ἑκάστῳ ἡμέρᾳ ἐγενήθη, αὐτὴ καλεῖται Γενέθλιος ἡμέρα. Γενεσία δὲ ἐπὶ τῶν τεθνηκότων, ἐν ἡ ἑκάστος ἡμέρα τετελεύτηκεν, ὁ οὖν λέγων ἐπὶ τῶν ζώντων γενεσία, ἀκυρολογεῖ. *Genethlia, et Genesia differunt. Genethlia enim de vivis dicuntur, et dies quo quisque natus est, natalitius sive natalis dicitur. Genesia autem de mortuis dicuntur, et is dies, quo quis mortuus est: qui igitur γενεσία de vivis usurpat, improprie is loquitur* (1). Atqui omni prorsus fundamento id Ammonii discrimen carere quisquis facile ex probatis auctoribus intelliget. Re quidem vera, ut alia omnia mittam, γενεσία vocatur *Matth. xiv. et Marci 11. 2.* convivium ab Herode in natalis sui memoriam proceribus paratum, tum et Iustino Martyri in *Dialog. cum Tryphone*, Nec nisi pari sensu γενέθλια Christi natalis dicitur *Basylio Orat. xxx.* Nos quoque laetitiam voce exprimamus, non festo nostro imponamus Theophania: celebremus mundi salutaria, τὴν γενέθλιον ἡμέραν τοῦ ἀνθρωποπότητος

(1) Immo Ammonio manifeste Plutarchus adversatur *Lib. viii. Sympos. Probl. 1.* Γενέθλια vocantur festivitates in mortuorum honorem celebratae. Sed neque Plutarchum cum Suida convenire nosces, nec cum Hesychio: Γενέθλια τὰ ἐπὶ τῇ πρώτῃ ἡμέρᾳ θνήσκει καὶ ἡ ἐνοχία, Genethlia munera dicuntur in memoriam natalitatis, sua et convivium. Quid autem ei

ab ipsis Graecis γενεσία a festis emortualibus distinguantur? tunc certe conclamationum erit Ammonio. En tibi Pollucis locum *lib. iiii. cap. xix.* Ἐνιστά τριακάδαι γενεσία, ἐν κούρῃ. τὰτα ἐπὶ θέρμῃ τῶν ἀπικλησμένων νομοσέ: noni dies trigesimi Natalia, mortualia. Haec ad religionem mortuorum obervari placuit.

diem natalem naturae humanae, tum Gregorio Nazianzeno Orat. xxxiii. Nunc Theophania sive γενεθλια Natalis praesens celebritas; utroque enim modo adpellatur, duobus scilicet nominibus uni eidemque rei impositis; Deus enim hominibus δια γεννησεως per nativitatem apparuit; theophania hinc ideo hoc festum adpellatur, quod adparuerit. γενεθλια Natalia vero quod natus sit. Et Epiphanio Haeres. li. Απο της των γενεθλιων αυτου ημερας, τουτ' εστιν επιφανειαν, a die eius Natali, id est Epiphaniarum. Atque haec vel ideo adnotasse non piget ne cui fucum Mazochius faciat, qui eo nomine Ammonium taxat, quod eas voces γενεθλιας, et γενεθλιας alteram pro mortis die usurpari grammaticus dixerit, quum ambas is velit pro emortuali die usurpatas, quod omnino a veritate alienum.

Ad Romanos quod adtinet scimus Natales feriarum pacne numero computatos, adeo nempe solemniori religione insignes. De qua re Macrobius Lib. i. Saturn. Cap. xv. Sunt praeterea feriae propriae familiarum, ut Claudiae familiae, vel Aemiliae seu Iuliae, sive Corneliae; et si quas ferias proprias quaeque familia ex usu domesticae celebritatis observat, sunt singulorum, ut NATALIVM, fulgurum susceptiones, item funerum, atque expiationum. In quibus ex domesticae celebritatis consuetudine neque lites persequi, neque ius dicere, aut negotiari sibi fas putabant. Ita Martialis de Natali Restituti Lib. x.

*Octobres age sentiat Kalendas  
Facundi pia Romana Restituti  
Linguis omnes, et favete votis  
NATALEM COLINVS, tacete lites.*

Atque eo die aedes et exquisitius curare, et coronis lucernisque ornare solebant. Compendii ergo Plauti locum *Pseudol. Act. 1. Sc. 2.* adducam :

*Tibi haec praecipio, ut niteant aedes :  
Tu esto lectisterniator, tu argentum eluito, tu  
extruito :*

*Haec, cum ego a foro revertor, facite, ut offerulam parata,*

*Versa, praesterga, strata, lautaque, coctaue omnia sint.*

*Nam mihi hodie NATALIS dies est.*

Quod idem ex Ovidio intelligas *Lib. III. Trist. Eleg. XIII.*

*Ecce supervacuus (quid enim fuit utile nasci?)*

*Ad sua NATALIS tempora noster adest.*

*Dure quid ad miseros veniebas exulis annos?*

*Debueras illis imposuisse modum.*

*Scilicet expectas solitum tibi moris honorem?*

*Pendeat ex humeris vestis ut alba meis?*

*Fumida cingatur florentibus ara coronis,*

*Micaque solenni thuris in igne sonet?*

*Libaque dem pro te genitale notantia tempus,*

*Concipiamque bonas, ore favente, preces?*

*Non ita sum positus, nec sunt ea tempora nobis,*

*Adventu possim laetus ut esse tuo.*

Sacrificia autem primum Genio rerum parenti natali die obtinebant, quibus praeter Ovidium loco recit. et iterum *Am. 1. Eleg. VIII.* alludit Horatius *Lib. IV. Od. 11.* in Natal. Moeen.

*Ridet argento domus? ara castis  
Vincta verbenis aet immolato  
Spargier agno.*

Et Tibullus :

*Dicamus bona verba, venit NATALIS ad aras,  
Quisquis ades, lingua vir mulierque fave.*

Convivia hinc et epulae datae, tum in Natali Principum, de quo Dio Cassius *Lib. LIV.* Natalem Augusti Iulius Antonii filius tunc praetor celebravit : Senatui etiam, et ipsum Augustum ex decreto Patrum edulo excepit in Capitolio, tum in privatorum natali, de quo Plautus Persa :

*. . . . Hoc age accumbe  
Nunc diem suavem meum Natalem inter nos  
agitemus amoenum.*

Et Martialis *Lib. VII. in Sextum :*

*Ad Natalitias dapes vocabar,  
Essem cum tibi, Sexte, non amicus.*

Et rursus in Diodorum :

*Natali Diodore tuo conviva Senatus  
Accubat : et rarus non adhibetur Eques.*

Atque hic cupediae loco Svesanum lapidem exhibeo (1).

M . CACIVS . C . F . CERNA  
XV . VIR . TRIB . MIL . PRAEF  
CALABR  
NATALI . SVO . CAENAM  
PVBlice . POPVLO . SVESSANO  
DARI . INSTITVIT  
V . IDVS . SEPTEMBRIS

Nec vero est, cur persequar quanta sedulitate eo die munera hinc inde ab amicis missitata. Hinc *Natalitia Sardoniches* Persio dicitur, quae nempe Natali die accepta; et *Natalitium lardum* Iuvenali *Sat.* 2.

*Moris erat quondam festis servare diebus,  
Et Natalitium cognatis ponere lardum.*

Vestimenta enim Natalitia memorat Petronius Cap. xxx. *Vestimenta mea accubitoria perdidit, quae mihi NATALI die donaverat cliens quidam.* Tum annulos, quo facit Plautus *Cruc.* v. 2. 25.

*Hic annulus est, quem ego tibi misi natali die.* Plinius etiam *Lib. iv. Epist. ad Vrsu* testatur, Iulium Bassum, qui repetundarum post reditum a Bithynia postulabatur ob accepta munera, ita se excusasse: *sola se munuscula dimittat Natali suo aut Saturnalibus accepisse, et plerisque misisse* (2).

(1) Vid. Mur. p. MLXXXIII. 2. *vir uxori munus immodicum in Kalendis, aut Natali die dedisset.*

Demum non praeteream Natales Imperatorum muneribus, et ludis celebratos, de quibus vide Dionem *Lib. LIV.* Capitolinum in Pio, Spartianum in Hadriano, et Kalendarium Romanum.

## C A P V T VII.

*Quandonam NATALIS de interitus die usurpari primo coepit. Genuinus NATALIS, etiam Christianorum aevo celebratus. Cur Christiani veteres Martyrum passiones NATALES nuncuparint. Novane ea notio, an vetus. Mazochii opinio iterum reiicitur.*

Constat itaque vel numquam, vel rarissime NATALIS vocem pro die mortis in litteratis veterum monumentis usurpatam. Tametsi enim cunctis pacae celebritatibus in annos currentibus vocem illam communem fecerit antiquitas, uti fusius infra demonstrabimus, haud committere tamen voluisse videtur, ut lactissimi hominis verbum aliquo infaustitatis sensu infuscaretur. At ubi ille tandem iluxit Natalis, quo Dei Verbum Aeternum nasci in carne dignatus est, ac Orbis divina sapientia edoctus, alterius vitae felicitati inhiare incoepit, tunc profecto primum Natalis ille vere dictus est dies, quo non ad vitam temporariam hanc, sed ad aeternam nascimur. Atque nolum hanc ita accipias, ut si aevo Christiano vel primaria Natalis notio, vel mos genuinae nativitatis celebrandae

★

desierit. Locupletissimus enim adstipulator est Sanctus Augustinus, sua adhuc aetate impensissime veros celebratos Natales, a nobilibus viris praesertim. Cujus locum huc adsuere eo magis praestat, ut cuius constet, etiam apud Christianos aetate Augustiniano ita prorsus celebratum Natalem, ut apud ethnicos: *Quando aliquis*, inquit S. Pontifex (*Orat. 1. de Advent.*) *homo potens aut nobilis NATALEM suum, aut filii sui celebrare desiderat; quanto studio ante plures dies, quidquid in domo sua sordium invenerit, ordinet emundari; quidquid ineptum, et incongruum proiici; quidquid utile et necessarium praecipit exhiberi. Domus etiam, si obscura fuerit, dealbatur; pavimenta scopis mundantur, et diversis respersa floribus adornantur; quidquid etiam ad laetitiam animi, et corporis delicias pertinet omni sollicitudine providetur. Quid quod alter accedit Augustini locus insignis (lib. de Ordin.) quo Natalem suum convivio celebrasse testatur, ubi parentis ingenium se periclitatum saepe adserit, et praecipue in quadam disputatione non parvae rei, quam DIE NATALI MEO cum convivis habui, et in librum contuli (1). Sed ut quod res est, ingenuè dicam, ne de omnibus quidem vocem istam usurpare primaevi Christiani sibi licitum putarunt, sed de illis tantum, quos per mortem*

(1) Haec illa disputatio est de beatæ vitæ, quam ipse Augustinus Lib. II. Retract. ex occasione Natalis sui ortam dicit.



in Christo ad vitam immortalem transisse certo tenebant. Ecclesia Smyrnensis apud Eusebium *Hist. Eccl. lib. iv. Cap. xxiv.* de Polycarpo scribit, celebrare sese martyris illius *ἡμεραν γενεθλίου* diem natalem, tum ad memoriam eorum, qui certamen illud iam certarunt, tum ad eorum, qui idem certamen essent subituri, exercitationem, et praeparationem. Nec certe anniversaria Martyrum festa alio nomine, quam Natalis, celebrari a fidelibus consuevisse, adprime cum Canon ille *LI.* docet Concilii Laodicensi: *Quod non oporteat in quadragesima martyrum natalitia celebrari: sed eorum sancta commemoratio in diebus sabbatorum, et Dominicorum fieri conveniat*; tum et vetustissima Ecclesiae Kalendaria <sup>(1)</sup>, et martyrologia, et lapides aperte ostendunt. Veluti apud Reinesium *Inscr. Cl. xx. n. 1.* *ABUNDANTIUS ACOL. REG. QVARTÉ (sic) TT. VESTINAE QVI VIXIT ANN. XXX. DEP. IN P. D. NATA. SCI MARCI MENSE OCTOB. IND. XII.* ubi Acolythum istum vides in Pace Domini depositum Natali Sancti Marci. Et ap. Murat. *p. mcmxx. 6.* *PASCASVS VIXIT PLVS MINVS ANNVS (sic) XXII. FECIT TATV III. IDVS OCTOBRIS VIII. ANTE NATALE DOMNI ASTERI DEPOSITVS IN PACE.* Is est Asterius Martyr Ostiensis, qui in Martyrol. Romano signatur. Atque vero Patres in primis huic instare video Na-

(1) Vide tabulam marmoream Kalendarii vetustissimi ap. Murat. *Thes. Inscr. pag. MCMLXVI.* cui

inscripta NOTICIA NATALICIORVM SANCTORVM HIC REQUIESCENTIVM.

talisi notioni. Audi Caesarium *Hom. 1. de S. Genesio* : *Martyrum passiones Natales vocamus dies , quando eos martyrii vita , et gloria fidei , dum ingerit morti , genuit aeternitati , et perpetua gaudio brevi dolore parturit .* Nec minus egregie S. Augustinus eandem urget rationem *Serm. x. de Sanctis* : *Digne natalem istorum colimus , quos beatus aeternae vitae mundus edidit , quam mundo maternorum viscerum partus effudit .* Et in *Ps. xxxix. Mortes , in quibus Pagani saevierunt , in illis hodie reficimur , Natalem martyrum celebramus , exempla martyrum nobis proponimus .* Et S. Paulinus in *Nat. S. Felicis* :

*Venit festa dies caelo celeberrima terris ;*

*Natalem Felicis agens , qua corpore terris*

*Occidit , et Christo superis est natus in astris*

*Caelestem nactus sine sanguine martyr honorem .*

Et Chrysologus *Serm. cxxix. Natalem Sanctorum quam auditis , charissimi , nolite putare illam dici , quo nascuntur in terra de carne , sed de terra in caelum , de labore in requiem , de cruciatibus ad delicias .* Superest Prudentius *Peri steph. Hymn. xi. de passion. Hippolyti .*

*Iam cum se renovat decursis mensibus annus*

*Natalemque diem passio festa refert .*

Atque ut hoc addam , tanta Patrum in ea explicanda notione sedulitas cui bono , si obvia ea fuisset , et profanis usitata ? Proinde nec Mazochio adsentiar , qui , quam suo semel animo concepit

opinionem, perpetuo tenens, adfirmare haud veritus est Christianos a gentilitate notionem illam mutuatos p. 225. *Dum veteres Christiani diem passionis martyrum γεννησιον natalem appellarunt, non novam ei vocabulo notionem subiecerunt, sed usitatam iam a gentilibus ipsis locutionem amplexi fuere.* Sed si ab ethnicis istam acceperint Christiani notionem, cur non omnibus mortuis, ut is de gentilibus sentit, communem fecerint, et passionibus tantum martyrum reservaverint? Minus repugnaverim, si veterum morem eos sequutos dixisset, qui anniversariis festis omnibus Natalis vocem adpinxerunt. Sed absque dubio alia fuit mens veterum Christianorum, ut intelligere est, cum a Patribus iam supra productis, tum ob Origene in primis Lib. III. *Diem mortis celebramus, quia non moriuntur hi, qui mori videntur; propterea et memoriam sanctorum facimus, tam illorum refrigerio gaudentes, quam etiam nobis confirmationem in fide postulantes.* Atque eo prorsus pacto Natalis lacta vox solis Martyrum emortalibus diebus aptata, quo et honor reliquiis tantum eorum in tributus, quos cum Christo vivere Christiana fides humanis mentibus suggerit. *Pro legis iudaicae ritu, inquit Basilius, si qui moriebantur, horum morticina habebantur abominationi: Contra, mors si cuiquam irrogatur pro Christi nomine, pretiosae censentur reliquiae Sanctorum ejus.*

*Natalis vox ad quamcumque anniversariam celebritatem traducta. Plura de Natali Deorum, Imperii, Urbium, Coloniarum, Signorum. Item apud Christianos Natalis Calicis, Ordinationis, Cathedrae, Templi.*

Quum autem Natali non tam ipsam nativitatem, qua quis primum in lucem editur, quam diem natalem recurrentem notet, eo res evasit, ut omne id quod quotannis recurrit graecis γενεθλια, γενεσις, γενεθλιου, latinis Natalis, Natale, Natalitium vocaretur. Hinc NATALIS DEORVM is dies dictus, quo numinis alicuius dedicatum est templum; veluti NATALIS DEI PATRI in lapide Neapolitano ad S. Ioan. Maior. C. Heratio. A. F. Pal. Severiano Equiti Rom. Cur. Reip. Tегianensium cct. praeposito amore patriae et honorem aedilitatis laudabiliter administravit, et diem felicissimam III. IDVS IANVARI NATALI DEI PATRI cct. Et *Natalis Salutis* apud Tullium *Lib. IV. ad Attic. Ep. 1.* dies scilicet, quo Salutis Aedes dedicata est Romae in colle Quirinali. Eodem modo *Natalis Mercurii*, cui alludit Martialis *Lib. XII. Ep. LXVIII.*

*Maiae Mercurium creasti idus.*

Vt enim Festus monet, *Idibus Maiis mercatorum dies festus erat, quod eo die Mercurii aedes*

*esset dedicata.* Item Γενεθλιον Σεραπιδος Natalis Serapidis in Actis graecis S. Marci Evangelistae, quae edidit Henschenius. Et Γενεθλιον Επιφανους apud Clementem Alexandrinum. Inquit enim de Cephalenis: Καὶ συνιόντες εἰς τὸ ἱερόν κατὰ νοῦμηνιαν Γενεθλίον ἀποθεώσιν Θεοῦσι Επιφανούς, *Et cum nova est luna, convenientes Natalem Epiphanis celebrant, quo relatus est inter Deos.* Atque multos huiusmodi Natales habes in Calendario, quod Constantini aevo conditum est apud Bucherium *De doctrin. Temp. p. 288.* Ibi inter ceteros notabilis dies est VIII. KAL. JAN. N. INVICTI. C. M. XXIV. idest *Octava Kalendas Ianuarias Natalis Invicti (Mithrae) Circenses, Missus XXIV.* (1) Notabile, inquam, id. Vides enim Natalem Solis invicti Mithrae eo quidem die a paganis statutum, quo Christi Domini, qui verus est Sol iustitiae, Natalis fuit, ac celebritate omnium solemniori singulis annis in Ecclesia colitur. Nimirum illud demum pertentasse diabolus ediscimus, quod peregrinus fere omnibus Romam inlatis superstitionibus, falsum postremo Persarum numen Mithram CHRISTO IESV

(1) Adamussim ludos eo die in honorem invicti Mithrae actos docet Iulianus Imp. Orat. IV. „Itaque statim exacto ultimo mense, qui Saturno dicatus est, ante initium anni magnificientissimos ludos in honorem

„Solis committimus, quos Invicti Soli nuncupamus“. Quo autem pacto in hunc diem VIII. Kal. Jan. plane ludi isti incidunt, pluribus explicat Cl. Petavius ad hunc Iuliani locum.

VERO DEO opponeret (1), ut profanis impiisque Mithrae mysteriis ad imitamentum sanctiorum Christianae Religionis Sacramentorum compositis, veluti aemulatione aliqua Christianae fidei miram sisteret propagationem (2). Nimirum ea fuit impij impia mens, qui homicida fuit ab initio, ut in

(1) Zoroaster (teste Porphyrio in lib. de antr. Nymph.) „Pri-  
mus omnium montibus Persi-  
dis vicinis antrum in honorem  
creatoris patrisque omnium Mi-  
thrae consecravit“.

(2) Qua primam aetate Sacra Mithriaca Romae recepta, non ita facile constitues. Sane Plutarchus in vit. Pomp. auctor est, Mithrae Mysteria haud Romanis monstrata, nisi post debellatos a Pompeio Piratas, post annum nempe V. C. DCLXXXVII. Id autem de prima cultus notitia accipiendum. Nec scio an Sacra Publica Romae ante Commodum obtinuerint, de quo Lampridius ait: *Sacra Mithriaca homicidio vero polluisse*. Nam lapides certe, iique sat frequentes ante Commodi aevum non nisi privatum numinis cultum commonstrant. Nemo at insaniore religione Mythram est prosequutus, quam qui a vero Sole Christo Deo desciverat Iulianus Imperator, ut ex eius Orat. (vide et lib. de Caesar.). Id autem mirari haud desinam, quod etiam quum Crucis signum Cae-

sarum diademati praefulgeret, Mithrae sacra Romae celebrarentur. Constat id ex lapide ap. Murat. p. CCLXXXVII. 2. ubi *Rufus Ca-  
jonius PATER SACRORVM MITHRAE* dicitur GRATIANO, ET MERODAVDE COSS. qui Consules processerunt anno Christi CCLXXVII. Nec finis fabulae fuit, nisi, ut certe teneo, anno sequenti. Testem habeo locupletissimum S. Hieronymum Epist. VII. ad Laetam:  
„Ante paucos annos propinquos  
vester Graechus, quum Prae-  
fecturam gereret Urbanam non-  
ne Spelaeanum Mithrae, et omnia  
portentosa simulacra, quibus  
Cotax, Gtyphus, Miles, Leo,  
Perses, Helios, Bromius, Pa-  
ter initiantur, subvertit, fre-  
git, excussit? At quo anno  
Praefecturam Vrbis Gracchus  
iste gesserit, opportune intelliges  
ex L. unic. C. Theod. *Ne quis  
in sua caus. data ad Gracchum  
Praefectum Vrbis Kal. Dec. Va-  
lente VI. et Valentiniano II. COSS.*  
anno nempe CCLXXXVII. Qui fuit  
Mithrae, eiusque cultus vere  
emortualis.

uno effingendo Deo, quae Christi erant propria, symbola omnia conglobans, uno impetu totum redemptionis nostrae Sacramentum invaderet. Hinc leonina facie is deus repraesentabatur, quemadmodum a Luctatio, Statii interprete, ad primum Thebaidos scimus; nimirum quod scriptum est de Christo: *vicit leo de tribu Iuda*. Mystera autem Mithriaca non aliud, quam ignem respexisse Firmicus docet *de Error. prof. Relig.* (1), scilicet ut occuparent quod Christus edixerat: *ignem veni mittere in terram*. Porro quum Christus Sol iustitiae sit dictus, hinc Mithra idem ac Sol habitus, teste Hesychio, Suida, Strabone *Lib. XV.* et lapidibus, ut apud Grut. *p. XXXIV. 5.* DEO SOLI INVICTO MITHRAE FL. SEPTIMIUS ZOSIMVS SPELEV M CONSTITVIT. Et *ibid. n. 7.* SOLI INVICTO MITHRAE TIBERIUS CLAVDIVS THERMODORVS SPELEV M CVM SIGNIS DEDIT. Et *Cumis p. XXXIII. 6.* SPELEV M RESITVTVM D. S. I. M. Et in ara Musaci Aquilani SPELEV M SOLI INVICTO CONSVMAVER. Antra vero, et spelaea ei dedicata, in quibus templorum vice sacra peragebantur, non nisi ut ad Bethlemiticam specum alluderent, in quo natus est Christus (2). Docebant item de petra natum Mithram (3), siquidem Chri-

(1) Vide Q. Curtium *Lib. IV. Cap. L.* ubi de Dario.

(2) Vid. Commodiani carmina poetae Christiani, qui Constantio M. aevo floruit, edita a Rigaltio

an. 1650. S. Hieronym. *lib. I. adv. Iovinian.* Iustinum Dial. cum Tryphone. Iul. Firmicum *lib. I. de error. Prof. Relig.*

(3) Vide Tertullianum de Co-

stus lapis de monte excisus, et lapis in fundamento conlocatus dicitur. Quid si et lavacra in iisdem mysteriis adhibita, ut baptismi adumbraretur Sacramentum? Tertulliani verbis utor *de Praescr. Cap. XL. (1): Tingit et ipse diabolus quosdam, utique credentes, et fideles suos, expiationem delictorum de lavacro repromittit, et si adhuc meminimus, Mithra signat illic in frontibus milites suos, celebrat panis oblationem, et inaginem resurrectionis induit. Quo loco vides, et Eucharistiae imaginem ingeri. Sed non panem tantum, sed et poculum etiam in impiis mysteriis oblatum, verbis quibusdam additis, Iustinus auctor est Apolog. 2. pro Christ. (2). En quibus nefandis ceremoniis, et scelestis mysteriis, pollutisque Sacramentis Sacra et initia Mithrae perficiebantur (3). Sed*

ron. Milit. in fin. Iustinum Mart. in Dialog. cum Tryphone Iudaeo; Iulium Firmicum loc. cit. S. Hieronym. Epist. VII. ad Laetam, et S. Paulinum inter Opera a Cl. Muratorio edita.

(1) Vide Tertullianum rursus de ea re conquirentem lib. de Baptismo.

(2) Accedit quod eius Mystae milites dicebantur, et martyrii etiam mimum agere gestiebant, dum corona, qua in martyriis donabantur e capite in humerum reiecta, suam coronam Mithram

esse testabantur, ut Tertullianus auctor est lib. de Coron. milit.

(3) Hinc Mithram seu Solem passim Dominum ac Regem appellat Iulianus Orat. IV. Et Porphyrio Creator, et pater omnium dicitur; et Sanctissimus in lapide ap. Grut. p. xxxvi. 1. Sed et Omnipotens deum in veteri cippo Neapoli:

OMNIPOTENTI  
DEO MITHRAE  
APPIVS CLAVDIVS  
TERRONIVS DEXTER  
V. G. DICAT



tandem ut fabulam omnem clauderet diabolus, eo prorsus die VIII. Kal. Ianuarias Mithrae Natalem ludis, et circensibus celebrandum intrusit, quo Dei Verbum in tempore nasci dignatus est. Unum addam, insignem nempe Io. Chrysostomi locum hanc in rem, sive quisquis sit antiquissimus Homiliae auctor in S. Lucam *de Nativ. Io. Bapt. Sed et INVICTI NATALEM* adpellant. Quis utique tam invictus, nisi Dominus Noster? qui mortem subactam devicit. Vel quod dicant SOLIS NATALEM esse: ipse est Sol iustitiae, de quo Malachias Propheta dixit: *Orietur vobis timentibus nomen ipsius Sol iustitiae, et sanitas est in panis eius* (1).

At e diverticulo in viam; nec tamen data occasione longius abiisse poenitet. Patet itaque et Dros suos habuisse Natalem in ethnicae superstitionis stoliditate. Quo faciunt frequentes Patrum primaevae illius aetatis querelae, obiurgationesque. *Telluris Natalis est*, inquit Arnobius *lib. VII. Dii enim ex uteris prodeunt, et habent dies laetos, quibus eis adscriptum est auram usurpare vitalem*. Et Minucius Felix in Octav. p. 60. *Omitto vetera quae multa sunt, et de deorum Natalibus, donis, muneribus*. Tertullianus item de

(1) Videsis Homil. hanc tom. II. Oper. Chrysostomi Edit. Venetiis mam esse ipse fatetur Caveus De Script. Eccles. pag. 186.  
no. 1583, quam certe antiquissi-

Idolol. Cap. X. *Idem fuit Idoli Natali, omni diaboli pompa frequentatur.* Demum Lactantius Lib. VI. Cap. XX. *Nam ludorum celebrationes deorum festa sunt; siquidem ob Natales eorum, vel templorum novorum dedicationes sunt constituti.* Et mox: *Si quis igitur spectaculis interest, ad quae religionis gratia convenitur, discessit a Dei cultu, et ad deos se contulit, quorum natalis, et festa celebravit.*

Nec vero ratione praeditis tantum, sed cui cuique rei, eventibusque, quorum in annos recurrerebat memoria, tributam Natalis vocem passim videmus. Hinc NATALIS IMPERII (1), apud Herodotum lib. IX. *Xerxes diem qua Rex dictus fuit, tamquam imperii Natalem singulis annis insignem celebravit, quo coenam etiam proceribus suis dabat.* Et de Herode Rege Iosephus Heb. lib. IX. Cap. ult. *Quum occurrisset templi dedicatio, Regisque Natalis dies, quo principatum assumpserat, insignis est celebrata festivitas.*

(1) Natalem Imperii Augusti habes in Narbonensi ap. Grut. p. CCXXXIX.; VII. Idus Juniar. qua die primum imperium orbis terrarum auspicatus est, thure, vino supplicet et hostias simul immolent et colonis incolisque thur vinum ea die praestent. De eo Tacitus Lib. II. Hist. Is primum principatus dies in po-

sterum celebratus. Et in Vespasiano Suetonius Cap. VI. *Tiberius Alexander Praefectus Aegypti primus in verba Vespasiani legiones adiecit, Kal. Iul. qui principatus dies in posterum observatus est.* Et Capitolinus in Pertinace: *Circenses et imperii natalis additi, qui a Severo postea sublati sunt.*

Et Spartianus in Hadrian. Cap. IV.: *III. Id. Aug. Natalem Imperii instituit celebrandum.* Sed praeter Imperii Natalem (1), et NATALIS ADOPTIONIS meminit Spartianus idem: *Quinto Id. Augusti Legatus Syriae litteras adoptionis accepit, quando et NATALEM adoptionis celebrari iussit.* Quo facit Hadriani numinus: IMP. CAES. TRAIAN. HADRIAN. OPT. P. F. AVG. GERM. DAC. PARTHIC. DIVI. TRAIANI. AVG. F. P. M. TR. P. COS. P. P. ADOPTIO (2). NATALIS ORBIS dies Aegyptiis dicebatur, quo creatus est mundus, quem et solemnī memoria Kalendis Augusti, ac die Sabbati quidem quotannis celebrant. De eo praeter Solinum haec ex Philone Iudaeo habemus Lib. III. de vita Mosis: *Intellexit hanc esse MUNDI NATALEM, coelo terraeque festam, et omnibus terrestribus exhilarantem cun-*

(1) Sequiori aetate dies quo Imp. lucem adspexit Natalis geninus dictus ad discrimen Natalis imperii. Atque ita passim in LL. Codicis Theodosiani. Nec nisi Natalium voce hi duo Natales veniunt, ut ex L. II. lib. XV. Tit. V. de Spectac. Nullus omnino iudicium, aut theatralibus ludis, aut circensium certaminibus, aut ferarum cursibus vocet, nisi illis tantum diebus, quibus vel in lucem editi, vel imperii summi sceptrā sortiti. Qui dies feriatī ambo erant ut ex L. II. de feriis: Pa-

rem necesse est haberi reverentiam nostris etiam diebus, qui vel lucis auspiciā, vel ortus imperii protulerunt. Unde et NATALIVM FESTIVITAS adpellantur L. 30. de Praetorib. Nam et scenicae voluptates populo praebitae, et Circenses editi. Unde CIRCUS NATALIVM Paulo Diacono dictus lib. xx.

(2) Vide Eumenium in Pa-neg IX. et Lactantium de mort. persecutor. Cap. XLVI. tum et Laterculum Sylvii apud Cangeium, ubi Natalis Valentiniani Purpurae.

*eta concinnissimo septenario. Hanc ob rem ille maximus Moses aequum censuit, ut omnes adscripti eius civitatibus celebrarent hunc diem otio, festisque hilaritatibus, intermissis laboribus, et opificiis quaestuariis, negotiisque victum parantibus; Ablegata etiam tantisper ceu per inducias sollicitudine anxia.*

Præterea NATALIS VRBIS dictus anniversaria diei celebratio, qua primum condita urbs est, vel cum primo illi impositum est nomen. Ac de Natali Urbis Romæ Hadriani numus exstat apud Waillantium Tom. I. in quo mulier humi iacens cum rota, ac pone ipsam obelisci tres cum inscriptione : ANN. D.C.C.C.LXXIII. NAT. VRBIS. P. CIR. CON. S. C. Idest *Natali Urbis populo circenses constituit Senatus Consulto.* De eo Tullius Divinat. lib. II. Cap. XLVII. *L. Tarutius Firmanus familiaris noster, in primis chaldaicis rationibus eruditus Urbis etiam nostræ Natalem diem reputeabat ab iis Palilibus, quibus eam a Romulo conditam accepimus.* Vnde Palilia quotannis in Natali Romæ celebrata (1), quibus alludit Ovidius Fast. lib. IV.

*Per flammæ saluisse pecus, saluisse colonos,  
Quod fit Natali nuno quoque Roma tuo,*

(1) Atque Palilia ista, id est signatus tum in veterum Kalendæ Natalis Romæ XI. Kal. Maias datis, tum apud Plinium Lib.

Sed haud praetereundus locus alter Tullii pro Flacco: *O Nonae illae Decembres, quae me Consule fuistis; quem ego diem vere Natalem huius Urbis, aut certe salutarein adpellare possum.* Porro huc facit Lex 2. Cod. Theod. de feriis, qua Valentinianus, Theodosius, et Arcadius Imp. iubent feriatos esse *Natalitios dies urbium maximarum, Romae, et Constantinopolis, quibus debent iura deferre, quia et ab ipsis quoque nata sunt.* Sed de Natali Constantinopolis haec a Codino accipimus in Orig. C.polit. *Ἡ εἰσαγωγὴ τοῦ Γενεθλίου τῆς πόλεως γέγονε, καὶ μέγα ἱπποδρομὸν, ὅτε ἡ πόλις ἀνομασθῇ Κωνσταντινούπολις. Postero die celebratus fuit Natalis Urbis, et ludus circensis satis amplius, quando Urbs vocata fuit Constantino-  
polis (1).* Paria habet Eusebius de Constantino in Epist. Temp. *Ἐποίησεν εορτὴν μεγάλην, κελύσας τὴν αὐτὴν ἡμέραν ἐπιτελεῖσθαι τὸ Γενεθλίον τῆς πόλεως αὐτοῦ,*

XVIII. Cap. XXVI. Solinum Cap. 2. Eutropium lib. I. De eo Plutarchus in Romulo: *ἡ αὖτις αὖτις ἡμέρα γένοιτο τῇ πρὶς ἑνδεκά Καλανῶν Μαίων ἐοδολογίται, καὶ τὴν ἡμέραν ταύτην εορτάζουσι Ῥωμαῖοι γενεθλίον πρὶς πατρίδος ὀνομαζόντες. Urbem igitur ad XII. Kal. Maii coepit aedificari, opinione omnium satis constat: eumque diem festum Romani agunt, NATALEM PATRIAR nun-*

*cupantes. Qui dies etiam sub Christianis Caesaribus celebratus, ut ex Sozomeno, et Symmacho lib. VI. Ep. 40. Immo et circenses exhibiti, ut ex Cassiodori Chronico sub Philippo Imp.*

(1) Constantinopolis Natalis celebratus V. idus Maias, ut ex Marcellino Comite, Cassiodoro, Cedreno, Zonara, et Chronico Alexandrino.

*Magnum celebravit festum, iussitque eo ipso die urbis suae Natalem celebrari* (1).

Eodem modo NATALIS COLONIAE obtinuit, quo nimirum die deducta aliquo est colonia. Lapidem Benevchanum habes apud Devila *Antiq. Ben.* p. 86. n. 2. in quo L. SONTIUS PANCIVS, MVNERARIVS NATALIS COLONIAE dicitur. Tullius *Orat. pro Sextio Cap. LXIII. Quum ipsis nonis sextil. idem dies adventus mei fuisset qui reditus, NATALIS idem carissimae filiae, quam ex gravissimo tunc primum desiderio luctuque conspexi; idem (NATALIS) etiam ipsius coloniae Brundisinae erat.* Et iterum *Lib. IV. ad Attic. Ep. 1. Brundisium veni nonis sextilibus. Ibi mihi Tullioli mea fuit praesto Natali suo ipso die, qui casu idem Natalis erat et Brundisinae Coloniae, et tuae vicinae Salutis. Quae res animadversa a multitudine, summa Brundisinorum gratulatione confecta est.* Ubi uno loco et Natalem Tulliolae, et Natalem deae Salutis, et Coloniae Natalem habes. Quid quod adeo recursus omnis rerum suarum Natalis Tullio habebatur, ut Natalem reditus sui cum adpellaverit diem, quo est ab exilio revocatus *Lib. III. ad cumd. Ep. 20. Ad quae recupe-*

(1) Meminit Natalis Civitatum S. Augustinus in Ps. XXXII. *Noli ergo numerare turbas hominum incendentes, latas vias imple-*

*tes, crastinum circum CIVITATIS NATALEM clamando celebrantes, civitatem ipsam male vivendo turbantes.*

*randa per fortunas incumbere, ut facis, diemque NATALEM REDITVS mei cura, ut in tuis aedibus amoenissimis agam tecum, et cum meis.* Nimirum uti exilium pro civili morte habetur, ita et exilii finis quaedam nova nativitas est.

Natalis item Collegii in veteri cippo apud Grut. p. CLXXI. 8. *Ti. Claudius Chresimus ob honorem quinquennialitatis Collegio Dendrophorum Romanorum quibus ex Senatus Consulto coire licet argenti pondo X. et HS. X. millia nummum reddidit* QVAE DIVISA SYNT POPVLO PER GRADVS K. AVG. COLLEGI NATALI. Et apud Fabretum p. 724. ITEM PL. PR. NON. NOV. N. COLLEGI DIVIDERENT; idest placuit pridie nonas Novembres Natali Collegii. Et demum in Doniano lapide *Inscr. ant. Cl. III. n. 44.*

L. SEPTIMI GETAE

SAECLARIA

SAECLVLI FELICITAS

P. PETRONIVS FAVSTVS AVGV

KAL. AVG. N. COLLEGI

NYMMIO ALBINO FVLVIO AEMILIANO COS.

Quem vel ideo produxi, ne quis a clarissimo Muratorio decipiatur, qui haec in lapidem adspersit p. CCLII. 2. *Nomine Collegii dicata fuit haec inscriptio.* Omnino male; ibi enim *to N. COLLEGI non nomine Collegii, sed NATALI COLLEGI legendum.*

\*

Pari sensu NATALIS NAVIGATIONIS is anni dies salutabatur, quo post menses hibernos navigationem veteres auspicabantur. De eo Apuleius Met. XI. p. 365. *Diem, qui dies ex ista nocte nasceretur, aeterna mihi nuncupavit religio, quo sedatis hibernis tempestatibus, et lenitis maris procellosis fluctibus, navigabili iam pelago, rudem dedicantes carinam, primitias comineatus libant mei sacerdotes.* Et Vegetius IV. 39. *Post Natalem, ut ita dicam, navigationis, qui solemni certamine, publicoque spectaculo multarum gentium celebratur.* At qui proprie is dies fuerit, pronum est ex eodem intelligere: *Ex die III. iduum Novembris usque in diem sextum Iduum Martiarum maria clauduntur.*

DEIUM NATALIS AQVILAE in marmore apud Murator. p. CCCXXV. 2. I. O. M. PRO SALVTE N. AVRELI ANTONINI ET AVRELI VERI AVGUSTORVM OB NATALE AQVILAE VEXILLARIOR. LEG. VII. Et iterum n. 3. OB NATALE AQVILAE VEXILLARIOR. quod ad annum Christi pertinet CLXXXIV. Eo enim anno sub Imp. M. Aurelio, et L. Vero processerunt Consules Marullus, et Aelianus in votiva tabula signati. Nec nisi ita supplendus lapis alter ap. eundem p. VII. OB NATALE.....LEG. 7. nimirum *ob Natale Aquilae* (vel *maius Signorum*) *legionis VII.* ut expresse ibid. p. CCCXXVI. 3. OB NATALES. SIGNOR. VEXILLARIOR. COH. III. CELTIB. L. Aelio Aurelio Ve-



ro III. et Quadrato Coss. nempe an. Chr. CLXVII.

Porro inducto semel, quod quaevis anniversaria celebritas NATALIS diceretur, primum fuit ut vox eadem eodem sensu in Ecclesia invaluerit. Nam NATALIS CALICIS dies Caenae Domini passim adpellatus (1), ut ex Eligio Novicomensi Episcopo ediscimus Hoin. x. *Vocatur haec dies Caena Domini, vocatur et Natalis Calicis. Et merito talibus praefulget miraculis, quia hac eadem die Mysterium Paschae Dominus cum discipulis celebrans, Sacramenta Corporis et Sanguinis sui illis, atque per illos nobis tradidit, et ipse celebrationis initium fecit.* Et Ratramus Corbiensis Lib. IV. contr. Graec. Cap. III. *Natalem Calicis similiter, ut diem dominicum habere debemus, in quo sacrificium Domini Corporis, et divini Sanguinis ab ipso Domino celebrationis sumpsit initium* (2).

Praeterea NATALIS ORDINATIONIS pro anniversaria diei celebritate, quo quis primum Pontificatu est inauguratus, passim Patribus dictus. Hinc *Natalis Felicis Comensis* apud Ambrosium Lib. VIII. Ep. LX. *quo ille susceperat gubernacula summi Sacerdotii.* Et in Martyrol. Rom. Natalis Ordinationis S. Ambrosii Episc. Mediolanensis (3). Item

(1) Natalis Eucharistiae Lan-  
dolpho dicitur.

(2) Vide Homiliae fragmenta  
in *Natalem Calicis*, quae de

Avito Viennensi habemus.

(3) Quem diem Graeci etiam  
reverentur. Videsis Menologium.

Natalis Aurelii Episcopi Carthaginiensis apud Augustinum Serm. XXXIII. de Sanct. (1). Porro de Natali Anastasii Pontificis ita Paulinus adhuc Presbyter Ep. XVI. ad Dolfinum: *Ad Natalem suum, quod Consacerdotibus suis tantum deferre solet, invitare dignatus est.* De Natali suo Leo Magnus Serm. III. *Illi ergo (Beato Petro) hunc servitutis nostrae natalitium diem, illi ascribamus hoc festum, cuius patrocinio sedis ipsius meruimus esse consortes.* De Natali suo Xistus Pontifex Epist. ad Ioannem Episcopum Antiochen. *Audivit universa fraternitas, quae de Natalis mei convenerat diem* (2). Et Hilarius Papa Epist. ad Ascanium, et ceteros Episcopos Tarracenensis Provinciae: *Lectis ergo in conventu fratrum, quos Natalis mei festivitas congregarat, litteris vestris.* Et in Praefat. ad libel. precum Marcellini et Faustini de Damaso Pontifice: *Quos etiam quum ad Natale suum sollemniter invitasset.* Et Anastasius in Vit. Hadrian. I. *Constituit, ut quatuor vicibus in anno ipsum Pharrum accenderent, id est in Nativitate Domini, in Paschate, in Natali Apostolorum, et in Natali Pontificis.*

(1) Vide et Augustini *Hom. XXIV.* et seq. de suae Ordinationis Natali.

(2) Vid. Eiusd. Epist. ad Cy-

rillum Alexandrin. an. ccccxxx, quo venerabilem Synodum se die Natali suo congregasse testatur.

Adhaec NATALIS CATHEDRAE in Laterculo Bucheriano signatur, quod medio quarto aeo conditum fuit. Ibi VIII. KAL. MART. NATALE PETRI DE CATHEDRA. De quo et Augustinus Serm. xv. de Sanct. *Institutio solemnitatis hodiernae a senioribus nostris Cathedrae nomen accepit, ideo quod primus Apostolorum Petrus hodie Episcopatus cathedram suscepisse referatur. Recte ergo Ecclesiae Natalem sedis eius colunt, quam Apostolus pro Ecclesiarum salute suscepit. Quod Natalis ergo Cathedrae hodie colitur, sacerdotale honoratur officium.*

Succedit NATALIS TEMPLI, de eo Sacramentarium vetustissimum, quod edidit Iosephus Blanchinius tom. iv. Anastasii p. xxxix. NATALE BASILICAE ANGELI IN SALARIA, id est festum Dedicacionis Basilicae.

Sed quid plura? Sane festis omnibus id vides tributum nomen. Nam et dies translationis reliquiarum Natalis dictus in Martyrologio Hieronymiano: *IV. Non. Aug. in Antiochia NATALIS RELIQUIARUM Stephani Protomartyris, et Diaconi.* Quid quod Pascha, et Pentecostes, et Festum Sanctorum omnium Natales dicti? Ita profecto in charta quadam Pontii Episcopi Atrabatensis apud Cangium: *Singulis annis viginti solidos cursalis monetae reddere tenebitur quatuor Natalibus, scilicet quinque in festo omnium Sanctorum, quin-*

*que in Natali Domini, quinque in Pascha, et reliquos quinque solidos in Pentecoste.* Demum et annuus supplicationum recursus, quae ab Alexandrinis quotannis xii. Kal. August. Deo Opt. Max. agebantur ob urbem ab ingenti motu terrae, ac inundatione maris servatam *Γενεσις του Σεισμου, Natalis terraemotus* Sozomeno adpellatur *Hist. Eccl. Lib. vi. Cap. 2.* Sed manum de tabula.

## COMMENTARIO LV

## DE REBVS

## FRANCISCI SERAI

**E**x praestantissimis viris, quos Campania Felix virtute ac doctrina insignes tulit, unus profecto omnium maxime commendandus exstitit Franciscus Seraus, Italiae singulare lumen et ornamentum. Is quarto circiter ab urbe Aversa lapide in eo pago occidentem versus, qui S. Cyprianus dicitur, XI. Kalendas Octobres anni MDCCII. natales ex honestis ac piis parentibus sortitus est, Paulo nempe Serao, et Hippolyta Furnia Aversana. Puer ingenii docilitatem, memoriaeque tenacitatem nactus, litteris adprime vacavit, gravitatis ac usurae temporis supra aetatem amicus. Quo pueri sciendi ardore excitatus pater, doctrinis omnibus, quibus puerilis aetas impertiri solet, eum erudiendum impense curavit. Mox anno MDCCXIV. hortante pa-

Decimo octavo aetatis suae anno hanc vitam exaravit Auctor. Verum curante Clarissimo Angelo Fabronio Pisanac Academiae Modera-

lore, Pisis prodit anno MDCCCLXXXIX inter *Vitas Italorum doctrina illustrium, qui saeculo XVII et XVIII floruerunt. Tom. XIV.*

truo Antonio Seroa, Neapolim deductus est, atque litterario in ludo apud Patres Societatis Iesu non aequales tantum, verum etiam natu majores facile praeivit. Ludicris enim longe sepositis, sapientiae eo usque inhiabat, ut nec sodalium illecebris, nec urbis oblectamentis a suscepto semel studiorum curriculo abduceretur. Illud Quinctiliani, *ille se profecisse sciat, cui Cicero valde placebit*, alta mente repostum tenens, tanti Tullium ea prima aetate, quanti neminem alium fecit. Ex cujus jucunda adsiduaque lectione non minus latini sermonis elegantiam, quam recte cogitandi, ratiocinandique doctrinam adripere commisit est.

Porro Latinis Graeca conjunxit, in quae singulari, ultra quam credi potest, studio incubuit. Verum nondum triennio exacto, e vivis Paullus pater praerapide sublatus est. Quo acerbissimo casu a studiis suis aliquantisper avocatus est Seroa. Nam inopino illo fato contristata mater gravem incidit in morbum, extremumque clausura foret diem, ni pro defuncto viro Franciscum natum in ore conspectuque suo habuisset. Quare pietatis officio adductus ut ad proprios se lares referret; ibi diutius, quam proposuerat, coactus est consistere. Vbi vero mater a luctus consternatione se se erexit, e vestigio Neapolim Franciscus remeavit, atque majore animi alacritate intermissa resumpsit studia. Interim, quum Mathematicae ac Philosophi-

cae provinciae velificari incoepisset, sedulam utri-  
que operam impendens, majorem erga se in diem  
apud aequales concitavit existimationem. Atque  
inde factum, ut usque undique condiscipuli per-  
reptarent ad gymnasium ad domum, interiorem  
ejus familiaritatem adfectantes.

Emensus anno MDCCXVII. rei Philosophicae sta-  
dium, animi aliquantulum pendebat, juris ne scien-  
tiam, an medicam disciplinam amplecteretur. At  
natura, quae in eo efformando totam se se im-  
pendisse visa est, non ad politiores tantum lite-  
ras, verum etiam ad rem medicam nobilitandam  
eum delegerat. Itaque hanc ceteris anteposuit, cui  
se se totum libenter addiceret. Principio ad natu-  
rae abdita in humano corpore perscrutanda, ca-  
daverum dissectionibus segnitè vacavit, atque ex-  
triosa partium constructione morborum praeludia,  
signa, progressus felicissime divinavit. Anatomicae  
scientiae Physiologiam, Chymicam, Botanicen,  
Pharmacuticam comites adjunxit. Haec omnia trien-  
nio circiter adsequutus, Blasio de Puteo, qui tum  
non vulgari florebat existimatione, se se tradidit,  
atque ejusdem methodum curandorum morborum  
observaturus, nosocomia, aegrorumque domus si-  
mul circumire instituit. Verum, quum in Regio  
Archigymnasio tunc temporis medicinam, quae  
vulgo *practica* audit, Nicolaus Cyrillus consum-  
matae peritiae medicus, domo Grumo, doceret,

evenit ut Seraus, qui publicas Cyrilli praelectiones numquam non audire passus est, ejus doctrina humanitateque maxime captus sit. Hinc missione singulari modestia a Blasio de Puteo statim impetrata, in Cyrilli fidem se se dedit, quo facem praefereute, intima medicinae sacraria facilius penetravit. Nihil interea de animi erga bonas artes ardore remisit, quin potius auxit. Quum enim Cyrillus, cui amplissima erat bibliotheca, lectissimis undequaque libris instructa, eorum libenter copiam Serao fecisset, is opportunam hanc nactus occasionem, haud ita facile dici potest, quanta animi contentione, sive humaniorum litterarum, sive medicae artis auctores diu, noctuque voraverit. Inter ceteros Celsum unum veluti omnium facile principem maximi faciebat, nec diem abire unquam sivit, quin suavissimam aliquam Celsi particulam attigerit, ut profecto quemadmodum Tullius Terentium, ita Seraus Celsum *librum suum* identidem nominaret, a cujus lectione aut commendatione ne in provecta quidem aetate unquam cessavit. Quapropter et adolescentibus in medicinae studia ingressuris non semel atque iterum hunc maxime proponere consueverat.

Ad hanc Historiae etiam, et Geographiae, ceterisque disciplinis haud impari impertivit operam. Quemadmodum enim in plantis atque herbis usuvenit, ex quibus, quae benignioris sunt



naturae, salubriores e solo succos ad coalescendum exsugunt, ita prorsus Serao accidit, ut quum singulari indole esset, meliora ipse sequeretur studia, quibus ad miraculum instructus facillime se se in virorum sapientia et auctoritate praepollentium familiaritatem insinuavit. At vero Cyrillus, quum in dies cognosceret adolescentem doctrina ac multigena antiquitatis cognitione praestantem, omnem industriam ad rem medicam exornandam conferre, cum magis magisque aestimare, suique pene loco nati habere coepit. Atque inde, ubi ipse prae diurno laborum pondere negotiis suis omnibus satis esse non poterat, ut medicis consultationibus per se Seraus responsa daret, et voluit, et imperavit. Sed non heic restitit ejus cura, et studium; otii quippe impatiens, et laboris amicus domi philosophicum ac medicum ludum anno MDCCXIII. aperuit, qua quidem in exercitatione ita se guavum industriumque probavit, ut auditorum commodis unice intentus, dum simul conabatur mira sibi eos humanitate devincire, simul plana docendi methodo in penitissimos sacratissimarum disciplinarum sensus vel invitos deduceret. Quo factum, ut illustrium ea tempestate virorum in se admirationem converterit, quorum etiam exhortationibus excitatus est, ut ad cathedram petendam more majorum accederet.

Ac sane anno MDCCXXVII. publico indicto candidatorum experimento, quo prima medicinae theoreticae provincia impleretur, vicesimum quintum annum agens Seraus gravissimorum hominum, Physiologiae Cathedram petiturus, conspectum, iudiciumque summa cum laude sustinuit. Anno deinde MDCCXXXII. in anatomicae cathedrae petitione iterum ingenii sui, plaudente medica Republica, periculum fecit, eamque obtinuit. Denum sequenti anno, nimirum MDCCXXXIII. secunda theoreticae medicinae Cathedra ei communi suffragio, non sine litteratorum gratulationibus, fuit decreta. Duobus vero hisce annis binas ad Regii Archigymnasii alumnos in solemni studiorum anniversaria instauratione elucubravit orationes, quarum alteram publice habuit, alteram non recitavit; ambae tamen mandante Caelestino Galiano Archiepiscopo Thessalonicensi, et studiorum amplissimo moderatore, lucem adspexere. Per eadem fere tempora medicis institutionibus limandis se dedit, quas in juventutis commodum jampridem e penu suo elaborarat: opus profecto mira eruditione, iudiciiue maturitate praestantissimum, cui et medicas aliquot diatribas, et nonnulla pro re nata subinde adjecerat. Heic interea Hippotytae matris mors sequuta est, quam qui vivam insigni pietate coluit, denatam desiderare non destitit. Dolorem at mox dolor excepit. Extremo enim autumno

anni MDCCXXXIV. magno omnium luctu ac moerore Cyrillus, cui omnia noster ferebat accepta, ingravescens cordis labe, ac interiora magis infestante, doloribus undique exacerbatus Deo animam reddidit. Cujus tanti viri iactura eo Serai animus vulnere concidit, ut numquam processu temporis mitigari potuerit.

His ita se habentibus anno MDCCXXXVII. Vesuvius, qui per septem fere annos quieverat, incendio conflagravit, atque tanta fuit candentium saxorum, quam evomuit, copia, ut horrendum exhibuerit torrentem, finitimi oppidulis Orientem spectantibus exitum minitantem. Inopinum portentum, Caroli Regis, qui tribus ante annis Neapolitana dominatione potitus fuerat, animum haud leviter perculit. Quamobrem huius eventui causam posteritati commendare volens Rex Caelestino Galiano mandavit, ut eam Vesuvii conflagrationem ab Academia (scilicet, quam is jampridem ex viris doctrina praestantissimis collegerat, cuique Cyrilum praefectum, Seraum a secretis pronuntiarat) adcurate describendam curaret. Haud diu acerrimo ingeniorum aestimatori deliberandum fuit cui nam committenda provincia; e vestigio enim Regis nomine negotium Serao mandat, qui in se onus libens recepit, ac brevi exquisitam Regi de literis benemerentissimo obtulit postremae Vesuvianae conflagrationis descriptionem. Quam vero op-

tino Regi acceptum opus fuisset, ex eo potissimum arguas, quod aegre passus Italiae finibus Neapolitanae litteraturae gloriam concludi (italice enim scripserat auctor) eundem ad pensum latinae absolvendae versionis revocavit. Imperatum ea sedulitate vir magnus perfecit, ut Augustea prorsus aetate scriptam credas. Quamobrem et sapientissimi Regis gratiam, et ab universa litteraria republica sibi plausus conciliavit. Opus enimvero id est omni omnino commendatione dignum, quum quidquid est antiquitatis, et historiae, quidquid elegantiae, et eruditionis, in eo plane recondi videatur. Hoc unum tamen prae ceteris hic monendum duco, quod ubi Galliam opus pervasit, gallico statim idiomate Parisiis prodierit. Interea, quum secundae medicinae *practicae* cathedrae Praefectus anno MDCCXL. chronico morbo fuisset correptus, studiorum statim moderator in Seraum cogitationem intendens, illum ad sustinendas infirmi vices suffecit; quo e vivis anno MDCCXLIII. sublato, eam nemine contradicente est consequutus.

Praeterea anno MDCCXXXVIII. quum Alexander Cyrillus medica Nicolai Cyrilli consilia praeo dare constituisset, Noster maxima in se a Cyrillo conlata beneficia memori recondens animo, operi disertissime praefatus est, vitaeque historiolum, quam multo ante pertexuerat, adposuit. Neque hanc extremam in praeceptorem fuisse Serai curam;

atque studium, ex his quae sequuntur, aperte datur cuique dignoscere. Cyrillus ante annum MDCCXXVIII. Michaelis Ettmulleri opera medica suis illustrationibus ditaverat, in quibus quum ad trutinam omnia exegerit, et alia probaverit, alia reiecerit, rem acquissimam Michael Ernestus Ettmullerus, Michaelis filius, iniquo adeo animo tulit, ut Neapolitanae Scholae medicum facile principem castigatione satis acerba, ac etiam contumeliosa, impetiverit, quam et Actis Lipsiensibus anno MDCCXXXI. insertam voluit. Qua re cognita, Cyrillus indignam Ettmulleri accusationem gravi responsione propulsavit, suos uberius aperiens sensus. Verum hanc Academici Lipsienses, tametsi enixe a Cyrillo rogati, ut iisdem Actis committeretur, prorsus resisterunt. Prodiit tamen Gen evae in *Bibliotheca Italica tom. XVIII.* Utriusque autem morte sequuta, Ettmulleri nempe hoc eodem anno, et Cyrilli mox exacto fere triennio, universa lis consopita cunctis videbatur, quum Cyrilli abitione audaciores facti Lipsienses pugnam veluti succenturiati milites cum mortuo redintegrarunt, fore neminem sperantes in Urbe nostra, qui secum esset congressurus. Sed Lipsiensium expectationem frustravit eventus. Seraus enim Romae apud Cl. Leprotum divertens, ut primum renovatam a Lipsiensibus pugnam sensit, statim eo animum adiecit, ut in certamen ipse pro praef-

ceptore suo descenderet. Vindicias autem omni ex parte absolutas adversariis primo Marte opposuit, multa animo volvens, nisi demum adquiescerent. Sed res eo primo conatu restitit. Nam aere Serai ingenium, eruditio, et scribendi gravitas exteros homines omnino turbavit. Excusas porro vindicias ad calcem Consiliorum Cyrilli habes, de quibus mox sermo redibit.

Factum autem anno posthac MDCCLII. III. Kalendas Februarias, ut sex amplius supra quingentos, tenelli, ac pellucidi globuli turbidulam aquam redolentes foras ex ventre apri eruperint, qui a Rege Carolo sclopi ictu percussus cecidit. Rei novitas multas inter physicos, et turbas, et opiniones excitavit, Regisque, huiusmodi rerum scrutatoris eximii, animum movit, ut a Serao, cuius doctrinam in Vesuviano opere abunde perspexerat, ea de re observationes exposceret. Neque ulla interposita mora Noster, Regis optimi imperio parens, diatribam ponderosissimam, tametsi brevem illi obtulit, quae Neapolitanis primum typis, mox Romanis etiam, anno MDCCLV. in litteraria epemeride Palcariniana est excusa.

Eodem anno Mahmudus Turcarum Imperator Carolum Regem elephanto in officiosae, nec vulgaris amicitiae argumentum donatum voluit. Monstrosae etiam hujus belluae descriptionem Rex idem a Serao efflagitavit. Verum antequam suas

Noster in lucem emitteret animadversiones (emissit enim eodem anno typis Regijs) vir quidam laud infimi subsellit, nec inglorius, ut nostro palmam fortasse praeriperet, praematu-ros in idipsum argumentum conatus festinavit, ediditque. At si- quidem virtus neque eripi, neque surripi potest, contra votum res cecidit. Seraus enim, licet natura ad iracundiam minime proclivis, concitatus tamen quam qui maxime, scriptiunculam sui generis prorsus novam in cum fudit, in qua quid- quid est elegantiae, et festivitatis, quidquid eru- ditionis, et acuminis, quidquid iocorum, lepo- rum, sententiarum, facetiarumque conglobavit, aemulum suum unde unde obruens. Nisi quod ma- gna opellae parte confecta, quominus eam absol- veret Hieronymus Frater, Aversae Canonicus, doctrina ac pietate spectatissimus praefracte obstitit, cujus enixe operam apud Fratrem, vir ille, imminens famae suae periculum veritus, implo- rarat. Sane nisi aliud Serai monumentum exta- ret, vel hoc unum, currenti licet calamo fustum, ac intercisum denique, sufficeret, quo omnibus versatile ejus ingenium patesceret. Mirum enim, rem tam exigui argumenti tam granditer pertra- ctatam. Neque silcam heic Joannis Baptistae Mor- gani Medici praecclarissimi de hoc opusculo testi- monium, cui maxima cum nostro intercedebat necessitudo. Scriptiunculae lectionem in gravissi-

morum hominum consensu susceperat vir summus, quum in ista saepe proruperit : *Quanta hinc Neapolitanorum gloriae accessio ! quanta in una et altera cartula eruditio !* Immo ut ex amici litteris sensit, spongiae incubuisse quidquid reliquum erat operis, ea protinus excanduit ira, ut pileum, quem capite gestabat, iratus proiecerit. Hac Serraus cura expeditus in novam se coniecit. Hoc enim eodem anno trinas de Appulo phalange lectiones elucubravit, quae Galiano iubente, publici iuris factae novam, amplissimamque auctori gloriam peperere. His successit anno MDCCXLIV. Regis imperio, anatomica leonis descriptio, qui pridie Kal. Februarias. eiusdem anni in Regio leporario obiit.

Quam plurima alta scripsit, ex quibus anno MDCCXXXIX. epistolam ad summum virum de re litteraria publica benemerentissimum Alexium Symmachum Mazochium, quae in calce Mazochiani operis de dedicatione sub ascia prostat. Eodem anno, rogante Marco Poleno, diligentissimo antiquitatis perscrutatore, atque mathematico nemini secundo, commentariolum elaboravit de rebus Alexii Symmachi Mazochii, qui per id tempus quartum supra quinquagesimum aetatis annum agebat. Quamvis vero imperfectum id sit, tanti tamen est, ut nemo ex doctis postremam illi manum addicere ausus sit. Interea quum Antonius Le-



prottus summi Pontificis Benedicti XIV. medicus cubicularius Seraum de pestis contagione arcenda consulisset anno MDCCXLIV. epistolam reddidit illi Seraus, in qua summa eruditione Chicoyneum perstrinxit, cujus scripta paullo ante ei legenda tradiderat Galianus: *orationem nempe Academicam latinam, qua communis de contagio pestilenti opinio refellitur*, quam anno MDCCXXII. Chicoyneus edidit, et *observationes aliquot genericas de pestis contagio una cum observationibus, quibus remedia indigantur praeservationis a peste*, quae postrema Gallico scripta erat idiomate. Anno dein. MDCLII. a Joanne Bruno medico Melitensi de tabifica contagione prohibenda sententiam rogatus, suum hac de re iudicium ponderosis literis commendavit. Scripsit etiam anno MDCLV. universa Europa plaudente, *Schediasma de suffocatis ad vitam revocandis*. Haec vero omnia uno fasce collecta in opusculis extant, quae anno MDCLXVI. Agnelli Lupuli patruī desideratissimi cura, et studio excusa fuere. Quamplurima alia pro re nata elucubravit, quae tum pro devexa aetate, tum quod pleraque malo pessimo interciderant, lucem intuita non sunt. Inscriptionum praesertim ingentem numerum habemus, quas inter praecipuae sunt, quae ad Coenotaphium Michaelis Archangelī Patricellii, avunculi magni Archidiaconi Aversani, Fractae in maiori Ecclesia legitur, et in-

scriptio ad Agnelli Vaxalli tumulum. Carmina quoque diversis temporibus diversa fudit, quae utinam luce donarentur ad patriae gloriam, niodum commoda huiusmodi eupediarum amatorum. Epistolae insuper latinas frequentissimas dedit ad viros suae aetatis praestantissimos, prae ceteris vero ad Alexium Symmacum Mazochium, et Michaelem Archangelum Patricellium, cuius ante paullo memini.

Tredecim annos in altera medicinae *practicae* Cathedra ornanda Seraus exegerat, quum primaria vacaverit anno MDCLIII. Ac ubi Regis decreto, communi omnium petitione patuisset, quod suum institutum, vitaeque rationes ab ineunte aetate susceptae postulare videbantur, periculo se proximis eiusdem anni comitiis exposuit, Cathedralamque istam summo prorsus exterorum Neapolitanorumque plausu LI. annum agens est consequutus. Curis ingravescentibus quum ipse sibi domi unice vivere non posset, anno MDCLVI. Nicolettam Zuccharelliam viduam honesto loco natam sibi matrimonio iunxit, ex qua unam, neque degenerem habuit filiam, matris nomine Hippolytam, quam persancte educatam Franciscus Antonius Rossi Jurisconsultus sibi nupsit. Vix autem dicere est quam multis varique generis curis vir summus distineretur; ut omnes mirarentur; qui homo pluribus intentus, et anxietate quandoque

obrutus, ac pene suffocatus, poterat et minutias temporis suffurari, quas lucro adponeret. Neque enim nisi subsecivis horis doctissimas Joannis Pringlii medici Angli observationes *de castrensibus morbis* e Britannico in patrium vertit sermonem, quae anno MDCCLVII. Neapolitanis typis prodire. Atque hic novus Seraî labor non parvo quidem universae medicorum genti fuit emolumento. Qui enim ante hâc Britannici sermonis imperitia ab insignis operis lectione arcebantur, id exinde terere, ac prae manibus continuo habere coeperunt. Quid quod in lucem vix emissum latam adeo Serao famam per universam pene Europam conciliavit, ut nihil supra? Ea enim vero facie Pringlianas observationes illustravit, ornavitque Seraus, ut nonnisi e penu sua emissae viderentur. Ad hæc eximius doctor Maclulans ex Italia Angliam reversus, quum clarissimo Pringlio *observationes de castrensibus morbis* a Serao Italo sermone donatas obtulisset, tanta gestivit exultatione Pringlius, ut grati sui animi sensus per epistolam locupletissime Nostro patefecerit; in qua non modo se illi obstrictum professus est ob exquisitas laudes, quibus in præfatione, observationibus præfixa, opus honestavit, sed amplius significatum expresse eidem ac declaratum voluit, quod si ante versio isthac in suas venisset manus, quam tertia Anglica pro-

diisset editio, profecisset utique additionibus, quas italicae versioni Noster adpinxerat. Hoc functus labore sequenti anno MDCCLVIII. Reginae nostrae Carolinae Austriacae Augustae medicus creatur. Fama at hominis undique longinquas praesertim regiones pervagante, quum multa ac magna Carolo Regi praestitisset officia, tum et Carolinae Reginae, atque universae Aulae, acquum erat, ut qui in medica schola Neapolitana, et in re litteraria publica primas tenebat, primo etiam inter clinicos honore cohonestaretur. Quod iure merito, et omnium ordinum plausu consequutus est anno MDCCCLXXVIII. quum Ferdinandi Regis Augusti medicus intimus, et totius Regni Archiater est renunciatus.

Praeter Pringliani operis versionem nihil amplius a uostro accepit orbis litterarius. Ex iis vero, quae hactenus de eo dicta sunt, vel cuivis intelligere datur, Seraum a natura ingenium versatile sortitum esse; cuicumque enim rei manus admovebat, ea quidem dexteritate, atque solertia tractabat, ut nonnisi huic unice vacasse videretur. Id quod locupletissime testantur varia eius opera, quae a praestantissimo quoque in eo genere elabora videntur. Nam saepissime, re postulante, stylym ea mutavit facilitate et felicitate, ut eius opera vix ab uno profecta crederes.

Summa porro, et exquisita pollebat eloquentia, et eruditione, ut neque familiariter, nisi erudite etiam loqueretur, quod maxime omnes in eo mirabantur. Quin Senecae effatum illud in mentem revocans, et circumstantibus saepe repetens: *quaedam tempora eripiuntur nobis, quaedam subducuntur, quaedam effluunt. Turpissima tamen est iactura, quae per negligentiam venit*; meditationi semper, vel scriptitationi intentus, nullam nisi perexiguam ad relaxandum animum quietem sibi indulsit. Summo mane surgere in more habuit, matutini temporis perquam parvus; nec multum in multa etiam aetate somno tribuit. Immo a patruo meo Agnello, quem filii prope loco is habebat, audiisse memini, quod quum aliquando senem obsecrasset, ut a laboribus aliquantisper diverteret, cum Diogene respondit: *quid si in stadio currerem? Oporteret ne me iam vicinum metae cursum remittere, an non potius intendere?* In medendi arte quantum sibi auctoritatis supra ceteros conciliarit, vix dici potest, ut quocumque vocatus, tum aegroti familiarum, tum decumbentem ipsum ad bene sperandum sola sua praesentia erigeret. Ergo aegrotum ubi primum convenisset, ex adverso adsidens decumbentem quam officiosissime salutabat, tum sermone ex industria interposito, cum eo verba dum commutabat, frontem interim, vultum, oculos, lequen-

di facultatem, respirandique rationem, quam accuratissime perscrutabatur, ex qua exploratione faciliorem certioreque se, quam ex pertentato pulsu, de aegroti statu capere coniecturam dicere solebat. Tum collectis unde unde artis praesidio indicii, animum aegrotantis recreare modis omnibus adhibebatur, quae erant sperandae salutis argumenta discrete proponens. Id quod ea suavitate, et gratia, ac vultus hilaritate praestabat, ut aeger oratione ipsa excitatus, iam prope ex morbo convaluisse videretur. Ac revera cunctis de nostra Civitate scitum, ac maxime litteratis, quod interioris notae amicus (is est Nicolaus Ignarra in Regia Studiorum Academia Sacrae Scripturae interpres, quem in Gracis Hebraicisque litteris praeceptorem habui) exeunte autumno anni MDCLXXXIII. acuto, difficillimoque morbo correptus ac plane desperatus, quum ad Scaurum de valetudine sua bene sperantem, oculos animumque intendisset, erecto parvillum ex pulvinari capite, Ovidianum illud pronuntiavit:

*Huius ab alloquiis anima haec moribunda revixit,*

*Et vigil infusa Pallade flamma solet.*

Etsi vero in medicinis adhibendis parcissimus fuerit, ut cunctando potius valetudinem restituere velle videretur, in illud tamen totus incumberebat, ut quo natura ferebatur, diligentissime, scrutaretur eamque praeveniendo iuaret.

Ad haec egenorum miseratione inclaruit, quorum indigentiae modis omnibus se se adcommodare studebat. His enim, medicinae caussa arcessitus, non artis subsidio tantum, sed etiam rei suae familiaris opitulabatur.

Ut vero artis peritia, philosophiae profunditate, ac politioribus literis nemini unquam cessit, ita et vitae morumque honestamentis parem habuit neminem. Praeter enim singularem in Deum pietatem, cui primas semper dedit, ea fuit modestia, probitate, integritate, ut adprime in hoc homine, veluti in speculo quodam omnes contemplerentur, quantum litterae valeant ad indita a natura honestatis semina fovenda, quantum ad luxuriantes cupiditates stringendas coercendasque, quantum ad animi tranquillitatem servandam. Ea insuper prudentia in nostro eluxit, ut in Aula Regia immortale sibi nomen pepererit. Ut autem erat ad omne officium, ita ad omnium animos ac voluntates devinciendas factus. Humanitatem enim, facilitatem, atque suavitatem adeo cum gravitate temperabat, ut a cunctis amorem, nedum observantiam exegerit. Nihil porro dicani de constantia, quum numquam alicuius gratia, vel metu propositi sui excusserit tenacitatem. Quanta item eius fuerit in laboribus tolerantia, vel id tantum argumento sit, quod homo gravissimis continuo immeris curis, quamplurima elucubraverit opera.

\*

multiuga eruditione, ac venustate dicendi insignia. Liberalitate etiam non in amicos tantum, quos ad mensam quam frequenter adhibere consueverat, sed in miseros adprime usus est. Discipulos non tantum dilexit, verum et amavit, quos heic vel recensere longum esset, ac fortasse etiam odiosum, si quem invitus praetercam. Nec vero est, quem lateat, ex eius schola praestantissimos quosque in arte prodisse, canque habitam veluti seminarium professorum Regiae Academiae Neapolitanae.

Miti igitur Noster erat natura, vultu sereno, sermone iucundo. Elegans, non magnificus; splendidus, non sumptuosus; comis non sine severitate, nec sine urbanitate gravis. Gloriam, nisi honestati coniunctae, numquam se cupidum prae-buit. A contentionibus, altercationibusque continuo abstinuit; et si aliquando in disceptatione aliena arbiter ipse a litigantibus esset vocatus, ne iniurius alterutri videretur, vel se hinc extricabat, vel discrepantes animos exquisita prudentia componere adnitebatur. Res omnibus quidem anno MDCCXLVIII. innotuit. Lutetiae Parisiorum lis eo anno suborta de medicorum, et chirurgorum dignitate eo paulatim processerat, ut magistratum curam, Regisque Christianissimi providentiam excitarint. Chirurghi, a medicae facultatis auctoritate alienati, medicorum iura ac praescripta pessum omnia habuere, nec passi sunt eos candidatorum



suorum iudices sedere. Ex adverso medici, qua argumentationibus, et scriptis, qua modis quibuscumque quum nihil quidpiam ad tam novos, et exitiosos chirurgorum ausus refrenandos profecissent, id reliquum viderunt, ut ad nostram facultatem, ceterasque Europae Academias adpellerent. Datae hinc anno MDCCXLVIII. pridie idus Decembres ad Neapolitanam facultatem litterae S.B.G. a Martinenyo saluberrimae facultatis Parisiensis Decano, quibus insignes nostrae Academiae medici rogabantur, ut, singulis universae contentionis articulis perpcnsis, sententiam ea de re dicerent. Martinenyi epistolae Scraus nostrorum nomine anno MDCCXLIX. XIV. Kal. Maias graviter humaniterque rescripsit (1).

Industriam at omnem non in eo posuit, ut gloriam ex eruditionis et doctrinae adfluentia, scribendique elegantia aucuparet, sed in medicorum, chirurgorumque animis demulcendis, conciliandisque, ut ita Galliae decori, et honestati, Professorum famae, et existimationi, studiosae demum iuventutis exemplo probe prospiceret. Unde postremo loco posuit: *nihil hic de ea re legibus scriptis traditum, aut praestitutum esse: sed omnia passim inter medicos, chirurgosque modestia, observantiaque mutua, quae viros graves, artem*

(1) Hujus epistolae autographum penes me est cum Martinenyi litteris.

*difficillimam gravissimamque profutentes, maxime decet, transigi.* Atque ita unius Serai rescripto tota illa evanuit dissensio.

Quocirca quamplurimos Neapoli amicos, eosque doctissimos habuit, quibus praestabant duo illa eiusdem aetatis ornamenta, Alexius Symmachus Mazochius Campanus, Regius S. Scripturae interpres, ac Metropolitanae Ecclesiae Neapolitanae Canonicus (1), et Michael Archangelus Patricellius avunculus meus magnus, Aversae Canonici Archidiaconus, eiusque Seminarii moderator, quem non alio quam praeceptoris nomine solebat adpellare, quippe adolescenti sibi facem ad virtutis, et

(1) Vide Mazochium in de sub Ascia pag. 94. col. 1. Quibus adde et hoc elogium, quod dum in his essem ex Dan. Clerici Hist. Med. suppeditavit mihi Vir doctissimus, et amicissimus Franciscus Seraus. Ibidem pag. 244. Ecce meus ille Eurytheus, Seraus Noster tertio me certamine opponit. Rursumque pag. 256. Haec est arctiae medicae constitutio, quam Franciscus Seruo summopere probatam, visamque verissimam gaudeo. Et iterum pag. 257. Serao quidem Nostro suspicio subiit, quae et mihi fateor, iam intilio subierat. Adhuc et in Vindice Bepet. Aetor. Bonon. 5. Jan. 17. Eruditissimo Franciscus Serao

viro amicissimo, et huius Regii Gymnasii primario medicinae professore sequestre, rogatus a me fuit doctissimus Dominicus Faber in Bononiensi Lyceo eloquentiae Professor. Praeterea in Tabul. Hercleens. Comment. pag. 61. tom. 1. Vir amicissimus Franciscus Seraus, in hoc Regio Lyceo primarius medicinae professor, doctrina atque elegantia celeberrimus. Denum in epist. ad Joan. Bapt. Morg. in Com. vet. marm. Kal. tom. 2. pag. 496. Tum sane multum viro utriusque nostrum amicissimo, ac parium studiorum causa coniuncto Franciscus Serao pluribus de causis debeo etc.

sapientiae viam terendam addidit. Fuerunt etiam ex suis familiarissimis, atque intimis Nicolaus Capassus Regius Pandectarum doctor; tum et Josephus Bonocorius, et Ignatius Calcius, Gracchi ille sermonis, hic Hebraici callentissimus. Verum prae his aditus in domum familiarior erat Nicolao Iguarrae, qui in Regia studiorum Academia Mazochio successerat, et Serenissimi nostri Principis Iuventutis praeceptoris munereungebatur, qui haec eius imagini, quam in pluteo habebat, inscripta voluit:

ATTICVS. HIC. SODES. AN. LAELIVS. ANNÆ. SERAVS

QVI. FIDE. AMICITIA. ET. GRATIA. VTRVMQVE. REPERT  
His proxime succedunt Martini ambo, Nicolaus nempe, et Petrus, tum et Felix Sabatellius, mathematici consummatissimi. Cum nemine attamen tanta sibi interessit necessitudo, quam cum Agnello Vaxallo, Hieronymi F. atque hoc quoque sit Scraei bonitatis exemplum, quod cum eo, quem a puero in litterario ludo cognoverat, adeo coniuncte vixit, ut nonnisi Vaxalli morte intercedente intercepta fuerit amicitia. Haud tamen sciam, Neapoline plures sive amicos, sive admiratores, an extra, et in longinquis quibusque regionibus habuerit. Eius enim fama, quam esset unde quaque diffusa, quam plurimos externos doctos in sui admirationem concitavit; quorum ne longam hic institam seriem, eos tantum memorandos duco, qui in operibus suis Scraum summis prosequuti sunt

laudibus. Horum in numero sunt Joannes Baptista Morgagnius, domo Foro Livii, anatomes Bononiae Professor clarissimus, ac medicinae demum Patavii (1); celeberrimus Gerardus Vanswetenius, magni Boeravii auditor, atque Francisci I. Augusti Imperatoris, et Mariae Theresiae Augustae Imperatricis Archiater; Albertus Hallerus natione Helvetius, Boeravii ac Bernoullii auditor, Regiae Gottingiae societatis, et Academiarum Londinensis, Parisiensis, Berolinensis, atque Bononiensis Socius; Ludovicus Antonius Muratorius, vir rei litterariae publicae bono natus, Mutinensium Ducis Bibliothecae praefectus; Antonius Cocchius, domo Mucello, anatomes, et medicinae professor, et Magni Etruscorum Ducis antiquarius; Joannes Pringlius, natione Britannicus; Antonius Storchiuss, Swie-

(1) Vide Morgagnium lib. 1. de morb. capit. Ep. x. art. 8. *Medicus doctissimus, idemque humanissimus Franciscus Seraus* cet. et lib. III. de morb. ventr. Epist. XLII. artic. 45. *De hoc fusc ad praeclearissimum Seraum pro nobili aegro Neapolitano in medicorum dissidio consulentem respondi* cet. Rursus lib. III. de morb. vent. Epist. XLIII. art. 42. *Vir clarissimus Franciscus Seraus me per litteras Neapoli datas sub finem an. 1739. certiores fecit, indidem excreta fuisse ab alia mu-*

*liere non ita pridem infantis ossicula* cet. Item lib. IV. de morb. Chirur. Epist. I. artic. 26. *Gavisusque sum, cum prudentem doctumque, si quis alius, Medicum Franciscum Seraum mihi narrantem audivi, haud aliter se gerere solitum* cet. Et lib. IV. de morb. Chirur. Epist. LIX. art. 28. *Haec atque alia, quae ad tarantulam attinent, magis explorata nos habituos speramus, si quando Vir Doctissimus Franciscus Seraus ea poterit, quae de insecto illo inchoata habet, perficere.*

tenii alumnus, Imperatoris Archiater; Antonius Leprotus Benedicti XIV. P. M. Archiater; Augustus Tissotus medicinae Agathopoli professor; Augustinus Giuffrida ex Archiatribus Catanensibus, et supremæ philosophicæ cathedræ professor.

At hæc usque ad annum MDCCCLXXXIII. obtinere, quamdiu nimirum Seraus inter nos fuit. Verum senio iam prope confectus, ac assiduis debilitatus laboribus, fractas tandem vires conqueri incœpit. Neque hæc ad prænuntianda eius fata suffecissent, nisi superveniens immane rheuma, ut eius vita in summo discrimine versaretur, effecisset. Et quidem brevi temporis spatio, ingravescente faucium morbo (qui quidem ei toto vitæ curriculo familiaris fuit) nulla salutis amplius spes, maximo omnium moerore, adfulgebat. Quandoquidem faucibus undequaque inflammatis, quum ne vix quidem deglutendi facultas esset, postremis Ecclesiæ Sacramentis rite susceptis, vitam hanc acrimmosissimam cum immortalis commutavit nonis Augusti anni MDCCCLXXXIII. Universo porro Academicorum coetu, atque Regii Gymnasii professorum, prosequentibus etiam amicis, elatus est, corpusque in templo montis Virginis, eodemque hypogeo, quo optimus eius amicus Agnellus Vaxallus illatus, conditum fuit; ubi Hieronymus Vaxallus ex Agnelli fratre filius hanc e regione tituli sepulcralis patris sui Agnelli epigraphen posuit.

## FRANCISCO . SERAO

IN . ACAD . NEAP . MEDICINAE . PROFESSORI

PRIMAR.

REGIS . NOSTRI . REGNIQ . ARCHIATRO

PHILOSOPHO . AC . PHILOLOGO

APVD . EXTERAS . ETIAM . NATIONES

PERCELEBRI

VIRO . PROBO . SEDVLO . OBSEQUESTI

ET . AMICITIAE . CVLTORI . DILIGENTISSIMO

QVEM . HIERONYMVS . VAXALLVS

ORDINIS . POPVLIQ . NEAP . A . SECRETIS

NE . AB . AGNELLO . PATRVO . SVO

DISSOCIARETVR

HEIC . IN . EODEM . HYPOGEQ . COMPOSVIT

ARBITRIO . TVMVLI . SIBI . AB . HIPPOLYTA

FILIA . VNICA . MOERENTISSIMA . PERMISSO

VIXIT . ANN . LXXX . MENS . X . DIES . XV

DECESSIT . NON . AVG . ANN . CIOCCCLXXXIII

QVIESCITE . PAR . NOBLE . AMICORVM

QVANTVM . AMICITIAE . SPT . DEFERENDVM

POSTERITATI . EXEMPO . FVTVM

## O P E R A E D I T A .

- Oratio Παράκλησις ad Regii Gymnasij alumnos , in solemnibus institutionum instauratione. Neapoli in 4. 1732. et in opusculis 1766.
- Oratio de publicorum Gymnasiorum ad optimam disciplinam utilitate , in anniversaria studiorum instauratione. Neap. in 4. 1733. et in opusculis 1766.
- Historia dell' incendio del Vesuvio accaduto nel mese di Maggio dell' anno 1737. scritta per l' Accademia delle scienze : in 4. Napoli 1738.
- Neapolitanae Scientiarum Academiae de Vesuvii conflagratione, quae mense Maii anni 1737. accidit commentarius. Neap. in 4. 1738.
- Napoli *italice* in 8. 1740.
- Napoli *latine et italice* in 4. 1778.
- Histoire du mont Vesuve , avec l'explication des phénomènes qui ont coutume d' accompagner l'embrasemens de cette montagne , le tout traduit de l' Académie des Sciences de Naples in *Galliam linguam versa a Perron de Castera*: in 12. Parisiis 1741.
- Vita Nicolai Cyrilli in Regia Universitate Neapolitana primarii medicinae Professoris, et Regiae Societatis Londinensis Socii. Neap. 1738. in fronte 1. tom. consil. medicor. Nicolai Cyrilli, et in opusculis 1766.
- Vindiciae pro Nicolao Cyrillo adversus Lipsiensium responsionem ad virum amplissimum Antonium Leprottona Archiatr. Pontific. Neap. 1738. in calce III. tom. consil. medic. Nic. Cyrilli.
- Epistola ad Alexium Symmachum Mazochium Professorem Regium et Metropolitanae Ecclesiae Neapolitanae Canonicum an. 1739. ad calcem libelli Mazochiani de dedicatione sub ascia 1766. in opusculis.
- Commentariolum de rebus Alexii Symmachi Mazochii an. 1739. et 1766. in opusculis.
- Osservazioni su d' un fenomeno ocorso nell' aprire un Ginghiale a 30. Gennajo 1742. Napoli nello stesso anno. Roma appresso i Pagliarini 1745. Napoli 1766. in opusculis.
- Descrizione dell' elefante. Nap. 1742. in 4. 1766. in opusculis.
- Del discorso di Luigi Visone intorno all' elefante, parte II. che contiene i supplementi e le conseguenze della parte I. e III. 1742. in 4.
- Lezioni accademiche della tarantola : in 4. Nap. 1742.
- Saggio di considerazioni anatomiche fatte su d' un leone morto in Saggio nel parco del Re a 24. Gennajo 1744. Nap. nello stesso anno in 4. et 1766. in opusculis.

Lettera a Monsignor Antonio Leprotti medico di S. Santità Benedetto XIV. sul contagio della peste. Nap. 1744. et 1766. in opusculis.

Opuscoli di fisica, e di vario argomento. Napoli 1766.

Epistola ad Joannem Brunum de contagione tabifica. Neap. 1757. et 1766. in opusculis.

Osservazioni sulle malattie d'armata in campagna, e in guarnigione, di Giovanni Pringle, tradotte dall'Inglese in volgar toscano da Francesco Serao con prefazione. Nap. 1757.

Schediasma de suffocatis ad vitam revocandis. Neapoli 1766. in opusculis. *Hujus autographum penes me est.*

QUAE ADHUC EDITA NON SUNT.

Epistola ad Martinenym saluberrimae facultatis Parisiensis Decanum de Medicorum, et Chirurgorum Parisiensium dissensione an. 1749. *Autographum in meis adversariis custoditur.*

Consilia medica latino et italico sermone scripta. *Horum permulta apud me sunt.*

Institutiones medicae.

Epistolae, inscriptiones, et carmina. *Epistolarum et inscriptionum haud exiguus numerus a me servatur.*



## COMMENTARIOLVS

DE REBVS

## MICH. ARCHANGELI

PATRICELLII<sup>(1)</sup>.

Quinto ab urbe Neapoli lapide secus veteris Atellae ruinas situm est Municipium Fractae Maioris, sive salubritate aeris, sive Civium frequentia, ac industria, inter cetera Campaniae oppida florentissimum. In eo natus est anno MDCLXXXI. III. Kalendas Octobres Michael Archangelus Patricellius, is quem Aversa Litterarum, bonarumque artium fundatorem agnoscit, eximium Rei Litterariae publicae ornamentum. Parentes habuit honestissimo loco natos Laurentium Patricellium, et Vincentiam Cicatelliam, adprime probos, solertesque. In puero insigne prorsus ingenii specimen, indolisque bonitas prae lucebat. Praeceptorum traditus, alacri animo litteris vacavit, vitamque procul a puerilibus nugis exegit. Temporis usurae parcus, legendo semper, vel scribendo ita occupabatur, ut nemini ad litterarum bonum, et ad

(1) Editus Neapoli typis Raymundianis anno MDCCCLXXXVIII.

Patriae gloriam natus vel ea prima aetate videretur. At quum Divinae Providentiae ratio huiusmodi esse videatur, ut ingentium, quae molitur, operum, multo ante fundamenta iaciat, caque per occultas causas, et incrementa latentia sensim ad fastigium perducatur; rem ita digessit, ut in Aversanae Ecclesiae Cathedra Pontifex sederet Innicus Caracciolus S. R. E. Cardinalis, vir eximia fide, atque ingenti pietate, dignus profecto memoria temporum sempiterna. Is, inquam, quum atquantisper pro pastoralis sua sollicitudine, Fractae Cleri mores compositurus consisteret, factum est, ut Christianae fidei elementa adolescentes Ecclesiasticis castris mancipatos edocens, puerum submissa voce laud eminus verba ingeniosissime iis praeconem animadverteret. Praesagio id Sancto Pontifici fuit, tantillum hunc Ecclesiae suae firmissimam fore aliquando columnam. Quare avulsum ab parentibus puerum, secum Aversam illico contulit, quo liberalius inter Seminarii ephebos institueretur. Novam ibi Noster cum Grammaticae operam navare iussus esset, idem illi fuit praeceptorem audire, ac summam omnino ineptientis hominis imperitiam olfacere. Ea enim Aversae per id temporis, nedum in universa pene Campania grassabatur barbaries, ut prope intermortuus latinus sermo videretur, vix humaniores Litterae colerentur, nulla in Scholis frequentia, nullus studiorum cursus, omnia

squalerent (1). Nec animus defuit puero, ut non cum Cardinali ipso, opportunitate data, modestissime conquereretur, quod praeter quisquilias lucro nihil adponeret. Sed sorte accidit, ut dum inauspicato res agitabatur, in Seminarium Joannes Baptista Capassus advenerit, vir summus, latine, et graece callentissimus, quem iamdudum Sanctus Pontifex exquisiverat, ut graeco etiam sermone institueretur iuventus. Is ubi singulorum tentato ingenio, Archangeli acumen perspexisset, atque alacritatem, discendique ardorem incredibilem, totus in eum veluti poliendum incubuit. Atque principio quidem unius Tullii lectioni adolescentem adligavit; mox ut libere, in quibus mallet, sive prorsae, sive versae orationis, Latinis Auctoribus spatia retur, habenas omnes relaxavit. Ac paullatim ut ad graecam eruditionem, et facundiam praesertim, ardentis Alumnii animum

(1) Quanta per hanc aetatem increbuerit barbaries, testatus est Nicolaus Ignarra vir clarissimus in vita Alexii Symmachi Masochii: culpa, inquit, in saeculi vitio residebat; magistri, quos utiliter audiret, nulli tunc erant. Et mox: De qua infelicissima temporum conditione conqueri Masochius numquam desistit, et aetate iam proventus, ad barbarici, quae eo tempore grassabatur, specimen narrare solitus erat,

se quum rhetoricis operam dabat, audivisse a praeceptore suo palam, confidenterque disserente, Periodum quatuor metris constantem *Ideirco* a Rhetoricis dici *tetracolon*, quod sicuti terra in quatuor partes distributa est, sic illa periodus, totidem partibus instructa, *tetracolos*, quasi *terracolos* nuncupata sit. Adco bonae litterae sine ulla reverentia prostratae iacebant!

degustandam alliceret, nunc aliquo Demosthenis tractu, nunc Homeri centone recitato, sitim illius acuebat. Sed fracto non stimulis opus. In libertatem enim veluti adsertus, sacratiora universae Archaeologiae penetralia pervasit. Ita brevi, qua studio, qua probatissimis moribus, praeconceptionem optimi Cardinalis, quem veri parentis loco reve-rebatur, iudicium, expectationemque implevit. Quam ob rem nullam is praeterlabi occasionem passus est, qua non amore benevolentiamque suam Archangelo contestaretur. Totum enim occupaverat Caraccioli animum cura iuventutis, in qua formanda norat Vir sanctus, maximum ad Ecclesiasticam disciplinam, sive sartam tectam tuendam, sive amplificandam, a Sanctis Patribus, sacrisque Conciliis momentum constitutum. Quo igitur ingentior erat Optimi Cardinalis in Seminarium amor, qui certe ipse amor erat Ecclesiae suae, amor civitatis, amor pagorum, amor omnium ordinum, atque adco gregis universi, eo ferventius plantam admirabatur, sensim in Seminarium sui commoda virescentem. Hinc adolescentulum saepe ad se vocabat, saepe illo pro anaguste ad mensam utebatur, saepe secum adcum-bere iubebat, et brevi intervallo, ut nova semper illi calcaria adderet, tribus voluit ditatum sacerdotiis. Atque haec tam insignia Cardinalis Caraccioli benevolentiae argumenta in Patricellium effe-

cerunt, ut is tanto alacrius in severiora scientiarum studia Philosophiae potissimum, et Theologiae se coniceret. In quibus disciplinis quantum profecerit, et quibus adiumentis in tanta praeceptorum inopia, non est cur dicam. Ipse enim saepe dicere auditus est, se vigiliis suis acceptum referre quidquid addidicisset. Profecto satis illi fuit fontes rescivisse; nam meditando, legendo, scriptitando assiduus ardua quaeque superabat, neque ut auditor, sed ut consummatus praeceptor cuivis adstabat.

At vero Capassus, cui iam videbatur ex segetis viriditate messem videre, missionem a Caracciolo non multo post impetravit, vadem se pro Alunno suo praebens, Seminarii campum in ea spe collocatum, quae fallere non poterat. Quare Pontifex, Patricellio arcessito, sic illum non sine lacrymis fatus est: Iamdiu intellexi, probe iuvenis, quid de te Deus statuerit. Tu nosti et animam, et vitam meam in Seminarii incolumitate constitutam, ex quo in amplam hanc Dioecesim huc illuc translatae arbores uberem daturae sunt fructum. Precor, senescentem tu substineas Patrem: Tu in te recipe quidquid est litterariae sollicitudinis, ut pubes sacris muneribus mancipata optimarum artium, scientiarumque institutis excolatur, augeaturque; ego enim in tua fide conquiescam. Magna tunc fuit adstantium omnium com-

motio, cum moratum iuvenem cernerent ad patris sui pedes obvolutum submissa voce obtestari, ne amplius animo angeretur, obtestari simul se, vitamque suam, cogitationes, curas, momenta omnia in eo uno positurum, ut Seminarium in nova luce poneretur, neque alio praemio, nisi eo tantum ut patrem et pastorem suum lactum videret. Hinc divina ope implorata, et Sancti Pontificis orationibus adiutus, magnum adgreditur opus, litterarum nempe restorationem, vel ut potius dicam foundationem. Testimonio enim omnium sincerissimo utor, Francisci Serai Philosophi, ac litteratorum nostri temporis facile principis, qui marmoreo in monumento futurae posteritati tradidit, *Michaelem Archangelum Patricellium Aversanorum famam, cultumque ornasse, ac politiores litteras in Clericorum Seminarium novo arduoque molimine auspicato intulisse*. Porro vix credibile est quibus initiis, et quo cursu tanta ad-surrexerit moles. Ab imis fundamentis res coepta. Ipse namque per sese grammatico ludo praeesse haud gravatus est, atque ineptissimae methodi (quam vel commemorare tantum pudet) usu valere statim iusso, novam linguae Latinae institutionem, quae gallico sermone prostabat, in patrium vertit (quam provinciam per idem ferme tempus suscepit, ornavitque Carolus Maiellius Emissenorum Archiepiscopus), ac edocere primus ipse in-

coepit. Mox adolescentibus methodo saniori accommodatis, alacriorem biennio exacto ex discipulis suis ei tirocinio praefecit. Ipse interea ad humaniores litteras edocendas se e vestigio convertit, ac quos in grammaticali ludo instituerat, alio secum transtulit, ut latino, graecoque sermone, ac eruditionibus plenissime informarentur. Atque alteram hanc spartam quum diu curasset, praestantissimo ex auditoribus suis illam demandavit. Is fuit acceptissimus ille discipulus, atque omni vitae tempore in labore socius, Hieronymus Seraus, Francisci frater, vir consummatae virtutis, et in omni genere litterarum ad miraculum versatissimus, cui tantum Aversa debet, quantum praeter praeceptorem suum nemini. Delicatiiori Cathedrae quum delicatissime consulisset Patricellius, statim oratoriae artis, ac poetices, qui vere fundus suus erat, magister sedit. Atque per hos gradus identidem litterae caput extulerant Aversae, et brevi ad tantam gloriae sublimitatem adsurxerunt.

Tanti Viri fama, qui iacientia ac paene mortua litterarum studia squalore detergo ab tenebris evocaverat, universam Campaniam, nec non terminas invasit provincias; et Civitas, veluti alterae Athenae, omnium ore celebrabatur. Exultabat ex altera parte Sanctus Pontifex Cardinalis Caracciolus, quod Alumnos suos in gentem ma-

gnam fecerit Dominus, quum iam centena censerentur capita, quae vix viginti initio erant. Sed indolebat, atque prope angebatur ex altera, moleste ferens, ob aedium angustiam incommodius cum Alumnis suis agi. Quae enim a praedecessore suo Petro Ursino anno MDXCIV. in clericorum domicilium erant adsignatae, omnino impares erant. Quid, quod nullatenus pati poterat Seminarium a Cathedrali basilica, tum ab Episcopali tecto distantiam? Quamobrem alterius excitandae domus consilium iniit, quam quanta est magnificentia adgressus, tanta est alacritate prosequutus; nec sibi satis consultum arbitratus est, nisi, quum prorsus omnino Alumnis suis, consummato opere consulisset anno MDCCXXVI. Adhuc reliquum unum videbatur inexplibili caritati Innici Cardinalis, ut recta vivendi regula collegii convictoribus proponeretur. Pensum id in Patricellium, cuius acre ingenium, miramque in arduis quibusque negotiis expediundis conficiendisque dexteritatem norat, coniecit; quod ea sedulitate haud longo intervallo absolvit, ut nulla fere sit nostra aetate tam longinqua natio, quae Aversanos Seminarium Canones non sibi adripuerit. Cuius rei argumento est quod vix ea constitutio in lucem emissa (Neapoli MDCCXXVII. typis Januarii Mutii), statim gallico prodierit sermone, mox Germanico.

Impigrum hominem, qui tot voraverat pro



Seminario vigilas, et labores, ut remuneraretur Caracciolus, quum primum anno MDCCXXIX. vacaverit praebenda in Cathedralis Ecclesiae Capitulo, Canonicum summo universae Civitatis, ac Diocesis plausu renunciavit; ea tamen conditione, ne Studiorum praefecturam, et Oratoriae facultatis Cathedram, in qua demum veluti in suo constituerat centro, umquam linqueret. Quam sane Patricellius ad multam aetatem ea nominis fama ornavit, ut nihil supra. Concursabant illuc unde unde viri illustres, ac saepenumero in Episcopalem Curiam, quae in proximo erat, confluebant, ut eloquentissimi viri facundia bearentur. Atque ipsemet Sanctus Cardinalis tanta licet curarum rerumque varietate distentus, vix continere se poterat, quin illum quam frequentissime conveniret docentem; nec passus umquam est, ut qui litterati homines Roma Neapolim peterent, abirent aliquando, nisi suo prius audito Patricellio. Dicam enim quod uno ore omnes mihi contestati sunt: Subactae virtutis Pontifex, tametsi pro ea qua apud omnes commendabatur modestia, haudquaquam de re ulla gloriari visus est, de hoc uno tamen libere sibi, ac late plaudebat. Quod sane nemo mirabitur, modo in eam venerit opinionem, longa aetate, ac communi, et constanti universae Diocesis fama confirmatam, Virum hunc quidquid humaniorum est litterarum, quidquid eruditionis est, elegan-

tiaeque, quidquid Graeci sermonis, Latini, et Hebraici, quidquid demum ceterarum est disciplinarum, omne in numerato habuisse. His accedebat, quod tantam in dicendo suavitatem spirabat, ut Joannes Baptista Vicus, eximius in Regia Universitate Neapolitana oratoriae artis professor, saepissime in publicis praelectionibus auditores suos monere soleret, Oratorum neminem in Italia cum Michael Archangelo Patricellio contendere posse. Quod idem de eo praedicare haud destitit Nicolaus Capassus, acerrimi vir iudicii.

Par erat Alexii Symmachi Mazochii, litteratissimi hominis, de Patricellio nostro existimatio. Is iam diu Patricellii fama percitus, maximo virum facie cognoscendi desiderio flagrabat. Quam ob rem quum per id tempus ea conventionem a Caracciolo Campanorum Archiepiscopo oblatum adiisset Canonicatum, ut tempus ab officii munere vacuum Neapoli traduceret, opportunitatem Patricellium audiendi nactus est. Nam Capua Neapolim aliquando petiturus, medio itinere Aversae in Seminario constitit, ubi Patricellium illa forte hora docere commonefactus, ad Cathedram advolvit: sed modestissimus vir prae foribus adstare, quam scholam subintrare maluit. Re cognita, Patricellius, qui tamen virum numquam viderat, statim illi accessum dedit. Tunc Mazochius in Patricellii ora intendens, tanta est superfusus voluptate, ut

dicendi per exacto, e vestigio caput deosculatus sit, quod officium et Campano homini Noster reddidit; et quum sese coram primo cognovissent, qui nomine et amore se plurimi antehac faciebant, incredibile dictu est, quot inter se crudita miscere colloquia, quibus amicitiae verbis benevolentiam contestari, quibusve mutuis pollicitationibus aeternam litterarum foederationem inter se se ferire gestiverint. Profecto nisi deliberato Mazochius Neapolim cogitasset, in varijs litterarum argumentis Litterati utrique homines multum transigissent. Noster tamen enixe cum obtestatus est, ut Neapoli Capuam ultro citroque commeaturus, aliquantisper ad Seminarium diverteret, quo facilius colloquendi copia daretur. Fidem suam obligavit Mazochius, ac diu praestitit, donec Campano Canonatu ultro resignato, per Cardinalem Spinellum Neapolitanorum Pontificem in urbe principe constitit, quo tempore arctioribus vinculis est obfirmata necessitudo.

His ita se habentibus anno MDCCXXX. Caraccioli mors intercessit, quae Civitatem, Diocesim, ordines omnes, atque in primis Seminarium incredibili luctu consternavit. Romana Sedes, Benedicto XIII. vita functo, quartum iam mensem orbitate, luctuque, et magna rerum turbatione contabescebat. Quam ob rem longo itinere Sanctus senex se committere haud recusavit, ut si quas

in alma Urbe suppetias ferre laborantē Ecclesiae posset, experiretur. Quum autem omnia ad discessionem adparasset, Patricellium rursus atque iterum arcessivit, multumque cum eo de re sua egit, de Seminario inquam. Atque ipso profectio-  
nis die, postquam in Lauretanae Virginis interiori ara sacris esset operatus, recta in Seminarium contendit, vale dicturus carissimis suis. Ibi omnes quum in officio firmasset, atque ad fidem, adsiduitatemque esset hortatus, ad Patricellium conversus inquit: *ipse a me me divelli nunc, atque distrahi videor; sed me necessitas urget.* Atque haec postrema fuere amantissimi Patris verba. Romae enim quum diutius Pontificis maximi electio esset protracta, gravi acerboque morbo conceptus viii. Idus Septembres mortalitatem cum immortalitate commutavit.

Quam multa autem, et insignia illi in omnem aeternitatem laudando Pontifici Aversana debeat Dioecesis, vel ex epicediis, quae eius memoriae ab Seminarii alumni persoluta sunt pridie Non. Novembres MDCCXXX. (edita Neapoli ex typographia Felicis Muscae anno MDCCXXXI.) abunde quisquis vel intelligere, vel argumentari saltem poterit. Sane enim incredibile prope videtur, ad id gloriae fastigium, eo abeunte, fuisse perductas litteras, quae eo primum adventante penitus squalebant, vel ut verius dicam, prorsus exulabant.

Videat istarum rerum vel rigidissimus exactor, an ea oratione quid umquam magnificentius excudi possit, quam a Hieronymo Seroo currenti pene calamo elucubratam scimus; an limatius quid, sapidiusque contendere cum illis cupediis queat, cum Elegis nempe, Epigrammatis, Hendecasyllabis, ceterisque sive latine, sive graece, sive italice fuis Carminibus. Quae sane Patricellius Clementi XII. Pontifici Maximo merito voluit dicata, ut ex eius epistola Seminarii nomine ad eundem Pontificem missa.

Sane vero quum omnem caritatem, et beneficentiam, largitatemque suam in hoc sacrum iuventutis domicilium pene exhausisset Cardinalis Caracciolus, id molesto animo omnes ferebant, quod nullum ad postfuturam aetatem, praeter ipsarummet aedium mutam praedicationem, positum esset monumentum. Dum enim in vivis agebat modestissimus Pontifex, ne cogitari quidem de eo quidquam poterat. Sed quod vivus aversatus est, mortuo id solutum est et grati animi, et memoriae debitum. Lapis positus est opportunissimo loco introrsum, cui praeclara haec Patricellius inscripsit.

INNICO CARDINALI CARACCILO  
QVOD HAS AEDES PIETATI, ET MVSI SACRAS  
LECTAE IVVENTVTI AVERSAE ECCLESIAE  
SPEI

A FVNDAMENTIS EXCITAVIT  
ET FATO CONCEDENS TANTVM NON ABSOLVIT  
SEMINARIVM  
VT TANTI OPERIS GRATIA EXPARET  
PONTIFICI BENEMERENTISSIMO  
MONVMENTVM P.

Caracciolo mortuo, Josephus Cardinalis Firraus Nicaenorum Archiepiscopus, a Clemente XII. Pontifice Maximo Aversanorum Episcopus eodem anno mdcxxx. est renuntiatus. Cui quidem ab ipso Pontificatus sui exordio id in more fuit, ut nihil unquam nisi consulto prius Patricellio decerneret; nec in iis tantum, quae ad Ecclesiam regendam pertinebant, sed in quibusque maximi momenti negotiis. Ex quo factum, ut Romam profecturus anno mdcxxxiii. uni Patricellio studiorum, morumque Cleri tum in Seminario, tum in Diocesi, nec non universae Episcopalis administrationis curam demandaverit. Quam ut facilius sustineret, vacationem illi a choro impetravit a Pontifice Maximo. Ex innumeris vero Firrai epistolae Roma datis, quae domi servantur, adprime patet, quem honoris, existimationisque locum apud ipsum teneret. Haud multa tamen, quae hic dicam, habeo tum de optimi Cardinalis rebus, qui regiminis vix exacto quinquennio Ecclesiam ultro resignavit, tum de Michaelē Hercule Aragonio, qui quo anno Firrao successit, eo ipso vivere desiit. Ad Nicolaum Spinellium itaque venio, qui et eo ipso anno tertius Pontifex Aversanam Cathedram conscendit. Is quum adhuc Romae consisteret, unum Patricellium sibi veluti coadiutorem delegit, cuius famam in Vrbe Principe maxime constare apud omnes animadverteret. Ni-

hil ipse vel inconsulto, vel inscio Patricellio gessit, numquam non eius iudicio adquevit, nihil vel eo adfirmante negare, vel eo negante adfirmare consuevit. Quare tam prospere ac feliciter res successerunt, ut Spinellianum aevum adhuc in ore omnium habeatur.

Sed quandoquidem studia, et prisci mores in Seminario aliquantulum elanguescere videbantur, id amplius accessit, ut ad impendentes ruinas avertendas adcurreret. Animo enim reputans dignissimus Pontifex frustra omnia esse, nisi summam rerum in summum virum coniceret, humanitatem ac amicitiam devicit, qui numquam se vinci neque prece, neque imperio passus esset. Succollavit et hanc sibi sarcinam laboris patiens homo, atque statim eo moderatore tota Seminarii facies immutata. Nam laborare illum in primis cerneret, tum periclitari, instare, experiri omnia. Summo mane e lecto surgebat, frequens et insperato in conclavia ventitabat, scholas obibat, modo studiorum rationem reposebat, modo de auditorum solertia praeceptores interrogabat, modo ipse nunc hic, nunc illic magister sedebat. Saepae iuvenes veluti ad calculos vocabat, et quas quisque fecisset in re litteraria progressionem, diligenti examine explorabat. Profecto numquam conquevit, tametsi incensissimo efflucisset studio, ut nihil quidpiam amplius ad summam Seminarii

gloriam reliquum esset. Vades huius rei locupletissimos exhibeo, illius aetatis Ephebos, qui huc illuc sparsi rem litterariam publicam nobilitarunt. Postremi, qui mea prope tempora adtigerunt, a quibus et permulta accepi, quae scribo, sunt Paullus Moccia, Emmanuel Campolongus, Dominicus Miliaceus, Johannes Spena, Liborius de Ambrosio, Vincentius Pescius, Antonius Pagnanus, Vincentius Lupoli. Mitto hic tot insignes Ecclesiarum Curiones, ac praeclaros presbyteros, quorum cura universa inclaruit Dioecesis.

Quo vehementius vero litterarum urgebat studia, eo accuratius cum excolendae Christianae pietati, tum fovendae vacabat, ut una iuvenes sanis doctrinis, et sanctis moribus imbuerentur. Atque id perpetuo mihi seniores repetunt, quod nihil tanta aviditate expectabant alumni, et praeceptores, quam ut Sabbatum adpropinquaret, quo die Παρασκευην orationem ad adolescentes in Sacellum ad id convocatos habere sollemne illi erat: qua oratione eloquentiam ipsam ita vincere videbatur, ut eloquentia eloquentior ab omnibus diceretur. Aetate tamen paulatim declinante, quum a Spinellio missionem nullatenus impetrare potuerit, Josephum Lupulum Margaritae sororis filium, atque Laurentii patris mei germanum additum voluit, qui et levamento ei foret, et una humaniores edoceret litteras. Quam provinciam eo successu aman-



tissimus patruus gessit, et nonnisi ingens sui desiderium Aversae reliquerit, domum, decennio exacto, reversus.

Haec interea anno MDCCXLVI. Kalendis Junii Annae Beatricis Caraphae, optimi Aversanorum Episcopi matris, mors sequuta est. Ut igitur, quod reliquum erat, Matri pientissimae, officium persolveret, anniversarium obitus diem in Cathedrali Ecclesia Aversana solemnī funeris adparatione celebrandum curavit, voluitque, ut is felicitati illius accederet cumulus, orator eloquentissimus. Laudationem itaque Patricellius Archidiaconi dignitate auctus recitavit vertente anno pridie Kalendas Junias, ac vix dici potest quanta doctissimorum hominum frequentia, ex universa pene Campaniae Provincia. Namque eo in primis Academia Neapolitana confluit; Coelestinus Galilianus Thessalonicensium Archiepiscopus, Regio Sacello, Regiaeque studiorum Universitati praefectus, in omni litterarum genere versatus; Symmachus Mazochius, qui symbolam suam nobilitando funeri contulerat, Epigrammata nempe temporario Mausoleo inscripta; Nicolaus Capassus, Josephus Paschalis Cyrillus, Xaverius Pansutus, Joannes Baptista Vicus; et quid ceteros memorem viros summos, atque bene de re litteraria publica Neapolitana meritissimos? Qui inter communes Civium, convenarumque plausus Patricellio

e rostris descendenti iterum iterumque publice, ut Italicorum oratorum Principi, adclamant.

Quanti praeterea Spinellius hominem fecerit, ex eo uno intelliges, quod numquam a se cum abesse permiserit. Quum vero Episcopus quotannis Nivannum prope Grimum diverteret, ut in ea Dioecesis parte, quae salubrioris est coeli, animum aliquantisper recrearet, quotidie eum consulere in more habuit, ut ex litteris patet, quae penes me sunt. Immo Romam per id tempus cogitans, ne se a Patricellio divelleret, secum illum contulit, ubi tantam existimationem apud Spinellii Avunculum Cardinalem Carapham nactus est, ut si Episcopus aliquid a Cardinali peteret, haud facilius umquam, nisi per Patricellium consequeretur. Rem mihi plerique testati sunt, atque litterae ipsiusmet Cardinalis ad Nostrum datae satis edocent. Verum haud multo post, quum Aversam rediissent, morbo satis obscuro correptus Spinellius, dum ad dignitates properabat, non sine universae dioecesis consternatione paucis horis mortalitatem cum immortalitate commutavit. Cum optimo parente orbatus esset Patricellius, illud reliquum erat, ut et ipse ad sua curreret fata. Verum de hoc inferne. Spinellio vita functo, successit Joannes Baptista Caracciolus, vir clarissimus, qui plura scripsit in re mathematica. Is adhuc absens malignis etsi quorundam sermonibus dignam Pa-

tricellio opinionem animo minime praecepisset suo, Ecclesiae tamen regendae admotus, illum sibi pastoralis sollicitudinis consortem voluit.

Videamus nunc, quae scripta eximius homo elucubrarit. Verum qui tam multos eius labores ac curas intellexerit, certe id sciscitari non audebit. Praeter enim propria munia, quam plurima etiam illi a cunctis fere Campaniae Episcopis, et non raro a longinquiorebus ingruerant negotia, quibus certe haud suffecisset, nisi a summa temporis parsimonia usuram ad aliena exegisset. Nec nisi pro re nata paucula scripsit, quae singula quidem minuta videntur, sed in unum tamen fascem collecta amplum volumen efficerent. Primum locum tenent orationes Latinae elegantistylis scriptae, quarum unam coram Innico Cardinali Caracciolo Aversanorum Episcopo, et P. Deodato Augustinianae familiae Ministro Generali in Seminario anno MDCCLXXII. ipse habuit; alias alii recitarunt. Sequuntur Inscriptiones in temporariis mausoleis, in lapidibus sepulcrorum, et in locis publicis positae, quae quidem auream omnino redolent aetatem. Harum cae tantum editae sunt, quae positae fuerunt in funeris adparatione pro Francisco Maria Spinellio, Scalae Principe, Nicolai Aversanorum Episcopi fratre. His adconsendae sunt epistolae Latinae, quarum maxima pars perit, caeque praesertim, quas Episcoporum no-

mine scripsit. Quarto loco orationes Italicae veniunt, admodum elegantes, tum et ingens pene Italicarum epistolarum numerus, quae eruditione, salibus, et stylo ab omnibus commendantur. Has Vir clarissimus ad summos viros scripsit tum Neapolim ad Alexium Symmachum Mazochium, Franciscum Serram, Josephum Aurelium de Januario, Faustinam Pignatelliam, tum ad exteros viros Jacobum Facciolum, Franciscum Zanotum, aliosque quamplurimos. Praeterea scripsit etiam multa, quae Episcoporum nomine circumferuntur, veluti epistolas encyclicas, et praefationes nonnullas. Quae quidem omnia versatile prorsus hominis ingenium, ac multiplicem eruditionem ostendunt. Plura certe elucubrare poterat, qui multorum opera limavit, sed nimis sibi et suae famae verebatur, immo et aliis quoque auctor erat, ne ita facile suos in lucem emitterent partus. Nolo tamen, quaecumque in scriptis reliquit sive serio, sive ioco fusa, caecis oculis vulgare, quam rem ego magnorum virorum estimationi saepe fatalem animadverti.

Praeter ea, quae diximus et Philippicam amice scripsit in Alexium Symmachum Mazochium, ut par ei referret, qui, tanetsi iocosam, paulo ante in eum extuderat satyram. Attamen Mazochium Patricellius primum instigavit. Quum enim Neapolim venisset, apud Mazochium divergit,

quem in choro illa hora esse a servis monitus, gramineos fascēs equorum pabulo destinatos per universam domum sparsit. Interim ad Seraum confugit. Mazochius Ecclesiastici officii penso absoluto, ubi domum reversus dietam, cunctasque aedes graminibus sparsas stabuli instar vidit, idque per servos ab Archidiacono Aversano factum rescivit, risit quidem, non tamen voluit, ut impune hac re abiret Patricellius. Statim igitur stylium suum in Paterculum (sic enim Patricellium nominat) acuit. Atque carmen in tom. II. Mazochianorum opusculorum anno MDCLXXV. prodit.

Sed quando huc devenimus, non abs re erit lusum alterum, litteratamque litteratorum hominum concertationem heic commemorare. Forte Mazochio aliud quandoque mente volventi contigerat pro saccharo sibimet salem casseo admiscere. Ecquid cachinnorum hinc non inter adstantes amicos enatum? Ceteris autem foris saltem prudentibus, unus omnium rem faceto sane carmine in vulgus emisit Antonius Morlandus Patricellii auditor Graece, et Latine doctissimus, qui Mazochio et ipse quam familiarissime utebatur. Commisum aegre tulit Mazochius, atque animo vehementer angebatur, non ea tantum de causa, quia in suis summis ac propemodum incredibilibus occupationibus Hipponacteo, ut ita dicam, Antonii Morlandi praeconio respondere cogebatur, sed quod

fabula de salsa potione, quam temere sorbuerat, per compita non sine hominum irrisione manaret. Nescio quo pacto factum inter haec, ut Patricellius Neapolim profectus tempestive eum conveniret. Cui vir simplex rem totam sincera fide, atque etiam animi molestiam, qua non leviter afficiebatur, patefecit. Miserescebat hunc non Mazochianae tristitiae magis, quam Morlandiani sceleris, novisque alloquiis quibus abundanter adfluebat, et non ex vulgari locutione sumptis, amicum solabatur. Domum at reversus, alienatos amicorum animos simulans conciliare, Horatiana epistola Antonium rimarum plenum obiurgat. Verum dum Mazochii partibus studet, converso subinde calamo peditem Mazochium ore caballum increpitan-tem, flagelloque usque urgentem graphice describens, ita non inficete iocatur, ut risu pene quisquis legerit, emori videatur. Hinc Alexium hortatur, ne sum acuat stylum, Antoniumque bello lacescat, quod non ei bene cessurum minatur. Quievit Mazochius, tacuitque; sed detruncata epistola, partem eam, qua non illepide vapulat, Antonio misit, ut non suis ipse, sed Patricellii praeceptoris verbis respondisse videretur. Ex quo fit, ut manca in Mazochianis opusculis ea legatur epistola. Collector enim eruditus homo Caietanus Migliorius, quum curtam veluti satyram Mazochianum stylum redolentem, ipsiusmet manu

exaratam reperisset, illi adscribendam potius iudicavit. Sed integram ego, atque auctori suo restitutam heic apponam, rem gratam doctis facturus.

*Sat fuit, Antoni, toto me carminis orbe  
A summo ad calcem sale perfrictus, et aceto,  
Aut si quid porro est aliud mordacius istis.  
Illud non potui patienter ferre, quod illa  
De salso in vulgus manavit fabula Cassæ.  
Eheu quid volui misero mihi, quando tuis sum  
Auriculis ausus non fidis tradere tantum  
Dedecus! En umquam, rimarium o plene (Terenti  
Nam de te id quondam comoedia nota locuta est)  
Perfluere hac atque illac desinis? Anne quod usquam est  
Commissum verbum potin' haud differre? necesse est  
Quem, credo, rumpi, ac medium crepuisse, nisi usque  
Garriat ad streperam dicenda, tacendaque ravim.  
Erubui, fateor (nosti mihi quantus in ore  
Sit pudor, intacta maior quam in virgine), at inquam,  
Erubui, et totus madui sudore, legebam  
Cum cantata tuo in sermone domestica probra  
Mazochiana. Recantaris quæ nî modo amicus,  
Debes ludibrium mihi, debes atque poetis,  
Qui mihi quantavis operam mercede locurint;  
Prodere ut absistat commissa Antonius ille,  
Qui perlucidior vitro est, et haberier optat:  
Hactenus ac sibi ridet in hoc, ut pignore saepe  
Certarit victor cum liberioribus? esto; at*

Audiat egregii vir tandem atque silent,  
 Quid tuum, Mazochii, non si vel mille ducentum  
 Nigra poetarum veniat manus, auxilio quae  
 Sit tibi, mi claudam praecordia, quando tuae res  
 Dent nostris argumentum sermonibus: illis  
 Nam quid repperias usquam conditius, etsi  
 Omnes certatim charites, veneres, et amici  
 In nostris ludant conventibus atque iocentur?  
 Certe ego ab immodico risu pulmonibus, atque  
 Cordi adeo timeo, cum festivissima imago  
 Mazochii peditis se se offert, voce caballum  
 Increpantis eo pacto atque urgentis eum, quo  
 Sollicitat tortum quatiens de more flagellum,  
 Cisio ubi vehitur lentissimus. Hoc, bone Alexi,  
 Audito, nonne insuetos risusque, cachinnosque  
 Ipse Heraclitus lacrymosus tolleret? Atqui  
 Nullus amicorum male te sic risit eo unquam  
 Nomine: mirantur potius quin, crede, stupentque  
 Tantum adeo in rerum penitissima mentem animumque  
 Abditum, et immemorem iam cetera. Fallere tempus  
 Scilicet his satis est subcisivum genere isto  
 Mazochianarum rerum lepidissimo, ubique  
 Incolumi fama virtutis Mazochianae;  
 Haec habui, quae pro sancto tibi nomine, Alexi,  
 Scriberem amicitiae. Quid tu? Si forte quieris  
 Illis, recte est; sin, quod vereor, magis ardeat ira,  
 Jam peiore vide, ne sanna dicier ista  
 Incipiant tandem, et sale largius omnia nigro  
 Dictaque factaque ridicula aspergantur ad unum.



Philippica vero, quam omnium elegantissimam multi adhuc praedicant, deperiit, nec unquam mihi datum inter Patricellii chartas invenire. Porro etsi, quae supersunt scripta, praeclara sint, haud tamen huiusmodi censeo, ut summum existimationis gradum, quem in re litteraria publica Noster merito occupavit, prorsus patefaciant. Communi enim consensu ita eloquens erat, ut nemo eloquentior, ita sapiens, ut nemo sapientior. Quo factum, ut numquam exteri litterati, qui nostrates cognituri huc venerant, discedere soleant, nisi inter primos Patricellium convenissent. Quod aperte innuunt, ut cetera testimonia nitam, Francisci Serai frequentissimae litterae hanc ob rem ad Nostrum datae. Immo fama apud omnes est, exterorum quamplures dicere solitos se longe supra opinionem Patricellium experimento novisse doctiorem. Praeterea id in eo singulare fuit, quod numquam familiariter, nisi erudite simul loqueretur; ex quo potissimum summa illi accessit existimatio. Testes huiusce rei producam, qui familiaritate, et gratia cum eo coniuncti, assidue ipsimet aderant, Ferdinandus nempe Fabotius, Antonius Pagnanus, Liborius de Ambrosio, par Vincentiorum Moccia, et Pescius, omnes deinde Aversanae Ecclesiae Canonici; nec non et Vincentius Lupulus, quem Mazochio suo commendatum voluit, qui que postea Theologus Ci-

vitatis Neapolitanae doctis inclaruit scriptis. In docendo vero ita facundus fuit, ut merito fuerit Tullii nomine tum a Mazochio, tum ab Angelo Cardinali Quirino salutatus. Nec errasse postremum prope ex discipulis suis credam, nunc humaniorum litterarum in Regia Neapolitana Universitate antecessorem Ennmanuelem Campolongum, qui scripsit, Patricellium vere Ciceronem existisse, oris etiam similitudine. Parem facundiam in suis orationibus praetulit, quam ob rem summus orator semper habitus fuit, et dignus existit, qui sic a Nicolao Recco Poeta elegantissimo celebraretur.

*Stat geminus Michael: linguae hic, vi fulminis ille  
Monstra fugat: terris hic tonat, ille polo.*

Et alibi:

*Romuleis alii debent suanomina Rostris,  
Romuleum debent haec tibi rostra decus.*

Quod vero huc pertinet, illud praecipue de eo audiui, quod Italicam orationem in Divi Domini laudem Neapoli habens in eius majori templo, omnem omnino eloquentiae artem explicuerit, universa auditorum (quos nemo unquam tales nactus est) cavea plaudente. Illuc enim confluxerant Regiae studiorum Universitatis professores, Regiae Academiae Socii, nec non singuli, universique, qui tunc temporis Neapoli literato-

rum fama florebant. Praetereo tamen extemporalem eius in dicendo venustatem, et adfluentiam. Adhuc enim adolescens ad mediam usque aetatem raro paratus illustriores frequentiorum Ecclesiarum cathedras conscendit. Iam vero in iuris scientia peritissimus fuit: item Historiae callentissimus, Philosophus consummatae experientiae, et in theologicis rebus nemini secundus. Ligata oratione vix pauca scripsit; immo in Staterae Porticus Academicam cooptatus (cuius praecipuum institutum erat, neminem, nisi in arte poetica clarum adsciscere) Academicis amicis Josepho Aurelio de Januario, Jacobo Castellio, Januario Parrino, Philippis ambobus Giuntio et Pirellio, Antonio Menabae, se nunquam poetam extitisse significavit. Sed hoc tanti viri modestiae tribuerunt, a quo probe norant poesim didicisse Antonium Morlandum, Paulum Mocciam, Hieronymum Seraum, aliosque magni deinde nominis discipulos.

Quemadmodum doctrina, ita et morum honestamentis eluxit, ut difficile quis iudicaret, utra in eo virtus potior morum, an scientiae. Gravitatem semper exhibuit raram: ipsa etenim Patri-celliani oris species, habitus, incessus, cuncta denique ad tantam composita erant dignitatem, ut in exteriori quoque adparatu virtutis simulacrum videretur. Gravitati summam humanitatem, et prisci candoris ornamenta perbelle ita coniun-

xit, ut ab omnibus vel etiam invitis observantiam exegerit. Cunctos comiter excipiebat; et si quis ab eo quidpiam sibi, aliisve postulare, vel dabat hilare, verbis etiam munus exornans; vel si forte negaret aliquando, caussas eiusmodi in medium adferebat, quibus omnino erat adquiescendum; ac tanta tum erat in suadendo vis et suavitas, ut ni quod optabant, impetrassent, rationibus prorsus victi ac pacati abirent, perinde ac ipsi consilium mutasse viderentur. Modestiam semper singularissimam retinuit, ut ad se, quotiescumque in publicum prodiret, omnium oculos converteret. Mendacium abhorruit, nec pati potuit, sincerus semper veri amator. Secundae fortunae blandimentis numquam elatus, adversae impetu non fractus, animo fuit semper ita praesenti, ut numquam a naturae statu, vel a gravitate declinaverit. Fastus et imperiosi moris speciem omnem aver-satus est. De se ipso, deque suis rebus, nisi necessitas urgeret, nihil fari solebat. Ab alienis vero factis dictisque spectarent, omnino abstinebat. Male nemini umquam dixit, obtreccionis quam maxime inimicus. Omnes qua potuit opera adjuvit, communicipes potissimum suos, quos non tantum diligebat, sed et amabat. Beneficiorum, quae impenderat, numquam meminit. Cum nemine in gratiam rediit, qui neminem vel leviuscule lae-

serat, nec inimicitias cum quopiam gesserat. Si a quo iniuriam accepisset, quum ulcisci posset, non tantum oblivisci maluit, sed efficaci studio, amore, ac favore propulsavit: tanto mirum studio Redemptoris nostri vestigiis inherere satagebat, qui etiam pro suis persecutoribus orare non dubitavit! Aequitatem et iustitiam ita servavit, ut in utraque constans continuo fuerit, praesertim quamdiu Seminarii moderator extitit, et Episcopi vices Aversae sustinuit. Ab ambitione alienus fuit, utpote qui sponte meliorem fortunam aversatus Aversae delitescebat. Res omnibus innotuit Spinellii actate. Multa Spinellius cum Avunculo Cardinali Carapha Romae egerat, quo ad Episcopatum is evchere-tur. Re cognita, tantum is a Spinellio abfuit, donec sponsionem ab eo impetravit, nihil post-hac eam ob rem moliturum. Cum omnibus pari comitate, et facilitate semper se gessit, ac etiam cum discipulis suis: inter quos Hieronymus Seraus, Dominicus Planesius Julianensis, qui anno MDCLVIII. methodum verae Religionis cognoscendae Romae edidit, et Hieronymus Benciven-glius Nivancensis, Cathedralis Ecclesiae Aversanae Canonici; item Paullus Moccia in Regio Neapo-litano ephebeo eloquentiae professor, Nicolaus Ambrosius in humanis, sacrisque litteris adpri-me versatissimus, Antonius Morlandus, Domi-

nicus Miliaceus, aliique quamplurimi, qui vel etiam in dignitate constituti sic illum revere-  
bantur, ut benemorati parentes liberi. Vir-  
tute, atque ea, quae virtutem sequitur, lau-  
de, honesto viro digna, nihil ei potius et ca-  
rius fuit. In publicis negotiis, si quando illis ne-  
cessitas implicaverit, ita versatus est, ut ab o-  
ptimis semper partibus steterit. Opes neque in-  
vidit, neque sectatus est; quibus tamen in levanda  
multorum inopia usus est. Cunctis indulgit, num-  
quam sibi. De quotidiano cultu, ac vivendi con-  
suetudine nihil senex etiam mutavit; tantaque  
usus est moderatione, ut longo vitae spatio semel  
quotidie cibum sumeret. In colloquendo praeter  
familiaritatem, eloquentiam, orisque suavitatem,  
ita eius sermo salibus plerumque atticis redunda-  
bat, ut uno eodemque tempore mirifice doceret,  
et delectaret. Consilio quum plurimum valeret,  
omnibus adfuit, potissimum Episcopis, quorum ple-  
rique nihil expediendum, conficiendumque susci-  
pere in more habuerunt, nisi consulto ante per  
epistolas Patricellio; cuiusmodi sexcentae prope  
supersunt. Fuit hanc ob rem Benedicto XIII. quam  
maxime acceptus, quippe qui quum sederet Be-  
neventanorum Archiepiscopus, non una vice No-  
strum de rebus sat arduis consuluit. Demum quae  
ad Religionem, et Christiani hominis officia per-  
tinent, ea sedulitate, quo cum cumque studia

vel curae traherent, ad extremum usque vitae curavit, ut quae sententia quorundam animis in-  
sederat, maximae nempe esse difficultatis inge-  
nium divinarum, et humanarum rerum contem-  
platione simul exercere, eam penitus exemplo suo  
everterit.

Certe omnigena eius doctrina, ingenium ver-  
satile, anini celsitudo, consilii dexteritas, in pri-  
mis vero mores innocentissimi effecerunt, ut nemo  
unus esset ex litteratis viris, et quidem praecla-  
rissimis tum Neapoli, tum in longinquis regionibus,  
qui amicitiae foedere non illi fuerit iunctus.  
Inter primos fuit Alexius Symmachus Mazochius  
Metropolitanæ Ecclesiae Neapolitanæ Canonicus,  
et in Regia studiorum Vniuersitate Sacrae Scripturae  
interpres, Franciscus Seraus FERDINANDI Sici-  
liarum Regis Archiater, et Regius Medicinæ pro-  
fessor (cuius et vitam a me anno MDCLXXXIV. con-  
scriptam per eruditissimum Franciscum Danielem  
Cl. Fabronius expetiit, et Pisis inter vitas Italo-  
rum doctrina excellentium brevis est pervulgaturus);  
quibus familiarissime adeo Noster usus est,  
ut non immerito eos fratres putasses. His in ami-  
citiâ proxime succedit Faustina Pignatellia summa  
eius temporis Mathematica non sine eruditionis  
ornamento, digna profecto quae a Mazochio lau-  
dato viro laudaretur in *Epist. de dedic. sub Ascia*;  
atque huius permultas habeo litteras ad Nostrum

datas. Hinc sequuntur Carolus Maillus Emissenorum Archiepiscopus, eiusque frater Januarius, Metropolitanae Ecclesiae Neapolitanae Canonicus; Comes Mattheus Aegyptius Bibliothecae Regiae praefectus, acerrimi ingenii vir, et exquisiti iudicii; Nicolaus Capassus in Regia studiorum universitate primarius iuris professor, et in re litteraria magni vir nominis, et Joannes Baptista frater, quo usus est praeceptore, et a quo synopsim historiae philosophiae habemus; Coelestinus Galianus Thessalonicensium Archiepiscopus, Regique Sacelli Antistes; Bernardus Tanusius a Sanctoribus Regis consilii, et secretis; Josephus Aurlus de Januario Regius Consiliarius, et in Regio Lyceo Neapolitano Feudalis disciplinae antecessor; Comes Xaverius Pansutus, vir exquisitissimae doctrinae, Joannes Baptista Vicus, Regius eloquentiae Professor, Augustinus Arianius, mathesis scientissimus, Joannes Antonius Sergius J. C., Ignatius Calcius Linguae Hebraicae professor, Jacobus Martorellus, Felix Sabatellus, Josephus Paschalis Cyrillus, J. C. gravissimus, alique quam plurimi. Inter exteros vero, ne longam hic telam pertexam, praecipuos memoro Ludovicum Antonium Muratorium, Marchionem Scipionem Maffium, Iacobum Facciolatum, tria praecipua huiusculi saeculi lumina; item Franciscum Zanottum, Joannem Baptistam Morgagnum, Antonium Franciscum



Gorium, S. R. E. Cardinales Aquavivam, Carapham, Quirinum, Passionem, ceteros.

Reliquum nunc est, ut de tanti viri abitione dicam, quod paucis absolvam. Excurrat annus MDCLXIV. quum Noster in amicorum consensu sententiam rogatus est, quam potiore obscurissimi Persii versionem faceret. Tunc is summa eruditione de singulis scriptoribus peracre iudicii tulit: caque fuit sermonis summa, Fontaninii versionem tanti non esse, quae illi, quam Stellutius, et Salvinus elaboraverant, praeferreretur. At siquidem exceperat nescio quis, latinum sermonem Tragicorum poetarum inopia infeliciorem esse, is, Scaligero vindice, tantum honoris ait ob unum Senecam Latio constare, quantum nec Prometheus, et Persae Aeschylus, nec Sophocles Antigona, nec Medea Euripidis Graeciae tribuere. Interea dum Italicarum tragoediarum Xaverii Pantuti laudationem instituit, heu! vix paucula pronuntiaverat, quum repente linguae paralyti correptus est. Sic erat constitutum, ut qui lingua potissimum polleteret, linguae primum iacturam patiretur. Verum is testamenti tabulas, ut hoc etiam moncam, tres ante annos confecerat, quibus bibliothecam sane quam selectissimam Jos. pho Lupulo, Margaritae sororis filio, et Patruo meo amantissimo reliquerat. Nisi quod dolendum id, mihi longe molestum, numismatum, et anti-

quorum cimeliorum locupletissimam collectionem, cuius nulla in postremis tabulis mentio, pessimo malo, parentibus invitis, deperiisse. Verum, ut eo redeam, unde digressus est sermo, decumbentis amici rumore percitus Seraus statim Aversam convolvit, si quo illum posset artis adiumento levare. Tacentem in lecto ubi primo vidit, obriguit, mox largius flevit, tum nihil non tentatum voluit, et digrediens curae ministrum patrum meum Agnellum Lupulum reliquit, carum Patricellio nepotem, et Serai ipsius in Medicis disciplinis auditorem, tum adseclam fidissimum. Paralyti accessit febricula, et mox urinae difficultas; ac subito in extremis fuit. Quam ob rem quum se ad postremum certamen Ecclesiae Sacramentis comparasset, summa quidem constantia, ac missione veluti de corporis statione impetrata, in pace Christi Aversae quievit III. Nonas Octobres, aeternum sui desiderium relinquens, ac difficilem aemulationem. Virum doctrina insignem, insigniorem fecit publicus luctus. Orationem inter parentalia habuit Antenuus Pagnanus Canonicus Aversanus, inscriptiones posuit Vincentius Lupulus, funeris vero adparationem Laurentius parens meus, uno cum dolentissimo patruo Josepho exsoluere. Demum vero fratri desideratissimo Margarita soror superstes, Avia vero matris, marmoreum cenotaphium in Gentilitio Sa-

cello posuit, cui Franciscus Seraus postremum  
amico benemerenti officium persoluturus, haec vo-  
luit inscripta :

PERENNITATI MEMORIAE  
MICHAELIS ARCHANGELI PATRICELLII  
AVERSANAE ECCLESIAE CANONICI ARCHIDIACONI  
QVI INGENII ALACRITATE SINGVLARI  
EXIMIO STVDIORVM DELECTV  
MORIBVS COMPOSITIS ATQVE VRBANISSIMIS  
ET MVNICIPII NATALIS FRACTAE MAJORIS  
ET AVERSANORVM FAMAM CVLTVMQUE  
POLITIONIBVS INSVPER LITTERIS IN CLERICORVM  
SEMINARIVM  
NOVO ARDVQVE MOLIMINE AVSPICATO INLATIS  
ORNAVIT ATQVE AVXIT  
MARGARITA PATRICELLIA  
FRATRI PIENTISSIMO DEQVE SE OPTIME MERITO  
IN GENTILITIA AEDICVLA  
M. P.  
VIXIT ANNOS LXXIII. D. VI.  
MORTVVS EST AVERSAE III. NON. OCTOBR. MDCCLXIII.  
CONDITVSQVE IN PRIVATO CANONICORVM SEPVLCHRO.



## ELOGIVM

ALOYSII DE AMBROSIO<sup>(1)</sup>

Aloysius de Ambrosio, rarissimi exempli adolescens, ac ingentibus naturae bonis ornatus, honesto genere ortus est Neapoli. Parentes habuit Bernardum de Ambrosio subactae doctrinae virum, atque in Neapolitano Archigymnasio iuris doctorem eximium, et Vincentiam Rizzi. In puero ea animi indoles eluxit, ut omnes maxima de eo sibi pollicerentur, divinoque consilio factum praedicarent, ut doctissimus Pater, Mater pietissima talem natum susceperint, cuius si a Deo immortalis ipsis data optio foret, nec meliorem, nec se magis dignum habere potuissent. Insita enim animi bona, quae in suis maioribus longo annorum spatio probata fuerant, eximie in eo micabant, et cumulatissime. Ingruuae indoli par accessit educatio; litterisque et moribus institutus in spem haud dubiam futurae virtutis et doctrinae parentes adduxit. Temporis parvus, animi relaxatio-

(1) Condiscipuli sui, cum quo coniunctissime vixit, scripsit auctor elogium ab. MCCCXC, rogante Nicolao de Ambrosio Philomeliae Episcopo.

ni vix parum tribuebat. Ludos, et quae lubricae aetatis solent esse oblectamenta, nihil quidquam curavit. Litterarios conventus, et ecclesiasticas exercitationes unice frequentabat. Parentem optimum, saeculi ornamentum, puer adhuc amisit, cuius damnosissimam iacturam aequiori, quam credi potest, animo tulit. Patris loco Nicolaum de Ambrosio patrum coluit, versatilis ingenii virum, Eminentissimi Josephi Capycii Zurli S. R. E. Cardinalis, et Archiepiscopi Neapolitani vices gerentem, a quo non tantum diligi, sed et amari novit. Huic demisso adeo, et obsequenti animo adstabat adolescens, ut nec patrem ita revereri moratissimus filius posset. In matrem praeterea ita adfectus erat, ut maternas delicias eum unum praeceteris natis constituisset diceres. Fratribus insuper, et sororibus ita fuit carus, ut numquam cum iis in gratiam redierit, quippe qui ne minimo quidem verbo, vel parva offensione eos laeserit. Philosophiae studia adolescentulus adripuit, usque praecceptore est consummatae doctrinae; in quibus ita profecit, ut scientiae monita ad vitam suam instituendam, moderandamque retulerit. Divinae doctrinae tamen maiori animi contentione vacavit, canonumque notitiam ex doctissimo Patruo, veluti ex fonte purissimo hausit. In omnibus disciplinis, quae ardua et abstrusiora videbantur, vel ingenii acumine, vel diuturno labore pervicit.

Ad haec non minus litteris, quam virtutibus omnibus inclavit, in primis innocentia, et morum integritate, quam ingenti industria, et diligentia fovit, et ad extremum usque vitae auxit. Vitae rationem, et consilia omnia ad Religionis amissim retulit, eiusque modulo verba etiam ipsa metuebatur. Modestiam ita coluit prae ceteris dotibus, ut nemo unus adolescentem vel oris gratia, vel sermonis iucunditate, vel ipsa corporis forma, et incessu, veluti modestiae vivum simulacrum reveritus non fuerit. Non otium, non illecebrae, nec saeculi blandimenta innocentissimis moribus damnum intulere. Consuetudinem, amicitiam, familiaritatem cum nemine inuit, nisi vitae integro, ac sene ut plurimum, et se doctiore Austerus numquam visus est, nec difficilis, sed urbanus, hilaris, comis, facilis. Res simplici sermone, et recto semper, atque decore narrabat; nihilque plane ex eius ore prodiit, quod vel minimam simulationem, vel fallaciam, vel calliditatem suboluerit. Facta aliena numquam investigavit. Nulli iniuriam intulit. Jurgia, dissidia, contentiones nec aluit, nec movit. Cunctis non minus obsequens fuit, quam acceptus. Christianam pietatem ita coluit, ut principe eam loco semper habuerit. Quotidie domo egressus ad sacellum Divi Thomae Aquinatis in aedibus Sancti Domini perreptabat; sacrisque ibi summa pietate in-

tererat, et frequentissime Sacrosancto Christi Corpore reficiebatur. Inter clericos Regii Sacelli Palatini receptus, muneris sui partes diligenter, et abunde explevit. Divinum officium ante recitare consuevit, quam ad maiores Ordines deveniret. Statis diei horis sibi soli in aedium penetralibus vacabat, et orationi. Denique iam Diaconus, adolescentiae actibus summa cum laude peractis, ex corporis custodia, et ancipiti rerum humanarum mutabilitate, perpetuum sui desiderium relinquens, constanti oris, mentisque serenitate ad sempiternam beatitatem evolavit Neapoli anno mdcxc. iv. Nonas Maïas. Mors eius cunctis bonis acerbissima fuit. Cum lacrymis, et moerore postridie elatus est, et in arca subitaria, non sine constanti eximiae innocentiae fama, depositus in Ecclesia S. Mariae Angelorum.



## ELOGIUM

MVCII ZONAE <sup>(1)</sup>

**M**ucius Zona, Vir doctus, facilis, humanus, natus est Calibus, veteri Ausonum oppido, anno MDCCXI. XI. Kal. Februarias. Parentes, qua ipsi erant religione, atque humanitate, eadem filium imbuerunt. Erat in puero ingenium docile, et acutum, itemque praeclarum et promptum. Litteris prima aetate maximo ardore vacavit; summum bonum in pietate posuit, et quae vel etiam adolescentium mentes abripere solent, animi celsitate despexit. Decennis Neapolim traductus, exquisitoribus disciplinis, ac una politioribus litteris et musis amoenioribus omnem operam, perinde ac aliud non ageret, impendit. Praeceptore usus est praeclearissimo e Societate Jesu, qui adolescentis praecox ingenium expertus, omnem industriam adhibuit, ut Societati cum adscriberet. Philosophiam et Mathesin in succum sibi et sanguinem redegit, nihil

(1) Typis Raymundianis Neapoli prodit anno MDCCXXXVIII. in postremis officiis memoriae Mucii Zonae Archistri Hispaniensis persolutis.

que in iis difficile arduumque fuit, quod non acumine ingenii, et labore pervicerit. Eas disciplinas impensius coluit, quae sunt ad medicinam faciendam vel necessariae, vel utiles. Porticibus prope Herculaneum primo artem auspicato exercuit, plurimosque a morbis satis perplexis liberavit. Multumque existimationis accessit, ex quo, qui aegritudine, et adversa simul fortuna conflictabantur, non artis auxilio tantum, sed et re familiari sua iuvare studuit. Diffusa quaquaversum sui nominis celebritate, CAROLVS III. tunc Neapolitanorum Rex P. F. A. bono Reipublicae, et huiusce Regni felicitati natus, florentissimus modo Hispaniarum, novique orbis Monarcha Catholicus, summam de eo opinionem concepit. Verum quoniam is natura adeo comparatus erat, ut honores fugere mallet, quam eos petere, veritus ne, uti in Principis existimationem incidit, ita et ad aliquam adsurgeret dignitatem, iam in eo erat, ut vasis collectis suos repeteret lares. Honor fugientem sequitur. Carolus magnis domi militiaeque Neapoli gestis, quum eo soluturus esset anno MDCCCLIX., quo Hispaniarum, novique orbis gubernacula eum advocabant, Mariae Amaliae Walburgae Reginae, non alium quam Zonam medicum designavit. In Hispana aula constitutus, consuetudinem de se humiliter sentiendi haudquaquam abiecit. Curam omnem in eo tantum posuit, ut munus suum inde-

fesso labore sustineret, atque obiret, et pietatem in Deum, in Regem vero fidem, quantacumque posset sedulitate, tueretur. Eius integritas, constantia, industria Carolo probata abunde adco fuit, ut nemo Regi carior. Ea apud Principem gratia numquam usus est, nisi in levanda miserorum inopia, et in deprecandis amicorum vel periculis, vel incommodis. Regina anno MDCLX. vita functa, munere suo et ipse functus, dum supplex a Carolo missionem expectabat, Regiae sobolis, quam viva et spirantia paternae virtutis simulacra dixeris, medicus constituitur; et mox Regis universae Hispaniae, novique orbis Archiater, et Medicorum Collegii Praeses renuntiatur. Eo in munere doctrinam, laborem, fidem, sedulitatem cumulatissime Regi Carolo probavit. Regiae medicorum Academiae, et horto botanico mox praeficitur. In publicis privatisque negotiis praeter probitatem, animique candorem singulari, eam enixe operam dexteritatemque praestitit, ut nullum pene in Aula Hispana maioris moliminis negotium fuerit, quod ei commendatum feliciter non cesserit. Sine fuco, et fallacia res regias dexter semper egit, publicis commodis promovendis unice intentus. Hinc regii Consilarii munus, aliaque experientissimo viro digna officia a Rege Carolo promeritus est. In summa dignitate, ac multa fortuna, comitate et facilitate sua

omnibus vel minimis se exaequavit, adeoque se gessit, ut ab omnibus diligeretur. Amicos doctos et parisi fidei, optimam, pulcherrimamque vitae suppellectilem paravit, et coluit. Familiaritate in Hispania supra ceteros usus est quamaxima cum Michael Ignarra, Nicolai germano, a confessionibus modo Mariae Josephae, Regis Catholici Filiae. viro qua doctrina, qua priscis moribus commendatissimo. Caelebs vixit; habuit tamen Aloysii fratris Dominicum filium, quem impense dilexit, et Hieronymum Dominici F. senectutis suae delicias. Quas animi insignes dotes a natura sortitus est, puer servavit et sedulo excoluit, adolescens ingenti cum foenore roboravit, senex mirum quantum auxit. Legis Evangelicae modulo, ad quam suos usque mores semper composuit, omnia meiebatur. Proluxa in pauperes beneficentia clarus, gentibus ultro quavis hora patere ianuam suam soluit. Reginae munificentiam expertus, qua sibi quinque millia centussium obvenerant, constanti animi magnitudine, longe praestantiores usuras ex ea summa exacturus, pauperibus distribuit. Clericorum insuper Collegium Calibus a fundamentis excitaturo Josepho Capycio Zurlo Calenorum Pontifici, Neapolitanorum nunc Archiepiscopo et S. R. E. Cardinali amplissimo, magnam pecuniae vim largitus est. Publicae hinc gratiae Episcopi nomine, elegantissimo carmine ei actae a Matthia Simonetti

in Caleno Seminario eximio Eloquentiae professore. Christiana pietate, religione, vitae innocentia, ceteroque virtutum ornatu longe adco omnibus praestitit, ut ad eas potissimum natum dixeris. Maximam gravitatem cum singulari comitate et suavitate coniunxit. In amicos officiosus, in maiores derisus, in bene de se meritos gratus, modestus praeterea, fidus, parcus, frugalis, simplex, apertus, veritatis cultor, fraudis inimicus, unoque verbo moribus optimis, et honestissimis. Talis quum esset, suis dignam meritis famam est adeptus in universa Hispania. Calibus hinc ob adversam valetudinem, invito Carolo, restitutus, quum per plures annos sibi et suis et patriae cumulatissime satisfecisset, natura, fragile quicquid in eo erat, sibi postulante, in pace quievit an. MDCLXXXVIII. VI. Idus Januarias. Vixit annos LXXVIII.



## O R A T I O

IN FVNERE

## C A R O L I III.

HISPANIARVM REGIS (1)

**S**i tempus aliquando fuit, quo Urbem hanc ingenti accepta plaga, ac propemodum insanabili concidisse putaverim, ut in templis squalor et luctus, in foro silentium, et solitudo, in omni actate, in omni ordine atrae ac sordidatae vestes, ubique publicae calamitatis forma obversaretur, tunc profecto extitit, quum acerbissimus, et universo Neapolitano populo gravissimus nuntius advenit, CAROLVM III. Hispaniarum, novique Orbis Regem potentissimum, contra bonorum omnium vota diem suum obiisse. O diem cunctis populis, ac nobis praecipue infelicissimum, quo tantum regem, quo patriae patrem optimum amisimus, in cuius vita res universa publica sita erat! O cladem horrendam, irreparabilem, qua repente Augustissimus Princeps, seculis multis dignissimus qui viveret,

(1) Habita Neapoli in Ecclesia S. Jacobi Hispanorum IX. Kal. Martias AN. MDCCXXXIX.

interceptus est ! Ecquid enim in terris CAROLI Regis nomine ac maiestate augustius, ecquod praeclarior esse umquam poterat ornamentum ? Vno nempe funere acerbo Europae, et universi orbis singulare decus, simulque bonas artes, omne virtutum genus, et quidquid boni undique erat, quo recreabamur, extinctum deflemus. Vtinam Deus Opt. Maximus fecisset, ut vel id numquam accideret, vel si in tanto luctu ob providentissimi Regis iacturam modo versari par esset, laudatione tamen persoluta, animi nostri dolor aliquantulum leniretur. At funebris iste adparatus, et ad dolorem excitandum compositus mentem oculosque perturbat, qui pristinam Regii huiusce cactus alacritatem requirunt. Ad haec regnum squallet, moeret civitas, omnium animi consternatione quanta maxima perculsi iacent. Legationum praeterea tristes querelas mihi modo audire videor, urbium pene omnium italicarum magnas incredibilesque acerbitatis attestations ; militum singultus, tuumque, FERDINANDE, Rex noster optime, invictissime, gemitum et aegritudinem. Quid quod hi ipsi parietes, qui eius adpectu, eiusque regiae ac pulcherrimae frontis maiestate lactari antehac, et gestire pene videbantur, nunc eius tunulo, veluti funestissimo signo erecto, lugent quodammodo, et aegre pati prope significant, quod non una prostrati aequatique solo conciderint. Qui igitur in com-



muni omnium lamentatione egomet, qui constantem animi magnitudinem in hoc laudandi genere adferre deberem, a fletu oculos abducam? Nimirum illud reliquum nunc est, ut ipsa oratio luctu propemodum squalescat, et nenia veluti quaedam magis magisque suspiria eliciat, et dolorem. Attamen quoniam vestra auctoritas me ad dicendum compulit, vires quoquo possum modo resumam, eiusque Principis laudes exornando percensere enitar, cuius singulae virtutes rarissimi adeo exempli sunt, ut una earum quaeque Regem sanctissimum providentissimumque satis nobilitare valeat. Quae quum permultae sint, maximeque verear ne orationis modum excedant, gratissimum vobis fore spero, si nihil prorsus commemorem, quod non ipsi cognovistis, animadvertistis, cui non interfuistis, quod denique non praeclarum sit, et vestra expectatione, funerisque huius amplitudine dignum.

Quoniam de eo mihi augustissimo Principe verba facienda sunt, cum quo uno partem laudis aequalem nec Cyrus ille apud Xenophontem, nec Agesilaus petere possent, non minima haec me cura angit, unde potissimum initium orationi ducam, et quid dici, quidve potius omitti in tantarum copia oporteat. Verum nihil de CAROLI Regis pueritia vobis adferam, Equites, quum exploratissima res omnibus sit, adeo Principem nostrum

ad virtutis effigiem factum fuisse, ut nec prudentia quoque, quam primis annis summi philosophi desperarunt, iam tum in eo desideraretur. Natura enimvero omnes impendisse vires videbatur in eo ornando perficiendoque, quem aeternae mentis altissimum consilium, et ratio tot regnis praefectum, et gubernatorem parabat. Quod et ipse augustus Parens Philippus praesentiens nihil certe antiquius habuit, quam ut iis omnibus disciplinis CAROLVS institueretur, ex quibus pietas, gravitas, omnisque item ornatus vitae ad Reges promanat. Hinc profecto fuit, Equites, ut rem militarem potissimum et litteras, quas optimum quemque regem adprime callere oportet, CAROLVS adamaverit. Quid enim, per vestram fidem, veterum imperatorum nomina temporum aeternitati magis commendavit, nisi hae duae artes, quibus populorum incolumitas, Regum dignitas, et commoda omnia innituntur? quibus imperia stant, urbes conservantur, societas miro modo fovetur? Armis quidem optimus Rex ad hostes profligandos, ad socios amicosque tuendos, ad religionem defendendam augendamque utitur. Litterarum vero praesidium eo spectat, ut humanarum divinarumque rerum scientiam adquirat, legesque condant, quibus civium animos ad bonam usque frugem impellat; ut optima insuper exterarum gratium instituta perquirat, et adsciscat. Ita certe quibus per arma libe-

ris, patria, laribus, amicis perfrui licet, hismet-  
 ipsis per litteras tantis iisdem rerum commodis  
 cum dignitate uti licebit. At quae umquam elo-  
 quentiae vis ornare satis posset singularem CAROLI  
 in litterarum studia propensionem, in percipiendo  
 alacritatem? Utinam, Equites, revivisceret Emma-  
 nuel ille Benavides, S. Stephani Comes, cuius cu-  
 rae Regius Puer commissus fuerat, atque hic ades-  
 set; nonne vobis testatum abunde faceret, CARO-  
 LVM in ea prima aetate educatorum sollicitudines  
 qua praecoci ingenio, qua morum ingenua suavi-  
 tate adeo antevertisse, ut veluti novum sidus caelo  
 delapsum Borboniae genti faustissimum iure ab om-  
 nibus suspiceretur? Sed fortasse quis vestrum a  
 me etiam expectat, ut quantum Princeps in re  
 militari profecerit, aperiarn? Quid? Anne vos la-  
 tet, quod ei adhuc adolescenti innumeras pene  
 copias Philippus tuendas, regendasque sic commisc-  
 rit, ut ante dux quam miles, veteranus quam tiro  
 fuerit? Vix annum unum supra tria lustra pere-  
 gerat CAROLVS, quum tanta eius virtus extitit, tan-  
 tusque animi ad virtutem impetus, ut cum exer-  
 citu ipse periculosissimis quidem temporibus in ex-  
 peditionem profectus, maximo, et opportuno adiu-  
 vamento fuerit in tutandis ditionibus ac regnis, quae  
 Philippo parenti iamdiu obtigerant. Alias enim urbes  
 perturbatas pacavit, alias disciscientes alioque versas  
 restituit, aliasque praesentia sua facillime in po-

testatem redegit. Tunc tunc nimirum fuit, Equites, cum saeculi felicitas CAROLVM utriusque Siciliae rectorem constituit. Qua in re maximam sane partem habuit invicti Regis consilium, sapientia, dexteritas. Non enim vos praeterit, quantum ille periculi tum adiit, quantum improbi laboris, quum aliquanto post, regnum sibi vindicatum ab integro adorientibus hostibus, ad Velitras ipse cum instructa manu venit, pugnavit, vicit. At o temporis laetissimam recordationem! Frustra CAROLVM Placentia optabat, frustra Hetruria, quum durissimam ille harum provinciarum conditionem miseratus, ad hanc felicissimam Italiae partem maiestate sua implendam victor advenit. Sane ut in hisce regnis perpetuam securitatem, incolumitatemque fundaret, nihil labori, vigilantiae, consiliisque suis Rex optimus reliquum fecit; quin pace terra marique parata, et firmata, veterum Imperatorum gloriam in optimo regimine instituendo acquavit. Quis enimvero in Principe nostro Augusti studium in litteris optimisque artibus fovendis, Traiani magnificentiam, Titi facilitatem, Antonini, et M. Aurelii iustitiam, Constantini pietatem et religionem non agnovit? Quod exemplum regnans non praestitit iustissimi Regis, et indulgentissimi Patris? Quod monumentum sapientiae, humanitatis, beneficentiae sibi in hoc regno non

exegit? Sapiētia utique CAROLI ea fuit, Equites, quae huiusce regni habenas moderabatur, quae populos, provincias, urbes domi forisque tum pace, tum bello fovit, auxit, et omnibus ornamentis cumulavit. Ab hac igitur Regiarum virtutum parente ac nutrice ut omnia, quae mihi de tanto Principe dicenda sunt auspicer, attendite, quae, quantaque bona Regno huic attulerit, et quam belle res nostras secundas ornarit, adversis praesidium fuerit. Recordamini per Deum immortalem, qui status harum provinciarum ante CAROLVM fuerat, quibus angustiis florentissimae hae urbes premebantur, quam neglecta fertilissimi soli cultura. Nonne is summa sapientia, atque incredibili celeritate ad omnia curam et providentiam statim intendit? His enim squalore pene obsitis regionibus, veluti Salomon Hierosolymis, divitias quantascumque paravit, agris incultis ac prope desertis culturam, ex qua terrarum orbi primum opes manarunt, et feracitatem restituit. Huc artes unde unde accitas revocavit, Religionem sartam tectam tuitus est, commoda omnia tum privata, tum publica curavit. En quae lux, quantusque splendor rebus cunctis tunc accessit, quae mihi modo gestire, atque huic auctori, parenti, restitutori, atque conservatori suo gratias agere videntur. O Principem vere saeculorum omnium praedicatione dignissimum, qui populos felices reddere unicam

pene regis felicitatem arbitratus est! At quid de litteris dicam, quae prorsus ante hunc Regem pessumdatae iacebant? O rerum diras vicissitudines! Siccine a natali solo Musae ciiciuntur, ut, patria derelicta, alibi sibi tectum comparare cogantur? Nunc profecto Magnae Graeciae, celeberrimae illius musarum sedis, memoria mihi obversatur, quae digna olim extitit, ex qua legati Romani permultas gravissimas leges collegerint, quibus aeternum illud imperium regeretur. Nunc Pythagoricarum scholarum subit animum recordatio, ex quibus tot praestantissimi philosophi, et legum conditores prodierunt, qui Graeciam Italotidem, nec non universam, quanta quanta est, Italiam illustrarunt. Sed heu quantum immutata litterarum facies tunc erat! Vinam ipsae nunc humanum sermonem exprimere, effarique vobiscum possent! nonne vobis quantum Regi nostro debeant plenissime testarentur? Perstrepebant enimvero CAROLI arma, quum veluti exsuscitatae litterae in spem venere fore, ut novam nitentissimamque faciem optimi Principis providentia induerent. Ut primum vicit, et regnare coepit invictus Rex, simul regnare et novo circumfundì splendore litterae visae sunt. Erat nempe in hac urbe Archigymnasium, sed heu scelus indignum! a stationario milite occupabatur, eratque quaquaaversum militari insolentia foedatum. Hinc milite exacto, Rex in pristinum contubernium, quod in

elegantiorē formā restituit, et novis cathedris, legibus, et redditibus auxit, exules musas revocavit. Quam vellem, Equites, ut ea in me nunc abundaret orationis facultas, qua, ut par est, dicendo explicare possem, quānam decoris accessio divinae scientiae, philosophiae, mathematicis, iurisprudentiae, medicinae, historiae, philologiae tunc facta fuerit. Quid quod ipsum veluti parentem res politica et nautica, commerciorum disciplina, et ars militaris agnoscunt? Sed tibi etiam, o sancta antiquitas, tuus stat honos per CAROLUM. Quis enim profecto nostrorum hominum pretium vel minimum vetustis litteratis lapidibus, nummis, anaglyptis, sigillis, vasis, et id genus innumeris thesauris statuisset? At rem modo immortalī memoria dignissimam, quaeso, audite. Quis unquam putavisset, Herculaneum, Pompeios, Stabias, veteres urbes gravissimis Vesuvii conflagrationibus subversas ac sepultas, aliquando eruderatas pristinae pulchritudinis formam exhibituras? Id tamen augusti Regis auspiciis, et providentia optime praestitum est. Et difficillimum dictu prope duco, quantam omnigenarum antiquitatum supellectilem, quantam inscriptorum lapidum copiam, quantam statuarum ex aere et pario marmore multitudinem, quantum picturarum stupendam numerum, elegantiamque; quantam denique torrematum, gemmarum, vasorum gazam hae ur-

bes, magnitudinis Romanæ veluti acmulae, in apricum protulerint. Sed plura etiam, et maiora dicenda supersunt. CAROLVS Xvirorum societatem ad tot vetera cimelia illustranda instituit: CAROLVS magnificentissimam bibliothecam mox publici iuris faciendam, et celeberrima musæa paravit: CAROLVS, regia studiorum universitate apud Peteliam intra fines Crotoniatidos erecta, Magnæ Græciæ splendorem restituit. Quid cetera percurram, si quidquid dignitatis litteræ et artes in hoc regno habent, CAROLO debeant?

At sinite iam nunc, Equites, ut a CAROLI sapientia repetam quoque maximam eius sollicitudinem et industriam in iis omnibus perficiendis, quæ optimi Regis præcipua sunt munera. Quid enim magis curandum sapientissimo Principi est, nisi ut urbem, quam magnam adeptus est, maximam faciat? Id vero quam optime Rex exequutus fuerit, vos ipsi scitis. Si enim operum magnificentiam spectetis, si commerciorum frequentiam, si quaestuosas civium negotiationes, non est quidem, cur nostra hæc urbs, et regnum quid ceteris vel ditioribus vel amplioribus cedat. Sed quod ad operum magnificentiam spectat, lustrate, quaeso, hanc principem urbem: ipse regium tectum, spatiis hinc inde laxatis, augustius reddidit; ipse egenis, ne tanta pauperies per urbem et regnum grassaretur, et pueris puellisque edu-



candis , ab inchoato aptissimas aedes crexit , in quibus artes , quas vellent , ediscerent , et profiterentur : ipse permagnum illud bestiarum amphitheatrum prope Sebethum exstruxit ; et quid amplius dicam ? Lustrate finitimas regiasque urbes ; cuiam Caserta praetorium magnificentissimum debet ? Quis saluberrimam Iuliam aquam , quam olim Coloniae Capuae servitutam Augustus Caesar deduxit , e fonte , perforatis per plura stadia rupibus , in Augustae donius commodum derivavit ? Cui Herculei porticus tantam dignitatem acceptam referunt , ut Principis etiam adspectu gaudeant , nisi CAROLO ? Praetereo hinc consulto quamplurima illa et praegranda stativa praesidia in praecipuis Regni urbibus excitata , et ea ingentia opera , quorum ruinis opportunè restitit , quaeque eodem , quo exstructa fuere , animo ab interitu vindicavit . Sane quamvis muta haec omnia sint , sentire tamen , et lactari modo , quod niteant , quod frequententur , imo et magnum hoc Regis erga tecta ipsa meritum posteritati commendare videntur . Quid vero dicam de commerciorum libertate , et de multiplici eorum genere instituto ? An quod aequoribus contractis amplissimum portum in hac urbe fecerit , aliumque Brundisii fœda vastitate collapsum restituerit , ampliavcrit ? quod populorum commodo quamplures vias straverit , complanaverit , ac potissimum Appulam , quam ad Bovinense usque nemus per

millia passuum ix. protulit, fontibus etiam ex intervallo exstructis? Nihil vero dicam de novis quaestuosisque artibus inductis, quas ex omnibus accitas terrarum regionibus in urbem, et in cunctas Regni provincias invexit, et auxit.

Quaeret hoc loco ex me forsitan aliquis, ecquae fuerit CAROLI in populum Neapolitanum benevolentia, qui eorum commodis et felicitati unus uno tempore, et paterna prope sollicitudine providerit? Tametsi hoc, Equites, pro dignitate ut par est, explicare desperem, in memoriam tamen, quaeso, revocate importunam illam tanti Principis ab hac urbe abitionem; populum enim ipsum, veluti fidissimum testem, interpellat oratio. O diei acerbissimam recordationem, quo Augustissimus Rex noster CAROLVS ob Ferdinandi VI. Germani fratris immaturum obitum ad Hispaniarum novique orbis regna capessenda, maximo aeternoque nobis sui desiderio relicto, vocabatur! Vos scitis, quae luctuosa conversio animos omnium occuparat, quae huius urbis, huiusce regni facies erat. Nullus enim tam excors fuit, qui ex secutura mox Regis absentia tristatus quammaxime non videretur. Huo civium multitudo tanta ex finitimis oppidis, et municipiis confluit, ut plenae hominum viae, plenae aedium fenestrae, plena tectorum fastigia iam essent. Omnia hic gemitibus et suspiriis circumsonabant; populus abeuntem patrem deslebat,


inopes nutritorem, aëgri perfugium, sacerdotes praesidium; unaque voce omnes sibi ereptum lamentabantur publicae privataeque rei columnen, principum splendorem, religionis tutamen. Heu dolor! Heu lacrymae! Compescite tamen singultus, Neapolitani omnes; nam vestris commodis etiam hinc abiturus prospicit CAROLVS. Ne enim in provinciae formam, principe absente, iterum hoc regnum redigeretur, FERDINANDVM IV. sibi per omnia similem a sinu suo abstraxit, avulsit, ut in amoris ac benevolentiae suae veluti pignus perpetuum, regem nobis relinqueret. Profecto, Equites, non possum non animo exultare, quotiescumque venit in mentem tanti regis benevolentia, et quae ab ea proficiscebatur mira facilitas et humanitas. In his enimvero ita excelluit CAROLVS, ut quum fortuna multos, dignitate plures, virtute omnes reges superaret; humanitate tamen a nullo umquam superari visus fuerit. Ad quem enim regem, vel potius patrem tam faciles aditus? Ipse omnium querelis aures praestabat, omnes veluti filios mira benignitate excipiebat, eoque impensius lactabatur, quum supplicantium desideriis satisfacere cito posset, quo magis moerbat, si nulla quandoque benemerendi occasio adesset. Date mihi sane hanc veniam, Equites, ut sciens ac lubens praeteream magnam illam quidem principis beneficentiam, et ingentem erga afflictos, et adversa fortuna vexatos,

amorem: cujus auream nunc vocem audire videor, qui illud potissimum regium esse aiebat, regias opes regio animo largiri, ideoque immortalī Deo longe maiores habebat gratias, quod multorum inopiam sublevare posset, quam quod regnaret. Praetereo insuper et eius mores in tanta fortuna innocentissimos. Quid nempe sibi Princeps indulsit, quod non omnes homines, non iura omnia concessissent? Quis regem unquam vidit praeter CAROLVM, qui sibimetipse prius, quam populis imperaverit, et Christianae philosophiae armis irae et invidiae immanem pestem fugaverit, voluptates vicerit, timorem et aegritudinem deiecerit? Praetereo denique cetera Principis singularissima ornamenta: maiora nimirum manent, quae persequi longe formidat oratio. Non tamen pati possum, Equites, quin de CAROLI iustitia nonnulla hoc loco attingam. Quo enim constantius ipse omnes homines ad iustitiam natos esse tenebat, eo sibi magis persuaserat, regibus eam virtutem, ut perpetuae commendationis, et famae fundamentum, aestimandam maxime esse, atque colendam. Quo quidem sibi proposito, difficillimum est explicare, ecqua regiae iustitiae acquabilitate omnium commodo et utilitati, dignitati et honori, huiusce Regni insuper felicitati consultum iverit. Sed attendite paullisper, quos viros foro et iudiciis praefecerit. Ecquando illis sanctiores vel aequi bonique

amantiores severissimus ille Atheniensium Areopagus vidit? Non alios nempe homines in Senatum cooptavit Princeps, nisi qui domui suae bene antea consultuissent, qui regis sacramentum abscondere novissent, et cunctis item vitae officiis aequales fuissent. Quid vero dicam de publicis consiliis, in quibus commodorum suorum prorsus oblitus, civium utilitatem unice tuebatur? Quid de iudiciis, in quibus nihil ad gratiam, nihil contrarium, sed semper idem de eadem re decrevit? Quid de legibus, quas optimas et acquissimas tulit, et quas membratim divulgatas, immo dispersas, ac dissipatas hic reperit, eas omnes in corpus unum coegi iussit? Mirum sane, quibus quantisque rebus providentiam suam intenderit CAROLVS! Hactenus, Equites, ex tanta hac orationis infantia audistis quanam Principis nostri sapientia fuerit, quinam in regnando mores, quae artes: nolite nunc, quaeso, a me expectare, ut Principis pietatem et religionem vobis etiam commendem, cui profecto non tantum mea, quae nulla est, sed nullius omnino potest par oratio inveniri. Praeter quam enim quod nemo ignorat hac potissimum virtute CAROLVM omnes ante se reges vicisse, et cetero post se spem imitandi admisisse, accedit quod locupletissimi etiam huiusce rei testes sunt populi, qui regis ad exemplum compositi, tanti religionem fecerunt, quanti par est ut optimus quisque fa-

ciat. Hoc ipsum insuper testantur sacra illa augustae domus penetralia, in quae quotidie statis horis se recipiebat, et modo omnia a se cogitata, optata, dicta etiam, et facta veluti in statera quadam ponderabat, modo optimi Christiani Principis officia persolvebat. Et ut pauperum hospitia, templa, et basilicas providentia sua excitatas reticeam, tum et regni sui admirandam cum sacerdotio concordiam; tanti Regis pietatem abunde mors ipsa, sanctissimae anteaet vitae compendium, evincit. Sed heu me imprudentem! hunc in locum mea me tandem coniecit oratio? Continete parumper lacrymas, et quoniam in hanc syrtim deveni, videte qua animi constantia morti CAROLVS occurrerit. Morbo corripitur Rex postremo mense superioris anni; qui licet non ea venerit facie, ut spem omnem interciderat salutis, turbantur tamen omnium animi, expallent vultus, heu suspiria! heu gemitus! cuncta squalor occupat. Vnus at CAROLUS in lecto decumbens impavidus, et propinquae mortis veluti praescius ad supremam illam diem se parabat, a qua ne terretur, omnia virtutum subsidia sibi, quoad vixit, comparaverat. Hinc publicae decretae supplicationes pro optimo Principe, in cuius vita tot regnorum felicitas sita erat; hinc templa patefacta. Morbus interea sensim ingravescebat, et civibus dolentibus, domesticis dolore exsternatis, ipse invicto

animi robore Deo creatori suo spiritum commendans, a terrenis regnis ad caelestia mox migravit. O invidam mortem, mortem improbam! itane tu omnia misces? hocne praemium sanctissimo Principi rependis? hanc mercedem ei constituis, qui ad communem bonorum omnium utilitatem vitae suae rationes omnes contulerat? O tuam, Princeps optime, benemerentissime, recordationem, nullo unquam tempore non huic regno iucundam, non Hispaniis honorificam, non iis etiam gratissimam, qui *nostris*, ut ille ait, *adversa premunt vestigia plantis*! Ecqua aetas, ecqua temporis diuturnitas efficiet, ut tot tuorum erga nos beneficiorum grata memoria ex nostris animis, ex nostris visceribus evellatur? Te posterì obstupescunt, CAROLE, te gentes omnes praedicabunt, et quamdiu steterit haec urbs, tamdiu tuae virtutis vestigia impressa, tamdiu tuae benevolentiae monumenta stabunt. Vale et salve igitur, Rex invictissime, vale et sis felix aeternum; qui uti populorum commodis, ac dignitati diu vivens cavisti, ita Regnorum tuorum gloriae, ac laudi, natorumque prosperitati, quod unum conceptis votis precamur, in aeternitate temporum vives.





## C A R M I N A.

## I D Y L L I V M

I N

## DEIPARAE EFFIGIEM

PRODIGIALITER SVDANTEM.

Qvo me Diva potens coeli rapis? ignea quae me  
 Accendit virtus? nova nam miracula rerum  
 Iam mihi dicturo, menti novus incidit ardor.  
 Audiat haec coelum, tonitruque remugiat aether,  
 Hauriat et tellus haec, quae loquor, auribus. En iam  
 Haud prius auditum, et non enarrabile carmen  
 Incipio, quod nulla sequens dein deleat aetas.

Namque ego non recinam magni systemata mundi,  
 Tellurem an stantem longo Sol ambiat anni  
 Mensilus exactis, breviori ac orbe dici,  
 An Sole innoto, se se per inane volatu  
 Circumagat tellus, dum se rotat axe diurno;  
 Nec cur retrogradi cirones nitantur in ortum,

Cetera ad occasum currant dum sidera lapsu ;  
 Quidve velint diri toties, qui arserc cometae ,  
 Aut latitans quac vis magnetica, quid maris aestus.  
 At portenta cano , priscis vix cognita sacclis ,  
 Postera quaeque actas vix est visura nepotum ;  
 Scilicet irriguis manantia Virginis ora  
 Sudoris guttis sublimi in fornicis arcu ,  
 Cui vivis , variisque adpicta coloribus haeret  
 Antiqua effigies pulcræ pulcherrima Matris.  
 Namque hoc portento quidnam felicitus unquam  
 Esse potest ? nati quid non speramus amantes ?  
 Signa quidem haec sunt nil non portendentia magnum,  
 Non dubiis quae dat Mater tam provida monstis  
 Et rebus fidei advigilans , hominumque saluti.  
 Tanta in Christiadas Divae stat cura Parentis !  
 Tum tu magna hominum, atque indulgentissima Mater,  
 In populos qua dona fluunt coelestia , quaeque  
 Mortales vitae tot casibus cripis aegros ,  
 Protinus haec lacto terris sine omina firma.  
 Qua patet excultis dives Lucania terris ,  
 Dicta olim veteri Latio quae Graecia Magna ,  
 Ast ubi Germani fudit Basilus Othonis  
 Hic acies , tellus victoris nomine claret ;  
 Pastor ego MONNIS ( cui forte Aegyptius hospes  
 Ab simili regione urbis , similique locorum  
 Ipse situ captus , PELUSI nomina fecit ,  
 Aelio ab urbe Poli , quae Aeli de nomine dicta est,  
 Quod triplici muro, et triplici Aelius aggere cinxit ;

Ante sed a Pelco, PELVSI nomen habebat.  
 Nam scatet argilla, mons est et fertilis aque.  
 Adde, quod et Bradarus rapidis hunc adluit undis,  
 Hunc et Basentum pleno rigat agmine aquarum,  
 Non secus ac illud septemflua flumina Nili).  
 Pastor ego PELVSI, inquam, miracula MONTIS,  
 Quae vidi his oculis, mea quae manus adtreclavit,  
 Teste Deo, haec eadem denarro fideliter erbi.  
 Iamque peragratls Bantinis saltibus, et iam  
 Lustratis arvis pinguisque, humilisque Ferenti,  
 Nunc saxo adfixi; tum late Acherontiam obibam,  
 Pastoris sane functurus muncre (\*), perque  
 Vrbes atque pagos visurus ovilia Christi,  
 Et signaturus sacro chrismate frontes.  
 Devenio fessus, surgunt ubi moenia Tulbi;  
 Vtpote vere abeunte, aurisque tepentibus, ingens  
 Aestus erat, talos sudor manabat ad imos:  
 Cum subito fertur vicina per oppida rumor,  
 Secessu montis medio, sudare vetusta  
 Virginis effigiem adicula, coelestis adusto  
 Quod manans simulacro humor, simul ora Parentis  
 Ac Nati irroret, fluitetque ab imagine utraque.  
 Haec ubi fama meas intentas venit ad aures,  
 Nescio quae mentem incessit mox prona cupido

(\*) Archiepiscopi Acheruntini partes, eodem instante, implendas  
 susceperat Episcopus Montispelusi.

Visendi Matrem , dantem haec nova signa salutis;  
 At certe subito , insolitoque exarsit amore.  
 Diviparae tum visa mihi regnantis imago  
 Clara per obscuram vultu laetissima noctem ,  
 Quo late Coelum , tempestatesque serenat ,  
 Et quo tutatur praesenti numine terras ,  
 Adstare , et sic ore loqui : haud pars ultima curae  
 Maternae , tu nate , meae , si te unice amavi  
 A puero , atque meo tum animo interiore locavi,  
 Si sensi a te me longe carissimam haberi ,  
 I nunc , quo te nostra vocant portenta , tibi que  
 Sit cordi in populos studium evulgare , meumque  
 Hoc opus adsidium , quo mulceo Numinis iras.  
 Nam magnum hoc laetus cum mox probet exitus omen,  
 Huius tum nostri fusi sudoris ab ortu  
 Solis ad Hesperium procurret fama cubile.  
 Dixit , et in tenues confestim evanuit auras.

His mens expectata novos iam concipit ignes :  
 Cum sociis iam ardent animi conscendere montem ,  
 In silvas inferre pedes , concurrere in aedem ,  
 Ostentique novi occultas exquirere causas.  
 Postera lustrabat lampas phoebeia terras ;  
 Quandoquidem fervens , qui me rapiebat amantein ,  
 Idem omnes simul ardor habet , sacro agmine facto  
 Tendimus hinc recta in silvam , comitante caterva.  
 Incedit glomerata cohors : nam longa viarum  
 Taedia vincit amor , cunctos hauritque labores.

Carpentés iter hoc, sacram perspeximus aedem (\*),  
 Sit licet umbrosum nemus, et multa ilice densum.  
 Iamque adcrant propria convulsi e sede fideles,  
 Quos sane visum vicinia miserat, et qui  
 Millibus haud paucis fuerant longèque remoti:  
 Hos lactos huc una eademque exciverat omnes  
 Prodigii iam fama novi; iamque undique sacram  
 Per silvam, longo per multa volumina tractu  
 Vnda salutantum Matrem diffunditur, atque  
 Late effusa mihi venienti occurrit. Aquarum  
 Vis veluti ripis constricta, atque aggere multo,  
 Si modo frangantur moles, quæ usque tenetur,  
 Qua data porta fluit, declivi et pondere longè  
 Ac late insano contorquet vortice campos,  
 Cum stabulis armenta rapit, volvitque per undas:  
 Copia sic hominum mihi circumfunditur, ut vix

(\*) Non praetercundum, quod  
 Aedem hanc, Matri Dei *Fontis*  
*Gratiarum* sacram, cum adstructo  
 aedificio, ne grassatoribus pate-  
 ret in deusi nemoris umbilico  
 perfolium, per milites suos ductu  
 Iulii cuiusdam, demo Mutina,  
 depopulari primum, mox inflam-  
 mari, incendique Magister Equi-  
 tum Lucanise iusserit an. mccccix.  
 Sed portentosum omnino, quod  
 concitato incendio, flammisque  
 qua quæ versum furentibus, una  
 Virginis Aedes integra, intacta-  
 que manserit, ut nec lignæ con-  
 tignatio damni exiguum sit pars.

Statæ attamen Tricaricensium,  
 finitimorumque populorum sup-  
 plicationes ex eo interclusæ, nec  
 ante resumptæ, quæ Domi-  
 nica prima mensis Maii anni  
 huius mccccxiii. id est vi. Nonas  
 Maias, quo die, dum Coele-  
 stis Hostia immolabatur, exor-  
 dana sudor tota manserit imagi-  
 ne Virginis. Iteratum id *Maler-  
 nae* Pietatis argumentum xxiii.  
 Kal. Iunias, ac adfluentissime po-  
 stremo, quæ eo advenit Epi-  
 scopus Montispelsii, eodemque  
 adspectante iuz. Kal. Iunias eius-  
 dem anni.

Infixo signare solum liceat pede , magna  
Sed volitem tamquam vectus stipante caterva.  
Limina sic primus subeo , comitesque sequuntur,  
Qui possunt ; alii silvam longo ordine complent.

Ecce vides renovata modis spectacula miris ,  
Queis Deus omnipotens per inhospita , et invia cursu  
Deserti quondam loca prodigialiter undas  
E rupe Hebraeo elicit populo , duce Mose ; et  
Icto ter saxo virga , fluxere perennes  
Fontani latices , sitiens quos Isacidum plebs  
Ore , manu captat , multo et se proluit haustu.  
Quippe hic e sicca muri compage redundant  
Sudatae guttae , portendentesque tumultus ,  
Et belli finem , quo agitata Europa tremiscit ;  
Vnde fides vexata novum capit incrementum.

O adsis hominum vitiiis foedata nefandis  
Colluvies exosa Deum , irridere parata  
Relligionis opus quodcumque , haud pondere ducta  
Momentoque ullo rationis , stulta sed usque  
Quae dudum impietas docuit commenta sequuta ,  
Nil quibus est veri , nil sancti , nulla Deique  
Formido , nullum iniurandum , unaque tantum  
Relligio nullam amplecti ; quos spiritus intus  
Caccus agit , totoque infusus corpore , ad omnia  
Foeda , scelestas , infanda animum rapit impete cacco.  
O adsis. Quid ? abeste profanum vulgus , et exlex,  
Este procul , procul este , sacroque absistite luco ;  
Queis vetitum indugredi Divae sacraria , castis .

Tantum adeunda viris, castis cum mentibus. En ut  
 Praesidii dat signa novi, dat signa salutis,  
 Atque diu optatae pacis dulcissima Mater,  
 Terrarum Regina potens, Regina polique  
 Maternos vertens oculos, fulgore nitentes.  
 Virgineos sudor tum totos occupat artus.  
 Clarior argento, solisque micantior aurcis  
 Purior et radiis: oculi, frons, pectora, vultus  
 Rore madent, liquidaeque fluunt e corpore guttae;  
 Quae variae lapsu dum iam glomerantur in unam,  
 Clara repercussae emittunt sic lumina sole,  
 Pendere ut credas oblonga monilia collo.

Protinus auxilio fratrum, manibusque sub ipsa  
 Exigua nitor testudine, quae modo Matris  
 Effligiem sudantis habet, sic cominus istud  
 Exploraturus portentum. Abstergere frontem  
 Linteolo, et pectus Divae, mirabile visu!  
 Linteolum undanti haud aliter perfunditur humore,  
 Ac si loturus mersisses fluminis alveo.  
 Obstupui, steteruntque comae, vox faucibus haesit,  
 Ossaque liquisset penitus calor: acrior ignis  
 Ni a puero cum lacte haustus, fidissima ni spes  
 In Matrem, atque fides, mentemque, animumque abeuntes  
 Terrestres vinculis, et inertis carcere molis,  
 Vitae expleturos iam munera, constrinxissent.  
 Tum lacrymis oculi multum rorantur obortis,  
 Cum gemitu permixta loqui mens plurima aiebat;  
 At conata loqui, infans ter. nil lingua sonare

Quivit. Tum populi subitus ferit aethera clamor  
 Laudantis Natum, Matremque, et multa gentis  
 Poscentisque Deum veniam, et malefacta dolentis.  
 Hinc latera, et vox quae me defecere, Supremi  
 Numinis in laudem maiorem versa, nemusque  
 Diviparam resonare docent, montemque Mariani.  
 Tum vero augurium cuncti clamore salutant,  
 Extolluntque manus; primusque ego lumine oborto  
 Accipio, agnoscoque Dei Matrem: hac duce bellis  
 Saecula mitescunt, ridet pax aurea terris.

Interea roris quidquam coelestis habendi  
 Quisque ardet studio: lanae, xylinive globum, vel  
 Quidquid habet pexa, tenuique ex cannabe textum,  
 Vel demum praebet frustum de veste revulsum.  
 His ego sudorem abstergo, atque madentia manna  
 Coelesti haec eadem cupienti cuique redono.  
 Garriat hic quivis sacchi sophus, obstrepat usque  
 Ad ravium; haud poterit perfricta fronte negare,  
 Et coecos subito hic donatos lumine; et aegros  
 Quolibet ex morbo cito convaluisse; pedesque,  
 Atque manus mancis viguisse; ut quisque potenti  
 Persolvat pro se Matri iam debita laudis  
 Munera, maiores grates habiturus amore.  
 Iamque abeundi tempus adest; divellimur inde  
 Aegre omnes; at ego haec Matri de more precari.

Diviparens coeli, terrarumque arbitra Virgo,  
 Et quae una es Summi pulcherrima Filia Patris,  
 Atque cadem Verbo nascenti in tempore Mater,



Flaminis aeterni aeterno sub foedere Sponsa ,  
 Adspice, quaeso, gregem hunc, Pastorem me adspice, et una  
 Numine res fidei lapsas tutare potenti ,  
 Quas hominum scelerata manus lymphata per orbem  
 Fraudibus , atque armis penitus convellere certat :  
 Adspice Pontificem deiectum ex sede Quirini ,  
 Abductum procul, et vigili nunc milite septum ,  
 Dispersumque gregem , per mille pericula rerum  
 Palantem , exilio pulsos pecorisque Magistros. .  
 Magnae sint curae haec tibi Nati regna Parenti ,  
 In cruce quae moriens peperit sibi sanguine fuso,  
 In quorum partem quoque tu Regina vocaris.  
 Si bella huic Nati regno tot damna tulerunt ,  
 Tu gentes quae bella volunt iam dissipa ; ut uno  
 Pastore incolumi, ac reduce, unum fiat ovile ,  
 Vnaque mens iterum sit , et unus serveat ardor.

## IN DIVIPARAM SINE LABE CONCEPTAM.

**N**ox erat, et sudo fulgebant sidera caelo,  
Somnus et effundens lethaea papavera dextra  
Lenibat curas, et corda oblita laborum.  
Me quoque pervolitans placidis complectitur alis  
Nescio quid sacri meditantem carminis, atque  
Perstringens oculos leviter suavissimus urget.  
Nocte sed extrema laeta haec insomnia vidi,  
Vel potius falsus me tum vidisse putavi.  
Circumseptus erat, conclusus, et aggere circum  
Aggere inaccessso, atque impervius undique cuiquam,  
Ast oleis cultus, platanisque virentibus hortus.  
Heic fons signatus puris purissimus undis  
Lene sonat, tramesque fluit facto agmine aquarum.  
Circum inter spinas redolentia lilia vernant,  
Orque dum volucres auroram mane salutant,  
Afflati vates divino numine pectus  
Effundunt castos dulci modulamine versus.  
A dextra carie numquam terebranda voraci  
Cedrus adest, cunctas quae tantum vertice plantas  
Vincit, proceræ quantum viburna cupressi.  
A laeva aerias mox se se attollit in auras  
Mille referta armis arx, mille ornata tropæis.  
Haec ego prospectans tacitus dum singula lustro,  
Haud procul en video campo stare agmen aperto,  
Et ruere ingentes armis stygiasque phalanges:

Roboris o quantum est, quantumque furoris in illis!  
 Cum tantis nemo manibus concurrere monstris  
 Et ferro tentare audet, victusque manus dat.  
 Vna sed antiquam Judithi imitata puella  
 Congreditur victrix, acies, ductore perempto,  
 Vrget, vexat, agit, fugientes ense fatigat.  
 Obstupui admirans victricia signa puellae:  
 Tum rosa vepre carens, astrisque micantior ipsis  
 Me visu cepit, captumque beavit odore.  
 His accensa super longo mens excita somno est:  
 Humidula ut primum detergi lumina, solemque  
 Adspexi, laetos concepi pectore sensus  
 Erectoque animo subito sic ore profari:  
 O quam te memorem, incolumis Jessaea virago,  
 Quam vetus haud serpens arroderet dentibus ausus;  
 Vna sed evadis veteris contagia culpae,  
 Diva ipsum paritura Deum, paritura Parentem.  
 Nam si primaevae tristissima fraudis imago est  
 Amnis, qui late pelago premit arva sonanti,  
 Ignis, qui silvam flammis crepitantibus ambit,  
 Et bruma, omnigenos flores quae frigore adurit:  
 In Te, Diva parens iam crimine sospes ab omni,  
 Frustra cum bruma, tumidus furit amnis, et ignis.  
 Scilicet Arca Noe fatalibus innatat undis,  
 Integer in medio Mosis rubus igne superbit,  
 Virgaque Aaronis non sentit frigora brumae.

# IN VIRGINEM MARIAM

## MATREM PROVIDENTIAE

QVAE COLITVR IN MONTE YRSO.

Quod felix, faustumque siet : coeli Induperatrix  
 Magna Dei Mater , terrai et maxima custos ,  
 Numine quando tuo fundit sua munera tellus ,  
 Aspice , namque potes , Triadi cognata supernae  
 Hanc urbem, hos agros, montanaque pascua circum.  
 Provida nam coleris , rebusque vocaris in arctis  
 Solatrix , cunctis licet heic tu montis , et urbis  
 Absumptae fato de nomine diceris Yrsi ,  
 En imis convulsa suis iam sedibus Vrbs haec  
 Laetabunda tuum gestit conscendere montem  
 Sollemni, ac patrio factura annalia ritu  
 Sacra tibi lactis pro frugibus , atque colonis.  
 At tu quum sis , o Mater, clemensque, potensque,  
 Si prohibessis amica famem , bellumque, luemque  
 Averruncaris , steterit si publica sospes  
 Res populique salus, sanam si denique mentem  
 Servassis , sanctumque animum, rectique tenacem ;  
 Semper honos, nomenque tuum, cultusque manebit.  
 Eia age , Virgo , volens da quae te rite precamur,  
 Et manet nobis ad plenum copia cornu :  
 Nimirum innumeris flavescat campus aristis ,

Ingentem hinc illinc glomeretur acervus in orbem,  
 Dulcia procera manent ex ilice mella  
 Pressa favis, quae vix capit amphora, ovesque capellaeque  
 Et vaccae semper prolis, lactisque benignae  
 Pastorem exhalarent optatis fructibus auctum,  
 Pinguiâ musta fluant nec non undantia praelo.  
 Nam si, Diva potens, placido nos lumine spectes :  
 Nostras non tanget vites hic Africus urens ;  
 Nec labor addetur frumentis, ut mala culmos  
 Robigo absumat, florensque putrescat arista ;  
 Strideat et si quando furens aquilone procella  
 Rupibus allisus pendeat grandinis ictus ;  
 Sive tonante polo crebris micet ignibus aether,  
 Fulmina inaccessos quatiant, feriantque recessus.  
 Ergo tu vindex populorum maxima Virgo  
 Sis filix, nostrumque leves quemcumque laborem.  
 Namque tibi gens grata suis defensa periclis  
 Rursus sacra novo cultu sollemnia obibit ;  
 Exultans meritosque tibi mactabit honores.

## IN S. EVPHEMIAM

VIRG. ET MART. CHALCEDONENSEM.

**F**initimi populi consurgite, gratior undis  
 Expectata dies vix tandem lumina tollit.  
 Undique festarum vos urbs clangore tubarum  
 Ad sua templa vocat. Tempus iam surgere. Ab alto  
 Iam Diva augustum coelo caput exeret; alma  
 Iam veniet Virgo Martyrque Euphemia, in arctis  
 Auxilium semper latura Euphemia rebus.  
 Dum furit accipiti dextram circumdata ferro  
 Ira trium (\*) imperii furiarum, qua patet ingens  
 Diffusa immensum tum res Romana per orbem;  
 Dumque madent late loca caedibus, undique fuso  
 Et fluvios multo spumantes sanguine cernis:  
 Chalcidicis oris Euphemia nomine, virgo  
 Plena Deo, se se medios moritura per hostes  
 Infert, et pulcrum properat per vulnera mortem.  
 Miratur robur Chalcedon Virginis, aurum

(\*) Diocletianus ingenio quam sumpsit, et cum iis imperium  
 ferox, tam timidus sustentandae partitus est: Constantius lamen  
 tanti imperii mole se impari mitis ingenii fuit, nec in Chri-  
 existimans, Galerium, Maximia- stianos suavit.  
 num, et Constantium socios as-

Huic statuit templum confestim vertice montis ,  
 Bosphoricas qua spectat aquas, fluctusque tumentes.  
 Huc Oriens late sacras properabat ad aras.  
 Dona ferunt populi, plena venerantur acerra.  
 Thure calet multo, crebris micat ignibus ara,  
 Conceptisque animi votis testantur amorem.  
 Templi ebur effulget, sinuata volumina pendent  
 Fornice depicto, variata aulaca figuris  
 Exornant muros, cultu templum emicat omne.  
 Ipsa aequare fidem populorum sanguine certat  
 Quem fundit large intactis ex ossibus urna.  
 Huc cursum, signum visura, Melania flexit,  
 Vidit, et obtutu tacito defixa sepulcro  
 Obstupuit, dubitatque diu, caussamque requirit.  
 Praeterea accitos populos complexa potenti  
 Numine tutatur, donis coelestibus auct.  
 Tantum religio potuit suadere bonorum!  
 Ast ubi nascentis solis pervaserat oras  
 Coeca superstitio, rerumque inscitia, verum  
 Detestata Deum nostra sub imagine, nostrae  
 Vnum assertorem, servatoremque salutis,  
 Qui nobis lapsam moriendo restituit rem:  
 Religio remeans croceis orientis ab oris  
 Subrepta, Aegypto fugiens Hebraeus ut olim,  
 Classe vehens secum non ultima pignora cultus,  
 Per varios casus, et multa per aequora vecta  
 Adriaco exponit deserto in littore, et urbes  
 Surgentes circum his ditat ditissima gazis.

Ast , Aegyptiaco haud humili de nomine dicta ,  
 Vrbs Pelusiaca , heredi tibi donat habere  
 Lipsana Chalcidicae pulcherrima dona puellae ,  
 Et fidei aeternum hic statuit , clarumque tropaeum .  
 Nam florens aetate , et opum vi Euphemia , nec non  
 Mille petita procis , vultu pulcherrima , sponsum  
 Indignata virum , terit omnia calce superbo ,  
 Et moritura fidem consignat sanguine constans .  
 Ecquid in antiquam virtutem , animosque viriles  
 Pectore femineo Christus non excitat alto ?  
 Heu quae tormenti genera , et quam foeda tyrannus ,  
 Quasque faces adhibet ! lapidum quae pondera ! Roma  
 Quois iam dura nimis debentes torserat olim .  
 Quos acuit diro crudeles dente leones !  
 Quae mox vincla parat ! quae verbera ! quasque puellae  
 Saepius horrificas tenebrosi carceris umbras !  
 His invicta malis , non cessit fortiter irae ,  
 Sed toties victrix , devicto ex hoste triumphat .  
 Ergo martyrii laetum celebrate triumphum  
 Virgineum celebrate decus , lacta omnia pascit  
 Lux haec insignis semper meliore lapillo .  
 At tu , Diva , ingressa poli Capitolia summi ,  
 Aligerum stipata choris , duplicique decora  
 Palma , iam purum ipsa vides in lumine lumen  
 Si tibi (namque potes) curae urbs erit haec tua , laet  
 Te veniente die , te decedente cauemus ;  
 Quisque tuas laudes digno celebrabit honore .



**E**rgo Chalcidicis Euphemia martyr in oris  
 Virgineo dudum tinxit quae sanguine litus,  
 Prodigis iam signa dedit certissima miris,  
 Quois augusto agitur pinguis vindemia templo.  
 Eia agite ad templum populi properate frequentes:  
 Insonuere cavo ter Virginis ossa sepulcro,  
 Vrna sinu adstantes hilarantem exhalat odorem,  
 Effluere hac illac, et late fervere sanguis,  
 Undique sanguineis spumat vindemia rivis.  
 Testis erit veri locuples Mauritius olim;  
 Quippe rei hic dubius, cum constituisset adesse  
 Portento, propiusque incredulus adspectaret,  
 Ex urna effuso confestim sanguinis imbre,  
 Nescio qua tum correptus formidine, mente  
 Concidit, exanimisque tremens procumbit humi; mox  
 Vt se collegit rorantia lumina tersit,  
 Cum gemitu permixta loqui, veniamque precari.  
 Quo me Diva rapis? te iam te audire loquentem,  
 Affari, hisce oculis propius videorque videre.  
 Fare age, subrectis tibi vates auribus adstat.  
 Protinus at Virgo placido sic ore loquuta est:  
 Quandoquidem casus, quos volvere dira tyrannis  
 Insignem forma, nec non pietate puellam  
 Impulerit, cancre est animus, variosque labores,

Ne qua tenax ficti te fallat opinio, longa  
 Tota est martyrii hic depicta historia nostri  
 Quam cernis longo oblectam, et velamine nigro.  
 In morem rigidi sapientis signat imago  
 Divitias, fumum, spernentem, et gaudia mundi:  
 Sede sedet iudex, circumstant ordine longo  
 Carnifices diri, seu qui effera iussa facessunt,  
 Militibus rapior binis mox ante tribunal.  
 At quibus aggreditur iudex, si forte requiris,  
 Dictis, quaeve mihi dictat responsa superne  
 Spiritus, his lege ceratis conscripta tabellis.  
 Sed parva haec, primae ac veluti praeludia pugnae:  
 Cerne hinc tortores immani corpore binos  
 Magnos membrorum artus, magna ossa, lacertosque  
 Exuere, et media ingentes consistere arena.  
 Hic mihi cervicem deflectit, durior ille  
 Nunc ictus dextra ingeminat, nunc ille sinistra:  
 Nec mora, nec requies, quam multa grandine nimbi  
 Culminibus crepitant, sic densis ictibus hastae,  
 Creber utraque manu tundit, pulsatque puellam.  
 Adspicis oppletam me multo sanguine, fractum  
 Iactantemque utroque caput, crassumque cruorem  
 Ore reiectantem, mixtosque in sanguine dentes.  
 Praeterea cerne hic quam foedo, et carcere cacco  
 Detineor dudum tendens ad sidera palmas  
 Oratura Deum, Crux eminent aere, nostri  
 Martyrii haud dubii, vicinae, et nuncia mortis.  
 Denique cerne animo longe, lateque furentes

Ingentesque globos flammaram : hunc nempe cremanda  
 Conscendi iam laeta rogam, nocuit nec flamma capillum.  
 Haec tamen haud moror, infracto pectore Virgo  
 Opperior caedem meditantis protinus ictum.  
 Ne vero lateat, quae me mox fama manebit,  
 Longius haec reserans tibi nunc arcana movebo.  
 Hoc olim ad templum, quo nil sacratius usquam est,  
 Et iurare fidem, et pacis nova foedera mirae  
 Advenient Reges, latoque ex orbe tyranni.  
 Hoc et Pontificem trepidum tutabitur, actum  
 Vigilium imperii furiis, aramque tenentem.  
 Huc quoque Concilium, cui magno e nomine nomen  
 Urbis Chalcidicum, magnos sedare tumultus,  
 Ingens Concilium Patrum, sanctusque senatus  
 Conveniet; sacra hic, et magna comitia habebit,  
 Quae mores, lapsamque fidem tutantur, et ornant  
 Numine tuta meo : quas haec tum Curia condet  
 Leges ! quae condet decreta ! quot haeresis iras  
 Contundet, motos componat ut aequore fluctus !  
 Haec tamen acceptam referens uni mihi pacem  
 Me dextra pinget chartam, librumque ferentem.  
 Conticuit tandem, factoque hic sine quievit :  
 Et nostris subito ex oculis tum Diva recessit.  
 At te Diva, meis abeuntem prosequar istis  
 Votis ex animo, pietas quae carmine fundit.  
 Si tu res fidei tutaris, si bona coelo  
 Chalcidicos Patres divino lumine complas,  
 Haerescosque caput lymphatae comprimis alium :

Concussam late bello Europam aspice, gentes  
 Et quae bella cident, subito ceu turbine raptae  
 Pulveris instar eant, vacuo ludibria coelo:  
 Pontificem extorrem Romana in sede reponas  
 Optataeque diu redimitam tempora oliva  
 Redde tuis tandem populis, Euphemia, pacem.

---

### NATALIS III.

---

**P**ostquam res Asiae, coecamque evertere gentem  
 Eoam visum Superis, ceciditque superba  
 Chalcedon, captaeque urbis iam moenia fumant:  
 Evasere tuae rapidis, Euphemia, flammis  
 Reliquiae intactae; nam prodigialiter ignis  
 Ore, volente Deo, sacram non attigit urnam,  
 In tenuem cinerem late licet omnia vertat.  
 Cosroae et auspiciis nec si furiosius oras  
 Chalcidicas repetat Persarum post manus annos  
 Coniurata decem, belli tum damna furentis  
 Reliquiae sentire quicunt; pietas nam laeta per undas  
 Evehet, et statuet Byzanti sedula templo.  
 Diva mihi caussas memora, qua percitus ira  
 Copronymus fraudes astu molitur iniquo.  
 Ergo Sanctorum tunc infensissimus hostis  
 Lipsana Chalcidicae disperdere Virginis audes?

O curas hominis! quanteque o falleris ausu!  
 Jamcludum aegre ante ora ferens tot adire sacellum  
 Virginis, et sacram populos venerari urnam,  
 Adgreditur facinus, quo nil sceleratius unquam.  
 Audax fraude nova, lymphatoque agmine septus  
 Ingreditur templum, loculos scrutatur apertos,  
 Virginei furtim spirantia corporis ossa  
 Subripit, et subrepta domum deducit in urna;  
 Alterius dein ossa capit, conditque sepulcro.  
 Publica quae fraus! imperii quae sordida labes!  
 Postera lux aderat, Divam visurus et ipse  
 Copronymus properat, magna comitante caterva,  
 Et cultum simulans, spectat miracula cruoris.  
 Dumque agitur frustra sacro vindemia templo,  
 Ipse iubet rimari urnam, tum sordibus ossa  
 Spurecata impuris populo patefecit, et unus  
 Detexisse dolos gaudet, lactusque superbit.  
 Tum fremere, inque Sacerdotes nova iurgia demens  
 Plebs conferre, adeunt templi penetralia, sacras  
 Igne cremant vestes, populantur et aurea vasa,  
 Caede madent late populati moenia templi.  
 Atque ea dum templo tam dira, et foeda geruntur,  
 Vxorem, natamque ferunt, adflante superne  
 Corda Deo, venerari urnam, atque ornare coronis.  
 Ast ubi Copronymi fama haec pervasit ad aures,  
 Reliquiae ut pereant, demergi iussit in undas.  
 Dicturo sed, Diva, novum, et mirabile monstrum  
 Ipsa novas vires milu suffice, ne mea demum

Fasce sub iniusto labefacta Camoena fastiscat.  
 Iam veluti pinus fluctu suspensa tument  
 Urna salis spumas longe ruit, innatat undis.  
 Oceano nautae inveniunt, atque imponere certant,  
 Thesaurum iam se se collegisse putantes:  
 Ast ubi conspiciunt intacta cadaveris ossa  
 Naribus insuetum late spirantia odorem,  
 Lumine collustrata; rati laud sine numine coeli  
 Invenisse urnam, laetique hoc munere gaudent.  
 Tum mare misceri, ponto nox incubat atra,  
 Incubare mari, totumque a sedibus imis  
 Vna Eurisque, Notisque ruunt, creberque procellis  
 Africus, et magnos volvunt ad litora fluctus,  
 Appellunt Lemnum, magnis Aquilonibus acti,  
 Exponunt urnam, ditatur et insula dono,  
 Glycerciae tandem sociatur Virgo sepulcro.  
 Quae me, Diva, doces praesens arcana! futuri  
 Temporis atque mihi qui panditur exitus ingens!  
 O quae reliquias manet has mox gloria mundo!  
 Nempe instaurato primum Chalcedone templo  
 Reliquias Regina potens exposcere iure  
 Gestiet abductas, et longa per aquora vectas  
 Constituet templo, populus quas laetus adorat.  
 Hinc populi motus, et seditione coorta  
 Lemnia turba fremunt; mox corda ferocia ponent,  
 Pignoraque ad navem ducent optata triumpho.  
 Excita adventu, et convulsa a sedibus imis  
 Byzantina ruct late urbs, Tharasius ossa

Chalcidicas iterum Praesul d. ducet in oras.  
 In petra exurgunt primum nova moenia templi,  
 Hippodromus caput et mox inter nubila condet,  
 Olybriusque Deo templumque, arasque dicabit  
 Byzanti tandem magno sub nomine Divae.  
 Cetera quid referam, surgent quae templa per orbem?  
 Quam lata Europa est, te cultu Euphemia longe  
 Excipiet, meritosque tibi mactabit honores.

---

#### NATALIS IV.

**T**E quantum iam, Virgo, canam, quae clara tumentes  
 Sanguine Bosphorici tinxisti litoris undas,  
 Martyris unde decus, magnumque, Euphemia, nomen  
 Lumen, et antiquae Chalcedonis ornamentum.  
 Nam te praesidio tutantem, Diva, potenti  
 Non semel experti hunc populum tot casibus actum,  
 Semper, et ereptum feliciter, auspice te una.  
 Mox Pelusiatis abigentem finibus horridam  
 Ingentemque tuo praesenti numine cladem  
 Vidimus, excussae quando quassatio terrae  
 Intonat, excidiumque trahit, ruit omnia late.  
 At nova dicturo, coelo, tu Diva, sereno  
 Adde novas vires, insuctisque annue coeptis.  
 Cum subit illius tristissima noctis imago,  
 Undique qua tellus magnis concussa ruinis,  
 Tecta superne tremunt, metuunt inferne cavernis,

\*

Praesentemque viris intentant omnia mortem :  
 Sollicitam curis videor te , Diva , videre  
 Omnia tutari tanto in discrimine rerum ,  
 Avverruncantem excidii , lethique pericla .  
 Nam Deus irarum laxas effudit habenas ,  
 Atque everurus foedatas crimine gentes  
 Turrigeram haud placido respexit lumine terram .  
 Tum vero interno tellus quassata tumultu ,  
 Quem ciet accensus , crepitansque electricus ignis ,  
 Halitus et picens magno cum sulphuris aestu ,  
 Nec non ardescens venientis vi , atque soventis  
 Pingue bitumen aquae , tacitis spirantibus auris ,  
 Exilit , ingentesque trahit contrita ruinas ,  
 Vulcano nimium superante meatibus imis .  
 Indignata diu nam flamma obstantia claustra  
 Perfurit , immanesque ciens insana boatus  
 Disiicit aut penitus nutantia tecta domorum ,  
 Avulsisque hominum collidit corpora saxis ;  
 Bacchantis flammae aut vi tellus ina d. hiscens  
 Humanam pubem lapsu deducit ad umbras  
 Pallentes umbras Erebi , noctemque profundam .  
 Nec tellus quassata igni tremebunda quiescit ,  
 Angusto donec disrupto carcere , flamma  
 Qua data porta ruit , magno tonitruoque remugit ,  
 Et vacuo tandem spatietur libera coelo .  
 Tantaue vis igni volventi semina flammae ?  
 Musa mihi studium memora , quo Numine dextro  
 Diva , laborantes cui iam data cura Patronae



Hos Pelusiacos fines, populumque tueri  
 Auxilium trepidis affert Euphemia rebus.  
 Namque ingressa Deum sic protinus ore loquuta est.  
 O pater, o hominum, rerumque aeterna potestas,  
 Qui terram nutu quatias, et qui fulmine terras:  
 Parce Pater, Christique tui iam respice vultum,  
 Heu populo iam parce tuo tam multa gementi,  
 Tendentique manus, tundenti et pectora palmis.  
 Certe praesidium tu me columenque dedisti  
 Huic urbi, et populo; ut si quando iratus ad imas  
 Moliri dextra statuas tua fulmina terras,  
 Frangam tela manu, campos tuarumque iacentes,  
 Frondosas vineas gelidae ne grandinis ictus  
 Verberet, et segetis florentis ne mala culmos  
 Robigo absumat, voret aut sata gutture bruchus.  
 Durior at patiar, quod nunc fortuna sequatur  
 Hos miseros? quem das finem, Rex summe, ruinae?  
 Te populi moveant lacrymae, mea vulnera cernit  
 Vulnera grata tui tam pulchre inlantia Nati,  
 Quae vivens invicta tuli, quae sanguine inanant  
 Exuviis infixas meis; quae Natus amore  
 Asseret hic coelo, duplicique ornabit honore,  
 Cum tuba terrigenas tumulis ciet aere canoro.  
 His ira genitor posita, frontemque serenat,  
 Quando, insit, populi te tanta, Euphemia, tangit  
 Cura tui, tantisque paras occurrere damnis:  
 Parce metu, iam tuta manet tibi vita tuorum,  
 Luculonis stabit magno urbs licet acta periclo.

Plebs vero acceptam ut referat tibi grata salutem,  
 Hoc illi signum dabo; quae tuae imaginis illic  
 Intertexta auro, gemmisque corona refulget,  
 Vertice delapsam, revolutoque orbe videbit  
 Allisam terrae, testantem numinis iram  
 Placatam, flexamque tuis Euphemia votis.  
 Dixit et assensu superi plausere frequentes.  
 Salva satis tum cuncta stetit sub numine Divae  
 Res pelusiaca, et populus, quassatio terrae  
 Pulsibus innumeras quamvis male temperet urbes.  
 Salve igitur nostrae spes o fidissima gentis,  
 Iure novos omnes tibi nunc, Euphemia, rite  
 Accepti memores meriti reddemus honores.  
 Quod veteri de more tuo si ferreus alto  
 Figitur haud templo clavus, qui hoc pignus amoris  
 Tutelamque tuam testetur; sed rea voti  
 Posteritas te sera canet, dumque aurea volvet  
 Astra polus, memori semper celebrabere cantu.

AD VIRGINEM  
DEI MATREM MARIAM

IN MONTE YRSIENSI.

---

Quem tu pastorem venientem lumine, Virgo,  
Vidisti placido, praesenti et numine semper  
Servasti incolumem, et tot casibus eripuisti:  
Hunc discedentem nil indignata favore  
Prosequere, et Mater si provida diceris, hunc et  
Diva, tuis auctes donis, cumulesque beatis.  
Maius enim subiturus onus, maiora pericla  
Excepturus pro Christi grege digredior. Sed  
Vix Pater a populo possum divellier isto,  
Quem genui in Christo; cui lac, escasque paravi,  
Pro quo animam ipse lubens iterumque iterumque dedissem.  
Tu vero natos tibi, quos commendo relictos  
Auxiliis tutare tuis, animaeque parentis  
Dimidium serves abeuntis, amore sed omnes  
Vsque suos complectentis, multumque foventis.  
Pastoris maneant, Virgo, fac vota, precesque.

VIRGINEM ET MARTYREM

## E P H E M I A M

MONTISPELVSH PATRONAM.

**T**E digressurus supplex , Euphemia , Pastor  
Aggredior votis , prece te multaue fatigo  
Vt populum tuare tuum , quem Numinis alto  
Iussus ego imperio , flens , illacrymansque relinquo.  
Aegre equidem Pater a natis divellor amatis ,  
Natis , Pastore heu ! viduis , orbisque Parente.  
Sed suprema Dei mihi iussa capessere fas est.  
Hanc tibi discedens committo , Euphemia , gentem:  
Tu tibi commissam , Virgo , Martyrque , Patrona,  
Des fato meliore frui , caelumque tenere.

## VINCENTIO PESCE

CANONICO AVERSANO.

**H**AEC tibi, Vincenti, mittuntur opuscula: non ut  
 Haud nugas meditantem, sed quae seria tantum,  
 Et varia semper curarum mole gravatum  
 Te morer his rebus levioribus atque minutis;  
 Sed tuus ut per te sane Patricellius aegra  
 Hac functus vita, semper sed vivus in istis,  
 Clarior in lucem edatur clarissimus ipse.  
 Ergo qua madeas multa tu Pallade, tempus  
 Fallere sic potes his subcisivum, genere isto  
 Quod nosti rerum lepidissimo, ut acrior inde  
 Abdere sacrarum in rerum penitissima mentem  
 Atque animum possis, quo non sapientior alter.  
 An potin' haec cupienti tam praeclara negare,  
 Quem simul unice amas, simul et quem diligis, a quo et  
 Te sentis longe carissimum haberier unum?  
 An vero canere est mihi opus, gladiator ut olim  
 Cantabat myrmilloni: *non te peto, piscem*  
*Galle peto, quid tu me Galle fugis* capientem?  
 Sed tandem amoto quaeramus seria ludo.  
 Perlege opus levidense hoc; ut vix aere lavantem  
 Iudicio me, docte, tuo firmesque, tuique,  
 Quem dicis, bene de fama mercare Parentis,  
 Cunctorum hinc dictus merito gratissimus unus.

## MICHAELI ARCHANGELO

L U P O L I

ADOLESCENTI DOCTISSIMO

VINCENTIVS CANONICVS PESCE

S. P. D.

**N**IL acque gratum potuit contingere, quam quod  
 Magni gesta viri, Michael, tibi sanguine iuncti,  
 Nostri, non dubitem vere appellare, parentis,  
 Sublatum ex oculis quem flevimus, usque etiam nunc  
 Vt desiderio non ulla dies medietur,  
 Egregio conscripta stylo vulgaris, uti nos  
 Lactura in magna quadam ratione lewares.  
 Spirat adhuc per te Patricellius: illius una  
 Ingenium, eloquium, quo nemo disertior alter,  
 Vibranosque sales, queis nemo facetior alter,  
 Non tam praeteritos veluti meminisse videmur,  
 Quam auribus accipere, ac praesentibus oblectari.  
 Porro ego sic statuo, clara cum stirpe tuorum  
 In te virtutem transfusam iure, quod aiunt,  
 Gentili. Nam quis vel primo in flore iuventae  
 Maturi ingenii molimina praecoce fructu  
 In te non stupeat? Quis dignis laudibus ornet  
 Praeclara in mutilum tua commentaria marmor

Confiniense, laboris opus, multaeque Minervae?  
 Quis non hanc ipsam, quam magnus avunculus ipse  
 Efficit, historiam? Quid non sperare licebit,  
 Cum mentem porro extulerit provecior aetas?  
 Non hic vel Patruum memorabo, quem satis urbi  
 Huic nostrae docti commendavere labores  
 Olim formandae suscepti rite iuventae.  
 Nec te, Vincenti, longe a condiscipulatu  
 Quem dilexi oculis ego plus, ac semper amabo  
 Doctrina madidum omni-gena, quem fama per omnem  
 Fert pene Europam, longinquis iam mage notum,  
 Quam nostris prope: nimirum haud Italas modo terras  
 Pervasit nomen, Gallis innotuit, alma  
 Sedem ubi defixit sapientia, quae mihi semper  
 Eximia, egregia est visa, ac quasi dixero, sola.  
 Ergo, nunc Michael, pauci si me facis, ede  
 Ede cito haec quae iam promittis opuscula: discat  
 Ex minimis etiam, quae scripsit avunculus, orbis,  
 In magnis quantus fuerit, quantumque dolendus  
 Hic luctumque sui, desideriumque reliquit.

## PIO SEXTO

PONTIFICI MAXIMO.

Q VVM, PIE SENTE, sies Tu vindex artium, et idem  
 Princeps doctorum Tu Maecenasque virorum :  
 Hos lucubratos longo , multoque labore  
 Divina dictante diu virtute libellos (\*)  
 Ecce tibi sisto , Patrique dicoque Supremo.  
 Etsi maiestas , et fulgor Pontificalis,  
 Quo late splendes , lumen perstringit utrumque ;  
 Etsi curarum vallaris ab aggere circum ,  
 Quum tot sustineas , et tanta negotia solus ,  
 Resque Tibi fidei commissas , qua patet orbis ,  
 Errore evulso sapiens tuteris , et ornes :  
 Munere tam parvo , Pastori accedere magno  
 Haud dubito , summumque interpellare Parentem.  
 Accipe Tu , quaeso , Pater optume , maxume , munus :  
 Auctoremque tuo , quippe humanissimus , aevum  
 Ipse patrocinio sic pergito in omne tueri ,  
 Vt possit nova moliri maioribus ausis.  
 Vive diu , natumque bect benedictio Patris  
 Ante pedes dum se volvit , dumque oscula figit.

(\*) Theologiae Dogmaticae lectiones ; tom. VI. Neapoli Typis  
 Raymondianis edit. anno MDCCXCV.



## I N N I C O

CARDINALI CARACCILO

EPISCOPO PRAENESTINO

**M**E tot distentum quam saepe, Caracciole, curis  
 Impuleris vulgare meis miracula scriptis  
 Virginis irriguo Matris sudore madentis,  
 Me duce, quae vidit denso Lucania saltu,  
 Vrbes inter qui frondet Tulbi, atque Tricarci,  
 Haud equidem dubito memori quin pectore serves.  
 Verum animi incertus multumque diuque pependi,  
 Innice, perficerem quae tu tam saepe rogabas,  
 An tibi poscenti, quamvis praeclara, negarem.  
 Vicit amicitiae ast usus magnus mihi tecum,  
 Vicit Matris amor, qui haustus cum lacte, novisque  
 Sic mox excrevit cumulatis ignibus, omnes  
 Vt penitus fibras flammis voret acrius imas.  
 Excussi memet, quidquam et conarier ausus,  
 Illevi hoc chartis quodcumque est carminis, in quo  
 Cuncta uno intuitu digesta ex ordine cernis.  
 At tu, qui propius (quippe es comes additus unus  
 Pontifici captivo abeunti, et milite septo,  
 Cuius ad extremum morientis lumina lugens  
 Clausisti, atque a sede procul funcbria sacra

Solvisti ; pius ipse Pio de nomine Sexto ;  
 Mox alium sequeris , per mille pericula rerum ,  
 Per varios casus , quem eadem premit ira Tyranni )  
 At tu , qui propius turbatas aquoris undas ,  
 Luctantes ventos , tempestatemque sonoram  
 Perspexisti oculis , qua Navis gurgite vasto  
 Ingemuit Petri ; potis es cognoscere fausto  
 Rerum ex eventu , quae sint haec omina , quae dat  
 Sudoris , Virgo trepidis spes unica rebus.  
 Nam victis orbis raptoribus , aurea terras  
 Pax hilarat , Christique Ecclesia laeta triumphat.  
 Ergo tu , Princeps , Romano nobilis ostro ,  
 A quo et Praenestina capit clarum infula lumen ,  
 Innice , amicorum flos electissime , quicquid  
 Muneris est id , quod sane testatur amici  
 Obsequium , bonus ipse , boni nunc consule , et acqui.  
 Vive diu , nostrique animi pars magna , valetō.

MARCHIONI  
 DRAGONETTIO

---

QUAS Lodoix, grates tibi solvere musa queat, par  
 Quidve referre pari, qui me nil tale merentem,  
 Nil et opinantem tanto dignaris honore?  
 Quo te nunc foveam, quo te complectar amore,  
 Eumeli, amicorum flos electissime? mene  
 Haeret qui penitus cordi defixus amor, tam  
 Longe prospexit tuus? Arcadiae decus ingens  
 Macte tua pietate, colis qua semper amicos!  
 Hacc sed enim in te cudetur, Praesul, faba: sodes,  
 Cur me distentum curis gravioribus, istam  
 In scenam acturum vatem producis inertem?  
 Hoc quippe aetatis, dum mens labefacta fatiscit,  
 Qui possum in parvis humili aut incedere socco,  
 Aut rebus magnis altos aptare cothurnos?  
 Emoriar ni te ulciscar. Sed laeva tulit me  
 Quo mens? Gualteri, erravi, veniam peto, sancta  
 Oscula, complexu in sancto, libemus amici.  
 Tu vero pingui stabulas cur lentus in antro,  
 Nec tua deducis resonantia carmina plectro,  
 Carmina quae dictat Iuvenati Musa tibi uni?  
 Heu! quem te memorem, rerum iucundissime Vite!  
 Vite, tui desiderium heu quale relinquis!

Nam tecum omnigenae abscessit virtutis imago,  
Et doctae tecum omnes abscessere sorores.  
Amissum te flet noctuque, diuque Capellus,  
Ille Capellus, quem tot ego virtutibus auctum  
Unice amo, a quo et sentio me simul unice amari.  
Tu sed ave, iam Vite, Deo, caeloque potitus.  
Flebilia at quorsum haec? pacato plurimam amico  
Pontifici, Lodoix, rite impertito salutem,  
Omnibus et sociis, quibus accidere omnia fausta,  
Ex animo exopto, caelum votisque fatigo.

## PROSPERO DE ROSA.

**S**pectatum satis, et donatum iam rude quaeris,  
 (Scripsit ut ille) iterum antiquo me includere ludo:  
 Non eadem est aetas, non mens, Prosper; nova sacri  
 Munia pastoris, Christi nova cura peculi,  
 Et nova sollicitudo gregis, noctesque diesque  
 Exercet distentum animum, perque omnia versat:  
 Resque suas dudum sibi iussit habere Camoenas,  
 Sarcinulisque foras collectis ire coegit,  
 A teneris licet his primos sacravimus annos.  
 At ne me immemorem, oblitumque rearis amici;  
 En tibi cuncta mei ratio otii, cuncta negotii.  
 Grex veniente die, grex decedente animo haeret,  
 Sollicitusque vices gregis, haud mea commoda curo,  
 Proque grege haud dubito caput obiectare periclis.  
 Nocte leves somnos resoluta compede fessor  
 Carpit et in medio requiescit navita fluctu;  
 Nocte leves somnos carpit defessus arator;  
 Ioniisque quies nocte est aquilonibus undis;  
 Nocte mihi aut nigrae fuligo bibenda lucernae,  
 Aut lecto in curas animus diducitur aegras;

Perque diem vero, quum sol caput exserit undis,  
 Atque humiles lustrat flammanti lampade terras,  
 Dumosa sequor aut pendentia ovilia rupe,  
 Aut a caula abigo ipse lupos, clamoribus implens  
 Et nemora, et montes, aut luctisonos ululatus  
 Edens, palantes revoco, errantesque capellas,  
 Multum iam canibus latrantibus undique sacris.  
 Hocce statu rerum, me tute poemata censes  
 Scribere posse inter tot curas, totque labores?  
 Quod si quo primum me tempore dulcis alebat  
 Parthenope studiis florentem ignobilis oti  
 Multa satis lusi, vernanti audaxque iuventa,  
 Virtutesque virum cecini, praeclaraque facta;  
 Doctaque Parthenope, Sebethide roscida lympa,  
 Non semel, atque iterum nostrum audit excita cantum:  
 Ex quo me tamen excepit Lucania laeto  
 Laeta sinu, montesque inter, silvasque nigrantes  
 Heic statuit sacras tutantem pervigilem res;  
 Heu! oblita mihi tot carmina. Si volo quidquam  
 Conari, ingenium extundens, ter, et amplius ungue  
 Demorso, et caeso pluteo, non proficio hilum.  
 Nam reddit mihi pluma nihil, nisi vel pede claudum,  
 Vel quod retrogradi simulat vestigia cancri.  
 Praeterit an te, quod scite praescripserat ille:  
 Carmina secessum scribentis, et otia quaerunt?  
 Anglicum at heic vatem obtrudis, qui lumine lunae  
 Atque sepulchrorum tenebris sua carmina scripsit.  
 Praeterea imperio quo, Prosper, plurimum apud me

Ipse vales, urges, et iam vehementius instas,  
 Exemploque tuo, sociamque faces, stimulosque  
 Hos adhibes, quæis obluctari vel minimum haud fas.  
 Ergo, Melpomene, lugubres præcipe cantus:  
 Occidit heu! Daniel, sophiæ occidit heu! decus omne.  
 Occidit heu! lumen, quo abstrusa, atque abdita rerum  
 Clarebant, quæ aevi valuit tenebrare vetustas:  
 Occidit, et secum doctæ occubere sorores,  
 Et charites cecidere simul, veneresque, leporesque,  
 Et quantum doctrinæ est omnigenæ ornamentum!  
 Eheu! impia mors, mors invida, mors truculenta,  
 Impuras tun' ausa manus inferre? nec unam  
 Incorrupta fides, pietas, prudentia tanta, et  
 Distinuit virtus, Danielem ne abriperes, ne  
 Diraque foedares inhonesto vulnere amicum?  
 Ergo huic dura quies, oculos et ferreus urget  
 Somnus, in æternam clauduntur lumina noctem?  
 Totus at haud moritur, meliori et parte superstes  
 Ipse agitat nobiscum occumbere nescius ævum.  
 Terrea nam terræ sua pars data tertia; itemque  
 Tertia pars expers terrenæ pondere molis  
 Astra tenet, fruiturque Deo; data tertia nobis;  
 Iamque per ora virum volitat, multumque volabit,  
 Posteritas pretium meritis quoad arroget, et mi  
 Ante oculos semper levis occurrabit imago;  
 Seu Clementino recipit memet lare, præbens  
 Lautia, et hospitio dignatur lætus amico,  
 Seu Pompeianum petimus, seu Putcolosque,

\*

Sive mei tēro cum Ignarra certet amore ,  
 Ore ut ego vulgare sua haud benefacta quiescam.  
 Nempe ego te , Daniel , postremo munere mortis  
 Donarem, mutumque tuum cinerem alloquerer mox..  
 Sed te flere nefas , et miseris onerare querelis.  
 Ludibrio pompae , et miseris onerare querelis.  
 Liber enim curis , limi vinculisque solutus  
 Amplexare Deum , tota quem mente colebas.  
 Nam quae viventem plenum pulchro , atque decoro  
 Religio eripuit vitae tot casibus una ,  
 Haec eadem , ut par est defuncto credere vita ,  
 Atque aucto virtute viam munivit ad astra ,  
 Purus ubi , puroque vides in lumine , purum  
 Lumen , et infusi satiat Numinis haustu.  
 Exigis aeternam sine sollicitudine vitam..  
 Interea docti vates quot sunt , et amici  
 Te Francisce canant ; veniat Ciampittius , os cui  
 Magna sonaturum , et mens diviniōr , atque  
 Cantus , quo nullus iam dulcior , aut mage suavis  
 Donet et inferiis sua carmina Giglius , ore  
 Carmina seu graio resonantia , sive latino..  
 Sat mihi , si tradam , mores imitatus avitos ,  
 Munera ad inferias , quae olim sunt tradita , tristes.  
 Accipe amico iam multum manantia fletu ,  
 Aeternumque ave amice modo , aeternumque valeto.  
 En quum detrectare nefas tua iussa putarim ,  
 Prosper , habes *επινηδίων* , at mihi crede labore  
 Sudatum haud parvo. Per et ossa utriusque parentis.



Te per et obtestor quodcumque sacratius usquam est,  
Ne jubeas iterum indignantia proluere ora  
Ponte caballino; mihi Cirrhae somnia quippe,  
Et quodcumque est carminis, invisa omnia. Tuque  
Vive diu felix, vive et nostri memor usque.  
Optimo utrique et amicorum Kalaoque, Rosinoque  
Atque illi Surrentino, atque huic Puteolano  
Praesulibus, nostro perferto haec nomine demum:  
Lupulus ambobus iam recte agere, atque valere  
Nuntiat antiquo, atque antiqui moris amicis.  
Prosper amice vale, me, Prosper, plurimum amato.

---

## D E I P A R Æ

L A V D E M

---

*Pro colonia Alethina, anno 1784.*

Mirum est Parthenidem primaeva labe carere,  
Mirum est Parthenidem progenuisse Deum.  
Et tamen ullus adhuc mortalis dixerit illi  
Fas genuisse Deum, labe carere nefas?

I N E A M D E M

*Pro colonia Alethina anno 1785.*

Qui solis maculas, maculas qui quaerere lunae,  
Et possunt maculas, phosphore, nosse tuas,  
Intacta maculas in Virgine quaerere cessent:  
Hoc sol, hoc luna, hoc phosphorus ipse monet.  
Quid ni, si obsequii in signum sol illius ambit  
Lumine purpureas irradiare comas;  
Luna subest plantis; et phosphorus ora recondit,  
Quum nempe impurae sit sacer ipse Deae?

## IN EAMDEM

*Pro Colonia Alethina, anno 1787.*

Rom miram adspicio! Natura, et Gratia certant  
 Dum seritur prima labe Maria carens.  
 Stat Natura suis pro legibus, atque parumper  
 Exsuperare illas clamat esse nefas.  
 Gratia non patitur modo legibus hisce Mariam  
 Subdi, cum summum sit paritura Deum.  
 Qui pote? Diviparae purum quam Gratia complet  
 Natura haud ausit praecelerare satum.

## IN EAMDEM

*Pro colonia Alethina anno 1789.*

Purior electro, cunctis rutilantior astris  
 Sit Virgo summum progenitura Deum:  
 Sic Coelum; et subito vitales prodit ad auras,  
 Atque haurit clarum clarior ipsa diem.  
 Scilicet et primi te labe carere parentis  
 Fas est, et cunctis, Virgo, nitere bonis,  
 Sed si sorte datum puram te criminis esse,  
 Da mihi deleto crimine posse mori.

## AUCTORIS ADOLESCENTVLI

EXERCITATIO

A D

## FRANCISCVM SERAVM

**R**egis amor, regnique decus, patriacque voluptas,  
Magne Serae, antiquis acquiparande sophis;

Sive unda, sive igne velis me perdere, praesto  
Sunt cuncta: hinc fervet Vesvius, inde salum.

Scilicet a forti non parva est gloria dextra  
Interimi. Hac saltem sit mihi parte decus.

## CAESARIS MIROBALLI

DE ARAGONA

PRINCIPIS CASTELLANETAE,

ET

CONSTANTIAE ROSPILIOSAE

**C**oniugio, Caesar, laeva de parte volucres  
Addixere tuo, detonuitque Polus.

Gaudia concipere hinc libet, et non irrita vota,  
Nam votis necti gaudia saepe solent.

Gaudia concipio, cum Par hoc Nobile sponsis  
Miraculum reliquis, invidiamque creet.

Vota at concipio, cum de insitione beata hac  
Heroum nasci germina pulchra rear.

Candidiore nota semper signabitur ergo  
Lux haec fulgidior qua mihi cumque die.

## A FERDINANDO REGE

IN MONTEM LEVCIVM DEDVCTAM.

**N**ON usitata, Calliope, Lyra  
 Effinge versus; stat mihi scilicet  
 Heroa priscis invidendum  
 Temporibus celebrare cantū.  
 FERNANDUS hic est nomine ab inclyto  
 Sat praedicandus BORBONIAE domus,  
 Virtute quae fulgens avita  
 Per geminos tonuit triones;  
 Seu bellicoso strenua milite  
 Vires furentum comprimat hostium,  
 Seu pacis ornamenta libans  
 Ramum oleae referat virentis.  
 At illi honores deproperarier  
 Exinde nolo; non etenim lyrae  
 Videntur aptari iocosae  
 Altisono celebranda plectro.  
 Me nunc Tifatae me memoris vocat  
 Umbra hospitalis, grataque ramulis  
 Vnde unde textis, quaeque puro  
 Lympha fugax trepidat fluento.

Hic nempe magni Principis indoles  
 Immane quantum splenduit! o quibus  
 Curis, et impenso labore  
 Huic operi studuit parando!  
 Quo non profecto magnificentius  
 Vllum inveniri posse putabimus,  
 Seu Graeciae gazas beatas  
 Seu Latii monumenta verses.  
 Atqui minora haec prae reliquis erunt,  
 Quae singulari munificentia  
 FERNANDVS idem hoc luco in ispo  
 Omne genus decora explicavit.  
 Memor vetustae scilicet illius  
 Aetatis, unum compulit in gregem  
 Hinc inde palantes colonos,  
 Firma quibus statio daretur.  
 Et ne vacarent molliter otio,  
 Vel culpa rectum solveret ordinem,  
 Non poenitendis erudire  
 Legibus hunc populum sategit.  
 Leges per istas non ibi civium  
 Bacchatur ardor prava iubentium,  
 Non ira quae procudit enses  
 Et miseras inimicat urbs.  
 Sed quisque mores concoquit integros  
 Cultuque recto pectora roborat,  
 Fidesque culpari pavescit  
 Religioque tenet priores.

Quid, quod secundis usque laboribus  
 Artes ibidem fixit, ut in dies  
 Crescente spe certa peculii  
 Moenia nobiliora surgant.

Et iam futuri temporis exitum  
 Feliciorem mens mihi nunciat,  
 Urbemque iam claram videbo,  
 Solis ubi radii nigrescunt.

Sic est: ovato iam ter, et amplius  
 Popelle felix, te quid, et interim  
 Verè beatum reddit, uni

BORRONIO referas patrono.

Qui nil Solonis iussa ratus, neque  
 Rhetris Lycurgus quidquid inunxerat,  
 Diviniori sanctionum

Forma aliis rapuit triumphum.

#### SVB IMAGINE JOSEPHI LVPOLI.

Si possent animi, ceu possunt corpora pingi,  
 Doctrina, et pietas quam bene picta foret.



# JAHELIS PRAECONIUM

Quis Fatigatos, Sisara, urget artus  
 Torpor, ut vili iaceas sub antro?  
 Excute ignavos oculos sopore  
     Excute mentem:  
 Excute, et fractis propera ruentis  
     Imperi rebus, cape promptus horac  
 Dona: praeceps heu fuge, et innuinenti  
     Consule dextrae:  
 En manu furtim generosa Jahel  
     Malleum, et clavum capiens trabalem  
     Vertici infigit male seriato  
         Ignobile lethum.  
 Insoleus qualis facinus canora  
     Tibia sumet celebrare Musa?  
 Vna de multis duce de superbo  
     Vna triumphat.  
 Prisca nunc aetas sileat per omnes  
     Angulos orbis resonare nomen  
     Scaevolae. Jahel canat efficacis  
         Fortia facta.  
 Porsenam regem petit ille, at errans  
     Percutit scribam gladio; sed ista  
     Sinciput fregit Sisarae merentis  
         Vulnere certo.

Laudibus talem populus triumphum  
 Tollat, et dicatur io triumpho!  
 Lacta festivo gementque ubique  
 Carmina plausu.

At quid, o, Sancti cecinere Vates!  
 Virginem Jabel, pariterque Jesum  
 Clavus, haud fallor, Sisaraeque lethum  
 Tartara signant.

Coelicam Jesus reseravit aulam,  
 Ostium clausit grave olentis orci  
 Virgo dum rector stygius minatur,  
 Carcere fractat.

Ergo caelestes potius triumphos  
 Virginis grati referamus almae,  
 Horridi, et vires Erebi refractas  
 Imperiumque.

171  
H Y M N V S

1 N

S. RAPHAELEM  
ARCHANGELVM

---

Custodem iuvenum dicite Virgines  
Patronum, iuvenes, dicite Virginum  
Alternis RAPHAELEM

Magnum dicite Principem.

Vos Tigriū meritis tollite laudibus,  
Ereptumque feri piscis ab impetu  
Tobiam, atque parenti  
Coeco reddita lumina.

Vos contra simili promite carmine  
Saram fraude stygis, coniuge septies  
Orbam mox ope Divi

Junctam connubio pari.

Hic quancumque lūm, bellaque tristia  
Avertit populo, hic rem quoque promovet,  
Felicesque hymenaeos

Mox prolem egregiam dabit.

*H Y M N I*  
 I N N A T A L E M  
**SANCTAE EVPHEMIAE**

VIRG. ET MART. CHALCEDONENSIS  
 CIVITATIS MONTISPELVSI PATRONAE PRAESENTISSIMAE.

*H Y M N V S I.*

**M**ontis o custos populique Virgo,  
 Virgo, quae stellis redimita crines  
 Adsides Christo, resera precantum  
 Vocibus aures.

Ecce Te ritu colit Vrbs avito,  
 Ara dum flammis rediviva fulget,  
 Plena dum votis calet, atque sacro  
 Fervet ab aestu.

Hos fides cultus iubet: has merenti  
 Reddimus grates, redeunte sacra  
 Luce, dum cingunt Tibi laureatam  
 Lilia frontem.

Sic et insanas boreae procellas  
 Comprimas praesens, et amica dextram  
 Grandini obiectes; fiantque nullo  
 Fulmina campos.

Sic, et incassum sua tela daemon  
 Quasset in gentes; populoque vernet  
 Et salus, et pax, et abunda semper  
 Copia frugum.

Hinc Patri aeternas, Genitoque Verbo,  
 Et Tibi laudes, utriusque Flamen,  
 Inter alatas hilari cohortes  
 Voce canemus. Amen.

### *H Y M N V S II.*

**I**ntactam pueri dicite Virginem,  
 Invictam populi dicite Martyrem,  
 Quae Mundi illecebras, fluxaque gaudia  
 Forti pectore respuit.

Frustra blanditiis ut sacra daemone  
 Ferret pellicitur, fortiter obstitit;  
 Nec cessit rigidis vocibus hostium,  
 Tortorumve ferociae.

Promentem hinc roseus gaudia lucifer  
 Invenit querulo carcere Virginem,  
 Dum vires Dominus suppetit, et suam  
 Inspirat patientiam.

Hinc virgas, scuticas, verbera, et ungulas,  
 Ignesque, et gladios, atque rotam, et feras  
 Virgo non metuens, pacificam Deo  
 Festina obtulit hostiam.

Nunc ergo superis addita coetibus ,  
 Nostrae prospicias provida Patriae  
 Et belli , atque famis , turbinis et minas  
 Nostris finibus amove.

Nostris , summa Trias , annue vocibus ,  
 Da culpis veniam , da miseris opem ,  
 Da lassis requiem ; et sidera scandere  
 Nobis Euphemia impetret. Amen.

### H Y M N V S III.

Ex alto Olympi vertice  
 Coelestis aulae milites  
 Adeste , et almae duplicem  
 Deferte palmam Virgini.

Haec nempe Christi ad gloriam  
 Devota morti victima ,  
 Victrix tyranni concidit ,  
 Evecta ad agni nuptias.

Haec igne amoris aestuans  
 Contempsit ignis impetum ,  
 Virgas , rotasque ferreas  
 Vultu sereno pertulit.

Ecquid tyranno profuit  
 Torquere corpus Virginis ?  
 Dum vulnus addit vulneri ,  
 Robur redundat martyri.

Mox ut precatur, bestiae  
Ne intacta membra lingerent,  
Vix una morsu compotem  
Voti puellam reddidit.

Patri, Patrisque Filio,  
Et sancto amoris Flamini  
Hoc de triumpho Euphemiae  
Det totus Orbis gloriam. Amen.

\*





# INSCRIPTIONES.

---

*Scifellii ad Collegium PP. SS. Redemptoris.*

---

QVAS . SIBI . AEDES

ALOYSIVS. ARNAVD. PRESBYTER. AVENIONENSIS

EX . INTEGRO . POSVIT . AN . MDCCLX

AC . MOX . PRESBYTERIS . SAECVLAR . SS. REDEMPTORIS

DIVINI . EVANGELII . PRAECONIBVS

PLENO . IVRE . DONAVIT

ALPHONSVS . DE . LIGORIO

SANTAGATHENSIVM . PONTIFEX

CONGREGATIONIS . INSTITVTOR

OB . SINGVLAREM . IN . HANC . DOMVM . PROPENSIONEM

LAXATIS . SPATIIS . AMPLIFICAVIT

AN . DOM . MDCCLXXVI

*Capuae ad Seminarii frontem.*

---

COENOBIVM

CVLIELMITARVM . MONTIS . VIRGINIS  
STATIVO . MILITVM . PRAESIDIO . ADSIGNATVM  
FERDINANDVS . IIII . P . F . A  
CASTRIS . IN . ANTIQVAS . SEMINARII . AEDES

ABIRE . IVSSIS

CLERICORVM . CAMPANORVM . INSTITVTIONI

ADDIXIT

ANNO . DOM . MDCCLXXXV

INSTANTE . AVGVSTINO . GERVASIO

CAMPANAE . ECCLESIAE . ARCHIEPISCOPO

---

*Francolisii in Dioecesi Calena.*

---

DEO · OPT · MAX

QVO · PAROECIAE · SIBI · CREDITAE

PRISCVM · RESTITVERET · NITOREM

VINCENTIVS · ROSIVS

TEMPLVM · SQVALORE · OBRVTVM

MAGNIFICENTIVS · EXSTRVXIT

AN · REP · SAL · MDCCLXXXVII

---

*Corneti in Apulia ad frontem Ecclesiae.*

—  
T E M P L V M

DEIPARAE · **MARIAE** · IOANNI · PRAECVRSORI

ET · SANCTO · **BENVENUTO** · IGVVINO

DICATVM

NE · INCOLAE · ET · COLONI · AGRI · CORETANI  
CVIVS · APVD · EQVESTREM · ORDINEM · HYEROSOLYM  
PLENVN · IVS · EST

ECCLESIAM · PETITVRI · HVC · ILLVC · OBERRARENT

**FR. ALEXANDER · VILLANVS**

EQVES · ET · BAIVLATVS · VENVSINI · PRIOR

A · FVNDAMENTIS · AERE · SVO · EXCITAVIT

ANNO · MDCCLXXXVIII

ARBITRATV · FR. IOSEPHI · FRANCONII · EQVITIS

ET · SPLENDIDISSIMI · ORDINIS

APVD · VTRIVSQVE · SICILIAE · REGEM · LEGATI

ADNITENTE · IGNATIO · CALVINO

EIVSDEM · BAIVLATVS · CVRAM · GERENTE

TV · HINC · PROCVL · ABESTO · PROFANE

NON · TIBI · HVC · ASYLI · SECVRITAS · PATET

*In domo privata, instante amico.*

---

QVAM . SVBIS . HAEC . HOSDES . DOMVS . EST . MIHI . STRVCTA . TIBIQVE

PARVA . QVIDEM . MVNDA . AT . PVLVERE . MVNDA . SITV

VT . MANEAS . SIVE . HINC . CEDAS . ERIT . AEQVA . POTESTAS

TEQVE . MANENTE . PATET . TEQVE . ABEYNTE . PATET

---

*Palenae in Aprutio citeriori.*

---

IOANNES · RAYNALLVCTIVS

CIVIS · OPTIME · DE · PATRIA MERITVS

PENNENSIVM · HADRIANORVMQ · PONTIFEX

VALETVDINARIVM

A · FVNDAVENTIS · SVA · PECVNIA · EXCITAVIT

DEDICAVITQVE · AN · MCCCCXLV

TEMPORVM · AT · LONGAEVITATE · RVINOSVM

SANCTISSIMI · ROSARII · SODALES

POPVLVSQ · VNIVERSVS · PALENENSIS

MAGNIFICENTIVS RESTAVRANDVM

CVRARVNT

ANNO · REP · SA L · MDCCLXXXIX

---

*Venusiae in Templo SS. Trinitatis.*

QVAM . PRAECLARAM . BASILICAM  
 SPLENDIDISSIMAE . VRBI . PAR . MONVMENTVM

HYMENAEO

DEORVM . OLIM . CVLTORES . VENVSINI

DEDICARVNT

HANC . CHRISTI . ATHLETARVM . LIPSAN IS

INDVLGENTIISQVE . PIACVLARIBVS

DITATAM

VNI . MAXIMO . TRINO . QVE . DEO

NICOLAVS . II . PONTIFEX . MAXIMVS

SOLEMNI . RITV . CONSECRAVIT

LONGO . AT . TEMPORVM . INTERVALLO

SQVALORE . PAENE . OBSITAM

HERBERTVS . MIRELLIVS . E . THEORAE . PRINCIPIBVS

REFIGIVNDAM . CVRAVIT

ARAM . MAXIMAM . DE . NOVO . POSVIT

PRESBYTERIVM . ADDIDIT

ANNO . CII . DOM . MDCCLXXXI

\*

**DEO . OPTIMO . MAXIMO**

CVIVS . SINGVLARI . PROVIDENTIA . ET . BENEFICIO

ANNO . REP . SAL . MDCXCIII . MAII

INVENTA . AC . FIDELIVM . CVLTVI . RESTITVTA  
PIGNORA . PRETIOSISSIMA . CORPORVM . SS . MARTYRV  
NOMINATAE . MATRIS . NATORVMQ . QVOS . CAELO . PEPERITVIATORIS . CASSIODORI . SENATORIS . QVAE  
OBLIVIONE . SITV . SQVALORE . PENITVS . OBSITA  
LATEBANT . ET . SEPVLCHRO . HAVD . DIGNO . QVOD  
TANTVM . CONDERET . THESAVRVM CONSIGNATA**FR. HERBERTVS . MIRELLIVS**

EQVES . HIEROSOLYM . ET . BAIVLATVS . VENVSINI . PRIOR

ADDITO . SANCTI . ATHANASII . ABBATIS . CORPORE

QVOD . SINE . VLLO . ORNAMENTO . SECVBABAT

SVBSTRVCTO . SVB . ARA . MAXIMA . HYPOGAEO

IN . AMPLIOREM . ELEGANTIOREMQUE . LOCVM

SOLEMNIBVS . CAEREMONIIS . ET . POMPA

AD . PVBLICAM . FIDELIVM . VENERATIONEM

TRANSFERENDA . CVRAVIT

ANNO . CH . DOM . MDCCXCI



*Asculi ad Seminarii frontem.*

---

## EMMANVELI . THOMASIO

SANCTAE . ASCVLANAE . ECCLESIAE

PONTIFICI

QVOD . HISCE . AEDIBVS . CVM . OMNI . ORNATV

AERE . SVO . EXCITATIS

IVVENTVTEM . HVC . ILLVC . PALANTEM

IN . VNVM . DOMICILIVM . COEGERIT

EIDEMQVE . OPTIMIS . DISCIPLINIS

SANCTISQVE . MORIBVS . INFORMANDAE

IMPENSO . CAVERIT . LABORE

MON . PVBLICE . POSITVM

AN . MDCCXCH

*Frequenti in Principatu Vteriori  
in Eccl. SS. Rosarii.*

---

SODALICIVM  
TVTELAE . PRAESTANTISSIMAE  
VIRGINIS · DEIPARAE  
COMMENDATVM  
TEMPORIS . INIVRIA . SQVALIDVM  
IOSEPHVS ANTONIVS MARTINIVS  
SPLENDIDISSIMAE . PHRATRIAE  
PRAEFECTVS  
IN . AMPLIOREM . FORMAM . RESTITVIT  
TVRRIM . CAMPANARIAM  
PROPE . COLLABENTEM . REPARAVIT  
VESTIBVLVM . DE . NOVO  
ELEGANTIVS . FACIVNDVM . CVRAVIT  
ANNO . CH . DOM . MDCCXCHII

## FERDINANDVS . IV . BORBONIVS

SICVLVS . ITALICVS . HIEROSOLYMITANVS

AGROS . A . IVGO . DIANAE . AD . POLLAE . MONTEM

TANAGRI . EXVNDANTIBVS . AQVIS

CORRVPTOS

FOSSA . PER . MILLIA . PASS . II

QVA . IN . SVBIECTVM . VALLVM . DECIDERENT

PER . TRANSVERSAS . ASPERASQVE . RVPE

INGENTI . MOLIMINE . ACTA

AGGERIBVSQVE . MVNITA

FERACISSIMOS . PRAESTITIT

AN . M D C C X C V

---

## FERDINANDVS · BORBONIVS

P . F . A

AQVAM . EX . DISPERSIS . FONTIBVS . PER  
 IVGA . MONTIVM . QVEIS . POSIDONIATES  
 NEAPOLITANVSQVE . SINVS . DISPESCITVR  
 QVA . RIVIS . SVBTERRANEIS . AD . M . PAS . XIII  
 QVA . CVNICVLIS . PER . TRANSVERSAS . RVPES  
 AC . PER . PVTEOLOS . DEMVM . ACTIS . IN  
 AVGVSTAE . DOMVS . STABIENSIS . OBLECTAMENTVM  
 TVM . ET . STATIONARIH . MILITIS . AC . PORTVS  
 PAGORVMQVE . CIRCVMACENTIVM . COMMODVM  
 DEDVXIT . ANNO . MDCCLXXXV  
 INSTANTE . EQVITE . BARTHOLOMEO . FORTIGVERRA  
 REGIAE . CLASSI . PRAEFECTO . CVRA . AN  
 TONII . GIOFI . REG . ARCHITECTI . DOM . PERVSIA

*Morrae in Hirpinis.*

---

VIRGINIS · IN · CAELVM · ADSVMPTAE

AEDICVLAM

IOSEPHVS · DONATELLIVS

ARA · DE · NOVO · POSITA

IN · ELEGANTIOREM · FORMAM

PEC · SVA · RESTITVIT

ANNO · CHRISTI · DOM · MDCCXCV

---

*Ibidem.*

ARAM FAMILIAREM

DEIPARAE · VIRGINI

IOANNI · PRAECVRSORI

ATQVE · AEMYGDIO · MART

SACRAM

PAVLLVS · ANT · MANSIVS · IVRISCONS

ADDITIS · ORNAMENTIS

RESTITVIT · DEDICAVITQVE

AN · CID · ID · CC · XCHIII

*Nuceriae Paganorum  
In Templo PP. SS. Redemptoris.*

---

QVAM · CHRISTI · PATIENTIS · ICONEM

ALPHONSVS · DE · LIGORIO

SANTAGATHENSIVM · EPISCOPVS

IN · PENETRALI · VENERABATVR

NATI · PATERNAE · PIETATIS · HEREDES

CHRISTI · FIDELIBVS

PVBlice · CONTEMPLANDAM

PROPOSVERVNT

AN · CII · SAL · MDCCCXVII

---

*Potentiæ in Lucania.*

CARCEREM . FORO . SVBIECTVM

TENEBRIS . HORRIDVM . ET . PAEDORE

PROVINCIAE . SENATVS

IN . LAXIOREM . LOCVM

SALVBRIOREMQVE

TRANSTVLIT

VITAE . VSV . DATO . QVIBVS . VIVERE . DATVM

*In Ecclesia Cathedrali Montis Pelusii.*

---

**M · ARCHANGELVS · LVPOLI**

SANCTAE · PELVSIANAE · ECCLESIAE

PONTIFEX

LAXATIS · ARAE · MAXIMAE · SPATII

PRESBYTERIO · MARMORIBVS · CIRCVMSEPTO

CHORO · OMNI · CVLTV · EXORNATO

VETVSTO · BAPTISMATIS · FONTE

EX · PROFANO · AD · SACRVM · VSV · RESTITVTO

**BASILICAM · CATHEDRALEM**

A · FVNDAMENTIS · EXCITATAM

DEDICAVIT · CONSECRAVITQVE

VI · KAL · OCTOBR · MDCCCH

PONTIFICATVS · SVI · ANNO · VI



PRAELIATORI . PRAELIORVM . DEI  
ARCHANGELO . MICHAELI  
SANCTO . INVICTO  
MICHAEL . ARCHANGELVS . LVPOLI  
PELVSIANORVM . EPISCOPVVS

SACELLVM . ET . ARAM . DE . SVO . P . AN . MDCCXII  
MILITIAE . CAELI . PRINCEPS . DVX . ARDVVS . HASTA  
LVCIFERO . EVICTO . DIVINI . ADSECTOR . HONORIS  
AEDEM . QVAM . PIVS . EXSTRVXI . TIBI . QVAMQVE . DICAVI  
HEIC . SVPPLEX . ARAM . NE . DEDIGNERE . SED . AEQVVS  
HOC . TEMPLVM . HANC . VRBEM . POPVLVMQVE . TVERE . PATRONVS

---

QVOD . BONVM . FELIX . FAVSTVMQVE

PATRIAE . SIET

HEIC . SVB . ALTARI . DEI

AD . TVTELAM . EXCVBANT

CORPORA . SANCTORVM

SOSII . LEVITAE . ET . MART . MISENAT

ET . SEVERINI . NORICORVM . APOSTOLI

AB . VRBE . PRINCIPE

IN . FRACTENSIS . MVNICIPII . ECCL ESIAM

INVECTA

II . KAL . IVNIAS . AN . MDCCCVII

---

*In Monte Yrso in Eccl. SS. Virginis de Providentia.*

---

MAGNA . DEI . MATER . SUMMO . QVAE . VERTICE . MONTIS  
 CULTA . SEDES . ET . AB . VRBE . Eversa . DICERIS . YRSI  
 HANC . AEDEM . IOS . AGROS . ET . PASCUA . LAETA . TVERE  
 TV . DIRAM . PROHIBETO . FAMEM . BELLVMQVE . LVEMQVE  
 AVERRANCATO . PER . TE . STET . PVBLICA . SOSPES  
 RES . POPVLQVE . SALVS . NAM . NOS . TIBI . RITE . QVOTANNIS  
 SOLLENNE . AC . PATRIVM . FOEDVS . RENOVABIMVS . ATQVE  
 PRIMITIAS . FRVGVM . GRATI . HEIC . LIBABIMVS . OMNES

**MATRI . DEI**

**MAGNAE . SANCTISSIMAE**

MICHAEL . ARCHANGELVS . PELVSIANOR . PONTIFEX

**VOTA . PRO . POPVLO**

**DEODATO · TARGIANIO**  
**SVPREMI . SANCTIORIS . SENATVS . V̄I VIRO**  
**REGIORVM . IVRIVM . PATRONO**  
**QVI . PER . OMNES . MVNERVM . GRADVS**  
**AD . SPLENDIDISSIMAS . DIGNITATES**  
**MERITO . SVO . FACEM . PRAEFERENTE**  
**POPVLOQVE . PLAUDENTE . EVECTVS**  
**ITA . SE . OPERAMQVE . SVAM . VNIVERSIS . PROBAVIT**  
**VT . EXPECTATIONI**  
**QVAM . SVI . ABS . OPTIMIS . STVDIIS**  
**EMENDATISSIMIS . MORIBVS**  
**SOLIDA . RELIGIONE . DOCTRINA . MVLTIPlici**  
**IVDICIO . SVBACTO . INGENII . FELICITATE . ADMIRANDA**  
**APVD . OMNES . EXCITARAT**  
**CVMVLATISSIME . SATISFECERIT**  
**HVIC . TANTO . VIRO**  
**INGENVARVM . ARTIVM . AESTIMATORI**  
**AVCTOR**  
**IN . MVNILAM . CORFINIENSEM . INSCRIPTIONEM**  
**COMMENTARIVM**  
**IN . OBSERVANTIAE . SIGNIFICATIONEM**  
**D. D. D.**

# BASILIO · PALMERIO

AEQVI · RECTIQUE · VINDICI · STRENVISSIMO

QVI

OPTIMIS · QVIBVSQVE · ARTIBVS · EXCVLTVS

QVAM · SIBI · IN · CAVSSARVM · PATROCINIIS

LAUDEM · COMPARAVIT

MOX · REGIS · OPTIMI · PROVIDENTISSIMI · VOTO

BONORVMQ · OMNIVM · PLAVSV

IN · SACRVM · CONSILIVM · ADLECTVS

INCREDIBILI · SOLERTIA · AVXIT

QVEMQVE · MODO

EXIMIA · IN · DEVM · OPT · MAX · PIETAS

SVMMA · ERGA · PRINCIPEM · FIDES

QVVM · AD · SANCTISSIMI · SENATVS

SEVIRATVM · EVEXERIT

N. N

IN · COMMVNI · ORDINVM · OMN · GRATVLATIONE

PATRONO · SVO · INDVLGENTISSIMO

REIQVE · PVBLICAE · NECESSARIO

FELICIA · OMNIA · ADPRECATVR

**IOSEPHO · ROSSI**

**NICOSIENSIVM · ARCHIEPISCOPO**

**FERDINANDI · REGIS · AVGVSTI**

**A · CONFESSIONIBVS**

**THEOLOGO · NOSTRI · TEMPORIS · SVMMO**

**FIDE · CONSTANTIA · INGENIO · PRVDENTIA**

**ET · SINGVLARI**

**AD · ARDVA · EXPEDIENDA · DEXTERITATE**

**CVNCTIS · COMMENDATISSIMO**

**N. N**

**GRATI · ANIMI · TESTEM**

**DOMI · NATVM · LIBELLVM**

---

*Burgentiae in Principatu Citeriori.*

---

LICTERIVS IOSEPHVS CARACCIOLVS

BVRGENTIAE . MARCHIO . X

ECCLESIAE . PATRONVS

SEPVLCRI . MONVMENTVM

HEREDITARIO . IVRE . SIBI . DELATVM

HVC

EX . NEGLECTO . SQVALIDOQVE . LOCO

MAIORVM . COLLECTIS . CINERIBVS

TRANSFERENDVM . CVRAVIT

ANNO . CIDI<sup>o</sup>CCCLXXXVII

H . M . HEREDES . EXTEROS . NON . SEQVITVR

*Polintani in Ecclesia Monialium.*

---

VT. QVAE. VOTIS. IISDEM. ADSTRICTAE. VIXERVNT  
TVMVLO. MORTVAE. ADSTRINGERENTVR. EODEM  
HANC . SIBI , COMMVNEM . QUIETIS . SEDEM  
MONIALES. SANCTI. PETRI. ORD. CISTERCIENSIS  
MORTALITATIS. MEMORES  
POSERVNT  
ANNO . SAL . MDCCLXXXVIII

---



PERENNITATI . MEMORIAE

IOANNIS . BAPTISTAE . STELLAE

TARENTINORVM . PONTIFICIS

ET . ROCHI . STELLAE . FRATRIS

IMPERATORI . CAROLO . VI . A . SECRETIS

AC . IN . SVPREMO . ITALIAE . SENATV . CONSILIARI

ET . PETRI . LVCAE . STELLAE . FR . FILII

EQ . IHEROSOLYM . ET . LEG . HASTATAE . DVCIS

SODALICII . MODERATORES

MONVMENTVM

COMMVNI . VOTO . POSVERVNT

AN . REP . SAL . MDCCLXXX

POMPEO . MARIAE . MILIACIO

BENE . MERENTI . DVLCISSIMO

QVEM

VIRTUTE . ET . INGENIO

PRAECLARA . POLLICENTEM

MORS . PERME . DIAS . LAVDES

EX . TRANSVERSO . INCVRRENS

SEPVLCO . IMPEGIT

THOMAS . PATER . INCONSOLABILIS

QVOD . A . NATO . EXSPECTABAT

IPSE . PRAETER . VOTVM

NATO . EHEV . POSVIT . MONVMENTVM

VIXIT . ANN . XXII . MENS . IIII

DECESSIT . AN . CH . MDCCXCII . III . NON . OCTOBR

QVOD . MORTALITATI . EXVENDAE

GENS . SEBASTIANA

SIBI . HYPOGAEVM . PARAVERAT

NICOLAVS . PETRONIVS . PATRICIVS . SENENS

ET . . . . SAMBIASIVS . PATRICIVS . CONSENT

IVRE . PER . TABVLAS . AD . SE . TRANSMISSO

ADDITIS . AB AE . ORNAMENTIS

SIBI . POSTERIS . QVE . SVIS

INSTAVRANDVM . CVRARVNT

ANNO . SAL . HVM . MDCCXCH

---

*Salerni in sacello Jesu Christi Crucifixi.*

HEIC . IN . PVLVERE . DORMIT

IOANNES . DE . PROCHITA

SALERNITANAE . SCHOLAE . ALVMNVS

CLARVS . ILLE . SICVLI . VESPERI . AVCTOR

QVO

FRANCIS . VNA . HORA . ACERBO . FVNERE . MERSIS

TELLVS . DEFVIT

STRENVISSIMI . VIRI . MEMORIAM

NE . POSTERITAS . DESIDERARET

FABRICIVS . SPINELLIVS . TARSIENTIVM . PRINCEPS

SPLENDIDISSIMI . ORD . S . IANVARII . EQVES

ECCLESIAE . COMMENDATIONEM

INDVLGENTIA . FERDINANDI . REGIS . AVGVSTI

NACTVS

AERE . SVO . M . REFICIVNDVM . CVRAVIT

ANNO . SALVTIS . CIDI<sup>o</sup>CCCXCIII

*Foveae in Apulia.*

**CAIETANO . DE . ROCCA**

DOMO . MONTORIO

MORVM . INTEGRITATE . CONSILIO

ANIMIQVE . MODERATIONE

SPECTATISSIMO

QVI . FACTO . SVO . DOCVIT

EX . AMPLISSIMO . CENSU

NIHIL . OPTATIVS . ACCIPIENDVM

QVAM . PRODESSE . MORTALIBVS

ANGELA . PARISIA

CONIVX . DESOLATA

VINCENTIVS . IOSEPHVS . ET . ANTONIVS

FILII . EHEV . CONSTERNATI

M . POSVERVNT

VIXIT . ANN . LXXXIX . MENS . VI . D . XIII

TERRENA . FVNCTVS . PEREGRINATIONE

IIII . NON . MARTIAS . MDCCXCIII

**ANTONIA . VITALIS****VIRGO . INNOCENS . VERECVND****HEIC . CHRISTI . SPONSI . ADVENTVM****PRAESTOLATVR****FILIAE . BENE . MERENTI****VITVS . VITALIS . ET . MARIA . XAVERIA . BASSA****PARENTES . INFELICISSIMI****CONTRA . VOTVM . POSVERVNT****NATVRAE . CONCESSIT . AET . ANN . XXV,****XV . KAL . SEPT . AN . MDCCXCIII****AVE . FILIA****VIVAS . IN . DOMINO . IESV**

---

*Fractae in Ecclesia Parochiali.*

HEIC . IN . PACE . CHRISTI  
 BEATAM . EXPECTAT . RESURRECTIONEM  
 ANTONIVS . RVSSVS  
 VIR . PRISCAE . VIRTUTIS  
 QVI . INGENIO . MORIBVS . PIETATE  
 ET . VERBI . DEI . PRAEDICATIONE . DIVINA  
 ECCLESIAM . PATRII . SOLI . NEDVM . CONTERMINAS . IVVIT  
 MOX . AD . NIVANENS . PAROCHIAE . CVRAM  
 DEVEXA . AETATE . ADCITVS  
 PASTORIS . INTEGERRIMI . PARTES  
 TANTA . ANIMI . ALACRITATE . EXPLEVIT  
 VT . SACRAE . IVVENTVTI . AD . LABOREM  
 OPEROSAE . SENECTVTIS . STIMVLVM . POSVERIT  
 AETERNITATIS . DOMVM . INGRESSVS  
 VIII . IDVS . SEPT . AN . MDCCCXI  
 VILICATIONIS . SVAE . XXII  
 MARIA . MOCCIA . AVGUSTINI . FR . VXOR  
 ET . DOMINICVS . MOCCIA . DOLENTES . PP

*Neapoli*  
*In Ecclesia S. Petri ad Aram.*

A X Ω

ALOYSIVS . SALA  
 DOMO . ROMA

EXIMIAE . PIETATIS

EGREGIAEQVE . INDOLIS . ADOLESCENS

HEIC . IN . PACE . CHRISTI . DORMIT

QVI . SALVTI

SVB : LIBERIORE . CAELO . CONSVLTVRVS

MORTALITATEM . CVM . IMMORTALITATE

COMMVTAVIT

XVI . KAL . APRILES . AN . REP . SAL . MDCCCXVII

VIXIT . ANNIS . XXIII

AETERNVM . VALE . ALOYSI

VIVAS . IN . DOMINO



*In adparatu pro reditu DD. NN.*

I.

**FERDINANDO**

REGI . AVGVSTO . INVICTO . PIO

PATRI . PATRIAE

ET

**MARIAE . CAROLINAE**

REGINAE . SOSPITAE . PACIFERAE

QVOD

AVSTRIAE . ET . ETRVRIAE

REGINAS . NATAS . SVAS . COMMODATVRI

EX . DIVTINA . PEREGRINATIONE . REDVCES

PRAESENTIA . ET . MAIESTATE . SVA

CIVES.OMNES.QVE.ORDINES.EXHILARAUERINT

CIVITATEM . QVE . REGNVN . QVE

IN . NOVAM . FIRMAM . QVE . PACIS . SPEM

EREXERINT

ORDO . POPVLVS . QVE . NEAPOLITANVS

SVPPPLICATIONE. INDICTA

FAVSTA . ET . FELICIA . COMPRECATVR

II.

QVOD . FELIX

FORTVNATVM . QVE . SIET

**FERDINANDO . BORBONIO**

**MARIAE . CAROLINAE . REGINAE**

DOMINIS . NOSTRIS

VNIVERSAE . QVE . DOMVI . AVGVSTAE

ORDO . ET . PLEBS

NEAPOLITANORVM

PERPETVAM . INCOLVMITATEM

FAVSTITATEM . PERENNEM

REGNI . AMPLIFICATIONEM

VOTIS . ET . PLAVSV

ADPRECATVR

---

*Nuceriae Paganorum.*

In adparatione Festi Brailic. ALPHONSI M. DE LICORIO  
Episcopi S. Agathae Golthorum.

## I.

*In arcu temporario ad viam.*

SISTE PARVIMPER ITER PERGAS QVOCVMQVE VIATOR  
HAEC TE QVAE SVRGIT MOLES INVITAT EVNTEM  
AD PRIMVM ALPHONSO INDICTVM DE MORE TRIVMPHYM  
I PROPERA INGREDITOR TEMPLVM VENERABE BEATVM

## II.

*Ad arcum alterum.*

PONTIFICI ALPHONSO STATA NVNC SOLLEMNIA PRIMVM  
 QVEM VIRVM APOSTOLICVM MAGNIS VIRTVTIBVS AVCTVM  
 SEPTIMVS ADSCRIPSIT PIVS INSERVITQVE BEATIS  
 EIA AGITE AD TEMPLVM POPVLI PROPERATE FREQVENTES

## III.

*Ad Templi fores.*

CAELES TES PROCERES PORTAS ADTOLLITE VESTRAS  
 ET CITO PANDATVR DOMVS OMNIPOTENTIS OLYMPI  
 ALPHONSVM SVBLIMI INVECTVM ECCLESIA CVRRV  
 LAETA TRIVMPHANTEM VOTIS COMPLEXA PRECATVR  
 PERQVE SVVM NOMEN IVRANDA ALTARIA PONIT  
 QVISQVIS ADES LINGVA FAVEAS ET ADESTO TRIVMPHO

## IV.

*Supra ianuam intrinsecus*

## Periocha.

EDITVS ALPHONSVS PRAECLARO SANGVINE AVORVM  
 SED GENVS ET PROAVOS ET QVAE NON FECERAT IPSE  
 HAVD REPVTRANS VNA VIRTUTE ILLECTVS AVITOS  
 ET TITVLOS ET OPES PHRATRIAEQVE SEDILIA SPREVIT  
 CAVSSIDICI HINC IVVENIS PERFVNCTVS MVNERE DOCTO  
 IMPLEVIT SERMONE FORVM CAVSSASQVE CLIENTVM  
 INTEGER ET CASTVS SIC IPSE FIDELITER EGIT  
 VT FAMA TOTAM SIBI PARTA OPPLEVERIT VRBEM  
 MILITIAE CHRISTI ADCITVS CAELESTIBVS IDEM  
 AVSPICHS SEMPERQVE ANIMO MAIORA VOLVANS  
 ECCE VOCAT SCRIBITQVE VIROS VIRTUTE SVBACTOS  
 QVI CHRISTI IN VINEA MVLTIS SVDORE LABORANT  
 VNDIQVE DEIN IACIENS DIVINI SEMINA VERBI  
 MVLTIS TVLIT FECITQVE SENEX SVDAVIT ET ALSIT  
 MVLTIS QVQVE ET PASSVS STYGIO LVCTANTE DRACONE  
 DVM REGERET PLEBEM PASTOR QVAM SANGVINE CHRISTVS  
 QVAESIVIT MOX INCVRVICERVICVS ET ANNIS  
 IAM GRAVIOR RECVPTI SVA SE SE IN CLAVSTRA ONEROSO  
 DEPOSITO IAM TASCE VIANQVE ADPECTAT OLYMPO  
 MORTE OBITA SIC TOT SIGNIS INCLARVIT IPSVM  
 SEPTIMVS VT PIVS AD SACRAS EVEXERIT ARAS

*Ad aram maximam.*

PHOENICI SIMILIS PVRO CONSVMPTVS AMORE  
 CHRISTE TVO ET VIXI ET PERII HINC SVPER AETHERA VECTVS  
 DIVINO AETERNVM TECVM FRVITVRVS AMORE  
 EXCIPIOR CAELIS TERRA ADVNERORQVE BEATIS  
 VT CAELO ET TERRIS VIRTVTI HABEANTVR HONORES

*Ad arces dexteram.*

MACTE ALPHONSE TVA VIRTUTE ET MACTE TRIVMPHO  
 QVIPPE BONVS CHRISTI NILES CERTAMINA BELLI  
 HAVD PIGVIT TERRIS NOCTV CERTASSE DIVQVE  
 ET SERVASSE FIDEM SPATIVMQVE VIRILITER AEVI  
 CONSVMMASSE BREVIS TIBI NVNC IVRE VNDIQVE LAVBIS  
 HYMNVM PLAVDIT IO TELLVS CAELVMQVE BEATO

*Ad brevem.*

ALPHONSE IN TERRIS PIETAS QVEM ORNARAT ET AVLA  
QVEN NVNC CALESTI MAGIS IGNIS PVRIOR VRGET  
PONTIFICEM SYMNVN TV PETRI REGNA TENENTEM  
ROBORE APOSTOLICO FIRMES ABIGASQVE PROCELLAS  
TV REGNVN REGEMQVE TVVM PROLEMQVE TVERE  
BOBONICAM SEMPER QVAN FORTVNARE MEMENTO  
TV NATOS DEFENDE TVOS REFERANTQVE PARENTEM  
ATQVE OPVS IPSE TVVM PROFER QVA SVRGIT AB ORTV  
QVA SOL OCCIDVAS PRONVS FESTINAT IN VNDAS

*Ad duo miracula in Beatificationis decreto expressa.*

1.

EXSECTA HEV FERRO QVAM VRENS GANGRENA VORAVIT  
PRAESIDIO ALPHONSI CONFESTIM ET NVMINE MAGNO  
MAMMA ITERVM TVRGET PLENOQVE E PECTORE MANAT

2.

VIX VOCAT ALPHONSVM PHTHISI MORITVRVS AT ILLE  
DEXTER ADEST PVLSA VT MORBI VI PROTINVS AEGER  
EXSILIENS SVRGAT GRATES SOLVATQVE BEATO



*Ad duo Matris Dei in Beatum Alphonsum benevolentiae signa.*

1.

FOGIA TE DIVAE VELO SEPTEMPlice TECTAE  
RABO VISENDAM QVAE SE EXHIBET VNDIQVE, CINCTVM  
LVNINE CONSPEXIT MIRATA PARENTIS AMOREM

2.

ATQVE ITERVM MATRIS RADIANTE AB IMAGINE VULTV  
SVGGESTV ARREPTVM POPVLO PLAYDENTE FREQVENTI  
ET CIRCVMEVSVM TE LVNINE VIDIT AMALPHIS

*Neapoli*

*In sollemni adparatu eiusdem festi in Sodalicio  
Sacerdotum Conferentiae.*

*Supra portam forinsecus.*

ALPHONSO . MARIAE . DE . LIGORIO

CAELITVM . CHORIS . ADSRIPTO

QVOD . HEIC

APOSTOLICI . MVNERIS . TYROCINIO . POSITO

NOVAM , OPERARIORVM . SOBOLEM

AD.DIFFLVNTES.PLEBIVM.MORES.CORRIGENDOS

IN . AGRVM . DOMINICVM . CONDVXERIT

ET . APOSTOLICAS . MISSIONES

AD . SVMMVM . EVEXERIT . FASTIGIVM

SACERDOTVM.MATRIS.DEI.IN.CAELVM.ADSVPMTAE

SODALITAS . EXSVLTABVNDIA

AD.COMMILITONIS.SVI.AEMVLANDA.CHARISMATA

PVBLICA . SVPPPLICATIONVM . SOLLEMNIA

**CLASSIS SECUNDA**

Ad funebres pompas pertinentium.

---

*In funeris adparatione pro Alphonso M. de Ligorio  
Episc. S. Agathae Gothorum  
in Ecclesia Collegii Scifelliani.*

QVOI . QVOI . PLACET . EXEQVIAS . IRE

PVBLICVM . FVNVS . EST

ALPHONSO . DE . LIGORIO

PARENTI . MERENTISSIMO

IVSTA . PARENTALIORVM . OFFICIA

PRESBYTERI . SS . REDEMPTORIS

PERSOLVUNT

## II.

## ALPHONSO DE LIGORIO

PONTIFICI MERENTISSIMO

DIVINARVM HVMANARVMQVE RERVVM

DOCTRINA EXCVLTISSIMO

HVIC VERO TEMPORI NECESSARIO

## QVI

VIRTVTIBVS OMNIBVS AB AETATE PRIMA AD MIRACVLVM  
 ENITVIT MOX A TOGATA MILITIA IN QVA SYMMO CVM  
 PLAVSV ADOLESCENS VERSABATVR AD ECCLESIASTICAM  
 CONVERSVS MIRA ANIMARVM LVCRANDARVM STVDIO SVC-  
 GENSVS PATERNAE DOMVS FASTVM AVITVMQVE PATRIMO-  
 NIVM CONTEMPSIT AC DIFFLVENTIBVS SAECVLI MORIBVS  
 TAMQVAM AGGEREM OBIECTVRVS CONGREGATIONEM SAN-  
 CTISSIMI REDEMPTORIS ARDVO SANE MOLIMINE FVNDAVIT  
 EVANGELII PRAECONIO SCRIPTVRARVM EXPLANATIONI PON-  
 DEROSIS LYCVBRATIONIBVS CONSCRIBENDIS INFIMAE PLEBI  
 INSTITVENDAE MAXIMIS IVXTA AC MINIMIS MINISTERIIS  
 INDEFESSVS VACAVIT Ad SANTAGATHENSEM CATHEDRAM  
 INVITVS AC NOERENS PERTRACTVS BONI PASTORIS PARTES  
 OMNES EXPLEVIT VT FORTITVDINE POTISSIMVM AC PAV-  
 PERTATE VEL PVRIORIBVS ECCLESIAE SAECVLIS INVIDIAM

CREAVERIT PONTIFICATV ABdicato CONGREGATIONEM RE-  
 PETENS IN APOSTOLICOS LABORES VELVTI DISCVSSA SAR-  
 CINA SE TOTVM CONIECIT RELIGIONE HINC ORNATA SAE-  
 CVLI MORIBVS PVRGATIS FROENO LICENTIAE INIECTO  
 EVANGELICAE LEGATIONIS CVRSV CONSVMMATO CORPORE  
 LABORIBVS EXHAVSTO PLENVS ANNIS PLENVS MERITIS  
 PLENVS HONORIBVS HIS QVOQVE QVOS RECYSAVIT IMPA-  
 VIDVS ET SECVRVS SANCTITATIS EXIMIAE FAMA QVA QVA  
 VERSVS DIFFVSA QVOD VLTIMVM RESTABAT MORTALITA-  
 TEM CVM IMMORTALITATE COMMVTAVIT KAL. AVG. ANNO  
 CHRISTI IESV DOMINI NOSTRI M. DCC. LXXXVII.

---

 III.

## HAVE ALPHONSE

VIVAS IN DEO

QVAM CITO EHEV CONGREGATIONI

SVPPOSITVM EXIMIS HYMERVM

MERITAM AT QVANDO RECEPTVRVS CORONAM

ABIS

RESPICITO DE SEDE BEATA

SVPER FAMILIAM TVAM

SVPER ET NATOS TVOS

QVOS ORBOS LINQVIS ET DESOLATOS

*In funere Francisci Capassi  
in Ecclesia Paroeciali Fractas Maioris.*

## I.

RESISTE PARVUMPER VIATOR  
TE PIETAS VRGET  
SAXEVS NISI PROPE FVAS  
FVNERI VT ILLACRVMERIS  
**FRANCISCI CAPASSI**  
EHEV MORS OMNIBVS INSTAT  
OCYVS SERIVS  
TE QVOQVE IN TVMVLVM VRGEBIT

## II.

**FRANCISCVS CAPASSVS**  
IN QVO OMNE GRATIARVM DECVS  
NATVRA CONSVMPSERAT  
VIRTUTE ET INGENIO POTENS  
PIETATE CLARISSIMVS  
HOC VNVM IN SVOS PECCAVIT  
QVOD ABIENS  
INGENTEM SVI LVCTVM DESIDERIVMQVE RELIQUERIT

## III.

## FRANCISCVS CAPASSVS

EMERITAE FIDEI VIR

MVLTA QVVM HABVIT NIHIL HABVIT

INGENTIBVS ADEO LARGITIONIBVS

ESVRIENTEM PLEBEM SVSTENTAVIT

QVAE MALORVM EXTREMVM ID PVTAT

EVM SIBI PRAEREPTVM

CVIVS PIETATE MALA TOLLERARE ADSVEVIT

QVIQVE

QVVM VIVENS SOLOS QVOS IGNORAVIT NON ALVERIT

MORIENS PATRIVM TECTVM ORPHANIS

ADSIGNAVIT

PATRIMONIVMQVE PAVPERIBVS

FACILEM SVI ADMIRATIONEM

IN PATRIA RELINQVENS

DIFFICILEM AEMVLATIONEM

DECESSIT III. IDVS OCTOBR. MDCCLXXXIV.

*In funere Iosephi Lupoli*

*Ibidem.*

I.

IOSEPHO LVPOLI

PARENTALIA

PERSOLVUNTUR

QVI QVI TRANSIS INTROGREDERE  
PACEM ILLI ADPRECATURVS

II.

QVIETI AETERNAE

IOSEPHI LVPOLI

PRESBYTERI DOCTISSIMI

QVEM

VIRI PROBI COLVERE

SVSPEXERE ET IMPROBI

NVNC OMNES LVGENT

AC MAGE MISERI

OPE DESTITVTI ET CONSILIO

FRATRI DESIDERATISSIMO

LAURENTIVS

AD LVCTVM RELICTVS

VIXIT AN. LXXIV.



## III.

NIL QUIDQVAM MORS DIRA NOCES IN FVNERE IVSTI  
 NECTVA TELAGRAVANT NEQVEASQVEM INCLVDERE SAXO  
 ADSTATQVOI PROBITAS VIRTVTVM ET FAMA SVPERSTES  
 QVEM TVMVLII INDIVLSA COMES SVSPIRAT HONESTAS  
 SCILICET IS TOTO **IOSEPHVS** TEMPORE VITAE  
 EXSTITIT ET NVMQVAM VIRTVTIS TRAMITE FLEXIT  
 IVSTITIAE CVLTOR CONSTANS PATIENSQVE BENIGNVS  
 PAVPERIBVS LARGVS MISERIS SOLATIA PRAEBENS  
 ELOQVIO CLARVS NVLLI PIETATE SECVNDVS  
 MAGNANIMVS SAPIENS SOLLERS PRVDENSQVE FIDELIS  
 I NVNC **IOSEPHVM** TORVO MORS INVIDIA VVLTV  
 TERRETO ATQVE TVAS IN EVM OMNES EXERE VIRES

## IV.

*Sub imagine.*

SI POSSENT ANIMI CEV POSSVNT CORPORA PINGI  
 DOCTRINA ET PIETAS QVAM BENE PICTA FORET

*Periocha.***IOSEPHVS LVPOLI PRESB. AVERSANVS**

VIR GRAVITATE FIDE CONSTANTIA ATQVE PIETATE  
 CLARISSIMVS INGENIVM A NATVRA SORTITVS  
 EST VERSATILE AC PLANE PRAESTANS INTERIORIBVS  
 LITTERIS ET CVLTIORI ERVDITIONE NEMINI FORTASSE  
 SECVNDVS SACERDOTIO INAVGV RATVS ARCTIOREM  
 AMPLEXVS EST DISCIPLINAM IN ECCLESIASTICA  
 INVVENTVTE INSTITVENDA SE TOTVM CONSVMP SIT EO  
 RATIONEM OMNEM INTENDENS VT QVAM LABORIOSIS  
 VINEAE DOMINI CVL TORIBVS ECCLESIA GAVDERET TVM  
 POPVLORVM SALVTIS STVDIOSISSIMVS IN  
 FIDEI PRAEDICATIONE SEDVLVS IMPIGER STRENVVS  
 VIGINTI PAENE ANNOS CONTRIVIT VIR ET NATVRA ET  
 INSTITVTO AD DIGNITATEM FACTVS A DIGNITATIBVS  
 ABHORRUIT CELSITVDINEM ANIMI TANTA MISCVIT  
 DEMISSIONE VT VEL MINIMIS SE SE FACILE VEL  
 EXAEQVARET VEL SVBICERET SVAM INDVSTRIAM  
 DEXTERITATEM PRVDENTIAM ET EXQVISITVM IVDICIUM

OMNIBVS PROBAVIT NEC VLLVS EO FELICIOR SIVE IN  
 ANIMORVM AESTIBVS COMPESCENDIS SIVE IN MOTIBVS  
 SEDANDIS SIVE IN IVRGHS ET DISSIDIIS COMPONENTIS  
 QVOS POTVIT ET QVA QVA POTVIT OPERA ETIAM IN  
 VITAE DISCRIMINE NON RARO POSITVS INVIT PAVPERES  
 PER DOMOS VESTIGABAT PROLIXAS ELARGITIONES IN  
 SINU EORVM ABSCONDERE SOLITVS DOMVI SVAE EA  
 PRAEFVIT SEDVLITATE VT SI QVA PARTE VEL  
 PIETATIS IN DEVM VEL PACIS ET CONCORDIAE INTER  
 SE NERVVS ELANQVISSET OPPORTVNE EI MEDENDAE  
 PARTI OCCVRRERIT FRATRIS FILIOS QVOS IN TIMORE  
 DOMINI INSTITVIT MAIORVM PROPOSITIS EXEMPLIS AD  
 VIRTVTIS VIAM TERENDAM PROVOCAVIT DEMVM QVVM  
 SIBI ET SVIS ET PATRIAE CVMVLATISSIME  
 SATISFECERIT TRANQVILLITATE INCREDIBILI VELVTI  
 MISSIONE DE CORPORE ACCEPTA IN DOMINO QVIEVIT

III. IDVS APRILES

ANNO M. DCC. LXXXVII

QVO MORTVO NON LEVE VVLNVS

PATRIAE INFLECTVM

*In funere pro Caroli III. Hispaniarum Regis.  
Neapoli in Ecclesia S. Jacobi Gentis Hispanae.*

## I.

## CAROLO III.

HISPANIARVM. NOVI. QVE. ORBIS. MONARCHAE

EXTREMA . PIETATIS . OFFICIA

CHRISTIANO . RITV . PERSOLVVNTVR

INGREDERE . QVISQVIS . ES

ET. AETERNI. REGNI. CVM. CHRISTO. CONSORTIVM

PRINCIPI. OPTIMO. MAXIMO. BENEMERENTISSIMO

ADPRECATOR

## II.

HEM . QVALIS . QVANTVS . QVE . HEROS

IN . ORBE . TERRARVM

DESIDERATVR

QVVM . RELIGIO . IVSTITIA . HVMANITAS

CLEMENTIA . MANSVETVDO . BENEFICENTIA

LAMENTANDO . LESSVM . MORTVO . FACIANT

III.

CAROLO III. BORBONIO

HISPANIARVM.ORBIS.QVE.ALTERIVS.MONARCHAE.P.F.A  
 PHILIPPI. REGIS. F. LVDOVICI. DELPHINI. N  
 LVDOVICI. MAGNI. GALLIARVM. REGIS. PRON  
 BONO. ORBIS. TERRARVM. NATO  
 QVI. VTRIVS. QVE. SICILIAE. REGNO  
 ARMIS. VINDICATO. ATQVE. RESTITVTO  
 PACE. TERRA. MARI. QVE. PARTA  
 POPVLORVM. SVORVM. INCOLVMITATI  
 PATERNA. ADEO. CLEMENTIA. PROSPEXIT  
 VT.IIINC.AD.HISPANIAS.REGVNDAS.EVOCATVS  
 QVO. SVI. DESIDERIVM  
 ALIQUA.PARTE.SVIS.LENIRET.AC.MITIGARET  
 FERDINANDVM. FILIVM  
 VIVAM. PATERNAE. VIRTVTIS. IMAGINEM  
 REGEM.VTRIVS.QVE.SICILIAE.RENVNTIAVERIT  
 MOX. HISPANIA. NOVIS. COLONIIS  
 ET. ARTIBVS. AMPLIFICATA  
 AC. TOT. TAM. QVE. DISSITIS. REGNIS  
 RELIGIONE.AC.LEGIBVS.SAPIENTISSIME.FIRMATIS  
 DEBITVM. NATVRAE. PERSOLVIT  
 VIXIT. ANNOS. LXXIII. REGN. AN. LIV  
 DECESSIT. ANNO. MDCCLXXXVIII

## CAROLVS III.

REX . AVGVSTISSIMVS

POPVLORVM . COMMODIS . ET . FELICITATI

SEMPER . INTENTVS

PORTVM . AMPLIAVIT

VIAS . VETVSTATE . CORRVPTRAS . REFECIT

ALIAS . QVE . APERVIT . ET . COMMVNIVIT

REGNI . PAVPERIBVS

HOSPITIVM . PARAVIT . ELEGANTISSIMVM

IN . QVO . ARTES . OMNES . EDISCERENT

CASERTAE . PRAETORIVM

AMPLITVDINE . AC . MAGNIFICENTIA

SANE . ADMIRANDVM . A . FVNDAMENTIS . EREXIT

AQVA . IVLIA . PER . STVPENDOS . FORNICES

ET . MONTES . PERFORATOS . PLVS . MINVS . XXV . M . PAS

IN . DOMVS . AVG . ET . POPVLI . COMMODVM . DERIVATA

CASTRENSI . DISCIPLINA . INSTAVRATA

IN . PRAECIPVIS . REGNI . VRBIBVS

INGENTIA . STATIVA . PRAESIDIA . CONSTITVIT

QVID . NON . POSTHAC . FACTVRVS

NISI . TANTVM . PRINCIPEM

HISPANIAE . NOBIS . INVIDISSENT

## CAROLVS . III

HISPANIARVM . REX

HERCVLANEO . POMPEIIS . STABIIIS

IAMDVDM . VESEVI . CONFLAGRATIONIBVS

SVBVERSIIS . AC . SEPULTIS

A . SE . PRIMITVS . INSIGNI . IMPENSA . SVA

STVDIO . QVE . INCREDIBILI . ERVDERATIS

LONGE . ILLVSTRIOREM

QVAM . ALII . POPVLORVM . DOMITORES

POPVLANDIS . ATQVE . EVERTENDIS . VRBIBVS

SIBI . GLORIAM . PEPERIT

CAROLVS . III

QVOD . REGNVM . NEAPOLITANVM . ET . SICVLVM  
 RESTITVTO . PER . PRAESENTIAM . SVAM . SPLENDORE  
 EREXERIT . SAPIENTISSIMIS . LEGIBVS . EMENDARIT  
 IMMORTALIBVS . OPERIBVS . AVXERIT  
 ARTIBVS . VNDE . VNDE . ACCITIS . ERVDIERIT  
 AC . LOCVPLETARIT  
 AETERNVM . SVI . DESIDERIVM . IN . HISPANIAS  
 CONCEDENS . RELIQVIT  
 EO . QVE . IPSO . NEAPOLITANIS . AC . SICVLIS  
 MAXIME . CARVS . AC . DESIDERANDVS  
 QVOD . RELICTO . HEIC . SVCCESORE . FILIO  
 FERDINANDO . IV . SVI . SIMILLIMO  
 NE . DESIDERARETVR . EFFECIT



*Neapoli in funere eiusdem Caroli III.  
in Phratia SS. Sacramenti Equitum Hispanorum.*

## I.

*Supra templi fores extrinsecus*

HVC VOTA HVC ANIMVM

ADVORTE

CIVIS HOSPESVE FVAS

CAROLO III HISPANIAR MONARCHAE

SACRI HISPANORVM EQVITVM COETVS

MODERATORI PRIMO

PACEM ET REQUIETEM PVRA MENTE

ADPOSCITO

## II.

*In tumuli fronte qua parte fores spectat.*

HOSPES SISTE ET LAGRUMA

HIC ILLE CAROLVS BORBONIVS

PHILIPPI V HISPANIARVM REGIS FILIVS

POPVLORVM PACIFICATOR INVICTVS AVGVSTVS

QVI

MAIORVM SVORVM VESTIGHS INSISTENS

EX RELIGIONE

IVSTITIAM ET MORES INNOCENTISSIMOS

EX HVMANITATE CLEMENTIAM ET MANSVETVDINEM

EX MAIESTATE MVNIFICENTIAM

EXPRESSIT

QVIQVE VNAM RATVS VERAM ESSE FELICITATEM

POPVLOS REDDERE FELICES

DVM PVBLICAE SALVTI EXCVBAT

FATO EHEV QVANTVM IMPORTVNO INTERCIPITVR

## IV.

*In reliquis tumuli lateribus hinc inde.*

## C A R O L O III

HISPANORVM REGI INCLITO PROVIDENTISSIMOQVE

QVOD QVVM

SAECVLI FELICITAS EVM VTRIVSQVE SIGILLAE

RECTOREM DEDIT

VRBIS AMOR REGNI DELICIVM ORBIS MIRACVLVM

EXSTITERIT

QVOD PACIS ARTIBVS CLARISSIMVS

LITTERIS PROPE INTERMORTVIS

SPIRITVM AC LVCEM REDDIDERIT

QVOD CIVIVM COMMODO

BIBLIOTHECAM AMPLISSIMAM

ET DVO INSUPER GAZOPHILACIA

VETERVM MONVMENTORVM

CREXERIT

PRINCIPI OPTIMO MERENTISSIMO

LITTERARVM BONARVMQVE ARTIVM

RESTITVTORI

EQVITES HISPANI GEMEIVNDI PP

## V.

SECVRITATI PERPETVAE

## CAROLI III

HISPANIARVM ORBISQVE ALTERIVS

MONARCHAE CATHOLICI

AVGVSTI TRIVMPHIATORIS INVICTI

QVI PORTV AD COMMERCIA FREQVENTANDA

VIIS ET OPERIBVS QVAM MVLTIS EXCITATIS

POPVLORVM VOTA LONGE SVPERGRESSVS EST

QVI RELIGIONE PIETATE

CETERISQVE REGIS ANIMI DOTIBVS

SAECVLO ORNATO

SVI NOMINIS GLORIA AETERNITATI COMMENDATA

EX TERRENIS REGNIS

IN BEATAM CAELI SEDEM EVECTVS

DIFFICILEM SVI IN TERRIS

RELIQVIT REGIBVS AEMVLATIONEM

*Venusiae pro funere eiusdem Caroli Regis  
in Ecclesia Cathedrali.*

*Ad Templi Januam forinsecus.*

## I.

LYCANVS . AN . APPVLVS  
QVICVMQVE . INGREDERIS  
FVNERI . EHEV . ILLACRVMA

CAROLI . III.

HISPANIAR . REGIS . CATHOL . POTENTISSIMI

*Supra Januam intrinsecus*

## II.

IN . AETERNITATE . TEMPORVM  
TVAE . VIRTVTIS . FAMA . DVRABIT  
CAROLE . REX  
QVANDO . PER . TE  
POPVLIS . SALVS . ET . TRANQVILLITAS  
SACERDOTIO . DIGNITAS  
RELIGIONI . ET . PIETATI . DECVS  
RESTITVTVM . EST

*In lateribus tumuli*

V.

LITTERAE . ET . ARTES . LIBERALES  
 AB . INTERITV . VINDICATAE  
**CAROLI . III . NOMEN**  
 IMMORTALITATI . COMMENDANT  
 QVOD . PRAECIPVE . EARVM . CVLTVM  
 BONO . POPVLORVM . MAXIMO  
 IN . CUNCTIS . REGNI . PROVINCHS  
 PROPAGAVERIT . ET . AVXERIT

VI.

MAGNO . INVICTO . REGI  
**CAROLO . III . BORBONIO**  
 FVNDATORI . PACIS . PERPETVAE  
 POPVLORVM . PARENTI . MERENTISSIMO  
 QVOD . AVITIS . REGNIS . RECIPERATIS  
 NOVAM . APTISSIMAM . QVE . POLITIAE . FORMAM  
 APPVLIS . LVCANIS  
 AC . PROVINCIALIBVS . VNIVERSIS  
 DEDERIT  
 ORDO . POPVLVS . QVE : VENVSINORVM  
 DOMINO . DESIDERATISSIMO . M . P

## CAROLVM III.

REGEM . INCLITVM . SEMP . AVG

QVOD . GRATO . PROVINCIALIVM . ANIMO

CONTENTVS

MAXIMA . INDVLGENTIA . AC . LIBERALITATE

II-S . PLVRA . CENTENA . M . NVM

LIBENS . II-S . REMISERIT

VENVSINI . CIVES

PRINCIPEM . BENEFICENTISSIMVM

TERRIS . COMMODATVM

NVNC . HEV . ADEMPTVM

VOTIS . INCENSISSIMIS . ET . LACRIMIS

PROSEQVNTVR

*In Anniversario Fune Iosephi Danielii  
Ad divi Clementis in cognomine pago Casertani agri*

I.

*Supra Templi januam.*

IOSEPHO · DANIELIO

PVBLICE · PARENTATVR

HAVD.ACERBIORI.QVISQVAM.ELATVS.FVNERE.EST

CVI.PAR.MERITIS.ALTER.NON.OBIIT.CIVIS

FVNDE · PRECES · QVISQVIS · INGREDERIS



## II.

*In antica temporarii mausolei parte.*

MEMORIAE . ET . QUIETI . AETERNAE

IOSEPHI . DANIELII

PATRITII . SYRACUSANI . ET . CAMPANI

VIRI . HUMANIORVM . LITTERARVM

HABD. MINVS . QVAM . SEVERIORVM . DISCIPLINARVM . CVLTV  
SPECTATISSIMI

QVIQVE . AD . HONESTATIS . FORMAM . PROPE . FACTVS  
TANTA . APVD . ORDINES . OMNES . CLARVIT . FAMA  
QVAM . ET . TEMPORVM . ACERBITAS

INCREDIBILI . ANIMI . FORTITVDINE . AB . EO . TOLERATA  
LONGE . PLVRIMVM . AVXIT

VT . VERE . SVI . TEMPORIS . PHILOSOPHVS . CHRISTIANVS .  
CONSTANTI . OMNIVM . IVDICIO . AUDIERIT  
HVIC

FRANCISCVS . FRATER . ET . DOMINICVS . FILIVS

ANNIVERSARIA . PARENTALIORVM . OFFICIA

PERSOLVENDA . CVRAVERE

DESIDERATVS . EST . NEAPOLI . PRID . KAL . NOVEMBRES

CIDIDCCCVII

ANNOS . NATVS . P . M . LXV .

## III.

*In agrum dextrorsum.*

QVISQVIS . ES

MEIS . NE . ILLACRIMARE . CINERIBVS  
MORTALE . QVOD . FVIT . SVRRIPVIT . MORS

POENA . HOMINIS . MISERI

AT . IMMORTALE . QVOD . EST

AETERNA . FRVITVR . SECVRITATE

TEQVE . OBTESTOR . TERRA

TENEAS . PARVMPER

TERREVM . MIHI . QVOD . COMMODASTI  
CREDO . NAM . QVOD . IN . NOVISSIMA . DIE

SVRRECTVRVS . SIM

ET . IN . CARNE . MEA

VIDEBO . DEVM . SALVATOREM . MEVM

## IV.

*In agrum sinistrorsum.*

HEV · INANES · MORTALIVM · CVRAS  
FRVSTRA · HONORES · EX · MILITIAE · PERICVLIS  
ET · NOMEN · EX · PVLVERE · LITTERARIO  
QVAESIVI  
NVNC · TANDEM · SECVRVS · QVIESCO  
PERPETVAM · AB · ANXIETATE  
NACTVS · VACATIONEM  
QVIQVI · LEGIS  
AETERNITATEM · COGITA

*In postica temporarii mausolei parte:*

IN . PACE . CVM . CHRISTO . VIVAS . IOSEPHE

AT . NOSTRI . NON . OBLIVISCITOR

TANTIS . QVOS . LIQVISTI . IN . PERICVLIS

QVOS . AD . LACRIMAS . LIQVISTI

QVIN . SVPERAS . INGRESSVS . SEDES

RESPICE . HINC

CONIVGEM . DESOLATAM . FRATREMQVE . ET . NATVM

AMANTISSIMOS

ET . PATRIAM . TVI . ABITIONE . CONCISAM

IOSEPHE . VIVAS . IN . PACE

*In funere M.<sup>a</sup> Carolinae Austriacae Siciliar. Reginae  
in Cathedrali Ecclesia Montis Pelusii  
VII. Id. Octobr. MDCCCXV.*

## I.

*Supra Templi fores extrinsecus.*

CIVES . VESTRAM . OPEM  
VESTRA . NVNC . ROGAT . SVFFRAGIA  
MARIA-CAROLINA-AVGVSTA  
INGREDIMINI  
ET . PIA . PRECE . VOTIS . QVE  
AETERNAM . IN . CHRISTO . PACEM  
REGINAE . BENE . MERENTISSIMAE  
ADPOSCITE

*Intus supra Templi portam.*

HÆC · ILLA · MARIA · CAROLINA  
FERDINANDI · DOMINI · NOSTRI · REGIS

CONIVX

QVAE · FACTIS · ET · CONSILIIS

REM.NEAPOLITANAM.PUBLICAM.PAENE.PESSUMDATAM

RESTITVIT

EHEV.QVAE.POPVLORVM.ERAT.AMOR.ET.EXPECTATIO

NYNC.DOLOR.EST.AERVMNA.ET.LACRYMAE

OBIT . VINDOBONAE . IN . NATALI . SOLO

VII . EIDVS . SEPTEMBRES . CIDICCCCXIV

## III.

*In fronte tumuli , qua parte fores spectabar.*

HEV . SPES . MORTALIVM . FALLACES

MARIAM . CAROLINAM

IN . MEDIO . MAGNARVM . RERV . CVRSV

RAPTAM . INGEMISCIMVS

ET . CVI . EX . HOSTE . TRIVMPHATO

TROPAEA . PARABAMVS

EHEV . DARE . COGIMVR . INFERIAS

INVIDA . MORS . SI . POSSIES

TRIVMPHOS . IN . FVNERA . VERTERE

I . AVDE . VRGE . DENVO

ET . VIRTVTEM . IN . TVMVLVM

DIGRESSA . E . REGNO . REGINA . VIRO . QVE . RELICTO  
SYM . LATAS . EVROPAE . ASIAE . QVE . VAGATA . PER . ORAS  
REGNANTVM . FOEDVS . MAGNV . QVE . INITVRA . NOVVM . QVE  
IMMANI . ET . POSITVRA . MODVM . CAROLINA . DVELLO  
VIX . RE . PERFECTA . VOBIS . ME . REGIA . CAELI  
INVIDET . AETERNVM . REGNATVRAM . AETHERE . SVMMO  
HAVD . IGITVR . VACVO . LACRIMAS . ADSPERGITE . BVSTO  
HINC . PRECE . VOS . POPVLI . MATERNO . ET . AMORE . FOVEBO



NON . ATAVIS . ESSE . SATAM . AVGVSTIS  
NEC . REGIS . CIRCVMFVLSSISSE . HONORIBVS  
SED . IN . SVMMO . RERVM . HVMANARVM . FASTICIO  
MENTEM . AEQVI . RECTI . QVE . TENACEM . SERVASSE  
IN . ADVERSIS . ROBVR . ANIMI . INVICTVM  
IN . BLANDIENTI . FORTVNA . TEMPERANTIAM  
HOC . AETERNAM . VBIQVE . FAMAM  
MARIAE . CAROLINAE . REGINAE  
COMMENDABIT

## PRAETERMISSA

SPIS LOCIS INSERENDA.

*Ad pag. 18. vers. 13. post illa verba: AD EMPTIO-  
NEM POSSESSIONIS CIVIS DE REDITU DIE NATALIS SVI  
SPORTVLAR DIVISIO SEMPER CELEBRARETVR LARGITVR  
EST, statim adsuas quae sequuntur.*

Porro enim non rarum id in antiquis lapidibus,  
quod quis fundos, praedia, possessionesque eme-  
rit, assignarit, donaverit, ut ex reditu earum  
DIES NATALIS suus quoto anno celebraretur. Oblatus  
est mihi ante hos dies lapis Puteolis in aede Mon-  
solinorum, quem huc transferre e re censeo:

IN PRAEDIIS  
AVGVSTALIVM CORPORAT  
QVAE EIS L. LAECANIVS  
PRIMITIVOS CVRATOR IPSOR  
PERPETVVS DEDIT ITA VT EX REDITU  
EORVM QVOTANNIS DIE NATALIS SVI  
II. K. IAN. DIVISIO FIAT ET EPVLENTVR

Et Ferentini ex Mur. cet.

*Ad pag. 23. in fin.*

In his at dum versabar, forte apud **EBVRVM** (*Eboli*) quum ad Ecclesiam Parochialem Sanctae Mariae constitissem, vidi ad turrim campanariam saxum vetustate prope exesum, quod notis excipere prorsus desperabam. Epigraphes autem huiusmodi est:

L . D . D . D

T . FL . T . F . FAB . SILVANO . PATR . MVN  
EBVR . II . VIR . II . QQ . QVEST . ARK . CVR  
REI . FRVMENT . HVIC . COLL . DEND  
ROPHORR . OB . EXIMIAM . ERGA  
SE . BENIVOLENTIAM . ET . OPEM . PER  
PETVAM . STATVAM . DIGNISSIMO  
PATRONO . POSVERVNT . CIVIS . STA  
TYAE . HONORE . CONTENTVS . OBT  
VLIT . COLL . HS . VIII . M . N . VT . QVODANNIS  
NATALI . EIVS . DIE . III . IDVVM . DECEMBR  
CON . FREQVENTENT . ET . OB . STATVAE  
DEDICATIONEM . CONTVLIT . HS . XXX . N . II  
QQ . II . VIR . AEDILIC . SING . ET . LIBE  
RIS . EOR . DEC . SING . HS . XX . N . VI . VIRIS . AVGVS  
TALIB . HS . XII . N . COLL . DENDROPHORR  
FAB . SING . HS . MILLE . N . ET . EPVLVM  
PLEBEIS . SING . XII . N . ET . VISCERATIONEM

Sane miratus sum quam qui maxime, qui factum, ut tam insigne monumentum, ad viam publicam prope positum nemo ad hanc usque aetatem viderit. Nec enim Grutero, Reinesio, Fabrettio, Gudio, Muratorio cognitum, nec geographis Clu-

verio, Cellario, Holstenio, Ortelio, et cui cuivis ex nostratibus. Ut autem quod ad rem nostram facit, mittam (vel enim quisque per se intelligit statuant T. Flavio Silviano PATRONO MVNICIPII EBVRINORVM, eo adhuc in vivis agente positam, cuius tamen Natalis dies III. IDVVM DECEMBER. signatur) de eo maxime gavisus sum, quod EBVRVM antiqua urbs ac Municipium, cuius nullum omnino vestigium cum in nummis, tum in inscriptionibus, in isto lapide primum compareat. Hem quanta lux hunc Plinio adfulget! Nimirum EBVRINI ab historico memorati, illius prorsus urbis incolae fuerunt, quae nunc *Eboli* vulgari voce adpellatur. *Lucanorum* (1) autem, inquit,

(1) Hallucinaturn hac in re Plinium vult Cluverius, atque vicinitatis errore ad Lucaniam adscripsisse autumat Eburinos, qui cerle ad Picentinos suo iudicio erant amandandi. Pari ratione Pomponium Melam veluti indiligentem Italiae descriptorem taxat lib. II. Cap. IV. quod omnem Picentinarum regionem Lucaniae adtribuerit, inquiens: *Adverso littore incedens Poestanus sinus, Poestum opidum, Silarus amnis, Picentia, Petrae quas Sirenes habitavere, Minervae promontorium, OPIMA LUCANIAE LOCA.* Sed haud ita rerum nostrarum, locorumque ignaram Plinium reor ego. Praeterquam enim graecum in ora

Lucaniae opidum PICENTIAM fuisse ex nummis Mayeranis constat, quibus inscriptum ΠΙΚΕΝΤΙΩΝ, videtur Cluverius parem tenuisse rationem regionis Lucaniae, Campaniae, aliarumque, quam Picentinarum, quae arctissimis finibus circumscripta continebatur, et incertis adeo, ut ardua res prorsus sit ex Ptolomaeo, Strabone, Mela, Plinio certi aliquid decernere. Ptolomaeus *Nolam*, et *Nuceriam* Alphenam Picentinis adscribit, quae Campaniae urbes fuerent. Plinius lib. III. Cap. V. Junonis Argivae fanum (hodie *Gifuni*) in Picentinis ponit: *A Surrento ad Silarum amnem triginta millia passuum ager Pi-*

*Atinates, Bantini, EBFIRINI, Grumentini, Potentini, Sontini, Sirini, Tergilani, Vrsentini, Volcentani.* Quum autem id reliquum esset, ut marmoris aetatem coniectando divinarem, de qua maxime solliciti erant, qui me circumstabant amici, sorte datum, ut adiacentes Ecclesiae hortos ingressus litterarum lineamenta quaedam in laevo lapidis latere interviderim. Nulla mora, sed sum-

centinus fuit Tuscorum, templo Junonis Argivae a Jasone condito insignis. Contra Strabo lib. VI. Post Sitaris ostium Lucania est, et Junonis Argivae templum, quod a Jasone constructum. Cui Plutarchus suffragatur in Vit. Pomp. In Samio, Argisque, et in Lucania Junonis. Item vero non alias mediterraneas urbes in Picentinis numerat Plinius loc. cit. quam Salernum, et Picentia. Ex adverso Salernum a Romanis contra Picentinos munitum tradit Strabo in fin. lib. V. Ταύτην δὲ Πικεντίνων ἀρχαίη μητρόπολις Πικεντία ἦν· καὶ καλεῖται καὶ ἀπὸ τοῦ Πικεντία, ὅθεν ὁ ὄνομα· διὰ τοῦτο καὶ ἀπὸ τοῦ ὀνόματος τοῦτο καλεῖται· διὰ τοῦτο καὶ ἀπὸ τοῦ ὀνόματος τοῦτο καλεῖται. Picentinarum caput fuit Picentia. Nunc vero per vicos habitant, a Romanis Urbe expulsi, quod Hannibali se se coniunxissent. Praesidii vero loco adversum eos communiverunt Romani Salernum haud procul a mari. His omnibus tandem ad-

das, quod Picentiam ipsam, a qua nomen Picentinis factum, in Lucania constituit Mela loc. supra cit. Ergo, uti videtur, Picentinarum antiquo originis nomine compellati fuerunt cum urbis tum pagorum, ac totius vicinia incolae, maxime post urbem secundo bello punico prorsus deletam, eo ferme modo, quo Volcentani. Sane Volcentum, Vulcetum, et Piolomaeo Vulci, nunc Buccino, Urbs erat, cuius opidani Volcentani Melae dieuntur. Nec tamen urbis incolae tantum eo nomine designati, sed et pagorum, vicorumque habitatores. Ante hos annos vidi ibi egomet ad excisae arcis murum praegrande saxum temporum injuria deformatum, in quo (Acilio Severo, et Vettio Rufino Coss. an. sc. Christi cccxv) singuli pagi cum suis fundis, et iugerationibus notabantur. Ita Pagus FORENSIS, Pagus ASTORIANUS, Pagus NARANUS, Pagus SICINIANUS, (qui veteri nomine adhuc

mo labore, erat enim id latus iniuria temporum omnino corruptum, lectionem exprompsi, quae haec est :

DEDICATA IV. KAL. APRIL

M. STLACCIO AL

BINO C . . . . . STEIAN

Scilicet sub Imperatore Commodo statuum cum inscriptione positam hinc edidici anno Urbis conditae CMXXXV. Christi vero CLXXXIII. quo M. Sllacium consulem processisse ex Panvinianis fastis constat. Nec mihi negotii quidquam facessit, tabula

hodie adpellatur *Sicignano*) Pagus TRASIMIANVS cet. licet propriis adpellationibus distinguebantur, Volcentani tamen omnes dicti. Atque ubi, et quo puncto posita fuerit Picentia urbs, frustra ex Strabonis corruptissimo loco intelliges. Sane Gronovius in not. ad Steph. Bizant. voce Πικεντία ait: *Huius urbis nunc nedum cinneres exstant.* Cluverius sursum deorsum omnia agens, et ipsis maxime obstrepentibus Itiuerariis Picentiam ponit ubi nunc *Balvanum* iacet. Vnus adcuratissime omnium Lucas Holstenius pag. 263 rem acu tetigit: *Inter Salernum, et Ebulos transitur locus BICENZA dictus, quem adlabitur fluvius vulgo dictus il Bicentino VII. M. P. a Saler-*

*no, et XIII. M. P. a Silaro distans. Unde nullo modo dubitandum, quia haec ipsissima sit Picentia, quae in Picentino non meditullio sita, nomen genti dedit. Egrege quidem! Atque eo magis, quod cum eo situ adprime nummi Mayerani conveniunt, in quibus pisces in orbem sculpti visuntur, symbolum id vel maritimae, vel parum a mari dissitae urbis. Atque his immorari non piguit, ut pateat, quo prope loco insederit gens Picentina, sive (ut Strabonis verbis utar) particula illa a Picentibus, qui Adriaticum mare incolunt, evulsa, et ad sinum Posidoniatem traducta, qui nunc Poestanus dicitur.*

quae Romae prostat ad SS. Apostolos, in qua M. SULLAEVS ALBVS TREBELLIVS SALLVSTIVS RVFVS Consules illius anni dicuntur. Nam, uti reor, Trebellio Rufo, ab Imperatore Commodo occiso (Lamprid. in *Vit. Commod.*), in eius locum alter aliquis suffectus est, de quo in nostra inscriptione (1).

(1) Quid, si quis contendat  
nunc, ad urbem hanc pertinere  
marmor Romæ ap. Gudrium p.  
xv. l.

CECEREM . FRVGIF  
ET . ANNONAE . P . R  
MVNICIP . EBVRANEI  
CYRATORES

~~~~~

Sed ut quod sentio, ingenue dicam, lapidem potius ad *Eburam* Baeticam amandandum duco, quae sive inter Baetim, et Ocea-

ni oram in mediterraneo, sive in littore Oceani post Gades fuerit, non satis ex Strabone, Meib., Plinio, Stephano Bizantino constat. Namque Plinius idem auctor est, *Eburum* Baeticam ex ubertate frugum peculiari cognomine dictam CEREALEN (vide Bochart. in *Chanaan*). Ceterum si temporum *Eburae* Baeticae fertilitatem cum feracissimo EBURY nostri agro compares, profecto cognomen hanc urbem pari titulo dicendam dices.

*Ad pag. 33. vers. 11. post illa verba: sit sepulcro con-*  
*signatus, addas haec:*

Antiquus lapis Ferentinus a Murat. *p. DCCXLII.* produ-  
citur, quem sane dolet non fractum tantum, sed et mutilum, et capite minutum, ac omnino  
deformem exhiberi, et contra suam lectionem. Cuius cuiusmodi tamen sit, satis id ad rem no-  
stram facit, quod hominem prodat, qui condi-

TVS SIT XIII. OCTOBR. DIE NATALIS SVI. Lapis autem  
huiusmodi est :

DI TVS SIT XIII. OCTOBR. DIE NATALIS SVI  
BVS ET. X. VIRIS ET QV. VI. VXORIBVSQVE  
TRIBVS ET FILIABVS SORORIBVSQVE SIMVL  
TIB. II. EM. VI. VIRIS AVG ET  
VXORIBVS EORVM  
VS SPORTVLAS ITEM POPVLO FIERI ET  
PVERIS NVCES SPARGI DIE SS. ET  
LVMINATIONE

Nimirum ut in Ferentinati titulo, recurrente post annos die nativitatis suae, conditus est iste, ita et de P. Petreio Quadrato dicitur in Fleetvodiano cippo, quod die Natali V. Idus Apriles reliquiae eius conditae sunt. An vero, quod quis ipso nativitatis die post annos decesserit, vel conditus fuerit, ideo Natalis vocem ad diem emortualem significandam contendas adpositam? Apage! Nec infrequentia sunt in re lapidaria huiusmodi exempla. En in promptu *cel.*



## SOSII MART. ET SEVERINI PRESBYTERI (1),

**A**NNO ab Incarnatione Domini nostri Iesu Christi millesimo octingentesimo septimo; ab passione beatissimi Sosii, Misenatis Ecclesiae Diaconi, qui sub Diocletiano Imperatore, Consulatu Constantii Caesaris IIII. Galerii Maximiani IIII. martyrium detruncato capite pro Christi fide suscepit, millesimo quingentesimo secundo (2); ab translatione post excisum Misenum eiusdem Sancti Martyris Neapolim, nongentesimo quarto (3); ab dormitioe sancti Presbyteri Severini, Noricorum

(1) Edita Neapoli typis Simonianis an. MDCCCVII.

(2) Conferis Acta Bononiens. S. Ianuar. Sosii, et Sociorum martyrum. apud Mazochium *Kalendar. Neap. tom. I. tum Actor. Indic. Repetit.* Itemque Vaticana apud Ioan. Stillingum *Act. SS. Ianuarii Episcopi, Sosii cet. commentar. illustr.* Porro Constantii cum Galerio Maximiano Consulatus iste incidit in annum CCCV. Et quidem hoc anno martyrium, capitis abscissione complexisse Sosium, ex Menaeis, et Anthologio, tum ex innumeris graecorum, lati-

norumque monumentis constat.

(3) Quidquid sit de discrepantibus clarissimorum virorum Mabillonii, Muratorii, Mazochii, Sabatinii, Assemanii, Stillingii supputationibus, qui tenebras potius nobis offuderunt, unus certe omnium hac nostra setate in rebus mediis sevi consummatissimus P. Alexander de Meo rem veluti acu teligit in *Annal. Diplom. della mezzana età del Regno di Nap. tom. V.* Sane neminem latet controversiam omnem in eo versari, unde potius anni XXIV. Leonis, et Alexandri ducendum initium,

Apostoli, qui Attila Hunnorum rege defuncto, turbatis in utraque Pannonia rebus, Austriam Evangelium propagaturus advenit, ibique in Norico Ripensi trans montem Cetium innumeris clarus

cui Ioannes Diaconus translationem S. Severini consignat; quem alii putant incidere in an. Chr. 920. cordatiores alii eum Stiltingo in an. 909. Sed percommodè factum, quod eodem anno Ioannes Chronographus non eam tantum translationem memoraverit, sed et Abrahami Regis Saracenorum obitum. Porro quo anno fato cesserit Abrahamus iste, haud arduum erit ex innumeris aevi mediæ monumentis erucere. Nimirum Lupus Protospata in *Chronic.* (ex MS. codice Ducis Adriensis) *ad an. 902.* inquit: *Descendit Abraham in Calabria, et ivit Cosentiam civitatem, et percussus est ietu fulguris.* Cum Lupo consentit antiquior Chronographus Barensis: *Hoc anno (902.) descendit Abraham Rex Saracenorum in Calabria, et mortuus est in Cosentia, in Ecclesia S. Pancratii.* Accedit Chronographus Romualdus in *Chronic.* *Salern.* *Eodem anno (902.) in nocte visi sunt igniculi in modum stellarum per aera discurrentes; qua nocte Rex Africae, residens super Cosentiam Calabriæ civitatem, Dei iudicio mortuus est.* Ex quo et consequens insuper patet inter Chronographum Salernitanum, et Ioannem Diaconum. Ille enim in ve-

speris diei Dominicæ 24. Octobris an. 902. et Abrahami mortem, et simul ignes eadem nocte per aera discurrentes memorat. Hic vero expresse testatur S. Severini corpus die 18. Octobris ex Lucullano translatum, atque *sex dies effluerant* (qui incidunt amissim in 24. Octobris) *et ecce visu formidabile prodigiū. Astra toto passim coelo confusa, iugem volarunt per noctem, et militum ad instar in procinctu confligentium ultro citroque alterno sibi met obviabant illapsi.* Igitur S. Severini translatio ex certissima chronotaxi in annum 902. statuenda est. Quum vero idem Chronographus Ioannes, S. Sosii corpus ex Miseno Neapolim transvectum enarret, uno ferme anno post S. Severini translationem, nemo non exactissimo calculo non hinc deducet, Sosianam translationem non nisi in anno 903. omnino firmandam. His accedit, quod neque ante annum 903. neque post annum 907. figi potest Severiniana translatio. Non id primum; ex Iosue Diacono enim discrete constat sub Stephano III. translatum S. Severini corpus ex Lucullano Neapolim, qui certe ante annum 902. nondum Episcopus erat, scilicetque adhuc (ex in-

miraculis in pace Christi quievit, millesimo tercentesimo vicesimo quinto (1); ab transvectione eiusdem sancti corporis ex Norico in Italiam ad Montem Feretrum sub Odoacre Rege, millesimo

dubiae fidei monumentis apud Meum ad hunc an. ) Athanasius II. cui mortuo successit hoc anno Stephanus, Nec vero post annum 907, nam in sincerissimo donationis diplomate Athanasii Episcopi Neapolitani, et Gregorii Ducis sub anno 907. (exarato nimirum per manus *Anasthasii primarii Curialis per Ind. XI. Imp. dd. nn. Leone, et Alexandro a Deo coron. mm. Imp. anno XXX. die XVII. Decembris indict. XI.*) expressissime, ut de re facta, cum Lucullani eversio, tum S. Severini translatio enarratur. Haec quum ita sint, certe Sancti Sosii translatio nonnisi inter annum 903. et 907. intercidit. Quid? si et proprius nunc eruatur annus? Videamus. *Sexaginta evolutos iam paene per annos*, inquit Ioannes Digenus, ex quo excisum erat Misenum, S. Sosii corpus inde Neapolim transvectum. Sed Misenum ex veriloquio Chronographorum in vere anni 845. est eversum sub Ioanne Episcopo Neapolitano (vide Meum ad hunc an.) Adde sexaginta; adde discrimen indictionis Pisanae, et Constantinopolitanae, et amissim habes annum 903.

(1) Ex receptissimo calculo VI. Idus Ianuarias anno Christi

CCCCXXXII. Sancti Severini depositio contigit. Tametsi enim Eugypius discipulus, qui Severini acta sincerissime scripsit (habes apud Surium *Act. San. tom. 1.* et ap. Bollandum *mens. Ian. tom. 1.* integra vero in Codice MS. Bibliothecae Opatorianae, cuius meminit Baronius *Ann. Eccl. ad ann. 454.*) quo potissimum anno, quibusve consulibus is decesserit expresse non dicat, loquacitissime tamen ex eiusdem scriptis veritas epochae eruitur, anno Othacris Regis Italiae septimo. Vid. Baronium in *Annal. Eccles. ad an. Ch. 482.* tum in *not. ad Martyrol. Rom. ad VI. Idus Ianuar.* Porro Eugypium hunc S. Isidorus Hispalensis, primus omnium inter Ecclesiasticos scriptores retulit *Cap. XIII. Eugypius Abbas Lucullanensis oppidi, Neapolis Campaniae ad quemdam Paschadium Diaconum libellum de vita Sancti Monachi Severini transmissum brevi stylo composuit.* Eiusdem meminit et Cassiodorus *Divin. Lection. cap. XXIII. Convenit etiam ut presbyteri Eugypii opera necessario legere debeatis, quem nos quoque vidimus, virum quidem non usque adeo saecularibus litteris eruditum, sed scripturarum divinarum loc-*

tercentesimo decimo nono (1); ab translatione secunda ex Monte Feretro ad Lucullanum prope Neapolim sub Gelasio Pontifice, et Sancto Victore Episcopo Neapolitano, millesimo tercentesimo de-

tionem plenissimum. At de eius tamen aetate dimicant usque adhuc acerrime. Nam et excerpta quaedam ex libris S. Augustini, hortatu Reducis Episcopi Neapolitani anno circiter 576. concinasse, auctor est Sigbertus Gemblacensis *Lib. de Scrip. Eccles. Cap. XXXIX.* in eo ad Pelagii Pontificatum adhuc vixisse. Rossvicidus in *Prolegomen. ad vit. Patrum*, et Bollandus *loc. cit.* tum et Miraeus, et Cayus duos eodem sexto saeculo Eugypios floruisse putarunt. Chiocearellus, Ughellius, Muratorius altera inaccesserunt via, Dupinius diversa. Verum Lambecius *Biblioth. Caesar. tom. 1. p. 26.* et Mabillonius *Analect. veter. tom. II. p. 11.* non duo, sed unicum fuisse Eugypium discretissime postremo demonstrarunt, cui tum liber de vita S. Severini, tum excerpta Augustiniana sunt tribuenda. Eumvero scripserat is S. Severini vitam biennio post Consulatum Importuni, hoc est anno DXI. ut ipse testatur in epistola ad Paschasium Diaconum; nec nisi eodem tempore Augustiniana collectanea contexuit; siquidem id opus *Probae Virgini* inseripsit, cui Probae Sanctus Fulgentius tractatus duos de ieiunio, et oratione nun-

cupavit anno DV. Accedit quod Cassiodorus, qui institutionum librum ante annum DLX. lucubraverat, de Eugypio excerptare, non secus quem de mortuo agit. Igitur non duo, sed unus Eugypius qui Presbyter, et S. Severini discipulus, tum Abbas Lucullanensis fuit.

(1) Nimirum anno 488. Sancti Severini corpus, sexennio ab eius depositione, ex monasterio quod iuxta Fabiana construxerat, in Italiam ad montem Feretrum est translatum. Rem oculatus testis Eugypius describit *Cap. XII. n. 55.* quem aliquantisper praestat audire. *Sepulcro patefacto, tantae suavitatis fragrantia omnes nos circumstantes accepit, ut prae nimio gaudio, atque admiratione prosterueremur in terram. Deinde humaniter aestimantes ossa fueris invenire disiuncta (nam annus sextus depositionis eius effluxerat) integram corporis compagem reperimus: ob quod miraculum inmensas gratias retulimus omnium conditori, quia cadaver Sancti, in quo nulla aromata fuerant, nulla manus accesserat conditoris, cum barba pariter, et capillis usque ad illud tempus mansisset illaesum. Lintheaminibus igitur immuta-*

cimo tertio Pl. M. (1); ab postrema translatione ex Castro Lucullano ad monasterium Sancti Severini intra urbem sub Stephano III. Neapolitanorum Episcopo, nongentesimo quinto (2). Ego Michael Archangelus Lupoli, Divina miseratione, et Apostolicae Sedis gratia, Sanctae Pelusianae

*tis, in loculo multo ante iam tempore praeparato funus includitur, carpento, trahentibus equis, impositum: mox evehitur, cunctis nobiscum provincialibus idem iter agentibus; qui oppidis super ripam Danubii derelictis, per diversas Italiae regiones, varias suae peregrinationis sortiti sunt sedes Sancti itaque corpusculum ad Castellum nomine Felethum emensis regionibus apportatum est. Per idem tempus multi variis occupati languoribus, et nonnulli spiritibus immundis oppressi medelam divinae gratiae sine ulla mora senserunt.*

(1) Alteram hanc S. Severini transvectionem post annum Chr. 492. ante tamen finem anni 496. contigisse recte censet Bollandus. Huic etiam interfuit Eugypius, cuius haec item enarratio: *Illustis femina Barbara beatum Severinum, quem fama vel literis cum suo quondam ingali optime noverat, religiosa devotione venerata est: quae post obitum eius audiens corpusculum Sancti in Italiam cum multo labore perductum, et usque ad illud tempus terrae nullitate*

*nus commendatum, venerabilem praesbyterum nostrum Marcianum, sed et eunctam Congregationem litteris frequentibus invitavit. Tunc S. Gelasii sedis Romanae Pontificis auctoritate, et Neapolitano populo exequiis reverentibus occurrente, in Castello Lucullano per manus S. Victoris Episcopi mausoleo, quod praedicta femina condidit, collocatum est. Qua celebritate nulli languoribus diversis afflicti, quos recensere longam est, recipere protinus sanitatem.*

(2) Tertio tandem e Lucullano devectae Neapolim sunt Severini ossa anno Leonis Imperatoris XXIV. de quo plura superius. Historiam contexuit Ioannes Diaconus, ex quo paucula huc transfero: *Sexto Idus Septembris Praesul et Clerus ad inquirendum saepedicti Sancti corpus iverunt. Quinque tumulum mirabili decore sub altari (monasterii Lucullanensis) constructum aperuissent, longa consternatione dirigerunt. Sed altius suffodientes pervenerunt ad tumbam, in qua caelestis iacebat thesaurus. Hanc protinus reserantes*

Ecclesiae Episcopus, instantibus universo Populo, ac Clero municipii Fractensis, quibus facta potestas sacri depositi beatissimi martyris Sosii, eiusdem municipii ab origine patroni (1), tum et sancti Severini Noricorum Apostoli, conquirendi, ac in patriam adsportandi; ex speciali delegatio-

*sic universa membra suis compaginata viderunt articulis, ut lacrymoso torpentes stupore, immensa cunctipotentem admiratione laudarent. Mox postero die Neapolim summa pompa deductos cineres narrat. Accedit ad haec Diploma donationis apud Chioccarellum de Episc. Neap. pag. 108. Destructo castro ipso (Lucullano) statim dictus antistes dompnus Stephanus patrius noster cum cuncto Clero, et nos pariter cum cereis, et thimiamatibus usque ad ipsum monasterium praefati Abbatis detulimus, et per manus eiusdem dompni Stephani Episcopi Sancti collocatum est in Ecclesia, et altari, quae erat vocabulo ipsius Sancti dedicata.*

(1) Misenates, patria ab Sacerenis excisa (ex accurata chronologia) an. Ch. 845. huc illuc per viciniam palantes, ad quintum ferme ab Urbe Neapoli lapidem in campum feracissimum (maritima enim loca, barbaricis passim incursionibus tentata, horrebant) conuigrarunt. Humilis ibi exiguae rusticae gen-

tis vicus paucis ante adsurrexerat annis, si modo vicus dicendus, quem ex ipsa loci natura *Fractam* sive vicani, sive rusticani nuncupabant. At ingeniosissimorum auctus advenarum incolatu, brevi eo devenit splendoris, ut ipsum purum putum commercii emporium ex Misenio *Fractam* simul cum incolis eomigrasse videretur. Commercio vitae artes additae, in primis restiaria, classariis Miscuatibus celebratissima, atque paene unis propria; quae mox et Fractensibus paene unis item propria adhucdum perdurat. At haec obiter, et ex constanti ac perpetua maiorum traditione, (spero enim ex nostratibus haud defuturum, qui patrias memories erit curaturus) atque eo quidem consilio, ut Sancti Sosii, Misenatis Ecclesiae diaconi, et martyris cultum, in ipsa prima *Fractae* origine involutum videas. Nihil enim tam tenacius alio commigrantibus populis, quam patrium cultum, patrias tutelares, patrias artes retinere.

ne Reverendissimi in Christo fratris nostri Episcopi Litterensis Bernardi de-Turre, qui metropolitanae Ecclesiae Neapolitanae Archiepiscopi vice fungebatur, accessi post vespervas diei xxviii. mensis Maii ad Ecclesiam, quae monasterii Patrum Casinensium fuit; ibique Dominum precatus, ut vota fidelium in sui gloriam converteret, descendi in cryptam SS. Crucifixi, ubi traditio ferebat Sanctorum condita corpora. Ac primum introgredienti inscriptio ad fores occurrit: DIVIS SEVERINO NORICORUM IN ORIENTE (1) APOSTOLO

(1) Egypti mentem nihil quidquam est adsequutus inscriptionis auctor. *Tempore quo Attila* (inquit Egyptius) *Alex. Hunnorum defunctus est, in utraque Pannonia ceterisque confinitis Danubii res turbantur ambiguae: ac primo inter filios eius de obtinendo regno magna sunt exorta certamina; qui morbo iniquae dominationis inflati, materiam sui sceleris accipere patris interitum. Quibus diebus sanctissimus Dei famulus Severinus de partibus Orientis in Pannoniam veniens, morabatur in oppido quod Casturis dicitur, ubi secundum Evangelicam, et Apostolicam doctrinam omni pietate praeditus in confessione Catholicae fidei venerabile propositum sanctis operibus adimplebat. Cave tamen ne ubi de Oriente adve-*

nisse ad Noricos Severinum audis, fortasse tu illum hominem Orientalem arbitreris. Nam Latinum hominem aperte dixit Egyptius: cum alioqui patriam atque genus suum ad humanam vitandam landem celare perpetuo silentio voluerit, ut idem auctor in epistola ad Paschasium Diaconum testatur (quae desideratur in Actis apud Surinam atque ex MS. codice Bibliothecae Oratorianae primum a Baronio producta ad ann. 454.) *Loquela ipsius manifestabat hominem omnino latinum* (hoc est ex Italiae finibus); quem constat ad quandam Orientis solitudinem fervore perfectioris vitae fuisse profectum, atque deinde post ad Norici Ripontis oppida Pannoniae Superiori vicina, quae barbarorum crebris premebantur incursibus, di-

ET SOSIO LEVITAE B. IANUARI EPISCOPI IN PASSIONE  
SOCIO TEMPLVM UBI EORUM SS. CORPORA SUB ALTARE  
MAIORI REQUIESCUNT ET APOSTOLICO INDULTO CUM BO-  
LATIONE SACRA PURGANTES ANIMAE LIBERANTUR. Mox  
ad aram maximam prostratus, quum singula per-  
lustrarem, vidi mensae inscriptam epigraphen:

HIC DVO SANCTA SIMVL DIVINAQVE CORPORA PATRES  
SOSIVS VNANIMES ET SEVERINVS HABENT

Rectectis itaque absque ulla cunctatione marmoribus, primo tabulam ligneam mensae substratam, tum cemento interiecto alteram ex marmore praeceptam inveni; ac e vestigio capsula emersit lignea in longum P. IIII.  $\frac{1}{2}$  in latum P. II.  $\frac{1}{2}$ , quae ad latera quatuor totidem qua qua versus exhibebat ad custodiam marmora. Saxum porro, quod Evangelij cornu spectabat, hunc dabat introrsum praegrandibus litteris titulum:

HIC IN CORPORE  
SOS SEVERINVS  
REQUIESCET (sic)

*vina compulsus revelatione, venisse; sicut ipse clauso sermone tamquam de alio aliquo referre solitus erat, nonnullas Orientis urbes nominans, et itineris inmensa pericula se miserabiliter transisse significans. Mazochius attamen longius progreditur in Kal. Neap. Tom. I.*

*ad VIII. Ian. pag. 6. not. 2. At quid si ex Severini monitis ultimis (num. 19. ubi agit de transferendis suis reliquiis exemplo Iosephi Patriarchae) elici potest, fortassis non tantum Italus, sed et origine Neapolitanus fuerit? Verum haec merae coniecturae sunt.*



Tunc imminentem tabulam, quae temporis vetustate, trabalibus clavis hinc inde in intimum cavum dilapsis, vix tumulto haerebat aperui, et continuo venerandum sanctissimi Noricorum Apostoli Severini depositum conspexi. In ea loculi parte, quae in adversum cornu vergebat, sacrum caput positum erat, integrum quidem, ac prorsus sanum; tum in proximo arcula aerea, chore inaurato adfabre contexta, ac clave occlusa, quam ubi cautissime contrectaverim, omnis subito evanuit ornatus, ipsaque eburnea frustula hinc inde divulsa exciderunt. Fatiscebat enim undique, nec nisi aerea tantum supererat lamina, integra sane, nec ulla rubigine vel exesa, vel saltem foedata. Quantum autem vel ipso primo obtutu datum est adsequi, erat inibi sanctissimi confessoris cor reconditum. Quod et diligenti observatione ratum habuit clarissimus Angelus Boccanerius in Neapolitana studiorum universitate rei anatomicae professor; quem ego virum eximium vel ideo adcivi, ut integrum nec ne partibus omnibus esset sancti presbyteri corpus, probe intelligerem. Memineram enim, haud vice simplici Severini reliquias, ab sancto Gregorio Pontifice ad oratoria aedificanda concessas, quarum crebra est in eiusdem epistolis mentio. Huc pertinet Lib. III. Epist. XIX. ad Petrum subdiaconum Campaniae: *Quia igitur*, inquit S. Pontifex, *ecclesiam positam iuxta domum Merula-*

*nam regione tertia, quam superstitio diu Ariana detinuit, in honorem S. Severini cupimus consecrare; experientia tua RELIQUIAS SANCTI SEVERINI, sumnopere debita cum veneratione transmittat. Rursumque Lib. ix. Epist. LXXXV. ad Fortunatum Episcopum Neapolitanum: Ianuaria religiosa femina, sanctuaria (idest reliquias; sic medio aevo, vide Cangium) beatorum SEVERINI CONFESSORIS, et Iulianae Martyris oblata petitione sibi postulat debere concedi; quatenus in eorum nomine oratorium propriis sumptibus constructum possit solemniter consecrari. Postremo et Lib. xi. Epist. XXXI. ad Paschasium Episcopum Neapolitanum, ut Venantio Siculo ad consecrandum oratorium, eiusdem Severini reliquias traderet. Nimirum igitur acutissimi viri exploratione perspicuo innotuit, nonnisi unam alteramque toto corpore costam desiderari; ex quibus profecto, variis temporibus detractae, ad ista consecranda oratoria, particulae. Porro demum, quum ligneus locus prope temporis longaeuitate esset absumptus, et basis potissimum in pulverem pacae redacta, qua par erat religione ac diligentia singula membra in novam arcam ad id opus paratam conlocavi, quam funibus religatam, Episcopali signo meo bis binis partibus communivi. Inscriptum illi manibus meis*

+ SANCTI SEVERINI NORICORVM APOSTOLI  
LIPSANA HEIC EGO REPOSVI M. ARCHANGELVS  
PELYSIANORVM EPISCOPVS ANTE DIEM III.

KAL. IVN. ccccvii. +

Re perfecta, ad opus alterum, quod caput erat, laeti animum adiecerunt omnes, sacrumque beatissimi martyris Sosii depositum eruendum susceperunt. Quamquam autem, et inscriptus lapis, quem paullo ante memoravi, et sancti Severini corpus feliciter detectum, rem ex voto successuram pollicerentur: diu tamen incertus coeca expectatione pependi. Nam icta saepius, percussaque hic illic, tum lapicidarum scalpris, tum fabrum acutis ac ponderosis upupis arae substructione, nihil penitus insonabat, nullumque cavae latentisque camerae, qua sacra ossa occultari possent, vestigium adparebat. Conciderant animo omnes, reique difficultate deterritis vox spiritusque torpebat. Mihi vero spes certa quaedam stimulabat acriter animum, neque quam omnes abiecerant, desperatissimam esse putavi. Inclinata iam meridies erat diei xxx. Maii, quum ingeminatis ictibus, ingeminatis una orationibus, terraque prope ad pedes nostri cum dimidio effossa, ab infima ara marmoream vidinus emergere tabulam. Laetis clamoribus personuit crypta, atque exhilarati repente omnes, quisque pro se opus urgebat. Tunc lapides, arcumque cementum, quod tabulae hinc inde continens erat laboriosis sane, sed accuratissimis effossionibus usque eo persequi iussi, donec vel aperiri, vel divelli facile posset. Atque excavato domum loculi ambitu, ubi operculum patefeci, octo-

losque in satis amplam ex marmore urnam (erat enim in long. P. VI.  $\frac{1}{2}$  in lat. P. II.  $\frac{1}{4}$ ) conieci, inspexi iam desideratissima Christi athletae Sosii ossa (1), ex quibus perfusus extemplo suavissimus odor cunctos circumquaque beavit. Lipsanis ligneum tabulae segmentum superiectum reperi; neque ullo ea interiori sepimento vallata, in nudo marmore iacebant. Detraxi lignum, et magnam veteris comminutique tectorii copiam, ipsa ossa obruentem vidi, cuius praesemina, quae erant vetustate soluta in tenuissimum pulverem abierant;amenta vero, quae adhuc grandiusculas coalescebant in partes, qua viridi, qua rubro, et etiam carneo picta erant colore. In quibusdam praeterea et litterarum fragmenta pellucebant, quibus laud obscure Sosy edicebatur nomen. Sane autem quum

(1) Martyris Sosii corpus adhuc integrum sub Miseni ruinis detectum, Ioannes Diaconus, qui interfuit, locupletissime testatur in *Act. invent. et transl. S. Sosii* (habes ex MS. codice Neapolitano, et Vaticano ap. Sultingum *Act. S. Ian. Sosii*, cet. p. 444. Antuerpiae 1757.) *Ioannes Cumanus Episcopus*, inquit, cum omnibus suis, et ipse accitus adfuit, qui diligenter martyrialia membra perlustrans et ea omnia, adhuc compagata solida obstupescens, vere ait. . . Dominus custodit omnia

ossa eorum, unum ex his non conteretur cet. Et paullo post: *Mane facto, Stephanus Episcopus, et Gregorius Consul cum omni populo sanctis occurrerunt exequis, et pro inextinguibili gaudio, praeceperunt nobis cuncta sibi suggerere, quae de inventione ipsius fuerint cet. Ac mox subiungit: qualiter amplitudo corporis eius secundum staturam aequiorem ad quam metiri, et comparari potuit venia digna, quinque pedum et sex digitorum prolixia fuisset cet.*

ista parietinae crusta, neque ex contiguīs vilitatis muris, neque ex alto, siquidem inarrioro operculo aptissime occludebatur tumulus, huc decidere potuisset, nihil mihi tam liberum ea prima fronte conicere fuit, quam qui sub Stephano Neapolitanorum Episcopo in Miseni ruinis Sosii corpus primum invenerunt, quo maior adversus Christi martyrem adhiberetur reverentia, non ipsum dumtaxat depositum extraxerint, verum etiam totum abrase-  
runt sepulchrum, ipsaque collecta fragmina cum corpore composuerunt. Sed illico mihi mentem subiit Ioannis Diaconi oculati testis narratio, qui conceptis verbis Sosii effigiem memorat, qua hypogaei concameratio ornabatur, quamque integram diducere connitentes, nimia ex adverso diligentia contriverunt: *Altari destructo, inquit, apparuit musiva quae sub eo latebat effigies, S. Sosii titulata litterulis, et Angelicis coronata manibus: cuius habilis nitor (usque dum servatus) ita omnes illiciebat, ut Ioannes Praepositus illam ex ipso pariete, nonnisi immutilatam evellere, et secum exinde integram perferre desideraret. Sed quia omnis ista intentio sub uno caementarii est ictu frustrata, conversus ad transfodiendum ipsum parietem, una nobiscum fremere coepit aviditate tota. Quo chronographi locupletissimo, atque indubiae fidei testimonio, rem totam digito potius demonstratam, quam verbis significatam videre mihi*

vidi bar. Atque haec omnia, ut uti reperta sunt, in aliam arcam summa diligentia conieci; arcamque ipsam, quae et beatissimi martyris corpus, sarcumque cinerem, tum et parietinae versicolore crustam sinu excipiebat; resticulis constrictam bis binis item partibus signavi, inscripsique mea manu superne:

+ SANCTI SOSII MISENATIS ECCLESIAE DIACONI  
ET MARTYRIS DEPOSITVM HAC RITE  
RECEPTVM ARKA SIGNAVI EGO M. ARCHANGELVS  
SANCTAE PELVSIAE ECCLESIAE  
EPISCOPVS ANTE DIEM III. KAL. IVN. MDCCCXVII. +

Postero autem die ad vespas ante Kalendas Iunias, quum convenissent Presbyteri Ecclesiae Fractensis, pignora sacra manibus ipse meis adsportanda tradidi illis. Atque haec, quibus interfui, et ut ab initio acta, gesta sunt, in Domino testor, qui est, qui erat, et qui venturus est, omnipotens; cui Gloria in aeternum. Amen.

Neapoli pridie Kal. Iun. MDCCCXVII.

SANCTI CAROLI BORROMEI <sup>(1)</sup>

CAROLI BORROMEI vitam recensendam suscipio, cuius nomine laetum commemorato, singularis quaedam species Christianae pietatis, et virtutum omnium exemplar absolutissimum animo subiicitur. Eius enim praeclare gesta huiusmodi sunt, ut vel Sacrorum Antistitem, vel philosophiae antesignanum raro parem anteacta viderint tempora, videantque fortassis quam difficillime futura. Quam ob rem neminem fore arbitror, qui mihi succenseat, si nihil omnino nec de patriae claritate, nec de generis splendore, maiorumque imaginibus, titulis, fastu, imperio adtingam. Haec enim magni quidem ab iis aestimantur, qui nihil fere suo momento ponderantes iniqui sunt rerum exactores. Ego autem huiusce vitae initium ex luce illa ordiri malo, quae repente oborta supra Borromaeorum aedes, qua nocte Carolum ad VI. Nonas Octobres anno MDCXXXVIII. in lucem edidit Mater, mirifice visa est coruscare. Non enim obscure portendebat quod quisque sine augure intelligeret, fore nempe ut natus puer in tantis patriae, finitimorumque populorum tenebris,

(1) Scripsit hanc vitam auctor quo valetudinis causa recesserat in solitudine montis Yrsi, rat.

ac in maxima quidem universae Ecclesiae perturbatione doctrina, et exemplo veluti sidus quoddam omnibus praeluceret. Atque non incertum, aut irritum fuisse omen, rerum comprobavit eventus. Nam ubi per aetatem licuit, mira de se praebuit puer probitatis specimina, et futurae etiam sanctitatis indicia. Eminebat iam tum in teneris adhuc annis praeclara quaedam ad virtutem indoles, et illi ipsi simplices, compositique mores adeo exornabant pueritiam, ut ex eius quasi lineamentis conciperent omnes, quae firmatae constantisque aetatis futura esset species. Et quemadmodum ex segetis viriditate messem se videre putat agricola: ita nemo tunc erat qui puerum ea morum suavitate, ac vitae innocentia praeditum modo altariola construendum, modo canentem divitias litudes, aut facto saepe puerorum agmine, cum iis (Sacerdotum ritu) ire supplicatum animadvertens, statim certissimo adventuri temporis augurio noti praesentiret, quam magnum Ecclesiae Praesidem futurum aliquando.

Optimis igitur vivendi rationibus assuescenti nihil unquam adrisit, quod aliqua ex parte turpe videretur. Neque prima illa aetas, ut fieri assolet, voluptate, aut indulgentia dissoluta est, sed labore potius severitateque firmata, ut non lusu-  
bus et iocis, sed litteris percipiendis tota impenderetur. Atque ut primum ex pueris excessit



Borromeus, instructus artibus, quibus solet ingenua aetas ad humanitatem informari, probe noscens se non sibi tantum, sed civibus, patriae, et Christianae rei publicae natum, severiorum disciplinarum amore inflammatus non sine patris concessu Ticinum se contulit, ut civili et canonico iuri operam navaret. Vbi usus studiorum duce et adiutore Francisco Alciato, viro omni doctrinarum genere, et bonis artibus plane erudito, maxima animi contentione in ea scientia elaboravit, quae multis profutura erat. Verum si parum videtur quod in amplissima illa litterarum sede non mediocrem ingenii gloriam, atque iuris utriusque lauream consequutus fuerit, multum erit certe quod in tanta vitiorum collusione, quae ea in civitate grassabatur, et inter adolescentes praesertim qui publicum gymnasium frequentabant, ne latum quidem unguem ab inito consilio pudicitiae perpetuo servandae passus sit dimoveri, nihilque de summo et accurato nimis colendae virtutis studio remiserit. Id autem longe maximae fuit admirationi, quod, quamdiu in ea urbe versatus est, ne a recta vivendi semita deflecteret, nulla aut loca celebraverit, aut itinera contriverit, nisi templorum, ac disciplinarum, quod de Basilio magno memoriae quoque proditum est. Ex adverso tamen infensissimus ille hostis humani generis, quo magis pervidebat ni-

hil esse Carolo castitate carius, nihilque peius illius refugare, et abhorreere aures, quam voluptatum nomen, eo maiori conatu adnitchatur, ut illius animi constantiam expugnaret, moresque integerrimos inficeret. Hinc capta occasione quod adolescens, patre vita functo, summae praeerat rei familiaris, et nullius imperio tenebatur, quum nihil ei esset impedimento, si vellet virtuti nuntium remittere, atque ad voluptatem deficere, eam mentem iniecit cuidam illius administro, ut feminam venusta, ac liberali facie, arte etiam compositam in secretiorem aedium partem, ubi Carolus versari solebat, introducere, ut simul ac impudens muliercula fronte perfricta in conspectum pudentissimi iuvenis se daret, ille vana specie captus blanditiis delinitus, ac loci opportunitate illectus, voluptati tandem cadere cogitur. Sed illum longe quantum infelicit opinio. Nam ubi Carolus pudorem suum sensit circumveniri, Dei ope implorata loco statim excessit, quasi diceret: Non descendam in eiusmodi certamen, in quo non qui ingentibus animis hostem adgreditur, sed qui pedem caute referendo pugnam declinat, victoriae laudem consequitur. O Sapiens sane, ac divinum consilium, quod omnia mali daemonis strategemata elusit, et conatus omnes, omnesque impetus retardavit! Sed hac victoria adolescens factus alacrior bellum ul-

tro adversus immanissimum hostem suscepit, et illud apertissime indixit, cum primum omnes profudit vires, et totus in eo incubuit, ut monachorum sui sacerdotii ecclesiam administrantium deperditos mores emendaret. Qua in re, ardua licet, et perdifficili, suis votis mirifice respondit eventus, nam suadendo, hortando, et asperiora demum consilia exequendo, eos, qui ab instituta bene vivendi ratione defecerant, in ordinem redegit, et quod fidem omnem excedit, multa acie viros, et sin minus virtute, certe quidem religionis nomine spectatos, in officio continere <sup>admisit</sup> <sup>periculos.</sup> Sed maiora illi tamen manebant pro Dei Ecclesia gerenda certamina. Nam ecce nuncius ab Romano Pontifice, quo illum ad laboris societatem accersit, quem vehementer cupit consiliorum auctorem, ac suae sollicitudinis socium. Pontificis imperio parens Carolus contendit ad urbem, quo iam antea sui nominis fama pervaserat, et non mediocrem multis moverat expectationem. Sed ipsius adventus, atque admiratio et famam, et expectationem facile superavit. Nam vix dum Romam attigit, cum testatissimis virtutum documentis omnium in se oculos, atque ora convertit, ut ispe etiam Pius Quartus praestantium potius splendore virtutum, quam necessitudine, ac benevolentia motus purpuram, amplissimi honoris insigne, pridie Kalendas Fe-

bruarias anni MDLX. obtulerit illi, qui sane dignus erat, ut a quovis vel alienissimo Pontifice in purpuratorum Patrum ordinem cooptaretur. Et minimi quam illustrior adparuit purpura, Caroli ornamentis decorata, quam amplificata tanto viro sacri Senatus auctoritas, ac ipsius summi Pontificis imperium, quam longe inclaruit, hoc adiutore administratum! Testatur hoc Tridentinum Concilium, Carolo auctore, et consuatore absolutum. Testatur illa Christiana Catechesis a summis pietate aequae ac doctrina viris, Carolo adnitente, composita, et Parochorum usui mirifice adcommodata. Testantur pellucidissimae illae Noctes Vaticanæ, quæ eximia litterarum lumina Vrbi, et Orbi pepererunt, ac demum, ut cetera omnia præteream, publica opera, quæ in ea urbium regina exstare voluit Carolus. Quanto autem rei Christianæ adiumento fuerit illius studium in fovendis, atque ornandis sapientibus, clementia in tuenda sexus, ac ætatis imbecillitate, largitas in pecunia pauperibus eroganda, non est cur dicam. Sed quo tempore Borromeus his bonis artibus suam erga Deum pietatem, caritatem in homines testificabatur, a Pontifice Maximo Archiepiscopus renuntiatur Mediolanensis Ecclesiæ, quam vere beatam dicere possum, quod formidoloso maxime tempore talis ei oblatus fuerit Pastor, qualem haud scio ausa fuisset optare. Nam in placido tranquilloque

mari quilibet optimus videtur esse gubernator, sed in saeva tempestate virtus ac scientia veri gubernatoris elucet. Et sane Mediolanensis Ecclesia, antequam ad gubernacula hic praeclarus moderator accederet, veluti navis quaedam praegrandis, plane exarmata, et in altum propecta concitato cursu in apertam ruere perniciem videbatur. Nam caeca ignorantiae nox, saevientes vitiorum fluctus, atque ab omnibus finitimorum haereticorum plagis velientes exorti flatus, in illius certissimum conspiraverant exitium. Itaque maximum ab universo naufragio periculum erat, immo prope ad haereticum saxa eversa fuisset ac dissoluta, nisi Divinum Numen a supernis demisisset sedibus Carolum, qui in puppi sedens clavum teneret, et fluctuans, iactatumque undique navigium caritate vellet, sapientia ac animi constantia posset salvum in tranquillo portu collocare. Sed frustra prorsus essem, si omnia vellem omnino recensere, quae fecerit ille in sua adornanda provincia: quot nempe noctes invigilavit, quot exorbuit acerbitates, quot exaudivit labores, ut caliginem, quae suorum civium mentibus erat oborta, discuteret, et in tenebris ignorantiae iacentibus facem praeferret; ut corroboratam retunderet, ac frangeret audaciam hominum improborum, qui sacra profana omnia habebant promiscua, et per summum scelus divina et humana iura perturbare, ac violare conabantur.

Nullum, ut aiunt, lapidem non movit, nihil intentatum reliquit, ut Ecclesiasticam disciplinam, aut temporis diuturnitate, aut moderatorum dissolutione labantem, ac paene collapsam restitueret. Parum enim capiebat quietis, semper in campo, semper in acie, semper in sole, et pulvere versabatur, ut Dei Ecclesiae consuleret, ut Christianam religionem amplificaret. Mitto operum suorum clarissima monumenta, quae omnium conteruntur manibus, illius sanctissimae leges, et salutaria scita, illa dioecesana, et Provincialia comitia non vice simplici, et incredibili studio habita, ac summorum virorum frequentia celebrata, consignata demum literis, et nunquam intermoriturae memoriae posteritatis commendata. Ad haec, divina prope videntur commentariola, quae pluribus circumferuntur voluminibus de templorum constructione, cultu, et nitore, sacrique penoris suppellectile, de concinno ordine publicarum supplicationum, de Christiano lustro ab Ecclesiarum Rectoribus faciendo, de oblatorum, monialium, et clericorum regimine, ut missa faciam quae de litterarum studiis instituendis, et de Ecclesiae tabulario praeclare, et subtiliter praescripsit. Inter omnia tamen mihi lucent lucubrationes illae de sacro rite faciundo, de Sacramentis religiose ministrandis, et praesertim quae maximopere nititur inculcare iis, quibus est expiandarum animarum cura deman-

data, Quae omnia veteris Ecclesiae disciplinae effigiem, et Christianae philosophiae summam continere videntur, ut iure optimo omnia sacrorum scriptorum commentaria, quum ab heroicis saeculis discessimus, haec una mihi videantur Ecclesiae Mediolanensis acta et auctoritatis pondere, et utilitatis ubertate superare. Nec insuper omnia a Carolo suscepta itinera persequi volo, quum non semel totam peragraverit Insubriam, ut nulla ferme fuerit in sua *Διοικησις* civitas, nullum oppidum, non vicus, non angulus abditus, in quem non pervaserit, quem pastoralis cura non perlustrarit. Profecto mirabantur, stupebantque omnes, qui illum videbant animo extuantem, et per Alpes vadentem sollicito vestigium facere, mox quadrupedis ritu, genibus, manibusque reptare, nunc ferreis uncis armare pedes, et manus, ut durata nix pedem recipiat, nunc enata virgulta prensare, ac tandem iugis aegerrime superatis, omnia loca percurrere, et coelestem doctrinam disseminare. Pectus sane invictum Alpibus, nec ullo umquam fractum labore! Nihil enim prorsus Sancti Pontificis poterat vincere constantiam, ne mors quidem, nam illi gloriosum erat vitam suam pro Dei gloria ponere. Quamobrem quaecumque illi intenderentur pericula, iactarentur minae, struerentur insidiae, expedirentur tela, imminerent mala, impavidus stabat. Atque neminem forte praeterfugit,

quod ille ut Ecclesia iura tueretur, aut homines a nefario pellicatu divelleret, ut omnia resecaret vitia, et corruptos mores emendaret, qui in Religiosorum etiam hominum familias irrepserant, nullas potentum inimicitias, non minas, non pericula, aut capitis dimicationes sibi declinandas esse umquam putavit. Sed quid dicam declinandas? Imo quas forti animo non subiit, quas ultro non appetiit, ut tandem a parricida immanissimo plumbea glande e ferreo tubo excussa appetitus dubio procul vitae cessisset, nisi ipsum Deus mirabiliter servasset incolumem. Quare mirifice congruit ei quod alicubi dixit Cyprianus: non animi martyrio, sed martyrium animo defuisse; imo nec istud quidem defuit, *quoniam* a morte vindicatus sit martyr, ut reliqua vitae curse illius meritis accederet cunulus. Tanto perfunctus periculo, oportebat sane, ut in posterum paullo saltem esset in salutis suae custodia diligentior. Sed vitam eo magis profundere visus est, et quam summo omnium auctori non uno nomine referebat acceptam, illi ipsi, quantum in se fuit, liberrissime litavit. Re quidem vera, grassabatur Mediolani pestilentia, longa lateque homines absumentes. Contactu, halituque morbi vulgabantur: et cum mortui argros, aegri validos tabe, et pestifero odore corporum conficerent, fere Sacri dotes omnes, quos primo impetu pestis non atti-



git, mortis metus, quae ob omnium erat oculos, ac tanti mali fuga detraxit. Quare commotus Carolus, ac communi calamitati sibi omni ope subveniendum ratus, suum caput pro commissi gregis salute summa alacritate devovit. Nam inter quotidiana funera hac illac discurrere, et omnia caritatis officia obire non verebatur. Quin vitae plane securus nunc languentibus adsidere, et eorum peccata sacramentali poenitentia expiare, nunc illos coelestis panis alimento reficere, et mox quorum deplorata erat in terris salus, iis aeternae vitae spem facere, et simul ad supremam pugnam contra daemones incursus sacro cermate munire non intermittebat. Et tantum abest, ut inter saevientis pestilentiae strages, et inter tot abiecta cadavera, ac tabe consumpta, privatam perniciem perhorreret, ut potius haec illius fuerit summa votorum, tanta populi mala sua morte redimere. Nimirum ad probandam suam omni fide maiorem caritatem hoc unum restabat, ut vitam pro omnibus tandem abiiceret; quandoquidem quod daret amplius non habebat ille, cui nihil fere praeter seipsum incredibilis munificentia ac largitas fecerit reliquum. Optimum illi fuerat patrimonium avitum, amplissima sacerdotia ab avunculo concredita, sed eorum fructus omnes nonnisi in alendis pauperibus occupavit, mox etiam, et Vritano principatu inter alia divendito, illius pretium, quod quadra-

ginta aureorum mille erat , ne uno quidem sibi reservato obolo , una die in pauperes , suos amores ac delicias , erogavit. Sola supererat domestica suppellex , et aedium suarum ornamenta. Sed quum illud , quod ipse deprecatus erat pestilentiae malum , ammonae caritas exciperet , ac perfrigida tempestas , ut homines passim frigore , fameque confecti miserandum in modum expirarent , Carolus ea calamitate commotus , omnia signa , tabulasque pictas , abacos , stragula , et quidquid erat caelati argenti , vel deterioris conditionis vendi iussit , ut gregem pasceret fame prope enectum , quem ut quoque vestiret , domus denudavit parietes , et quod ultimum est , nec lectulum sibi dereliquit , unde in posterum solo , aut nuda tabula pro cubili utebatur , profecto dignissimus , qui ad quietem aureo gemmeoque lecto exciperetur. Magna quidem haec sunt , sed maiora supersunt , atque omnino mirabilia , quae si attingere vellem , immensum spatium adhuc remaneret percurrendum. Quam ob rem scribere supersedeo de egregia illius caritate , quae ita incensa ferebatur in Drum , ut ad homines derivaret , et ita in homines redundabat , ut in Deo semper fixa consisteret. Neque de illius comitate dicam , ita cum gravitate coniuncta , ut neque facilitas de auctoritate , neque severitas quidquam de suavitate detraheret. Praetereo quoque singularem illius abstinentiam , dum cibario pane ,

lupinis, aut ad summum caricis, cum epularetur opipare, contentus erat. Quod ad eius familiam adtinet, profecto ut leviter dicam, seminarium fuit Episcoporum. Si de operibus publicis res est, certe templa ab illo privata impensa aut instaurata, aut ab imis excitata fundamentis, clericorum collegia, coenobia sanctimonialium, Parthenones, monachorum domicilia, Nosocomia, et publica pietatis monumenta, nemo fortasse credet quod unus fecerit Carolus. Postremo ubi ex Varallo monte, quo contemplandi studio secesserat, febri correptus Mediolanum se recepit, aspero tectus cilicio, et cinere conspersus, in vili stramine coepit ex morbo periculose decumbere, et cum illud advenisse tempus intelligeret, quo tempore animam Deo redderet, mortem, ut Paulus ait, in lucro porrens, hilari vultu Christi patientis effigies ad vivum expressas iussit circa lectum collocari, quas etiam atque etiam intuens, incredibili spiritus dulcedine ac suavitate perfunde batur; et quod caput est, nec circumstantium suspiria, et effusae lacrymae, nec ulla res unquam illius oculos a sui Sospitatoris spectaculo potuit avertere. Quare, intento in Iesu Cruci adfixi imaginem obtutu, animam veluti e corporis ergastulo fugientem Creatori suo commendans, terram caelo commutavit n. Nonas Novembres anno MDLXXXIV. Eo extincto, universae Ecclesiae veluti lampas extingui visa est.

*Neapoli ad S. Euphemiam.*

MARGARITA . LVPVLA

VIRGO . INTEGRA . PRVDENS . PIA

AETERNI . SPONSI . NATALEM

NYPTIALI . GAVDIO . CELEBRATVRA

FACE : ACCEPTA

AETERNITATIS . DOMVM

IPSO . NATALI . DIE . CHRISTI

EST . INTROGRESSA

AN . REP . SAL . MDCCCXI

AETATIS . SVAE . ANNOR . XL

*Compsae in Palatio Archiepiscopali  
ad S. Andream.*

AEDES . DILABENTIBVS . AQVIS

PAENE . QVASSATAS

MICH . ARCHANGELVS . LVPOLI

COMPSANORVM . ARCHIEPISCOPVS

FOSSA . SILICE . STRATA

RIVO . QVE . SVBTERRANEO

AD . VIAM . PVBLICAM . DEDVCTO

EX . INTEGRO . REPARAVIT

AN . SAL . MDCCCXX

*In funere PII VII. Pont. Max.  
in Metropolitana Ecclesia Compsana.*

## I.

*Supra Templi portam forinsecus.*

PIVS · VII  
PONTIFEX · MAXIMVS  
VITAE · CVRSV · ABSOLVTO  
AETERNAM · DOMVM  
CONTENDIT  
ADEITO · TEMPLVM  
QVI · PERLEGIS  
ET · AD · SACRA · PIACVLARIA  
TVA · ADIVNGITO · VOTA

## II.

*Supra templi portam introrsum.*

DVCITE · FVNVS  
TAM · CARI · CAPITIS  
VOS · PVDO · IVSTITIA · CHARITAS  
ET · CVI  
PRO · RELIGIONE · DECERTANTI  
PALMAS · DEDISTIS  
DATE · NVNC · ROSAS · ET · FLORES

## III.

*In tumuli parte adversa.*

MEMORIAE . AETERNAE  
**PII . PONTIFICIS . MAXIMI**  
 QVI . ECCLESIAE . NAVIM  
 SAEVISSIMIS . FLVCTIBVS . AGITATAM  
 EA . DEXTERITATE . ET . ANIMI . ROBORE  
 GVBERNAVIT  
 VT . QVAE . AD . ECCLESIAE . PERNICIEM  
 PARATA . ACTA . QVE . ERANT  
 CATHOLICAE . RELIGIONIS . TRIVMPHO  
 FVERINT . FAMVLATA  
 VIXIT . ANNIS . LXXXI . D. VI  
 DECESSIT . XIII . K . SEPT . M . DCCC . XXIII

## IV.

*In parte aversa.*

SALVE . **PII** . ANIMA . INNOCENS  
 - AGE . SVPERIS . DE . SEDIBVS  
 REM . CHRISTIANAM . TVTARE  
 AETERNVMQVE . PASTOREM  
 SOLLICITA . PRECE . FATIGA  
 VT . ORBI  
 PONTIFICEM . DONET  
 SYMMO . DIGNVM . APOSTOLATV  
 ECCLESIAM . QVI . SOLETVR  
 TVI . ABITIONE . CONTVRBATAM

*Ad tumuli laevum latus.*

FIDES . RELIGIO . PIETAS

QVAE

PIO . IN . VIVIS . ADSTITERE

NVNC . TVMVLO . EXCVBANT

HAVD . PASSAE . A . MORTVO . DIVELLI

QVOCVM . SINE . QVERELA

INDIVVLSAE . VIXERVNT

VI.

*Ad dexterum tumuli latus.*

HERBERTE . SANCTE

COMPANORVM . GLORIA . PRAESVLVM

DA . MANVM . PIO . PONTIFICI

QVI . NATALI . TVO


LAETI . QVVM . TIBI . THVRA . DABAMVS

ACERBO . FVNERE . CONCIDIT

TV . LVCTVM . IN . GAVDIA . VORTAS

*FINIS.*





295

*In tumulto temporario FERDINANDI I. Siciliar. Regis  
in Metropolitana Ecclesia Compsana  
XIV. kal. Febr. MDCCCXV.*

---

I.

*Supra Templi portam extrinsecus*

FERDINANDO BORBONIO

FVNEBRIA SACRA

QVI QVI PROPERAS

REGIS VRGET PIETAS

PIA FVNDITO VERBA

294

III.

*In adversa tumuli parte*

---

ERGO NE PRO PALMIS

**REGI FERDINANDO**

HOS TANDEM HONORES

HAEC TRISTIA MVNERA

MISERI REPENDIMVS

LACRIMAS ET INFERIAS

EHEV MORTALIVM

INANIA VOTA

VIXIT ANN. LXXIII. M. XI. D. XXII

REGNAVIT ANNIS LXV

DECESSIT PR. NON. IAN. MDCCCXXV

295

II.

*In aversa tumuli parte*

---

REX REGVM

CVI

TERRENA SERVIVNT REGNA

DA EX MORTALI

IMMORTALE CONSCENDERE

REGNVN **FERDINANDO**

NOVO QVE FVLGERE DIADEMAE

ET SCEPTRO ET PVRPVRA

*In tumidi latus dexterum*

---

QVID LVGVRI NENIA  
ET LACRIMIS ET GEMITV  
IN PACE DORMIENTEM  
COMPSA REGEM INQUIETAS  
NONNE TVIS COMMODIS EXCUBANTI

FRANCISCO  
SCEPTRVM QVE GLADIVM QVE  
IN RELIGIONIS ET IMPERII  
TRADIDIT TVTAMEN  
AGE AGE CAPE ANIMVM  
CONTVRBATA SATIS

297

V.

*Ad tumuli latus laevum*

---

VALE AETERNVM

FERDINANDE REX

POPVLORVM AMOR


NVNC LVCTVS MOEROR

ET AERVINA









*In funere FERDINANDI I. Siciliarum Regis<sup>250</sup>  
in Cathedrali Ecclesia Potentina*

---

I

*Ad Templi Fores*

FERDINANDO REGI

LVCANIA FVNESTATA

PARENTAT

QVIVES ADVENAE CONVENAE

DE AETERNA REGIS QVIETE AGITVR

INGREDIMINOR

*Ad Januam alteram*

---

LVCANI

PRO PACE ET SECVRITATE

REGNO NEAPOLITANO

TERRA MARI QVE PARTA

PACEM ET QVIETEM

**FERDINANDO**

REGI PACIFERO

ADPOSCITE

*Introrsus supra portam maiorem*

---

PIO INVICTO REGI  
**FERDINANDO I BORBONIO**

PATRI PATRIAE  
FVNDATORI PACIS PERPETVAE  
**CAROLI III CATHOLICI REGIS F**  
PHILIPPI V NEP

LYDOVICI DELPHINI PRONEP  
LYDOVICI XIV GALLIARVM REGIS ABNEP  
QVOD LYCANIÆ PROVINCIAM  
RATVS POPVLORVM INCOLVMITATEM  
FELICITATEM QVE  
SVPREMAM ESSE LEGEM  
QVA ET REGES OBSTRINGVNTVR  
CONSERVARIT IVVERIT ORNARIT

LYCANI  
PRINCIPI INDVLGENTISSIMO  
TERRIS COMMODATO NVNC EHEV ADEMPTO  
SVPREMA OFFICIA  
VOTIS ET LACRIMIS PERSOLVUNT  
VIX. ANN. LXXIII M. XI D. XXII  
DESIDERATVS PR. NON. IAN. MDCCCXXV.

*In tumuli fronte*

---

NON ISTA QVAM INGRESSVS ES  
TERRA EST OBLIVIONIS  
**FERDINANDE BORBONI**  
EIA AGE NVMINI SVMMO  
FRANCISCVM REGEM  
IN QVO  
RERV STAT SVMMA NOSTRARVM  
COMMENDA  
NAMQVE NOS TIBI CORDE SINCERO  
TOT A DEO GAVDIA PREGAMVR  
QVOT NOBIS LACRIMAS  
MORIENS LIQVISTI

*In agrum dextrorsum*

---

# I FERDINANDE REX

QVO TE NOSTRA VOCANT VOTA

I PETE CITO CAELVM

IBI LVX INHABITAT AETERNA

ANNE QVAE PRO PACE TVA

CHRISTO REDEMPTORI

FVNDIMVS

NON PERSENTISCIS VOTA

*In Aegum sinistricum*

---

IN SUMMO RERVM FASTIGIO  
AD VIRTUTEM ET RELIGIONEM  
CVNCTA EXEGISSE  
OPTIMO PRINCIPI  
AD PERPETVAM TRANQVILLITATEM  
ID SVPEREST TANTVM

*In reliquo Funeris adparatu*

---

NON OMNIA RAPVIT MORS  
BENEFACTA REGIS MANENT  
ET VIVVS ADHVC  
PER ORA POPVLI VOLITAT  
QVOD  
REGIAM MAGNITVDINEM  
IN REGNI COMMODA  
CONVERTERIT



---

NON TIMORE AC DVRTIA IMPERASSE  
NEC IGNE FERRO VE SAEVISSE  
SED CLEMENTIA ET MANSVETVDINE  
POPVLORVM ANIMOS INGENIVM QVE  
MODERASSE  
FERDINANDI NOMEN  
IMMORTALITATI COMMENDANT

REGNUM  
SAEVIS TEMPESTATIBVS  
CONVVL SVM  
PRAESENTIA SVA RESTITVIT  
ET FAME BELLO VE  
FACTIONIBVS QVE PROPVL Satis  
INTEGRVM SERVAVIT

---

PACTIS  
CVM PONTIFICE MAXIMO  
RITE CONVENTIS  
RELIGIONI DECUS  
SACERDOTIO DIGNITATEM  
IMPERIO ROBUR  
ADSERVIT

---

LITTERAS  
ACERBITATE TEMPORVM  
PESSVMDATAS  
ACADEMIIS BIBLIOTHECA MVSEO  
BONIS QVE ARTIBVS  
IN VNVM COACTIS DOMICILIVM  
ET LITTERATIS INSTITVTIONIBVS  
AMPLIFICATIS  
IN PRISTINVM NITOREM VINDICAVIT

REGNI PROVINCIAS  
EXOLETAS AC PROPE NEGLECTAS  
NOVIS AVCTIS DISCIPLINIS  
PVBLICIS OPERIBVS EXCITATIS  
VIIS QVE  
AD COMMERCIA FREQVENTANDA  
VNDIQVE COMMVNITIS  
SVA MVNIFICENTIA NOBILITAVIT

314

*In translatione Cinerum Bartholomaei de Caesare Episc. Potentini ab Ecclesia Retinensi in Cathedralem Ecclesiam Potentinam.*

---

*Ad fores Basilicae Cathedralis.*

I

BARTHOLOMAEI · DE · CAESARE

MODO · OSSA

AVSPICATO

IN · SVAM · TRANSVECTA · SVNT · SEDEM

CANONICI · CATHEDRALIS · ECCLESIAE

PONTIFICI DESIDERATISSIMO

CVM · LVCTV · ET · LACRYMIS

PARENTANT

## II

MEMORIAE . SEMPITERNAE  
 BARTHOLOMAEI . DE . CAESARE  
 POTENTINORVM . PONTIFICIS  
 OPTIMI . MERENTISSIMI  
 QVI . VERBO . ET . EXEMPLO  
 FORMÆ . GREGIS . AD . OMNIA . FACTVS  
 PRISCÆ . ECCLESIAE . TEMPORA  
 FIDE . PIETATE . DOCTRINA  
 ET . MORIBVS . SVAVISSIMIS  
 INSTAVRAVIT  
 CANONICI . CATHEDRALIS . ECCLESIAE  
 SECVBARE . PROCVL . PATREM . NON . PASSI  
 CIVIS . NEC . EXTREMVM  
 QVIVERVNT . EXCIPERE . SPIRITVM  
 HVC . RITE . OSSIBVS  
 INTER . OMNIVM . ORDINVM . GEMITVS  
 TRANSLATIS  
 AETERNVM . MOERORIS . NON . POSVERVNT  
 SEDIT . ANNIS . XIV . MENS . III . DIEB . IIII  
 VIXIT . AN . LXVII . M . VI . D . VII  
 DECESSIT . RETINAE . PR . KAL . OCTOBR . AN . MDCCXIX  
 EXVVIAE . QVINTO . POST . ANNO  
 POTENTIAM . DELATAE

*Sub imagine.*

## III

## PAX . VOBIS

VIXI . DEO . QVAMDIV . VIXI

VIXI . ET . VOBIS . PAVXILLVLVM

AETERNVM . AT . NVNC . VIVENS . DEO

PERPETVO . VOBIS . ADERO . SPIRITV

SATAGITE . KARISSYMI

DEVN . TIMETE



## IV.

IN . AETERNITATE . TEMPORVM  
 VIVAX . APVD . NOS  
 TVI . SEMPER . MEMORIA . MANEBIT  
**BARTHOLOMAEE PARENS**  
 MORTALIBVS . AT . EMERSVS . AERVMNIS  
 MODO . QVVM . IMMORTALEM  
 EXIGIS . SINE . SOLLICITVDINE . VITAM  
 PVRV . QVE . LV MEN . IN . PVRO . LV MINE . VIDES  
 AGE . DE . SANCTA BEATITATIS . SEDE  
 ECCLESIAM . TVTARE . QVAM . LIQVISTI  
 REBVS . QVE . NOSTRIS  
 EXCVBA . FORTIVS

OSSA . PATRIS

QVIESCITE . IAM

IN . MEDIO . NOSTRI

SOLAMEN . NOSTRVM

AT . TV . FELIX . TERRA

QVOD . FAVSTVM . SIT . NOBIS

TENE . DECVS . NOSTRVM

TENE . DEPOSITVM

KARI . PATRIS . OSSA

PARENTIS . OPTVMI  
FVNVS . CONDECORANT  
EGENI . VIDVAE . NVDI  
MALORVM . EXTREMVM  
PLORANTES  
EVM . SIBI . PRAEREPTVM  
CVIVS . CARITATE  
MALA . ADSVEVERANT  
TOLERARE

VIA  
1542502